

আদি ও অন্তিম

প্রবোধকুমার সাহা

মিত্রালয়

১০ শ্যামানবন স্ট্রীট কলিকতা

—তিন টাকা চার আনা—

রূপ যে সট্রীট হইতে গৌরীশঙ্কর ভট্টাচার্য্য কর্তৃক প্রকাশিত ও কাগজ
বন হইতে যোগেশচন্দ্র সরকার কর্তৃক প্রস্তুত।

লেখকের লেখা

—গল্প সংগ্রহ—

আদি ও অকৃত্রিম

অঙ্গার
অঙ্গরাগ
এই যুদ্ধ

চেনা ও জানা
বহুসঙ্গিনী
তরঙ্গ

পঞ্চতীর্থ

—ভ্রমণ বৃত্তান্ত—

মহাপ্রস্থানের পথে
দেশদেশান্তর
ভ্রমণ ও কাহিনী

পাঞ্জাব সীমান্তের পথে
অরণ্যপথ
ইতস্ততঃ

—উপন্যাস—

গ্রামলীর স্বপ্ন
জয়ন্ত
ঔকাবাকা
জীবন-মৃত্যু
কাজল-লতা
স্বাগতম্
সরল রেখা

নদ ও নদী
সায়াক
দেবীর দেশের মেয়ে
নববোধন
অগ্রগামী
ঝড়ের সঙ্কেত
বন্দী বিহঙ্গ
আলো আর আঁধার

—চিত্র—

আগ্নেয়গিরি

রঙীন স্তম্ভ

—ছোটদের—

শুকনো পাতা
সত্যি বলছি

আমার কথাটি ফুরোলো
ছরাশার ডাক

ওপারের দূত

—প্রবন্ধ—

মনে মনে
পাঠের জীবন পথ

দে

মে

মুখবন্ধ

“আদি ও অকৃত্রিম” বইটি নতুন, কিন্তু এর গল্পগুলি নতুন নয়। তারুণ্যের প্রথম পর্যায়ে যখন গল্পের উপাদান-বৈচিত্র্য নিয়ে পরীক্ষা বসেছি, সেইকালে অর্থাৎ কুড়ি বাইশ বছর আগে এগুলি লেখা গল্প সাজাবার কৌশল খুঁজেছি তখন, মৌলিকতার দিকে চোখ পড়েনি ফলে কোনো কোনো অগ্রবর্তী লেখকের নিঃশব্দ প্রভাব আমার মনে গল্লে এসে জড়িয়ে গেছে। মাটির উপরতলায় যে ইমারত দাঁড়িয়ে ওঠে, মাটির নীচে থাকে তার ভিত্তি রচনার মালমশলা। এই কাহিনীগুলি তারই অনুরূপ। তখনকার কালের ছোট বড় শিল্পিক পত্রের জঞ্জালে এগুলি চাপা পড়েছিল, এতকাল পরে শ্রীমান গোপাল সেনগুপ্ত উদ্ধার করে তুললেন। অক্ষম রচনাকে পুস্তকাকারে ধরায় অগৌরব নেই—কারণ এর সাহিত্য-মূল্য স্বল্প হ’লেও ঐতিহাসিক অথবা প্রত্নতাত্ত্বিক মূল্য কিছু মেলে। অন্তত, মনোযোগী পাঠক চিন্তে পারেন, পিছনের কতদূর পথ পেরিয়ে আজ কোথায় এসে পৌঁছেছে এই মনোভাব সব লেখকের পক্ষেই স্বাভাবিক।

চৈত্র, ১৩৫১

প্রবোধকুমার সা



আদি ও অকৃত্রিম

পুরাতন কথা

কতদিন হইতে যে সে-বাড়ী খালি পড়িয়া আছে তাহা কেহ জানে না, কখনও কেহ যে এই জীর্ণ আচ্ছাদনটির তলায় স্বপ্ন দুঃখের পসরা মাথায় করিয়া বাস করিয়াছিল তাহাও কেহ বলিতে পারে না। গ্রীষ্মের প্রখর দীপ্তি, বর্ষার প্লাবন, হেমন্তের হিম আবার বসন্তের দক্ষিণ হাওয়ার শিহরণে সেটা এখনও একেবারে ধসিয়া যায় নাই বটে তবে সম্মুখের ক্ষুদ্র পুরাতন জানালাহীন নীচ ঘরগুলোয়, ছাদের ভিত্তিতে প্রায় আধ হাত পরিমাণ ফাটল দরিয়াছে এবং তাহারই ফাঁকে রাজ্যের বাহুড় চামচিকা প্যাচা সকলেই বহুদিন হইতে আপন আপন কায়েদী বন্দোবস্ত করিয়া লইয়াছে। বাড়ীখানার সম্মুখে বিঘা-দুই পোড়ো জমি; তাহারই স্থানে স্থানে গোটা-কয়েক পত্রহীন শুক নারিকেল গাছ প্রাণহীন দেহ লইয়া কতদিন হইতে আকাশ পানে চাহিয়া দাঁড়াইয়া আছে। বাড়ীর পিছন দিকে একটা ডোবা, পানায় ভরা; তাহার অব্যবহার্য জলটুকুও কোন্ তলায় পড়িয়া আছে, বৃষ্টিতেও তাহার পরিমাণ বাড়াইতে পারে না, মাটিতে শুষিয়া লইলেই যেন বাচে।

জনহীন শুক পুরী দিবায় নিশায় খাঁ খাঁ করে; বিঁ বিঁ কাদে; শেয়ালরাও চার প্রহরে চারবার কঁাদিয়া ফিরিয়া যায়।

সেদিন সকাল-বেলায় কিন্তু পাড়ার দুই একজন লোক সবিস্ময়ে দেখিল, দুই তিনখানা জীর্ণ কাঁথা কাগিশটার উপর ঝুলিতেছে। একটি মেয়েকেও নাকি ঘুরিতে ফিরিতে দেখা গিয়াছে।

আদি ও অকৃত্রিম

কথাটা সত্যই। গত কাল সন্ধ্যাবেলা মনোরমা এখানে আসিয়াছে। সঙ্গে স্বামী মনুখ ও রুগ্ন আট বছরের মেয়েটা। এতটি কোথায় একটা গ্রামে মনুখের দূর সম্পর্কের এক বোম্বার্ড ছিলেন, কিন্তু ম্যালেরিয়ার মহামারীতে সেখানে আর বাস করা কিছুতেই চলিল না। আজ কয়দিন হইল মনোরমার কোলের একটি সেই রাক্ষস খাইয়া ফেলিয়াছে।

বিবাহের পর এই প্রথম মনোরমা স্বামীর ভিটায় পা দিল। সেই তের বছর বয়সের বউ—ঘোমটার ভিতর হইতে তাকাইতে যখন ভয় করিত, তখন হইতে এই বাড়ীর কথা সে শুনিয়া আসিতেছে। খুশুর শাশুড়ী, পিসতুত মাসতুত ননদ ইত্যাদিতে এ বাড়ীখানি সরগরম ছিল, কিন্তু আজ আর কেউ নাই। কেহ মরিয়াছে, কেহ শহরে রোজগারের উদ্দেশ্যে চলিয়া গিয়াছে, কেহ ম্যালেরিয়ায় এবং অজন্মায় গ্রাম ছাড়িয়া গিয়াছে। বাড়ীটির যৌবনবেলায় একটি প্রকাণ্ড পরিবার যে ইহাকে দলিত মথিত করিয়া জরাজীর্ণ অবস্থায় ত্যাগ করিয়া গিয়াছে তাহার অনেক চিহ্নই বর্তমান। উপরে উঠিবার সিঁড়িগুলি ক্ষয় হইয়া সমান হইয়া গিয়াছে, কুয়ার স্বমুখে চাতালটার শুধু চিহ্নই আছে আর কিছুই নাই। বড় দালানটার যেখানে বছর বছর দুর্গা পূজা হইত, তাহাতে এমনি তিনচারিটা ফাটল ধরিয়াছে যে তাহার ভিতর দিয়া ঘোষণা বাজানারীতলাটার সমস্তই দেখা যায়। এমনি আরও কত কি।

সকালবেলায় মনোরমা উঠিয়া ভাঙ্গা মাটির কলসীটা করিয়া ডোবা হইতে জল বহিয়া আনিয়া প্রায় আধখানা বাড়ী ধুইয়া ফেলিল। ঘরের ভিতর দালানের খাঁজে খাঁজে অশথ গাছের চারা ও নানারূপ গাছ-গাছড়া গজাইয়া ছিল, যতটা পারিল, সেগুলোকে তুলিয়া ফেলিয়া

পরীক্ষার করিল। বাছিয়া বাছিয়া যে ঘরটা শুইবার জন্ত তাহারা লইয়াছিল, তাহার উত্তর দিকের দেয়ালের উপরের কাণিশটা ধসিয়া গিয়া ছাদের একখানা বরগা ঝুলিতেছিল, তাহা কখন পড়ে; তারই তলায় একরাশি স্বরকি ও বালির চাপড়া জমা ছিল—সেগুলোকে সে তুলিয়া বাহিরে ফেলিয়া দিয়া আসিল। এইরূপে ধীরে ধীরে কোনও রূপে কায়ক্লেশে ঘরখানিকে সে বাসের উপযুক্ত করিয়া লইল।

তারপর স্নান সারিয়া যখন সে মাথা মুছিতেছিল, একটা লোক অশ্রুমনস্ক ভাবে একখানা দা লইয়া সটান ভিতরে চলিয়া আসিতেছিল। মনোরমা মাথার কাপড়টা টানিয়া দিয়া স্রুখে আসিয়া বিনয়কাতর কণ্ঠে বলিল, ‘দয়া ক’রে আপনারা আর বাকী জানালা ক’টা কেটে নেবেন না, সবই ত পুড়িয়ে ফেলেছেন—’

লোকটা খতমত থাইয়া গেল। জরাজীর্ণ গৃহখানির স্তব্ধ নির্জনতা অল্পমাত্র ভেদ করিতে পারিয়া নারী-কণ্ঠস্বর ভিজা তবলার মত ঢাব ঢাব করিয়া উঠিল। একটুমাত্র নীরব থাকিয়া লোকটা বলিল, ‘আমরা ত এখান থেকে রোজই কাঠ কেটে নিয়ে যাই কেউ বারণ করে না, তুমি কে গা বাছা?’

মনোরমা সহসা উত্তর দিতে পারিল না, লোকটি পুনরায় বলিল, —তোমরা কি এখানে থাকতে এলে?

—হ্যাঁ, কতদিন আর খালি পড়ে থাকবে, তাই এবার থাকতেই এলুম, কিন্তু আপনারা দয়া করে আর গরীবের কুঁড়েটুকুর বাধনগুলি কেটে নিয়ে যাবেন না, যদি কোনও দরকার থাকে ত শুধু হাতেই বাবুর সঙ্গে দেখা করতে আসবেন,—শেষের কথাগুলি সে জোর দিয়াই বলিয়া গেল।

লোকটি অবাক, তবুও একটু বিশ্বয়ের ভান করিয়া বলিল,—একি তোমাদেরই বাড়ী ?

—হ্যাঁ ।

—তবে এতদিন ছিলে কোথায় বাড়ী খালি রেখে ?

—যাক্‌গে—সে আলোচনা পরেও হ'তে পারবে, আপনি এখন আসুন গে যান্ ; বলিয়া সে তাড়াতাড়ি চলিয়া যাইতেছিল, পিছন হইতে রুগ্ন মেয়েটা ওয়াক্ ওয়াক্ করিতে করিতে স্তম্ভে আসিয়া পড়িয়া অনর্গল বসি করিতে লাগিল ।

লোকটি আর কিছু না বলিয়া বাহির হইয়া গেল ।

জল আনিয়া তাড়াতাড়ি-মনোরমা মেয়েটার মুখে চোখে দিতে লাগিল । কতকটা সুস্থ হইলে দেয়ালে হেলান দিয়া মেয়েটা বসিয়া রহিল । ম্যালেরিয়ায় তাহার চেহারা বীভৎস হইয়া উঠিয়াছে, মাথায় স্বল্প চুলের ছুড়িটা বহুদিন তেলজল না পড়িয়া একেবারে বিবর্ণ হইয়া গিয়াছে, চোখের কোণের হাড় দুইটা খোঁচার মত ভিতর হইতে ঠেলিয়া উঠিয়াছে, চোখ দুইটা তত পরিমাণেই ভিতরে ঢুকিয়া গিয়াছে,—ঠাহর না করিলে আর দেখা যায় না । ময়লা দাঁত দুপাটি অধরোষ্ঠকে ঠেলিয়া বাহির হইয়া পড়িয়াছে । কঙ্কালসার দেহটার রং হইয়া গিয়াছে হলদে মত, তাহার উপর মাঝে মাঝে এক পরদা পুরু ময়লা পড়িয়াছে । কে বলিবে এ মায়ের এ মেয়ে । ঘরের ভিতর হইতে বিকৃত কণ্ঠে মন্থ ডাকিলেন, শুনচ ?

—দাঁড়াও যাচ্ছি,—বলিয়া মনোরমা দালানের এক কোণ হইতে এক বাটি সাগু সিদ্ধ আনিয়া বলিল, অনেকক্ষণ খামনি একটু খেয়ে ফেল বিম্বলি—

পুরানো কথা

বিমলা নাকে কাঁদিয়া উঠিল। ক্ষীণ কণ্ঠে বলিল, না খাব না, ফেলে দাওগে—বলিয়া সে পিছন ফিরিয়া বসিল।

ম্যালেরিয়া রোগী বিষ খাইতে চায়, কিন্তু সাগু খাইতে চায় না। স্বতরাং কাছে বসিয়া তাহার পিঠে হাত বুলাইয়া মনোরমা বলিল, —খেয়ে ফেল' লক্ষ্মী মা আমার, আর কিছু ত নেই!

মেয়ে তেমনি ভাবেই বলিল, রোজ সাবু, রোজ সাবু, যখন তখন সাবু, দুটি ভাত দিতে পার না কেন? বলিয়া অশ্রুসজ্জল চক্ষে মায়ের পানে একবার চাহিয়া কম্পিত ক্ষীণ হস্তে বাটিটা লইয়া একটু একটু করিয়া খাইতে লাগিল।

মেয়ের তিরস্কারে মনোরমা চুপ করিয়া রহিল। তাহারই পেটের এমন একটা কুহকী সন্তান শেষ নিঃশ্বাসটি ফেলিবার পূর্বে মরণার্ন্ত দৃষ্টিতে চাহিয়া একদিন বলিয়াছিল—দুটি ভাত দিতে পার না কেন?—কিন্তু সে দুটি ভাত দিতে পারে নাই এবং তাহার দারিদ্র্য-নিপীড়িত মাতৃহৃদয়ের যে অব্যক্ত মর্মান্তিক জ্বালা সেদিন মরণোন্মুখ সন্তানের তিরস্কারে চুপ করিয়া গিয়াছিল, আজ তাহার চক্ষের স্মৃখে যেন সেই ভয়ঙ্করী নিশীথিনীটি মূর্ত হইয়া জলজল করিয়া উঠিল।

মন্মথ ভিতর হইতে পুনরায় ডাকিলেন, শুনতে পাচ্ছ না, কানের মাথা খেলে?

—যাই, বলিয়া ধড়মর করিয়া উঠিয়া চক্ষের জলের ফোঁটা দুইটা তাড়াতাড়ি মুছিয়া ফেলিয়া সে ভিতরে গিয়া দেখিল, মন্মথ চোখ বুজিয়া পড়িয়া রহিয়াছেন, ঠোঁটের কস্ বহিয়া রক্তের ধারাটি পড়িয়া জীর্ণ কাঁথাখানি ভিজিয়া গিয়াছে। এ আজ নূতন নয়, প্রায় ছয় সাত বছর হইল মন্মথ ইপানিতে ভুগিতেছেন। আগে কাশির সঙ্গে সর্দি উঠিত,

আদি ও অকৃত্রিম

আজকাল রক্ত উঠে । আগে তিনি নিজেই নিজের সেবা করিতেন, আজকাল আর পারেন না, হাত পা অসাড় হইয়া গিয়াছে ।

তাড়াতাড়ি মুখখানি মুছাইয়া দিয়া মনোরমা আস্তে আস্তে আঁচল দিয়া মাছি তাড়াইতে লাগিল । মন্থ ক্ষীণ কণ্ঠে বলিলেন, সেই বড়ি আছে একটা দাও, নইলে কম পড়বে না । মনোরমা ধীরে ধীরে উঠিয়া কুলুঙ্গীর উপর হইতে একটি কাপড়ের পুঁটলি খুলিয়া কাগজের কোটা করা কতকগুলো বড়ি হইতে একটি বাহির করিয়া আনিল । কোলের ছেলেটা যখন মরে, তারই গলার শেষ সোনার মাছুলিটি বেচিয়া এই হাঁপানির ঔষধটি সে স্বামীর জন্ত কিনিয়া দিয়া ছিল । এমন হইলেও পূর্বে তাহাদের অবস্থা ভালই ছিল । মন্থ কোথায় রেলে বহুদিন চাকরী করিতেন । তাঁহার প্রথম পক্ষের বধুটি একটি ছেলে রাখিয়া মারা যায় । ছেলেটি মামার বাড়ীতে থাকিয়া বড় হয়, ওদিকে ছন্নছাড়া পিতা মদ খাইয়া যথেষ্টাচার করিতে শুরু করেন । ছেলে অনেকদিন এইরূপ সহ্য করিয়া বাপের সঙ্গে ঝগড়া করে, ফলে বাপ তাহাকে ‘ত্যজ্য পুত্র’ করিয়া তাড়াইয়া দেন । কিছুদিন পরে দূরসম্পর্কীয় বোনের অহুরোধে মন্থ দ্বিতীয় পক্ষে মনোরমাকে বিবাহ করেন । পরে মনোরমা শুনিয়াছিল, তাহার সতীনপোটি শহরে কোন একটি ঠিকানায় থাকিয়া আফিসে চাকরী করিতেছে ।

দ্বিতীয় পক্ষের স্ত্রীর বাধা না মানিয়া মন্থ দিন দিন মদের পরিমাণ বাড়াইয়া দিলেন । শেষে পরিমাণ—‘পরিণামে’ দাঁড়াইল । হাঁপানি হইল । কবিরাজ বলিয়াছে, বেশী বয়সের অস্থখ, এ আর সারবে না—

বড়ি খাওয়াইয়া মনোরমা বলিল, এবেলা খাবে কি ?

কণ্ঠে ঘাড় তুলিয়া মন্থ বলিলেন, খাবার কিছু জোগাড় আছে বুঝি ?

পুরানো কথা

—না নেই কিছু, কিন্তু খাওয়া ত দরকার ?

—খাওয়া দরকার ? হ্যাঁ যে ক'টি চিঁড়ে ছিল তা আমি খেয়েছি, সাবুটুকুও বাপ বেটিতে খেয়েছি,—কিন্তু তুমি দুদিন কিছু খাওনি—
খাওয়া দরকার এখন তোমারই—

মনোরমা বলিল, আমি দুদিন খাইনি, আমি মেয়েমানুষ, আমার এতখানি শরীর, অস্থখের চিহ্নটি নেই—

—অস্থখ থাকলেই ত ক্ষিধে থাকে না, কিন্তু স্বস্থ শরীরেই যে খাওয়ার দরকারটি বেশী—বলিয়া মৃদু হাসিতে গিয়াই ভিতর হইতে একটা ভীষণ কাশির বেগে তিনি হাঁ করিয়া উঠিলেন। মনোরমা চলিয়া যাইতে-
ছিল, তাড়াতাড়ি আসিয়া স্বামীর বুকের দুইটা পাশ শক্ত করিয়া জাপটাইয়া ধরিল, পাছে কাশির চাড়ে কঙ্কালসার দেহের হাড় পাজরা-
গুলি পাতলা মাংস ফুঁড়িয়া বাহির হইয়া পড়ে। একটানে দশবার কি পনেরবার কাশিয়া তবে একটু স্বস্থ হইলে মনোরমা আন্তে আন্তে বাহিরে আসিল।

সাপ্তর বাটিতে চুমুক দিতে দিতে বিমলা কখন যে বমি করিয়া ভাসাইয়াছে তাহা সে জানিতে পারে নাই। আসিয়া দেখে সে দেয়ালে হেলান দিয়া ঝিমাইতেছে, অস্থখের কাপড়টা বমিতে ভাসিয়া গিয়াছে। তাহাকে স্বস্থ করিয়া ঘরে শোয়াইয়া দিয়া সে বাহিরে আসিয়া বসিয়া পড়িল।

এমন করিয়া আর কতদিন চলিবে! মেয়েটার এই মরণাপন্ন অবস্থা, মন্থখরও তাই—যেদিন যায় সেই দিনই ভাল। রেলের পুরাতন কর্মচারী বলিয়া মন্থখ কিছু মাসহারা পাইতেন, কিন্তু এমাসের প্রথমেই

নানারূপে তাহা খরচ হইয়া গিয়াছে। ঠিকানা সন্ধান করিয়া মনোরমা সতীনপোকে একখানি চিঠি লিখিয়াছিল কিন্তু উত্তর আসে নাই।

বুকভাঙ্গা একটা দীর্ঘশ্বাস তপ্ত ঘূর্ণীবায়ুর মত তাহার বুক চিরিয়া বাহির হইয়া গেল। স্নমুখের খিড়কী দরজার নিকটে একটা তাল-গাছের পাতায় বাতাস লাগিয়া সিরসির করিতেছিল। তাহারই তলায় যে ঘরটায় তাহার শাশুড়ী থাকিতেন সেটার ছাদ ধসিয়া গিয়াছে, ভিতরের সেই স্তূপীকৃত আবর্জনারাশির পাশে একটা কালো বিড়াল কাঁদিয়া বেড়াইতেছিল। তৃণায় মনোরমার বুক ফাটিয়া যাইতেছিল। একটা নিঃশ্বাস ফেলিয়া উঠিয়া গিয়া সে ডোবায় নামিয়া অঞ্জলি ভরিয়া খানিক জল খাইল, এবং আন্তে আন্তে মুখে ও মাথায় জলের হাত বুলাইতে লাগিল।

২

পড়ো বাড়ীটায় লোক আসিয়াছে এটা যখন সে অঞ্চলে রাষ্ট্র হইয়া গেল, তখন এ খবরটি সাক্ষ্যসমিতিতে পৌছাইতে একটুও বিলম্ব হইল না। পাড়ার কতকগুলি যুবক লইয়া বছরখানেক পূর্বে এই সাক্ষ্যসমিতি ভূমিষ্ঠ হয়। খগেনবাবু এর হর্তাকর্তা। চাল, পয়সা বাহা কিছু লোকের নিকট হইতে আদায় হয় সবই তাঁর বাড়ীতে গিয়া জমে। তাঁহার দুইটি ছেলে বেকার বসিয়াছিল, সমিতির চাঁদা আদায় করিয়া দেয় বলিয়া তিনি তাঁহাদের কিছু কিছু হাতখরচ দেন। চালগুলি গরীব হুঃখীদের ভিতর বিলি হয় কিনা এ খবর কেহ রাখেনা। কিছুদিন হইতে মহাত্মা গান্ধীর আদর্শে এখানে চার পাঁচটি চরকাও বসিয়াছে। চাঁদার পয়সা হইতে চরকা ও তূলা কেনা হয়; শুধু তাই নয়, গোটা কয়েক বেকার ছেলেদের মধ্যে প্রতিযোগিতার হজুক

পুরানো কথা

লাগাইয়া দেওয়া হইয়াছে। তাহারা যা স্মৃতি কাটে তাহাই তাঁতীর বাড়ী বুলাইয়া লইয়া খগেনবাবুর পরিবারের কাপড়ের খরচ বাঁচিয়া যায়।

আজ সন্ধ্যাবেলা এখানে প্রবল তাসের আড্ডা বসিয়াছিল, রোজ্জই বসে। মাঝে মাঝে ইহাদের সহর্ষ এবং সক্রোধ চীৎকার অনেক দূর অবধি শুনা যাইতেছিল। আশু ছেলেটা একটু ভালমানুষ, সরকারী হিসাবের আফিসে সে চাকরী করে। তাহাদের ডাকিয়া সে বলিল, ওহে রান্তির হ'ল, তাসগুলো না ছিঁড়ে কি উঠবে না? তাহার কথা কেহ শুনিল না, শেষে সে আস্তে আস্তে হরিদাসের পকেট হইতে দুইটি বিড়ি তুলিয়া লইয়া একটি ধরাইল, আর একটি রাখিয়া দিল, রাত্রে দরকার লাগিবে। পরে বিড়ি টানিতে টানিতে বলিল, ওহে জমিদার, মাইনে পেতে এখনও দেরি আছে, একটা টাকা ধার দাও-না—

জমিদার ওরফে মহিম মুখ ফিরাইয়া বলিল, টাকা কি হবে, ডেলি প্যাসেঞ্জারের টিকিট ত কেনাই আছে—

—তা বললে কি হয়, টিফিনের সময় পেটের ভেতরটা যে জ্বলেপুড়ে যায়, না খাই এক পয়সার সরবৎ না খাই এক খিলি পান। আজ চারদিন ধরে পানউলি মাগির স্মৃতি দিয়ে নাকে ক্রমাল বেঁধে আনাগোনা করছি, ধরতে পারলে চুণখয়ের মাথিয়ে ছেড়ে দেবে—দাও, দাও একটা টাকা, জমিদার মানুষ তোমরা, রাজা লোক,—টাকা একটা ছাড়—

মহিম মুখ হাসিয়া বলিল, কেন, বাড়ী থেকে তুই হাতখরচ পাসনে?

—হাঁ, হাতখরচ! আটতিরিশটি টাকা মাইনে পাই, তার মধ্যে তিন টাকা যায় মান্থলি টিকিটে, তারপর মাসকাবারি দেনা শোধ করে যখন বাড়ী যাই, তখন হাতে থাকে আড়াই টাকা—তারপর বাড়ীতে সারা মাসের খরচ, বল ত চাঁদ,—কোথেকে হাতখরচ পাব?

আদি ও অকৃত্রিম

ওধারে এতক্ষণ মুহুমূহু গর্জন উঠিতেছিল, এক ছক্কা খাইতে দুইটি খেলোয়াড়ের মধ্যে বচসা শুরু হইয়াছিল। খানিক পরে গোল একটু খামিলে হরিদাস ধীরে স্বস্থে একটা বিড়ি ধরাইয়া বলিল, ওহে জমিদার, তোমার টাঁদা কই? সাতমাস হ'ল যে,—

মহিম হাসি টানিয়া আনিয়া বলিল, হাতে এখন পয়সা নেই ভাই, সত্যি বলছি।

তুমি জমিদার, তোমার হাতে পয়সা নেই? এ হাতে পারে না!

বলাই ছেলেটা ঠোঁটকাটা, সে মুচ্‌কি হাসিয়া বলিল, বড়লোকের পয়সা না থাকা আজকাল ফ্যাশন—

খগেনবাবু প্রবেশ করিলেন। হঠাৎ কিসে কি হইয়া গেল। সকলের হাতের জলন্ত বিড়িগুলো চট করিয়া হাতের চেটোর আড়ালে চলিয়া গেল। খগেনবাবুর বড়ছেলে ঘোঁতা এতক্ষণ অত্যন্ত আরামে বিড়িতে টান দিতেছিল, একমুখ ধোঁয়া লইয়া সে আর ছাড়িতে পারিল না; চোখমুখ রক্তবর্ণ করিয়া হঠাৎ জানলার ধারে উঠিয়া গেল। ছোট ছেলে প্যাতাই মাছরের উপর তবলার বোল ফুটাইতেছিল, হঠাৎ একখানা হিসাবের খাতা টানিয়া উল্টা দিকেই পড়িতে লাগিয়া গেল। কৈলাস অনেকক্ষণ হইতে উবুড় হইয়া শুইয়া দেয়ালের দিকে মুখ ফিরাইয়া চোখ বুজিয়া 'মোটি মোটি লিটিয়া' গান ধরিয়াছিল, খগেনবাবুর সাড়া পাইয়া ঝপ করিয়া তাহার গান খামিয়া গেল ও সঙ্গে সঙ্গে তীরবেগে উঠিয়া—বলিল, বাইরে থেকে আসি—বলিয়াই বাহির হইয়া গেল।

খগেনবাবু তাহার পথের দিকে দেখাইয়া বলিলেন, ওর টাঁদা বাকি আছে বুঝি?

পুরানো কথা

হরিদাস বলিল, কৈলাসের ? হ্যাঁ, তিন মাসের বাকি—

খগেনবাবু মুখ রক্তবর্ণ করিয়া বললেন, ছিঃ তোমরা ভদ্রলোকের ছেলে, কথার ঠিক রাখতে পার না। আর খাতা খুলে দেখ আমাদের দীর্ঘমুচির বস্তির মেসারদের রেগুলারিটি—তারা এক মাসের আগাম দিয়ে রাখে,—মহিম, তুমিও দাওনি ত ?

—হু' এক দিনের মধ্যে দিয়ে দেবো—

বলাই বলিল, আপনারও দু মাসের বাকি খুড়োমশাই—

—ওঃ হ্যাঁ-হ্যাঁ, গেল কাল দেবার কথা ছিল বটে, আর পাঁচ ঝগাটে কি মনে থাকে বাপু ? আচ্ছা চাঁদার কথা থাক্, ওরে ও রহিম, ছোঁড়া গেল কোথায় ? এক ছিলিম তামাক দে হতভাগা—

প্যাতাই বাপের মুখের দিকে চাহিয়াছিল, হঠাৎ বলিল, কালই বা দেবে কোথেকে বাবা ? পয়সার জন্তে ত কাল—

—আঃ আমি দেখি, ছোঁড়া কোথায় গেল, বলিয়া বাহিরে আসিয়া খগেনবাবু বলিতে লাগিলেন, এই যে এখানে শুয়ে ঘুমুচ্ছে, বেটা কেবল দিন রাত পড়ে পড়ে ঘুমুবে, তামাক সাজ হতভাগা। বলিয়া পুনরায় ভিতরে আসিয়া বলিলেন, এই প্যাতাই, ওরে ওই ঘোঁতা, চুলচিস্—যা বাড়ী যা—দিন রাত ইয়ারকি মারবে—কাল থেকে প্যাতাই আর ক্লাবে আসবিনে, না পড়া নাঃশুনো—যা বেরো। তাহারা বাহির হইয়া গেল।

হিন্দু মুসলমান ঐক্যের জন্ত খগেনবাবু রহিমকে এখানকার চাকর রাখিয়াছেন। বছর ষোল তার বয়স, সে 'ক্লাব ক্লম' প্রত্যহ পরিষ্কার করে, আলো জ্বালে, তামাক সাজে। দিনের বেলা খগেনবাবুর বাড়ীতে থায়, রাত্রিতে এখানে পড়িয়া থাকে। মাহিনা মাসে এক টাকা। তাহার সমস্ত খরচ, কাপড়-চোপড় বাদ—সমিতি বহন করে, কিন্তু

তাহার মাহিনার টাকাটি খগেনবাবুর নিকট জমিয়া বোধ করি, এতদিন
বিশ টাকায় দাঁড়াইয়াছে। মাহিনা চাহিলেই খগেনবাবু বলেন, কি চাই
বল না, কিনে এনে দেবো—। সে কিছু বলে না, হাসিয়া সরিয়া যায়।

রহিম আসিয়া তামাক সাজিতে বসিয়া গেল। খগেনবাবু একবার
কাশিয়া লইয়া বলিলেন, পোড়ো বাড়ীটায় লোক এসেছে শুনেছ ত ?

সকলে বলিল, আজ্ঞে ই্যা—মহিম দেখে এসেছে—

—শুধু তাই নয়, শোন বলি, আমি কাল সকালে ও বাড়ীতে কেউ
নেই বলেই ঢুকছিলুম, একটা সোন্দরপানা মেয়ে আমায় অপমান
করে তাড়িয়ে দিলে—

‘সোন্দরপনা’ মেয়েটিকে মহিম চকিতের স্থায় দেখিতে পাইয়া-
ছিল, তাই সবিস্ময়ে বলিল, আপনি গিছিলেন কেন, খুড়োমশাই ?

—কেন, লোক বেড়াতে যায় না ?

হরিদাস কহিল, ওদের সমিতির ‘মেম্বর’ করে নিলে হয় না ?

খগেনবাবু উৎসাহিত হইয়া বলিলেন, সেই জন্তই ত গিছলুম,
আমার পোড়া কপাল। ওরে ও রহিম, তুই কাল যাবি—

রহিম মুখ ফিরাইল।

—গিয়ে বলবি, এ গ্রামে থাকতে হ’লে সমিতির মেম্বর হতে হবে
—গরীব বলে ছেড়ে দেওয়া হবে না—বুঝিলি ?

রহিম তামাকের হুঁকাটা হাতে দিয়া বলিল, সে কি কথা কর্তা,
তারা যে বড় গরীব—

হুঁকায় একটা টান দিয়া খগেনবাবু চক্ষু পাকাইয়া বলিলেন, তুই
খান হুতভাণা, ছোট মুখে বড় কথা, ফোপল দালালি করলে তাড়িয়ে
দেবো—

পুরানো কথা

মহিম আস্তে আস্তে বলিল, তারা গরীব, তুই কি করে জান্নি ?

রহিম উৎসাহ পাইয়া বলিল, তারা খুব গরীব জমিদারবাবু, খেতেও পায় না, আমি যে তেনাদের বাড়ী আজ গিচ্ছলুম—

—কেন গিচ্ছলি ?

—হোই সেথায় পুকুর ধারে বসে ‘সেই দিদি’ কাঁদছিল, আমি যেতেই বলে, মেয়ের ম্যালোয়ারি হইছে ; আমার চাচা দাবাই জানে কিনা, তাই দিয়ে এলু।—সকলে নীরব। খগেনবাবু মুখে একটা শব্দ করিয়া বলিলেন, বেটা দাতাকর্ণ এসেছে। রহিম আর কিছু বলিল না, বাহিরে আসিয়া চূপ করিয়া বসিয়া রহিল। উপরে আকাশটা তারায় ছাইয়া গিয়াছে, তাহাদেরই গায়ে কৃষ্ণ পক্ষের চাঁদের একটু ঘোলাটে আভা পড়িয়াছে। সম্মুখে ঐ ঝাটটার ওপাশে কয়েকটা দেবদারু গাছ বাতাসের দোলনায় অন্ধকারের অস্পষ্টতায় ধীরে ধীরে মাথা নাড়িতেছিল। রহিম মেটে দেয়ালটায় হেলান দিয়া তন্দ্রালু দৃষ্টিতে বসিয়া রহিল। মানব-লোকের চিরন্তন অভাবের বাথাতুর হাসিটুকু তাহার মুখে লাগিয়াই রহিল।

কতক্ষণ বাদে গায়ে একটা আঙ্গুলের টিপ পড়িতেই সে চমকিয়া উঠিল, মুখ তুলিয়া বলিল, কে জমিদারবাবু—কি বলচ ?

মহিম বলিল, তুই এখানে বসে আছিস, কেউ দেখতে পায়নি, রাত হয়েছে, সকলে দোরে চাৰি দিয়ে গেছে—

—তুমি যাওনি ?

—না, বলিয়া রহিম একটু থামিল। সম্মুখে চাহিয়া দেখিল, নিকটে দূরে কেহ নাই, অন্ধকার রাত্রিতে ঝিল্লীর আর্ন্তনাদ ভেদ করিয়া চুবুড়ি-পোতার চটকল হইতে ঘড়ির অস্পষ্ট ঢং ঢং শব্দ কাঁপিয়া কাঁপিয়া

আদি ও অন্তিম

বাজিতেছিল। মহিম সেই দিকে একবার চাহিয়া চট করিয়া বলিল,
—তুই আর যাবিনে সেখানে, রহিম ?

—কোথায় বাবু ?

—সেই তোর দিদির বাড়ী ?

—ওঃ হ্যা—কাল আবার যাব দাদাবাবু—

—আজই চলনা, হয়ত তারা উপোস করে আছে, চল রহিম, তোর
পুণ্য হবে—

রহিম আবার তেমনি করিয়া হাসিল, বলিল, তা উপোস করেই
আছে বাবু—তারা কিছু খেতে পায়নি—কিন্তু এই রাতে গিয়ে কি
করতি পারব বাবু তাই ভাবচি—

—তা হক চল না দেখি—তুই বলবি তাদের আবার অসুখ, গরীব
লোকের অসুখ হলে, খেতে না পেলে কি দেখা উচিত নয়, রহিম ?

রহিম মুদু হাসিয়া বলিল, চল যাই—উঃ কি মশা এখানে বাবু, এই
পচা খানা, নর্দমা পাকে ভর্তি হয়ে রয়েছে—বলিয়া নিজের হাত পা
চুলকাইতে চুলকাইতে উঠিয়া দাঁড়াইল।

—আমার গায়ের চাদরটা নিবি ?—একটু একটু শীত পড়েছে—

—নাঃ, মশায় যে কামড় দিয়েছে, গায়ে জ্বালা ধরে গেছে—বলিয়া
শুধু গায়েই সে চলিতে লাগিল।

ভিতরে ঢুকিতে বাধা নাই। বড় দেউড়ীর পাশ্চাত্য দুইটা কবে কে
খুলিয়া লইয়া গিয়াছে। সন্ধ্যা দিকে মহিমের কিছুই নজর পড়িল না,
কেবল একটা শেয়াল অন্ধকারে আসিয়া যে দরজাটার ফাঁক দিয়া
আলোর রেখা দেখা যাইতেছিল, সেইখানে এদিকে ওদিকে উকি
মারিতেছিল, ইহাদের দেখিয়া পলাইয়া গেল।

পুরানো কথা

রহিম সেইদিকে আঙ্গুল দেখাইয়া বলিল, ওই ঘরে দিদি আছে, ডাকব বাবু ?

মহিম খতমত খাইয়া গেল। তাহার বৃকের ভিতরটা টিপটিপ করিতেছিল। ভয়ে নয়, মালুমের একটা স্বাভাবিক দুর্বলতায়। সে যে ঠিক এই অন্ধকার রাত্রে অসময়ে পরের মাহায্য করিবে বলিয়া ছুটিয়া আসিয়াছে তাহাই ভাবিয়া একটা আত্ম-অবিশ্বাসের অজ্ঞাত শিহরণে থমকাইয়া দাঁড়াইল।

রহিম তাহার মুখের অবস্থা অন্ধকারে লক্ষ্য করিতে পারিল না, পুনরায় বলিল, বাবু ডাকব ? কিন্তু ডাকিতে হইল না। বন্ধ দরজাটি খুঁট করিয়া খুলিয়া গেল। একটি মিটমিটে কেরোসিনের ডিবে ও একহাতে একখানা ময়লা কাঁথা লইয়া মনোরমা বাহির হইতেছিল। রহিম সেইখান হইতে ডাকিল, দিদি ?

—কে রে—বলিয়া মনোরমা কাঁথাখানা ফেলিয়া আলোটা তুলিয়া ধরিল। মহিম স্পষ্ট দেখিল দুইটি চোখে জলের ধারা চকচক করিতেছে। কাল একবার সে ইহাকে দেখিয়াছিল, আজ ভাল করিয়া দেখিল, মুখখানি মাধুর্যময়, বয়স আন্দাজ তেইশ কি চক্কিশ হইবে।

—আমি, বলিয়া রহিম অগ্রসর হইয়া গেল।

গাঢ়স্বরে মনোরমা বলিল, এত রাতে আবার কেন এসেছ ভাই, বলিয়া হাত দিয়া চোখের জলটা মুছিয়া বলিল, তোমার জামাইবাবুকে বোধ হয় আর বাঁচাতে পারলুম না রহিম—বুলিতে বুলিতে সে আবার ফুঁপাইয়া কাঁদিয়া উঠিল।

রহিম তাড়াতাড়ি বলিল, আমার সঙ্গে ইনি এসেছেন দিদি—ডাক্তার আনবেন কি ? এঁরা খুব বড় লোক, পয়সা নেবেন না—

—কে এসেছেন ? বলিয়া বিস্মিতভাবে মনোরমা মাথার কাপড়টা ঈষৎ টানিয়া দিল ।

মহিম এইবার সরিয়া আসিয়া বলিল, আপনি রুগী নিয়ে দুদিন রয়েছেন, আমাদের খবর দেননি কেন, আমরা ডাক্তার পাঠিয়ে দিতুম—

মাথা নীচু করিয়া মনোরমা বলিল, আমরা ত আপনাদের চিনিনি, আপনারাও চেনেন না, স্ততরাং—

মহিম বলিল, কিন্তু বিপদের সময় চিনিনি বলে অভিমান করা ত সাজে না, মানুষের ওপর মানুষের চিরকালের দাবীটুকু ত আছে । শোন্ রহিম—তুই চট করে আমাদের বাড়ী গিয়ে সতীশ ডাক্তারকে ডেকে নিয়ে আয়, বারটা বাজেনি—এখনও আমাদের বৈঠকখানায় তিনি বসে আছেন—যা । রহিম ঘাড় নাড়িয়া দ্রুত পদে চলিয়া গেল ।

মহিম একটু থামিয়া বলিল, আপনারা কোথায় ছিলেন ?

—বহরমপুরের একটা গ্রামে—

—ওঃ পাগলার দেশ—ম্যালেরিয়ার আড্ডা, আপনার স্বামীর ম্যালেরিয়া ত ?

—না, ইঁপানি, ম্যালেরিয়ায় আমার মেয়েটি ভুগছে—

—আপনার মেয়ে ! ওঃ তা ডাক্তার সারিয়ে দেবে—চলুন আপনার রুগীদের দেখি—বলিয়া অলক্ষ্যে একবার তাহার দিকে চাহিয়া মাথা নীচু করিয়া মহিম ঘরের ভিতর ঢুকিল ।

চক্ষুর অশ্রু আর বাধা মানিল না, ভিতর হইতে সে যেন উদ্বেল হইয়া উঠিল । রোগী মরিতে বসিয়াছে সে ত বটেই, কিন্তু আজ বিশ্বের সমস্ত করুণাটুকু হাতে করিয়া এক অনাখিনীকে যে এই যুবকটি ঘোর নিশারাতে কেবল শুধু সাহায্য করিতেই ছুটিয়া আসিয়াছে,

পুরানো কথা

ইহারই জন্তে মনে মনে মনোরমা বারংবার ঈশ্বরকে প্রণাম করিল এবং অপলক দৃষ্টিতে একবার যুবকটির মুখের দিকে চাহিয়া দেখিয়া বুঝিল, ইহারা তাহাদেরই একজন, যারা চিরদিন গরীব দুঃখীদের আলেয়ার আলো দেখাইতে পারে।

একখানা ছেঁড়া মাদুরের উপর, ততোধিক জীর্ণ একখানি কাঁথাতে মন্মথ শুইয়া টানিয়া নিশ্বাস লইতেছিল। মহিম তাহারই এক পাশে গিয়া রসিল। ঘরের আসবাবের মধ্যে একটা টিনের বাঁক, দুই তিনটা বোতল, একটা লাঠি, একটা পোড়া কলাইয়ের বাটি, আর কিছু নাই। ওধারে একখানা ময়লা লেপের উপর বিমলা চোখ বুজিয়া দেয়ালের দিকে মুখ করিয়া শুইয়াছিল। কেরোসিনের ডিবের শিস্ উঠিয়া এবং ভিজা মাটির দুর্গন্ধে ঘরটা পরিপূর্ণ হইয়া উঠিয়াছে।

চুপ করিয়া থাকা যায় না। মহিম বলিল, আপনাদের রান্নাবাড়াও হচ্ছে না বোধ হয় ?

—হয়েছে, ওই রহিম কোথেকে পয়সা দিয়ে চাল ডাল এনে দিয়েছিল—ছেলেটি বড় ভাল, মুসমান বলেই সেই জন্তে—। আমার অভাবের ব্যথা রহিমই প্রথমে বুঝেছিল। কাল একটা লোক এসেছিলেন, কিন্তু তিনি—

মহিম বলিল, ইঁা—তিনি আমাদের সমিতির খগেনবাবু, তাঁকে নাকি আপনি অপমান করেচেন ?

আমি ? বলিয়া কাতর স্নান চক্ষু দুটি মনোরমা মহিমের দিকে তুলিয়া ধরিয়া বলিল, আমার এই অবস্থায় লোককে অপমান করেছি ?

মহিম সেই দৃষ্টিতে ব্যথা পাইল। সলজ্জ ভাবে তাহার মুখের দিকে চাহিয়া ক্ষীণ হাসিয়া বলিল, স্বার্থপর লোকের স্বার্থে আঘাত

আদি ও অকৃত্রিম

লাগলে হয়ত অপমানই বোধ করে, তা করুক ; কিন্তু আপনি ত জ্ঞানেন চোখ-ফুটিয়ে দেওয়াটাই অপমান করা নয় !

বাহিরে রহিম ডাকিল, দিদি, ডাক্তারবাবু এসেছেন—

এইটুকু আমার সান্ত্বনা—বলিয়া মনোরমা আলোটা লইয়া তাড়া-তাড়ি বাহিরে আসিল ।

ডাক্তার আসিয়া রোগী পরীক্ষা করিতে লাগিলেন ।

মহিম বলিল, কি রকম দেখেচেন, সতীশবাবু ?

খুব বেড়ে গেছে,—

মনোরমা বলিল, আজ বিকেল থেকে আর সহ্য করতে পাচ্ছেন না, দয়া করে একটু ভাল ওষুধ দেবেন—

মহিম বলিল, ভাল ওষুধই দেবেন, ফেননা আপনার আর্থিক অবস্থা ভাল হলে উনি নিশ্চয় রোগী হাতে রেখে চিকিৎসা করতেন—

বিমলাকে একবার নাড়াচাড়া করিয়া ডাক্তার বলিলেন, এ ত ম্যালেরিয়া দেখতে পাচ্ছি—বলিয়া মহিমকে সঙ্গে লইয়া বাহিরে আসিলে মহিম বলিল, রোগটা হাঁপানি ত ?

ই্যা, কিন্তু অবস্থা বড় স্তব্ধ নয়,—

মনোরমা আলো হাতে করিয়া দাঁড়াইয়াছিল । মহিম বলিল, আজকে বিশেষ ভয়ের কারণ নেই, আপনি রোগীর কাছে বসুনগে—

ওষুধ দেবেন না ?

না, আজ ওষুধের দরকার নেই, কাল ওষুধ নিয়ে আমি নিজেই আসব—বলিয়া মহিম এক পা গিয়া আবার ফিরিয়া আসিয়া বলিল, আর যা যা দরকার, আমি কাল পাঠিয়ে দেবো—আর রহিম, তুই এখানে থাক—বলিয়া সে বাহির হইয়া গেল ।

পুরানো কথা

অর্দ্ধচেতন দেহে মনোরমা বলিল, ঘরের ভেতরে এস ভাই রহিম—
ডাক্তার কি বললেন ?

সেরে যাবে বললে দিদি—বলিয়া রহিম আস্তে আস্তে ঘরে উঠিয়া
আসিল।

৩

ঔষধ খাইয়া রোগী একভাবেই রহিল, কিন্তু সেদিন বৈকালে আরও
বাড়িয়া গেল। জেলা শহর হইতে সকাল বেলা মহিম বড় ডাক্তার
আনিয়াছিল। তিনিও ওই কথা বলিয়া গেলেন, অবস্থা ভাল নয়।
বিমলাও ভাল নাই, আগে উঠিতে পারিত, এখন শুইয়াই থাকে।
পেটের পিলেটো বড় হইয়া পেটটা ধামার মতন হইয়া উঠিয়াছে, কখন
ফাটে। মনোরমা নিরুপায় হইয়া বলিল, কি হবে মহিমবাবু ?

মহিম বলিল, আপনার কি ইচ্ছে বলুন, আমি এখুনি করতে
প্রস্তুত আছি। আড়ালে গিয়া মনোরমা শুধু কাঁদিতে লাগিল।

রহিম সজলকণ্ঠে বলিল, এমন ডাক্তার কি নেই দাদাবাবু যে ভাল
করতে পারে ?

মহিম এদিক ওদিক চাহিয়া বলিল, সে হচ্ছে ভগবান, আর কেউ নয়।

রহিম চুপ করিয়া সরিয়া গেল।

মহিম দুই দিন বাড়ী যায় নাই, চাকর ডাকিতে আসিয়া ফিরিয়া
গিয়াছে। রাস্তায় একটু বাহির হইলেই সান্ধ্যসমিতির ছেলেরা
তামাসা করে। মহিম প্রতিবাদ করিয়া কিছু বলিতেও পারে না,
কাহারও সহিত দেখা হইলে তাহার মুখ লাল হইয়া উঠে।

আজ মহিমের বাড়ী থাকিবার কথা ছিল, কিন্তু একবারটি গিয়া
চারটি ভাত খাইয়া আসিয়াছে, আর যায় নাই। তারপর এখানে

আদি ও অকৃত্রিম

আসিয়া রোগীর পাশের অগ্রশস্ত্র অতি জীর্ণ ঘরখানায় বাড়ীর চাকর দিয়া একটা বিছানা আনিয়া পাতিয়াছে। সন্ধ্যার পর মনোরমা বলিল, কই আপনি গেলেন না, যাবেন বলেছিলেন ?

মহিম বলিল, চলে যাওয়াটাই কি এত জরুরী, আর আপনার বিপদের অবস্থাটা কি এতই তুচ্ছ ? অবশ্য আগায় যেতে বললেই—

—ছিঃ ওকথা বলবেন না, আপনার এ উপকারের দাম আমি জীবনেও শোধ করতে পারব না। কিন্তু এ ঘরে আপনি কি থাকতে পাবেন ? বলিয়া ঘরখানার ভিতর একবার উকি দিয়া বলিল, বড় লোকের চিহ্নটুকু কিন্তু আছেই !

সবিস্ময়ে মহিম বলিল, কি রকম ?

ঐ বিছানাটি, পরিস্কার ধপধপে—ওহী, যা বিম্বলি বুঝি বমি করছে—
বলিয়া মনোরমা আপনার ঘরে চলিয়া গেল।

অনেক রাত্রে আবার বাহিরে আসিয়া মনোরমা বলিল, এবেলা কি থাবেন ?

মহিম বলিল, বেলা আর নেই, রাত পুইয়ে এল—

রান্নাবান্না ত করিনি—

সে কথা আমিও জানি, আর তার উপায়ও করে রেখেছি, এখন যদি অনুগ্রহ করে—

অনুগ্রহ ! কি করেচেন ?

আমি বাড়ী থেকে খাবার আনিয়েছি, কিন্তু আপনি কি থাবেন ?
আমরা দু'জনেই স্বজাতি এবং পর ভাবিনে বলেই একথা বললুম।

একটা প্যাচা হঠাৎ ডাকিয়া উঠিল, তার পর সব নীরব। সম্মুখে দূরে জীবনের চিহ্নমাত্র নাই। মনোরমার শিথিল দৃষ্টি যেন চিরকালের

পুরানো কথা

জন্ত অবসর চাহিল, সন্মুখের অনন্ত পৃথিবী যেন মরণের মহাকাঙ্ক্ষিতে ঘুমাইয়া পড়িতেছিল, এবং তাহারও অন্তর জলপ্রাবনের তরঙ্গরাশির তায় ব্যগ্র বাহু বাড়াইয়া উন্নত আকর্ষণে তাহাকে টানিতেছিল। সে মাথা হেঁট করিল।

মহিম একটু হাসিয়া সরিয়া আসিয়া বলিল, আপনার ইচ্ছে নেই বুঝি ?

আপনি স্থান, বলিয়া মনোরমা ঘরের ভিতর চলিয়া গেল।

অনেক রাত্রে সে উঠিল কিন্তু খাইল না, আহারে রুচি চলিয়া গিয়াছে। আশপাশের আবর্জনা এবং মাটির অসহ্য দুর্গন্ধে তাহার মাথার যন্ত্রণা হইতেছিল। পরণের কাপড়খানায় বিমলা বসি করিয়া দিয়াছে, তাহাতেও দুর্গন্ধ। কিন্তু আপাতঃ প্রতিবিধানের কোন উপায় নাই দেখিয়া সে ভিবেটা চৌকাঠে রাখিয়া আসিয়া একটা টিপির উপর বসিয়া পড়িল। কতক্ষণ জানি না, বোধহয় অনেকক্ষণ হইবে, সেইখানেই বসিয়া রহিল, সহসা পিছন হইতে সন্মুখে আসিয়া মাথা হেলাইয়া মহিম বলিল, আপনি এখানে বসে যে ?

মনোরমা চমকিয়া উঠিল, বলিল, আপনি এখনও যুয়োননি বুঝি ?

না, একি, আপনি কঁাদচেন কেন ? আলোতে সে মনোরমার মুখখানি লক্ষ্য করিতেছিল।

মনোরমাকে বলিল, আমার আর কেউ নাই মহিমবাবু !

মহিম বলিল, একজনের কেউ নেই, এ হ'তে পারে না !

মুখ তুলিয়া মনোরমা চাহিল। জলে তাহার চোখ ঝাপসা হইয়া আসিয়াছিল, কিন্তু তাহা সত্ত্বেও সে স্বল্প আলোকে দেখিতে পাইল শুধু দুইটা চক্ষু, আর কিছু না। ওই উজ্জল চক্ষু দুইটার দৃষ্টি যেন

তাহার দেহের আবরণটা ছিন্ন বিছিন্ন করিয়া, অন্তরলোকের সন্ধান করিয়া ফিরিতেছে। মনোরমা সহসা উঠিয়া দাঁড়াইয়া উঠিল—শুক কঠিন কণ্ঠে বলিল, আপনি কাল ত নিশ্চয় যাবেন ?

হ্যাঁ কালই যাব, আপনার কিছু—?

বেশ, আপনার উপকার আমি ভুলবনা। তবে আজ শুয়ে পড়ুনগে—ইত্যাদি দু' একটি অসংবদ্ধ কথা বলিতে বলিতে সে তাড়াতাড়ি আলোটা লইয়া ঘরে ঢুকিয়া দুয়ারের খিলটা আঁটিয়া দিল।

বিপদ কিন্তু আরও ঘনাইয়া আসিল। মন্মথর হাঁপানির টান আরও বাড়িয়া গিয়া 'শ্বাসে' পরিণত হইল; মুখ দিয়া আর কথা বাহির হয় না, চোখ দুইটা ঘোলাটে হইয়া গিয়াছে, পা ফুলিয়াছে। বিমলার অবস্থাও তদ্রূপ, সারাদিন চূপ করিয়া পড়িয়া থাকে। কখনও ক্ষীণ কণ্ঠে কাদিয়া বলে, দুটি ভাত দিতে পার না মা ?

মা বলে, অস্থখ সেরে গেলে ভাত দেবো, মা—ডাক্তার বারণ করেছে—। বিমলা চূপ করে, পাণ্ডুর চোখ দুইটা দিয়া জলের ফোটা কাঁথায় পড়ে।

বৈকালে মহিম আসিল। মনোরমা তাড়াতাড়ি বাহিরে আসিয়া বলিল, কাল আমি যদি কোনও দোষ করে থাকি তবে মাফ করবেন।

মহিম বিস্মিত হইয়া বলিল, কই আমার ত মনে পড়ে না যে আপনি দোষ করেছেন— ?

মনোরমা সেখান হইতে সরিয়া গিয়া বাহিরে দাঁড়াইয়া বলিল, রহিম কাল থেকে আসেনি কেন ?

সে এখানে আসে বলে খগেনবাবু তাকে মেয়েছেন, হাতটা বোধ- হয় তার ভেঙ্গেই গিয়েছে।

পুরানো কথা

শুনিয়া মনোরমা শিহরিয়া উঠিল, অশ্রুত স্বরে বলিল, হাত ভেঙ্গে দিয়েছে ? কেন, আমি কি এতই ঘৃণার পাত্রী ? আপনিও তবে আর আসবেন না, মহিম বাবু ।

ছিঃ ওকথা বলবেন না, আর যার কাছেই হ'ক, আমার কাছে আপনি ঘৃণার পাত্রী নন্ মোটেই ।

মনোরমা সজল চক্ষে সরিয়া গেল । রহিমের ব্যথাটা তাহার বড় বাজিয়াছিল ।

সে-রাত্রি আর কাটে না । নিঃশব্দে অন্ধকারের ভয়াবৃত্ত বিভীষিকা লইয়া মৃত্যু সেদিন এই ভগ্ন জীর্ণ গৃহধানিকে অধিকার করিয়া রহিল । মিটমিটে আলোকে তাহার সে মূর্তি আরও ভরস্কর দেখাইতেছিল । মহিম চলিয়া গিয়াছে, সকাল না হইলে আর আসিবে না । মনোরমা কাত হইয়া বিছানার এক ধারে একথানা হাত মন্মথর গায়ের উপর রাখিয়া বসিয়া রহিল । তাহার সে দৃষ্টিতে আর কিছু ছিল না, সারা সংসারটা যেন চেতনাহীন শিথিলতায় আপনার বাধনটি আল্পা করিয়া সম্মুখে ধীরে ধীরে লুটাইয়া পড়িতেছিল এবং তাহার এই তন্দ্রালু দৃষ্টির অন্তরালে সন্ধ্যাপনে মৃত্যু তাহার ব্যগ্র বাহু বাড়াইয়া কথন্ যে মন্মথর প্রাণটুকু চুরি করিয়া লইল তাহা সে বুঝিতে পারিল না ।

সকাল বেলায় মহিম আসিয়া চার পাঁচটি লোক দ্বারা শবের সংকার করিতে পাঠাইল । সে নিজে গেল না । মনোরমা বলিল, আমাকেও যেতে হবে কি ?

মহিম বলিল, সেখানে যাওয়া দুঃস্বপ্ন, আপনার চিন্তা নেই, ওরা নির্বিঘ্নে কাজ শেষ করে ফিরে আসবে ।

আদি ও অকৃত্রিম

মনোরমা চূপ করিয়া চলিয়া চলিয়া গেল। চোখে তাহার অশ্রু নাই, থাকিলে প্রাবন বহিয়া যাইত।

বিমলা মাঘের দুঃখে কাঁদিবার চেষ্টা করিল, পারিল না ; বিকৃত মুখে পাশ ফিরিয়া পড়িয়া রহিল।

অনেক বেলায় ডোবার ধারে বসিয়া মনোরমা মাথার সিঁদুর মুছিল, হাতের কাচের চুড়ি ভাঙ্গিল, লোহা খুলিল, তারপর স্নান করিয়া শুচি হইল।

দিন চারেক পরে রহিম আসিল। দিদির অবস্থা দেখিয়া কাঁদিয়া ফেলিল। মনোরমা আঁচলে চোখ মুছিয়া বলিল, কেঁদে কি হবে ভাই, আমি জানি এ দুঃখ আমার সহিতে হবে, এর জন্তে প্রস্তুত হয়েছিলুম, বলিয়া সে রহিমের কাঁধের উপর একটা হাত রাখিয়া বলিল, কিন্তু আমার জন্তে তোমাকেও যে এই ভাঙ্গা হাতের ব্যথা সহিতে হচ্ছে রহিম, এর সাহুনা ত আর আমি খুঁজে পাচ্ছিনে ভাই ?

রহিম এত কথা সব বুঝিতে পারিল না বটে, তবে এ স্নেহের স্পর্শে ভুলিয়া গেল, বলিল, তুমি আমায় ভালবাস দিদি ?

তা কি তোমার বিশ্বাস হয় না রহিম, মুসলমান বলে কি তুমি আমার ভাই নও ?

রহিম মাথা নিচু করিয়া আঁশে আঁশে বলিল, তার জন্তে নয় দিদি ; আমরাও যে গরীব।

ভিতর হইতে বিমলা ক্ষীণ কণ্ঠে মা মা বলিয়া ডাকিল। মনোরমা তাড়াতাড়ি ঘরে গিয়া বলিল, এই যে মা দুধ গরম করে দিই, বলিয়া বাটিটা আগুনের উপর বসাইয়া দিল।

মেয়েকে দুধ খাওয়াইয়া যখন বাহিরে আসিল, দেখিল হাতের

পুরানো কথা

উপর মাথার ভর দিয়া মহিম চুপ করিয়া বসিয়া আছে। পিছন হইতে মনোরমা বলিল, রহিম কই ?

তাকে যেতে বললুম, নয় ত বেটা আবার হয়ত মার খেয়ে মরবে, বলিয়া মহিম একটা নিঃশ্বাস ফেলিল।

তা বেশ করেচেন, আপনিও এবার যাচ্ছেন বোধ হয়। তা যান, আর থেকেই বা আপনার লাভ কি !

মহিম চাহিল, আবার সেই দৃষ্টি, কিন্তু এবার মনোরমা তাহা দেখিতে পাইল না, দেয়ালের দিকে মুখ ফিরাইয়া ছিল। মহিম বলিল, লাভ ? আমি কি লাভের জন্তেই ছিলাম ?

না তা নয়, রুগী বাঁচলে আপনার পরিশ্রমের পুরস্কার হত। যারা সেবা করে তাদের সেইটুকুই লাভ। কিন্তু আপনার এ উপকার আমি জীবনে ভুলতে পারব না।

কথার মধ্যে জড়তা বা দ্বিধার লেশমাত্র নাই। মহিম বিস্মিত হইল, পূর্বে তাহার সকল কথাবার্তার আড়ালে একটু কৃতজ্ঞতা থাকিত, কিন্তু ইহাতে তাহাও নাই। সে মুহূর্ত্ত মাত্র ভাবিল তারপর উত্তেজিত কণ্ঠে বলিল, কিন্তু পরিশ্রমের পুরস্কার ত আছে, সেটা চাইলে ত পাপ নেই।

হঠাৎ মনোরমা মুখ ফিরাইল, তারপর বলিল, আপনি কি স্পষ্ট কথা বলতে জানেন না মহিম বাবু ? আপনার অভাব কিসের যে আপনি পুরস্কার চাইছেন ? তা ছাড়া আমার আছেই বা কি যে দেবো ?

মহিম একটু হাসিল, হাসিয়া বলিল, দেবার মত কিছু কি নেই ? এবং আরও কিছু বলিতে গিয়া সহসা মনোরমার মুখের অদ্ভুত পরিবর্তনের দিকে চাহিয়া ঘাড় হেঁট করিল।

কি বললেন ? ওঃ বুঝতে পেরেছি আপনার কথা !

আদি ও অকৃত্রিম

মহিম বিবর্ণ মুখে চাহিল ।

শোন মহিম, তুমি যেদিন রাত্রে অন্ধকারে আমার স্মৃখে এসেছিলে, আমি তখন তোমার মুখের দীপ্তিটুকু দেখে ভাবলুম তুমি দেবতা, কিন্তু আজ বুঝেছি তুমিও মানুষ, রক্ত মাংসের তৈরী তুমি । আজ বুঝতে পাচ্ছি তোমার মুখে সেটুকু আগুনের ফুলকি ছিল । উপকারের কথা বলছিলে ? জগতের ওপর আমারও যে ক্ষুদ্র অধিকারটুকু আছে তারই জোরে আমি তোমার কাছে সাহায্য নিয়েছি, কিন্তু সে বাঁধনটুকু তুমি আজ নিজেই কাটলে ভাই, বলিতে বলিতে অধীর আবেগে মনোরমার চোখ দুইটা জলে ভরিয় আসিল ।

মহিম বজ্রাহত হইয়া মাথা নীচু করিল । এত বড় আঘাত সে জীবনে পায় নাই । সহসা একটা রিড্যাং শিহরণ তাকে অবশ করিয়া ফেলিল । সে টলিতে টলিতে উঠিয়া বাহির হইয়া গেল ।

পরদিন আবার সে আসিল । মনোরমা হবিষ্কান চড়াইতেছিল, তাহার স্মৃখে আসিয়া বলিল, আমায় মাপ করুন, আমি ভুল বুঝতে পেরেছি ।

লান হাসিয়া মনোরমা বলিল, তোমার সকল দোষ যে আমার মাপ করতে হবে ভাই, তোমার উপকার যে আমি জীবনে ভুলতে পারব না ।

মহিম দাঁড়াইতে পারিল না, চলিয়া যাইতেছিল, মুখ বাড়াইয়া মনোরমা বলিল, তোমার টাকা কটা আর বিছানা চাকরকে দিয়ে পাঠিয়ে দিয়েছি, পেয়েছ বোধ হয় ?

হ্যাঁ ।

সেদিন সাক্ষ্য সমিতির আখড়ায় খগেনবাবু বলিলেন, সব শুনলে ত ?

সকলে বলিল, আজ্ঞে হ্যাঁ ?

এমন মিটমিটে ডান তা জানতুম না, সাত মাসের চাঁদা বাকি আর ওদিকে দান ছত্তর খুলে বিধবা ছুঁড়িটাকে নিয়ে কি বেলেঙ্গা গিরিই করছে, জমিদারের বেটা কি না—তার জগ্গেই ত রহিম ছোঁড়া মার খেয়ে ম'ল, সেই পথ দেখালে।

বলাই রাগিয়া গিয়াছিল, বলিল, তার হাড়টা কি ভেঙ্গে গেছে, খুড়োমশাই !

কাঠ হাসি হাসিয়া খগেন বাবু বলিলেন, তুমি বোঝ না বলু, ও মুসলমানের হাড় আবার ঠিক জোড়া লাগবে, কই হতভাগা গেল কোথায় ?

রহিম বাহিরে অন্ধকারেই চেটাইয়ের উপর 'বার বাঁধা' বাঁ হাতটা ধরিয়া বসিয়াছিল, আশ্বে আশ্বে উঠিয়া ভিতরে আসিল। চোখের জল সে যে এইমাত্র মুছিয়াছে তাহা দেখিলেই বুঝা যায়।

আর তাদের বাড়ী যাবি হতভাগা ? এত চেষ্টা করি হিন্দু মুসলমানের মেলবার জগ্গে, কিন্তু তা কি তাদের মতন পাষণ্ডদের জালায় হবার যো আছে ? হুঁঃ, বলিয়া তিনি হুঁকায় একটা জোরে টান দিয়া উপর দিকে ধোঁয়া ছাড়িয়া দিয়া পুনরায় বলিলেন, কেন তুই অমন নষ্টামি করতে গেলি ? মেরে বসলুম, হাতের যন্ত্রণা হচ্ছে খুব ?

চোখের জল আর রহিমের বাধা মানিল না। কিন্তু তাহা অতি কষ্টে রোধ করিয়া না বলিয়া তাড়াতাড়ি বাহিরে আসিয়া এক হাতে মুখখানা ঢাকিয়া সে অন্ধকারে বসিয়া পড়িল। তাহার এ অশ্রু শুধু যে হাতের বেদনার জগ্গেই তাহা নয়, কিন্তু গ্রহাবের ঘায়ে হাত

ভাঙ্গা সত্ত্বেও যে তাহার 'দিদির' বৈধব্যাটুকু রদ হইল না, এ অশ্রু সে কারণেও ।

৪

মেয়েটাও বাঁচিল না । লিভার পিলেতে হৃদে হইয়া, দম্ আটকাইয়া একদিন দুপুর বেলায় তাহার শেষ হইয়া গেল । সাহায্য করিবার আর কেহ ছিল না, শুধু রহিম অদূরে দাঁড়াইয়া কাঁদিতেছিল । মনোরমা তাহার দিকে একবার চাহিয়া ছেঁড়া কাঁথাবালিশ মাতুর-স্বদ্ধ মৃত দেহটাকে তুলিয়া বাহিরে আনিয়া ফেলিল । একটা অস্পষ্ট ক্ষীণ স্বর যেন মৃত দেহটাকে ভেদ করিয়া কেবলই তাহার কানে কঠিন হইয়া বাজিতে লাগিল, 'দুটি ভাত দিতে পার মা ?'

নির্জন দুপুরের রৌদ্রটা জনশৃংখ ভগ্ন পৃথিবীর মধ্যে খাঁ খাঁ করিতেছিল । স্তম্ভের ভিজা পাঁচিলের উপর সূর্য্যের কিরণ পড়িয়া তাহা হইতে এক প্রকার ধোঁয়া বাহির হইতেছিল ।

- কি হবে রহিম ?

রহিম চোখ মুছিয়া বলিল, আমি এখনি উপায় করে দিচ্ছি ।

একদৃষ্টে মৃত কঙ্কালখানার পানে চাহিয়া মনোরমা পুনরায় বলিল,

এর হাড়খানা গঙ্গায় দিস্ ভাই, বড্ড জরে ভুগেছে ।

* * *

দিন দুই বাদে মনোরমা ঘাইবার উত্তোগ করিতেছিল, রহিম কোথা হইতে আসিয়া বলিল, কোথায় যাচ্ছ দিদি ?

এস ভাই রহিম, তোমার জন্তেই অপেক্ষা করে আছি, দেখা হ'ল ভালই হ'ল ।

তুমি চলে যাচ্ছ ?

পুরানো কথা

হ্যাঁ ভাই ; আমার সতীনপো, সে ত আমারই ছেলে, আমি তারই কাছে কল্কেতায় গিয়ে থাকব, সে আমায় কখনই ফেলতে পারবে না। তুমি খুব ভাল হয়ে থেকো ভাই, আর যেন গরীবের উপকার করতে যেও না, তা হলে ও হাতটিও যাবে, চল বেরোই, বলিয়া চক্ষের জল মুছিয়া একটা ছোট পুঁটুলি লইয়া রহিমের কাঁধে হাত দিয়া সে বাহির হইল।

সেদিন সকাল বেলা খগেন বাবুর স্তম্ভে গিয়া রহিম বলিল, আমার বাকি মাইনে চুকিয়ে দিবেন কর্তা।

বিস্মিত হইয়া খগেন বাবু বলিলেন, মাইনে ! কিসের ?

যা পাওনা আছে।

ওঃ, বলিয়া অলক্ষ্যে তিনি একবার তাহার মুখের দিকে চাহিলেন। এ মুখের সহিত তাহার কোনও দিনই পরিচয় ছিল না। আজ দেখিলেন মুসলমান জাতির সমস্ত কাঠিগের চিহ্নটুকু সে মুখে বর্তমান, বয়স অল্প হইলেও জাত সাপ বটে !

হ্যাঁ বাকি আছে বটে,—মাইনে নিয়ে কি করবি রহিম ?

দেশে যাব, আর তোমার তরফে কাজ করব না।

আচ্ছা, ও বেলা দিয়ে দেবো।

বিকাল বেলায় মাহিনা লইয়া রহিম দেশে মা বাপের কাছে চলিয়া গেল।

সাক্ষ্য সমিতির আড্ডা তেমনি ভাবে বসে তাস খেলাও হয়।

আদি ও অকৃত্রিম

চাঁদা আদায়ও সেইভাবে হয়। খগেনবাবু বলেন, সাত মাসের চাঁদা বাকি রেখে ছোঁড়া ডুব মারলে, জমিদারের বেটা কিনা।

বলাই বলে, আপনারও তিন মাসের বাকি।

খগেন বাবু তেমনি ভাবেই বলেন, ওই যা, পাঁচ কাজে ভুলে গেছি।

* * * *

ভাঙ্গা বাড়ী তেমনি পড়িয়া আছে। রাত্রির ভয়ান্ত অন্ধকার তেমনি ভাবেই শূত্র পুরীতে জমাট বাঁধে, ঝাঁ ঝাঁ কঁাদে, শেয়াল ঘুরিয়া যায়।

ভূই-চাঁপা

তারপর, তোমায় কি বলা হল?—

স্বধীর বৌ-দিদির প্রশ্নে খতমত খাইয়া একটু ইতস্তত করিতে লাগিল। স্ত্রী-নীতি ক্ষীণ হাসিয়া বলিল, খাম্লে যে? আর কোন আঘাতই আমায় টলাতে পারবে না—

স্বধীর নতমুখে বলিল, দরজায় অনেকক্ষণ দাঁড়িয়ে রইলুম, তারপর টলতে টলতে এসে—

টলতে টলতে? কেন? সেই ছাইপাঁশ খাওয়া হয়েছিল বুঝি?
হ্যাঁ।

তারপর?

বললে যে, আমি এখন আর যেতে পারব না, আমার অনেক কাজ; আমি অনেক অল্পরোধ করলুম, শেষে তিনি চলে যেতে যেতে বললেন, আমায় বিরক্ত করো না, আমি এখন যেতে পারব না।

স্বধীরের গলা ধরিয়৷ আসিতেছিল; কেন যে এমন স্নেহের, করুণার

প্রতিমূর্তি বৌ-দিদির উপর তাহার দাদা এমন নিষ্ঠুর অবিচার করিতে পারে, তাহা স্বধীর কিছুতেই বুঝিতে পারিত না। সে বাহিরের দিকে মুখ ফিরাইয়া লইল ; ক্রোধে ও অভিমানে সে সংসারের প্রতি বীতম্পৃহ হইয়া উঠিল।

বন্ধের জমার্ট-অশ্রু চাপিয়া রাখিয়া স্থির কণ্ঠে স্থনীতি বলিল, যে বাড়ীতে তিনি থাকেন, সেটায় কি আর কেউ থাকে, কোনও কোনও ?—

তা আমি জানি না। বলিয়া স্বধীর বেগে বাহির হইয়া গেল।

দূরে নারিকেল বৃক্ষ হইতে কয়েকটা চিল চীৎকার করিতেছিল ; রেলের বাশীর একটা ক্ষীণ আর্ন্তস্বর কাঁপিয়া কাঁপিয়া বাতাসে ভাসিয়া আসিতেছিল ; আসন্ন সন্ধ্যার রক্তরাগচ্ছটায় ওই দূরে আমগাছের শীর্ষটা রান্ধা হইয়া উঠিতেছিল। স্থনীতির কম্পিত গুণ্ঠাধর কেবলই বলিতে চাহিতেছিল, আর তিনি আসিবেন না। স্থনীতি ভাবিতে লাগিল, ইহার কি কোনও উপায় নাই ? যদি অত্যাচারের বিপক্ষে তাহার দাঁড়াইত ; যদি তাহার অবিচারের বিপক্ষে বিদ্রোহ ঘোষণা করিত। যদি পুরুষের দৃষ্টি হইতে আপনাকে সরাইয়া উপযুক্ত ব্যবহার করিতে পারিত, তাহা হইলেই বুঝি পুরুষকে কতকটা বুঝিতে পারা যাইত।

স্থনীতির কান্না পাইল ; ডাক ছাড়িয়া চীৎকার করিয়া বলিতে ইচ্ছা হইল, কেন এত অবিচার করছ তুমি ? আমি ত তোমার কোন অনিষ্ট করি নি ! কিন্তু কে শুনিবে ?

রাত্রিতে নিকটে আসিয়া স্বধীর ডাকিল, বৌ-দি—

স্থনীতির সবে তন্দ্রা আসিতেছিল, বলিল,—কি বলছ, স্বধীর ?

শুয়ে রইলে, খাওয়া-দাওয়া করলে না ?

আজ শরীরটা ভাল নেই, কিছু খাব না ভাই



স্বধীর চলিয়া যাইতেছিল। অভিমানী দেবরটিকে স্ত্রীতি বেশ ভাল করিয়াই চিনিত, স্ততরাং তাহার এই কথা যে তাহার দেবরকেও উপবাসী রাখিবে, এবং ক্ষুধার মুখে দেবরের এ উপবাস হয় ত তাহার স্বাস্থ্যে বিঘ্ন ঘটাইবে,—এটা স্ত্রীতি আগে ভাল করিয়াই জানিত, তাই পুনরায় বলিল, আচ্ছা চল, যাচ্চি।

স্বধীর দাঁড়াইয়া রহিল। সেও কতকটা অমুমান করিয়া লইতে পারিয়া ছিল যে বৌ-দিদির শরীর ভাল না থাকিবার কারণ তাহারই আজিকার আনীত সংবাদের সহিত অনেকটা সংশ্লিষ্ট ছিল।

ও রকম ক'রে ভেবে নিজের মন খারাপ করো না ঠাকুর-পো, চল রাত হরে যাচ্ছে। মন্ত্রমুগ্ধের মত স্বধীর স্ত্রীতির অনুসরণ করিল।

এইরকম ভাবেই দুই মাস কাটিয়া গেল। এপর্যন্তও স্বধীর আর তাহার দাদা ললিতের খবর পায় নাই; স্ত্রীতিও লইতে বলে নাই। সম্ভান-সম্ভতি কিছুই হয় নাই, যাহাকে লইয়া স্ত্রীতির সারাদিনের দীর্ঘ অবসরটা কাটিতে পারে, আর তাহার দিন কাটিতে চাহিতে ছিল না। স্বধীরের সঙ্গে গল্প করিতে বসিলে, অর্থাৎ অল্প কোনও প্রশঙ্গ উত্থাপন করিয়া নিজেকে অগ্ৰমনস্ক করিতে চাহিলে, সেই এক চিন্তাই মনের মধ্যে উঁকিঝুঁকি মারিয়া ব্যতিব্যস্ত করিয়া তুলে; চক্ষের জল রোধ করিবার ব্যর্থ চেষ্টা পাইয়া দেবরের নিকট হইতে উঠিয়া যাইতে হয়; স্বধীরের দৃষ্টি তাহা এড়ায় না, তাহার সাবুনা-বাক্যগুলি শেষে স্ত্রীতির লজ্জার কারণ হয়। নির্জনে থাকিলে চিন্তা আসিয়া তাহাকে গ্রাস করে।

কতদিন সে কাতর হইয়া ললিতকে চিঠি দিয়াছিল, কিন্তু উত্তর পায় নাই। সে মাত্র জানিতে চাহিত, তিনি কুশলে আছেন

ভুই-চাপা

কি না। সংসারের অভাব অনটন, প্রয়োজন, অপ্রয়োজনের জন্ত তাহারা ভুই জনে কতটা দায়ী হইয়া পড়িতেছে, তাহা স্থনীতি তাঁহাকে জানাইয়া বিরক্ত করে নাই। বিদেশে চাকরী কি কেহ করিতে যায় না? চাকরী করিতে যাইয়া কি সকলে আত্মীয়-স্বজন বন্ধু-বান্ধব স্ত্রী-পুত্রকে ভুলিয়া যায়? বার বার কাতর হৃদয়ে সে পত্র লিখিয়াছে, 'ওগো তুমি কেমন আছ? একবার উত্তর আসিল, 'আমায় জ্বালাতন করিও না, এখন যাইতে পারিব না।—'

স্বধীর কতকটা অপ্রতিভ হইয়া বলিল, বৌ-দি, কঁাদছ তুমি?

না ভাই। বলিয়া স্থনীতি চলিয়া যাইতে উদ্যত হইল।

স্বধীর ডাকিল, বৌ-দি, শোন—

কি?

তুমি নিজের শরীরের দিকে চাইছ না, এ রকম ভেবে ভেবে আর কতদিন বাঁচবে বল ত? আমাদের সংসারে আর কেউ নেই, তার ওপর তুমি যদি অমন করে দিন-রাত শরীরটাকে কালি ক'রে ফেল, তাহলে আমরা আর কার আশ্রয়ে দাঁড়াই?

ভাবনা ভিন্ন কি ভাই মানুষ থাকতে পারে? এই দেখ না, ঘরে আজ চালডাল কিছু নেই, পয়সা-কড়ি সব ফুরিয়ে গেছে, এ রকম ক'রে আর কি ক'রে চলে বল দিকি?

কথাগুলি বলিয়া ফেলিয়া স্থনীতি বড়ই অপ্রস্তুত হইল। স্বধীর বিস্মিত হইয়া বলিল, কই, এ কথা তুমি আমায় বল নি ত?—

দিন-রাত তোমায় এসব অভাবের কথা বলে আর কি বিরক্ত করতে ভাল লাগে?

তাহলে আমি জিনিস-পত্রগুলো এনে দিই—

“না, আজ আর কিছু আনবার দরকার নেই, তোমার খাবার তৈরী আছে।

আর তুমি ?

স্বনীতি একটু ক্ষীণ হাসিয়া বলিল, না, আমি আজ আর কিছু খাব না ভাই, আমার মাথাটা একটু ধরেছে।

একটু বিজ্ঞের ভাণ করিয়া স্বধীর বলিল, খাবার ইচ্ছে না থাকলে বোধ হয় অনেকেরই মাথা ধরে।

সত্যি ভাই, মিথ্যে কথা বলছি না।

কেন, জরের মতন হয়েছে নাকি ?

কি জানি।

দেখি বলিয়া স্বধীর স্বনীতির কপালে কতকক্ষণ হাত টিপিয়া দেখিল, সত্যিই জরে স্বনীতির মাথা ভাঙিয়া যাইতেছে !

সে আশ্চর্য্য হইয়া বলিল, এ-ত খুব জর হয়েছে দেখছি—আমায় “এতক্ষণ বল নি কেন বৌ-দি”—যদি এ জর বাড়ে ?

তোমায় বললে তুমি কি করতে, আর এখনই বা কি করবে ?

স্বধীর ভাবিল, তাইত ! সে কি করিবে ? টাকাকড়ি কিছু নাই, কোথা হইতে আসিবে তাহারও ঠিক নাই ; ধারে ধারে মাথা বিকাইয়া যাইতেছে, পাওনাদাররা তাগাদায় অস্থির করিয়া তুলিয়াছে। স্বনীতি বাড়ীতে একলা থাকে, বাড়ীখানা খা-খা করিয়া যেন তাহাকে খাইতে আসে, স্ততরাং এ পর্য্যন্ত সে-ও কোন কৰ্ম্ম করিয়া সামান্য কিছু অর্থ সংগ্রহ করিতে পারে নাই। ঘটি-বাটি যাহা কিছু খুচরা জিনিসপত্র ছিল, তাহাও বিক্রয় করিয়া এত দিন চলিয়াছে, কিন্তু আর যে চলে না।

ভূঁই-চাপা

ধীরে ধীরে স্থধীর বলিল, যাই যেমন ক'রে হোক একটা জ্বরের ওষুধ এনে দি।

যাহোক ক'রে, মানে ফের ধার ক'রে?—না ঠাকুর-পো, আর ধার করবার চেষ্টা করো-না, মহাজনের কড়া কথা, অপমান আর সওয়া যায় না, তার চেয়ে যা বরাতে আছে তাই হর্ষে।

স্থধীর শ্রান্তভাবে বসিয়া হাতে মুখ ঢাকিল। স্থনীতি ঘরে ঢুকিয়া স্থধীরের বিছানা প্রস্তুত করিয়া দিল, তারপর ঘর ঝাঁট দিয়া যখন বাহিরে আসিল, দেখিল স্থধীর তখনও একভাবে বসিয়া আছে। কাছে আসিয়া স্থনীতি ডাকিল, ঠাকুর-পো?

প্রবল জ্বরের উত্তাপে স্থনীতির গা থম্ থম্ করিতেছিল।

এমন ভাবে আর কি ক'রে চলে, বৌ-দি?

স্থনীতি বলিল, ভয় কি ভাই ঠাকুর-পো? আমি ত আছি।

বুকের ভিতর হইতে একটা প্রবল উপহাসের অট্টহাসি বাহির হইতে চাহিল,—কিসের অভয় সে দিতে পারে! আর কি আছে তাহার! শূণ্য সংসারের অভাব, পাওনাদারের রক্তচক্ষু অন্তরীক্ষ হইতে তাহাকে শাসাইয়া উঠিল। তাহার মাথাটা ঝিম্ ঝিম্ করিয়া উঠিল। বাহিরে অভাবের জ্বালা, ভিতরে জ্বরের অগ্নিস্রব উত্তাপ! দেওয়ালের গায়ে স্থনীতির অবসন্ন দেহ হেলিয়া পড়িল। চক্ষু জ্বালা করিয়া জল ঝরিয়া পড়িতে লাগিল। স্থধীর বলিল, বৌ-দি, তোমার জ্বরটা যে বড় বেড়ে উঠল।—ও কি! আবার কঁাদছ?

থাক থাক—জ্বর হলে অমন চোখ দিয়ে জল পড়ে ভাই।

তা পড়ে বটে, কিন্তু গলাটা অমন ধরে' ওঠে না, বৌ-দি—

স্থনীতি হাসিয়া বলিল, ওঃ তুমি বড় চালবুদ!

আদি ও অন্তিম

স্বধীর দাঁড়াইয়া বলিল, চল শোবে চল—এরপর ঠাণ্ডা লেগে জর বেশী বেড়ে যাবে।

স্বনীতি উঠিতে পারিতেছিল না, বলিল, আর একটু থাকি, যাব' খন।

স্বধীর বুঝিতে পারিয়া বলিল, আচ্ছা আমি ধুছি, আস্তে আস্তে চল।

স্বনীতি শয্যা লইল।

জরটা যে এত ভোগাইবে তাহা স্বধীর ভাবিতে পারে নাই, দুই-তিন দিন স্বনীতির অনুরোধে সে কোনরূপ ঔষধ পত্রের চেষ্টা করিল না; একেবারে যখন স্বনীতি অচৈতন্য বাকশক্তিহীন হইয়া পড়িল, স্বধীর কম্পিতবক্ষে ডাক্তারের শরণাপন্ন হইল। কিন্তু দুঃখের পালা শেষই হউক অথবা অল্প কোনও কারণেই হউক, বিজ্ঞ চিকিৎসক যখন আসিয়া ললাট কুক্ষিত এবং মুখ ত্রীয়মান করিল, স্বধীর অন্ধকার দেখিল। তার যে আর জগতে কেহ নাই। ডাক্তার বলিল, জরটা একটু শক্ত রকমের বাপু, প্রথম থেকেই খবর দেওয়া উচিত ছিল। এ জরে দু' তিনটে রোগী,—যাক্ ভাল ক'রে সেবা করতে হয়—

স্বধীর উদ্বিগ্ন-কাতর স্বরে বলিল, সার্বতে কতদিন লাগবে ডাক্তার বাবু?

এ জরটা সাতদিনই থাকে। ছাড়বার সময়ে খুব সাবধানে রাখতে হয়। তারপর একটা দিন কাটাতে পারলেই সেরে যাবে, আর কোন ভয় থাকবে না।

ডাক্তার চলিয়া গেল; মাথায় হাত বুলাইতে বুলাইতে স্বধীর ডাকিল, বৌ-দি! তাহুর কণ্ঠ রুদ্ধ হইয়া আসিতেছিল।

ভূই-চাপা

নিমীলিত চক্ষে স্তনীতি বলিল, কি ভাই ঠাকুর-পো ? উঃ জরটা বড় বেড়েছে, কথা বলতে পারছি না ।

ভাল হয়ে যাবে, ভয় কি বৌ-দি ?

ক্ষীণ হাসিয়া স্তনীতি বলিল, ভয়—ভয় নয় ভাই দুঃখ ।

৩

পরিশ্রমী এবং সংস্কার বলিয়া আপিসে ললিতের খুব খ্যাতি ছিল এবং সেই হেতুই সামান্য বেতনের কেরাণী হইতে ক্রমে ক্রমে সে ব্যাঙ্কের ক্যাশিয়ারের পদে উন্নীত হইয়াছিল । সামান্য চল্লিশ টাকা মাহিনা হইতেই পাঁচ বৎসরের মধ্যে তিন শত টাকা মাহিনা পাইতে লাগিল ।

কিন্তু এই সংস্কার এবং লাজুক যুবকটি তাহার বাসার অনেকের ঈর্ষার পাত্র হইয়া দাঁড়াইল ; কেন না এই চালাক-চতুর এবং ধড়িবাঙ্ক লোকগুলি প্রত্যহ নয় ঘণ্টা ধরিয়া মাথার ঘাম পায়ে ফেলিয়াও নিজেদের পোশাক পরিচ্ছদ এবং ‘শহরে বাবুয়ানা’ করিতে পায় না, আর এই গৈয়ো হাবা লোকটা,—না-জানে চাল চলন, না-জানে আজব শহরের কাণ্ডানী, এ কিনা অনায়াসে তিন চার ঘণ্টা পরিশ্রম করিয়া এতগুলি টাকা আনে ? এই হেতু ললিতের অনেক কৃত্রিম বন্ধু আসিয়া জুটিল । আজ এটা, কাল ওটা, একদিন থিয়েটারে যাওয়া, পরদিন দুটো গান শুনিয়া আসা, এইরূপ করাইতে করাইতে ললিতের স্বভাবটা বিগড়াইয়া দিল । ললিত মানবজনমের পরম ও চরম সার্থকতা লাভ করিতে শিখিল ।

ইদানীং আপিস হইতে বাসায় ফেরা ললিত প্রায় বন্ধ করিয়া

আদি ও অকৃত্রিম

দিয়াছিল ; তা ছাড়া তাহার শরীরটাও খারাপ হওয়াতে সে একমাসের অবসর লইয়াছিল ।

সেদিন বৈকালে অত্যধিক মত্তপানে বিভোর হইয়া ললিত বিছানায় ঢলিয়া পড়িতেছিল ও মাঝে মাঝে ফ্যাল ফ্যাল করিয়া চাহিয়া এক একবার অদূরে উপবিষ্ট মুরলার পানে চাহিয়া দেখিতেছিল । মুরলা তখন প্রসাধনের সরঞ্জাম লইয়া বসিয়া ছিল, কিন্তু কি একটা আকস্মিক বিরক্তিতে তাহার কিছু ভাল লাগিতেছিল না । ঘাড় ফিরাইয়া একটু প্রথর করিয়া মুরলা বলিল, দিন-রাত্তির ওই ছাই-ভস্মগুলো খেতে হবে, একটা কথা বলবারও কি সময় নেই ?

স্বরার ঘোরে ললিত বলিল, কে বাবা তুমি, উদ্ধার মতন ধপ্ করে আকাশ থেকে পড়লে ?

দৃষ্টিটা আরও প্রথর করিয়া মুরলা বলিল, এখানে বসে আর তুমি মদ খেতে পাবে না ।

কেন বাওয়া, তাড়িয়ে দেবে নাকি ? তুমিই ত আমায় বাঁচিয়ে রেখেছ, পিয়ারী ! গাও, গাও, একটা গান লাগাও !

ক্রুদ্ধ হইয়া মুরলা বলিল, আবার ? এ সব চাল-চলন আর আমার কাছে চলবে না, বলে দিচ্ছি ।

একেই ত প্রথম হইতে মুরলার আকার ইঙ্গিতে কেমন একটা গভীরতা প্রকাশ পাইতেছিল, তাহার উপর আবার এই তীক্ষ্ণ কথাগুলি শুনিয়া ললিতের স্বরাপানের মোহময় উন্মাদনার ঝোঁকটা যেন অনেকটা কাটিয়া আসিতেছিল একটু আত্ম-সংযতভাবে বলিল, কি, কি বলছি, মুরলা ?

বলছি এ রকম বেয়াদপি আর চলবে না ।

ভূঁই-চাপা

মাতালের হাসি হাসিয়া ললিত বলিল, অগ্র শিকার মিলেছে নাকি, বন্ধু !

এত আমি সহিতে পারব না, ললিত !

ললিতের মোহ টুটিল, বলিল,—আমায় কি বলছ তুমি, মুরলা ?

একটু নরম হইয়া মুরলা বলিল, অত ক'রে মদ খেয়ে দিন দিন যে একেবারে শরীর খারাপ হয়ে যাচ্ছে ।

তার সঙ্গে তোমার কি সম্বন্ধ, মুরলা,—আমি ত তোমায় অনেক পয়সা দিয়েছি ।

মুরলা উত্তেজিত হইয়া বলিল, পয়সা ?—পয়সাই কি সব ? শুধু পয়সার জন্তই কি আমরা এ ব্যবসা ক'রে থাকি ?

তবে ? আজ এ সব কি বলছ, মুরলা ?

বলছি ঠিক ! যাক সে কথা, আমি একটা পরামর্শ করতে এসে-ছিলাম, যদি—

কিসের পরামর্শ ?

দান-পত্রের । চূপ করলে যে, রাগ করেছ ?

না, রাগ নয় মুরলা, আমি অবাক হয়ে যাচ্ছি । ভাবছি কত কুহকই তোমরা জানো ।

অবাক হবার কিছু নেই, ললিত ।

বিভ্রান্ত হইয়া ললিত বলিয়া উঠিল, এ সবার কারণ ?

কারণ কিছু নেই । এ মানুষের একটা ইচ্ছে—কচির পরিবর্তন ।

তোমার উপায় ?

উপায় কিছু একটা হবেই ।

আদি ও অকৃত্রিম

ললিত সহসা অন্তরিকে মুখ ফিরাইয়া বলিল, তা হলে কি আমায় এখন বুঝতে হবে যে, আর আমি এখানে আসি তা তোমার ইচ্ছে নয় ?

হাঁ তাই, আমি সব জানতে পেরেছি, সেদিন তোমার ছোট ভাই এসেছিল, মদের ঘোরে তুমি তাকে তিরস্কার ক'রে তাড়িয়ে দিলে, কিন্তু আমার দয়া হল। আমি তার কাছ থেকে, তোমার সংসারের সব খবর নিলুম, কোথায় একটা অজানা পল্লীর নির্জন ঘরে বসে তোমার জী দিনের পর দিন চোখের জল ফেলেছে,—কিন্তু তুমি তার কোন খোঁজই নাও না।

এ একটা হাসির কথা মুরলা, যে সে খবর তুমি নিয়েছ।

হাসি নয়, ললিত ! এ অতি সত্য ! মেয়ে মানুষ হয়ে তা'র মন বুঝতে পারি।

ললিতের মুখ-চোখ রাঙ্গা হইয়া উঠিল, কিন্তু এতে তোমারই অনিষ্ট।

অনিষ্ট ? না ললিত এ অনিষ্ট নয়, এ অতি সৌভাগ্য ! অন্তত জানবো, জীবনে একবারও পরের উপকার করতে পেরেছি।

আকাশ ঘনঘটাচ্ছন্ন হইয়া আসিতেছিল, আসন্ন ঝটিকাভীত এক-একটা বায়স এদিক-ওদিক উড়িয়া যাইতেছিল, ট্রাম গাড়ীর ঘর্ষরঞ্জন ঘরখানাকে কম্পিত করিয়া যাইতেছিল ; মুরলা গবাক্ষের নিকট আসিয়া বাহির আকাশের পানে চাহিয়া ধীরে ধীরে বলিল, বিশ্বাস করতে পারবে না তুমি।—

শোন, মুরলা !

মুরলা মাথা নাড়িয়া বলিয়া উঠিল, না, না আর আমার কিছু বলবার নেই, তুমি যাও—

ভূই-চাপা

বিদ্যাহেগে ললিত উঠিয়া আপনার জামা কাপড় ঠিক করিয়া লইল, পরে গায়ের চাদরটা লইয়া সতাই যখন বাহিরে যাইবে, মুরলা সহসা আসিয়া তাহার হাত ধরিয়া বলিল, আর কি আসবে না তুমি ললিত ?

আর ? না মুরলা, আর আমি আসব না।

মুরলা এক মুহূর্ত ভাবিয়া লইল ! একটা কথা বলে যাও, ললিত।

ললিত বলিল, না, আমি চল্লুম তবে মুরলা !

মুরলার কণ্ঠ রুদ্ধ হইয়া আসিয়াছিল, বাক্য নিঃসরণ করিতে পারিল না, সম্মতি সূচক ঘাড় নাড়িল।

মুরলা একবার চাহিল, শেষবার একবার ভাল করিয়া দেখিয়া লইল, তারপর নিবিড় অন্ধকার ! মোটর গাড়ীর একটা শব্দ হুকার করিয়া তাহাকে উপহাস করিয়া চলিয়া গেল। কক্ষান্তর হইতে তাহারই এক সঙ্গিনীর কলকণ্ঠ তীক্ষ্ণ বাণের মত আসিয়া তাহার কর্ণে লাগিল।

৪

বাদল-রাতের আকাশটা নিরুন্ম হইয়া ছিল ; টিপটিপ করিয়া বৃষ্টি পড়িতেছিল ও মাঝে মাঝে আকাশের বুক চিরিয়া এক একবার বিদ্যাহেগে উঠিতেছিল। এ সন্ধ্যার দিকে ললিতের ভ্রমশ্রম ছিল না, সে দেখিতেছিল, ওই দূরে তাহার চিরপরিচিত গ্রামখানা একটা অন্ধকারের সমষ্টি হইয়া দাঁড়াইয়া আছে। তাহার সঙ্গে তাহার অতীত স্মৃতির কত স্মৃতিই না জড়িত। দীন দরিদ্রের মত কতই না ব্যগ্র আশায় তার পথপানে চাহিয়া আছে। তাহার মধ্যে একটি গৃহের কোণে তাহারই অনাদৃত পত্নী কতদিনের অশ্রু সঞ্চিত রাখিয়া আশায় আকুল নয়নে শূন্য পানে চাহিয়া আছে।

পিচ্ছিল পথটা দক্ষিণে বাকিয়া গিয়া শাশানে মিশিয়াছে। ললিত

আদি ও অকৃত্রিম

বা দিকে ফিরিল, একটা কুকুর দুই একবার চীংকার করিয়া নিশ্চল হইল ; তৎ শব্দের মধ্য দিয়া একটা সাপ হিল-হিল করিয়া চলিয়া গেল ; দক্ষিণে বহুদূর হইতে একটা শৃগাল প্রহর-বার্তা ঘোষণা করিতেছিল । হন্ হন্ করিয়া ললিত চলিল ।

বাটার দরজায় আসিতেই ললিত চমকিয়া উঠিল, ওটা কি !

কে দাঁড়িয়ে ?

অধিকতর চমকিয়া ললিত বলিল, কে স্বধীর নাকি ?

ই্যা ।

ওটা ওখানে কি ?

শুধু কণ্ঠে স্বধীর বলিল, বৌ-দিদি—

সে কি ! এত ঠাণ্ডায় ? ললিতের বুকেটা ধড়াস করিয়া উঠিল ।

বাইরের ঠাণ্ডা আর তাকে স্পর্শ করবে না দাদা ।

মুড়ের মত ললিত বলিয়া উঠিল, কেন, কোথায় যাচ্ছে ?

অশ্রুট গাঢ় কণ্ঠে স্বধীর বলিল, শ্মশানে—

ছবি

কমলাদীঘির নায়েব অবনী মুখুজ্যের বার-মহলে খাজনা আদায় কর্তে যাওয়াই কাল হল ; ফিরে এসে যখন শুনলে তার স্বরূপা এবং পতিব্রতা স্ত্রী ইন্দুকে ছবছরের খোকায় ব্যগ্র বাহুপাশ থেকে দস্তারিা ছিনিয়ে গেছে তখন সে কাঁপতে কাঁপতে আপনার নতুন পাকা দালানটার ওপর মাথায় হাত দিয়ে বসে পড়ল । ছুনিয়াটা তার চোখের স্মৃখে অন্ধকার হয়ে ইা করে গ্রাস করতে এল ।

আগের দিন রাত্তিরে এই ঘটনা ঘটেছে । পাড়ার একজন স্ত্রীলোক

খোকার কান্নাকে শাস্ত করবার জন্তে নিয়ে গিয়েছিল নিজের বাড়ীতে, অবনী এসেছে শুনে খোকাকে নিয়ে এল। অবনী তখন অঝোর ঝরে কাঁদছিল, খোকাকে দেখে তার কান্না আরও উদ্বেল হয়ে উঠল।

সত্য সরকার গিরীশ গরাই, বলরাম বাউরী প্রভৃতি পড়শীরা অনেক সান্ত্বনা এবং সহানুভূতি জানিয়ে শেষে বললে, কি আর করবে হে অবনী আমরা কাল সমস্ত রাত্রিরই ভেবে দেখলুম, আপাতত তোমার করবার আর কিছুই নেই—আহা বউ ত নয় লক্ষ্মী, যেমনি রূপ তেমনি মাগের পয়, তারই স্বনজরে তুমি ছ'বছরের নায়েবীতে কোঠা তুললে, কিন্তু ভগবান তোমার এ স্মৃটুকুও সহিতে পারলেন না—

ব'লে বার দুই চোখ রগড়ালে—

একপাশ থেকে ঘনশ্রাম বললে, এই ঠাকুর ঘরটি বুঝি মা লক্ষ্মীর জন্তে তৈরী করিয়েছিলে অবনী? আহা বাড়ীটা যেন থা থা কচ্ছে। মাগের পায়ের দাগগুলোও মুছে যায়নি দালান থেকে—

তরঙ্গিণীর বোনঝি বললে, বউটার রাশভারী ছিল খুব, সরকার কাকা—চুপ কর বাপু ঘ্যানঘেনে ছেলে, বাপের দুঃখটা বুঝলিনে—

খোকা এ ঝঙ্কারে আরও কেঁদে উঠল, অবনী তাকে কোলে নিয়ে শাস্ত করবার ছলে এধর সেধর বেড়িয়ে তার শেষ সন্দেহটুকু মিটিয়ে নিলে।

চার দিন পরে অপরাহ্ন বেলায় গ্রামে হৈ চৈ পড়ে গেল,—‘চোরা বউ’ ফিরে এসেছে। অবনী তখন চালে ডালে সিদ্ধ করছিল—কাঠের ধোঁয়ায় তার চোখ রক্তবর্ণ। খরব শুনে কি করবে কিছু ঠিক করতে পারলেনা। কিন্তু পরক্ষণেই দশহস্তীর বলে ঘুমন্ত ছেলেটাকে তুলে নিয়ে উন্মত্তের মত দৌড়ে গেল রাস্তায়।

আদি ও অকৃত্রিম

গাছ তলায় ধূলিমলিন দেহটাকে এলিয়ে দিয়ে ইন্দু বসে কাঁদছিল ! মাথার রুক্ষ চুলগুলো তার পরিষ্কার মুখখানিকে ঢেকে চারিদিকে ছড়িয়ে পড়েছিল অসংখ্য সাপের কণার মত । আশে পাশে পঁচিশ ত্রিশ জন স্ত্রীপুরুষ দাঁড়িয়ে জটলা করছিল এবং দস্যুর ওপর তাদের ক্রোধ কতখানি যে হয়েছিল তা তারা জানিয়ে দিচ্ছিল এই নির্ঘাতিতা অভাগীর হেঁট মুণ্ডের ওপর অজস্র বাক্যবাণ বর্ষণ করে—পোড়ার মুখি টু শব্দটি কল্পিনে ? হাজার খানা দা কুড়ুল নিয়ে আমরা এক লহমায় হাজির হতুম

তুই এ গ্রামের নাম ডোবালি, আমাদেরও নাম ডুবিয়ে দিলি—

তোর মুখ দেখলে চোদ্দ পুরুষ নরকস্থ হয়—

দূর হ অভাগী এখান থেকে, ও কালামুখ আর দেখাস্নে—

তরঙ্গিণীর বোনঝি নাক সিঁটকে বললে, শতেক খোয়ারির রূপের আবার কত দেমাক ছিল—

বলরাম বাউরি বললে, কিন্তু তোমার বাছা সাহস করে আর এখানে আসা উচিত হয়নি, যাও রাত হল আবার পথ চিনে কোথাও যেতে হবে ত ?

বিশ্বস্ত চুলের রাশি সরিয়ে চোখ মুখ তুলে ইন্দু বললে, আমার স্বামী ?

উপস্থিত সকলে হো হো করে হেসে উঠল । বাউরী বললে, পাগলি কোথাকার,—তার সঙ্গে দেখা করার বিধি কি আর শাস্ত্রে আছে ?

ইন্দুর শেষ আশা নিমূল হতে চললো—সকলের পায়ের কাছে লুটিয়ে পড়ে বুকের রুদ্ধ অশ্রুর দ্বার খুলে দিয়ে বললে, আমার রক্ষে

করুন, দয়া করুন, আমার কোনো দোষ নেই, কোনও উপায় নেই
আমার, আমায় পায়ে ঠেলবেন না—

—তা হয় না বাছা—

একজন বললে, যাওনা বাপু, কত মেয়েমানুষ ত আপনার হিল্লৈ
করে নেয়—যাও চোখের জল ফেলে গ্রামের অমঙ্গল কর না—

অক্ষুটে কেঁদে ইন্দু বললে, দয়া করুন, আমায় বাড়ীতে যেতে দিন,
নৈলে আমার কোথাও ঠাই নেই—

—না, তা পারব না, শাস্ত্রের বিধি আছে, উপরে ভগবান্ আছেন,
ধর্ম আছে—

বিবর্ণমুখে ইন্দু বললে, আপনারা মহৎ ব্যক্তি, দয়া করুন আমাকে ।

অকস্মাৎ উন্মাদের মত অবনী• ছেলেকে কোলে নিয়ে ভিড় ঠেলে
চুকল—ইন্দু—ইন্দু—

ফুঁপিয়ে কেঁদে উঠল ইন্দু—কেন এলে তুমি । খোকাকে কেন নিয়ে
এলে—খুকু, আমার খুকু,—বলে সে ব্যগ্র বাহুলতা বাঁড়িয়ে দিলে
অবনীর দিকে, তার চার দিনের অদেখা খোকাকে কোলে নেবে বলে—

সর্বনাশ হয় দেখে গিরীশ গরাই ছুটে এসে তাদের মাঝখানে
দাঁড়িয়ে বললে, দাঁড়াও হে অবনী, অত উতলা হয়োনা, আমাদের দিকটা
দেখা চাই ত, আমরা এখানে উপস্থিত থাকতে এ কাণ্ড হলে আমাদেরও
যে একঘরে হতে হবে, কি বল কেদার খুড়ো ?

—বটেই ত—

—তাই, বলি কি, অস্পৃশ্যাকে নিয়ে ঘর করাটা ত—

ইন্দুর চোখ দুখো জলে উঠেই আবার ছাই হয়ে গেল । অবনী
বললে, অস্পৃশ্য কি ও যে ইন্দু, আমার স্ত্রী, কি বলছ গিরীশ ?

—হেঁ হেঁ, চল মাথা ঠাণ্ডা করবে চল, ওহে ঘনশ্যাম, এসো-না এদিকে। সকলে ধরে বেঁধে অবনীকে ফিরিয়ে নিয়ে চললো।

ইন্দু দৌড়ে গিয়ে তাদের পায়ের কাছে পড়ে বললে, ওগো তোমাদের পায়ে পড়ি, থুকুকে একবার কোলে দাও—একবার, দাও—

বাতাসে তার কান্না ভেসে গেল। অবনীর আর্তস্বরটাও তারা নিজেদের গুণ্ণোগে চাপা দিলে।

সন্ধ্যার ধূসর আবরণটা তখন বনের পথে, লুটিয়ে পড়ছিল...

২

তিনবছর পরে।

ছপুর বেলা। ইন্দু এখন এ জেলার বড় ইন্সুলের মাষ্টারনী। সেদিন রবিবার, কোথাও বার হয়নি সে। ঘরে বসে কিছুক্ষণ আগে একটা রেশমী কাপড়ের ওপর ফুল তুলতে তুলতে তন্দ্রা এসেছিল। গালের ওপর বেয়ে পড়া চোখের ধারাটি শুকিয়ে উঠেছিল, জান্না দিয়ে ঝাঁপিয়ে-পড়া মুহূ বাতাসের দোলনায়—

বাইরের গোলমালে আতঙ্কে তন্দ্রা ভেঙ্গে যেতে সে উঠে বসল। চোখ মুছে বাইরে আসতেই গিরিশ গরাই চোখ পাকিয়ে বললে, এ সব তোমার কেমন ব্যাভার বাছা—বেঙ্গ মাগীদের মত মাষ্টারী করে ত ছেলে-মেয়েগুলোর মাথা খাচ্ছে, তার পর দজ্জিবৃত্তি করে পাশাপাশি চার পাঁচ খানা গ্রাম ছেয়ে ফেল্লে; তুমি নিজের আখের ত পায়ে খেঁৎলে এসেছ, মনের দুঃখে ছোঁড়া বিবাগী হতে বসল, কিন্তু লেস-সেমিজ বুনে এমন করে ঘরে ঘরে বৌ-ঝিদের মাথা খাচ্ছে কোন্ হিসাবে? এতে তোমার ভাল হবে, না ধর্মে ছাড়বে?

ছবি

মাথা হেঁট করে রইল ইন্দু ; স্বামীর ছন্নছাড়া জীবনটা তপ্ত শেলের
মত তাকে যাতনা দিতে লাগল ।

ঘনশ্যাম বললে, তুমি হতভাগিনী জানতুম, কিন্তু আজ বুঝতে
পারছি তুমি অসচ্চরিত্র—

কেদার বললে, তোমার দিক দেখলেই ত চলবে না আমাদের,
গ্রামের উন্নতিও দেখতে হবে, কি বল হে—বলরাম ?

—বটে—বটে—

গিরীশ বললে, কোন রকমেই আর তোমার এখানে থাকা চলতে
পারে না, এ জেলা থেকে তোমায় যেতে হবে—

টপ্ টপ্ করে অশ্রু ঝরে পড়ল ইন্দুর গাল বেয়ে, ধরা গলায় সে
বললে, এতে যদি অনিষ্ট হয়ে থাকে তবে মাপ করুন আমাকে, কোনো
উপায়ই আমি দেখিনি তাই জ্বলেই—

—তা ত জানি, তা ত জানি বাছা তোমার মত লক্ষ্মী বউ আমাদের
গ্রামে আর কেউ ছিল না, তবে কি জান লোকে আমাদেরই দোষী-
ঠাণ্ডারায়, হিন্দুসমাজের আবার এই কেমন একটু কড়াকড়ি আছে কি
না, জান ত বাছা—?

একজন বললে খিষ্টানী ধরণটা আমাদের সমাজে খাটে না জান ত ?
ধর্মের ঘরে পাপ সয়না, তা ছাড়া সত্যি কথা বলতে কি এই চারখানা
গ্রাম মাঝ জেলাস্থল লোক দুমুখে তোমার স্থখ্যাতি করছে—কুলটা
পতিতার এত স্থখ্যাত হওয়া কি সমাজের পক্ষে হিতকর ? ঘরের ঝি
বউয়ের মন বিগড়ে যেতে পারে ত ?

ঘাড়টা তুলে ইন্দু একবার সোজা হয়ে দাঁড়াল কিন্তু পরমুহুর্তেই

আদি ও অকৃত্রিম

বিবর্ণ মুখে হাত চাপা দিয়ে বললে, কি করব আমারই দোষ হয়েছে,
আপনারা দয়া করে ব্যবস্থা দিন—

—তোমাকে এখান থেকে ত চলে যেতে হয় কোথাও—

—তা হলে আপনারা কি আমায় মাপ করবেন ?

—তা দেখা যাবে, তুমি তৈরী হয়ে নাও—

একবার চীৎকার করে কেঁদে উঠতে ইচ্ছে হল ইন্দুর—কিন্তু সবলে
দুহাত দিয়ে মুখ চেপে ধরে সে ভেতরে চলে গেল ।

দুটো লোক দিয়ে জিনিসপত্তর বার করবার চেষ্টা করতেই গিরিশ
বললে, অমন কাজ কর না লক্ষ্মী, তুমি ত যাচ্ছই ও দুটো লোককে কেন
মজিয়ে যাও, তোমার জিনিস বয়ে নিয়ে গেলে ওদের কি সমাজে ঠাই
দেবে আর ?—যা পালা, মামদো বেটা রা—

তারা চলে গেল ।

এত সহজে কাজ উদ্ধার হবে তা মাতব্বরেরা ভাবেনি তবুও সন্দেহ
মেটাবার জন্তে পরস্পর বললে, চল ইন্সটিশানে ছুঁড়িকে তুলে দিয়ে
আসি, নইলে বুঝতে পেরেছ ত ? বিশ্বাসো নৈব কর্তব্য স্ত্রীষু—

তারাও চলতে লাগল ।

অবনীর কানে এ খবরটা পৌঁছতে বিলম্ব হল না, সে ছেলেটার হাত
ধরে রাস্তা দিয়ে হন্ হন্ করে চলতে লাগল, ইন্দুকে একবার শেষ দেখা
দেখবার জন্তে । অপরাহ্ন বেলা । এ রাস্তা সে রাস্তা কোথাও অবনী
কা'কেও দেখতে পেলো না । হতাশ হয়ে চলতে চলতে স্টেশনের কাছে
এসে পড়ল । পাঁচ বছরের ছেলেটা নেতিয়ে পড়েছিল পথ হেঁটে ।
অবনী বললে, চল থোকা বাড়ী যাই, তারা নেই—

—কে বাবা ?

—কেউ না, চল—

—না যাব না, আমি রেল দেখব—

—তাই চল—চোখদুটো অবনীর থম্ থম্ করছিল। সে অনেক আশা করে এতখানি পথ এসেছিল। স্টেশনে লোকে লোকারণ্য। আকুল দৃষ্টিতেই সে চিনতে পাল্লে। দৃপ্তা অভিমানিনী অথচ একান্ত সহায়হীন সে কি করুণ দৃষ্টি। স্থ-দুঃখ কিছু নেই সে মূর্তিতে—স্পন্দন-হীন নিষ্কিকার !

অবনী ছুটে গিয়ে বললে, ইন্দু ও ইন্দু—?

চমকে মুখ ফেরালে ইন্দু, তারপর শাস্তকণ্ঠে বললে, এসেছ ? তুমি আসবেই জানতুম—

কোন্ শ্রোতে তুমি ভেসে চললে ইন্দু ? তোমার দয়া মায়া কি নেই ?

সে চুপ করে রইল ! অবনী হাত ধরে আবার বললে, তোমার বলবার কি আর কিছু নেই ইন্দু ?

—এই বল যেন তোমায় আবার পাই—

—চল ইন্দু চল, যে দিকে ছুচোখ যায় আমরা চলে যাই—বলতে বলতে অবনী কঁদে উঠল !

ইন্দু তেমনি ভাবেই বললে, না তা পারনা, সমাজ, স্বদেশ আর খোকার ভবিষ্যতকে তুমি নষ্ট কর্তে পার না—

খোকা মুখ তুলে বললে, এ কে বাবা ?

—আমি ? বলে ইন্দু খোকাকে কোলে তুলে তার মুখখানা তার বুকের ভেতর নিয়ে অজস্র চুম্বন করে বললে, আমি কে বলত রে খোকা—বলত, বলত তোর আধো আধো কথাটা যাবার সময় এক-

আদি ও অকৃত্রিম

বার শুনে যাই—বলত ? বার বার করে তার চোখ দিয়ে জল গড়াচ্ছিল।

দুহাতে মুখ ঢেকে অবনী বললে, তোমার বুড়ো না সেখানে আছে—

তাই ত যাচ্ছি আমি তোমার মনের কথা যে জানতে পেরেছিলুম—
—কিন্তু আমার অল্পরোধ আর একটা বিয়ে করে সংসারী হও, নৈলে
থুকুর কষ্ট হবে—তবে যাই থুকু ?

ওপারের মাতব্বরেরা হঠাৎ এ ব্যাপার দেখে হাঁ হাঁ করে মাঝখানে
দাঁড়িয়ে বললে, এসব কি বেহায়াপনা তোমার অবনী ? আমাদের
নামটাও ডোবাতে চাও ? দেশের মাঝখানে এ ছেলেকে নিয়ে সোহাগ
কচ্ছ ?—ওঠোনা বাছা গাড়ীতে, ছোড়াকে যে জালিয়ে পুড়িয়ে মার্জে ?

ভয়ে ভয়ে ইন্দু গাড়ীতে গিয়ে উঠে বসল। গাড়ীখানা তারপর
প্লাটফর্ম ছেড়ে ছুটে চলল। অবনীর চেতনাহীন মর্ষস্থলটাকে পিষে
দিয়ে।

রাস্তায় যেতে যেতে চোখ মুছে থোকা বললে, ও কে বাবা ?

অবনী ধরাগলায় বললে, তোর মা—

—মা ?

হঁ—চল দাঁড়াবনে—সন্ধ্যা হয়ে এল।

উৎসব

গরুই নদীর শাখার নাম কাজুড়ি। শীত ও গ্রীষ্মে তার শুষ্ক বুক ধু ধু
করে। বর্ষায় বান ডাকে ! আশেপাশের ক্ষেত খামার ভাসাইয়া
দিয়া যায়।

তার দক্ষিণ তীরে একখানি ছোট গ্রাম কৈলাস ।

শ্রীপতি সেই গ্রামেই বাস করে । তার সখলের মধ্যে একখানা খড়ের ছাউনি ঘর ও একটা পঙ্কিল ডোবা,—আর সামান্য কিছু জমি, এবং সংসারে রুগ্ন পত্নী ও ছ'বছরের মুমূর্ষু ছেলেটা ।

ছেলের দিকে চাহিয়া নারাগী বলে, কি হবে গো ?

শ্রীপতি মুখ ফিরায়ে, বলে, কোনও উপায় নেই—

এমনি ক'রে মর্ন্তে বসল, কার মুখ চেয়ে থাকব ? ওই একটিই ত—

তাই রক্ষে, বলিয়া শ্রীপতি সরিয়া যায় ।

নারাগী কাঁদে না । রুগ্ন দেহে কাঁদিলে দম আটকায় । বলে, বড়ির বাড়ী একবার যাবে ?

শ্রীপতি বলে, গিয়ে কি করব ? পয়সার জন্তে কাল তাড়িয়ে দিয়েছে, আজ আবার সাধতে যাব ?

নারাগী এদিকওদিক চাহিয়া বলে, চারটি চাল দিলে ওষু দেয় না ?

শ্রীপতি হাসে,—সে হাসি দেখিলে কান্না পায়, ভয়ও হয় । হাসিয়া বলে, চালই বা কোথায় যে দেবে নারাগী ? উপোসটা কি অস্থূথের জন্তেই ?

নারাগী লজ্জায় সরিয়া যায় ।

জমিদারের গোমস্তা আগড় ঠেলিয়া ভিতরে আসে । দেখিয়া শ্রীপতির রক্ত শুকায়, বলে এমন সময় ছোট বাবু ?

কাজ আছে হে, অকাজে কি এসেছি ? তুমি ত একবার চোখের দেখাও দিয়ে আসতে পার না । বলি বাঘ না ভালুক ?

শ্রীপতি বলে, তার জন্তে নয় ছোট বাবু, পয়সা কড়ি না হলে—

কান্তিবাবু বলে, পয়সা কড়ি নেই তা যেন বুঝলুম কিন্তু গাঁয়ে

আদি ও অকৃত্রিম

লাখপতিও কেউ নেই ছিপতি, যে তোমার টাকা কটা না হলে তাদের চলে যাবে—

আজ্ঞে, আপনারা দয়া না করলে কে করবে ?

কান্তিবাবু হো হো করিয়া হাসে, বলে, দয়া। পেটে খেয়ে ত জমিদার তোমায় দয়া করবে। নৈলে দয়া আসবে কোথা থেকে—যাক তোমার হিসেবটা এখন করে দাও—আবার দু'এক ঘরে যেতে হবে ত—

শ্রীপতি দাঁড়াইয়া থাকে।—কান্তিবাবু রাগিয়া বলে, কি, হাঁ করে রইলে যে ? হিসেবটা কর ?

মাথা হেঁট করিয়া শ্রীপতি বলে, ওর আর কি হিসেব কর্ব্ব—
দু'সনের দশটাকা ক'আনাই হয়—কিন্তু—

কিন্তু কি ?

হাতে ত নেই—এখন স্ববিধে হচ্ছে না—

স্ববিধে হচ্ছে না ! কি কথাই বললে ? এতক্ষণ ভ্যান ভ্যান করে বকিয়ে শেষে এই কথা !—এই সব পেজোমিতেই ত ভগবান তোমাদের এমনি করে রেখেছেন—

শ্রীপতি কিছু বলে না, চুপ করিয়া থাকে। কান্তিবাবু পুনরায় বলে, কিন্তু এটা তোমায় জানিয়ে দিচ্ছি শ্রীপতি, আজই তোমার দেবার শেষ তারিখ ছিল, তুমি দিলে না। জমিদার বাবু লোক স্ববিধে নন তাঁর কামে এ কথা উঠলে কি করবেন তা জানিনি—বলিয়া সে চলিয়া যায়।

নারাণী বলে, ছোট বাবুর কথার মানে বুঝলে ত ?

বুঝে কি কর্ব্ব ?

আদায় ওরা কর্বেই—

শ্রীপতি হাসে, বলে—কি আর আছে ? এই রক্ত মাংসের দেহটা,

ভাড়া ত কিছু নেই। —এটা নিলেও বাঁচতুম নারাগী—তাও না—
থাইতে বসিয়া শ্রীপতি বলে, আমার ভাত দিলে—তোমার কই
নারাগী ?

নারাগী বলে, আমার সকাল থেকে জ্বর—
থাবার সময়ই জ্বর, এর আগে হয় নি ত ? আর কিছু নেই বুঝি ?
রুগ্ন ছেলেটা কঁাদে। লোলুপ দৃষ্টিতে ভাতের দিকে চাহিয়া বলে,
ওই ভাত দে মা—তোর পায়ে পড়ি—দে—

স্বপ্ন অন্ধকারে শ্রীপতি ছেলেটার দিকে চায়। অসহ ক্ষুধার
কাতরতায় সে কদাকার বিকৃত মুখখানা দেখিয়া শিহরিয়া উঠে।

ছেলেটা আবার কঁাদে, দাও বাবা—ওই গরাসটা ওইটুকু, আর
চাইব না—ওই ফ্যানটুকু, তোমার পায়ে পড়ি—

চোখ বুজিয়া শ্রীপতি ছেলের মুখে ভাত তুলিয়া দেয়। ছেলেটা
ইতর জন্তুর মত গো-গ্রাসে গেলে। তারপর নিশুম হইয়া পড়ে।

সেদিন রাতে নারাগী বলিল, খোকার ভাতের সময়কার ছোট হারটি
—মনে আছে ?

হ—

তাই বেঁচে ব্যস্তির ওষুধ এনে দাও—

সেটা যে ভাঙ্গতে নেই নারাগী !—

নারাগী ব্যস্ত হইয়া বলিল, ও বাঁচলে আবার কত হবে, এখন ভাল
হ'য়ে উঠুক ত—

বেশ—

আজই যাবে ?

আজ গেলে ত পাবনা, সন্ধ্যার পর কেউ টাকা দেবেনা !

স্বস্থের প্রকাণ্ড মাঠটা প্লাবনে বিধ্বস্ত। হাঁটু অবধি কাদা। তাহাই ভাঙ্গিয়া যাইতে হয়। শ্রীপতি তাড়াতাড়ি যাইতেছিল।

পিছন হইতে শব্দ আসিল, নজরে পড়ে না নাকি ?

শ্রীপতি ফিরিয়া দেখিল, বলিল, ছোটবাবু প্রণাম হই। ছেলোটার বাড়াবাড়ি তাই ওষুধ আনতে—

অস্থ ত আছেই গো কিন্তু খড়ের ছাউনির খাজনা খতম কল্পে কেন ? জমিদার কি ভাল মানুষ ?

শ্রীপতি চুপ করিয়া রহিল। কান্তিবাবু পুনরায় বলিল, আজ একবার তোমার জমিদার বাবুর কাছে যেতে হবে, এফুনি—

শ্রীপতি বিনয় করিয়া বলিল, ছেলটাকে একটু ওষুধ না দিয়ে কি করে যাই ছোটবাবু ? তা ছাড়া গিয়েই বা কি কর্ৰ, এখন ত হাতে কিছু নেই—

আমি তার কি বলব। কিন্তু ডেকেছেন যখন তখন যাওয়াই বুদ্ধির কাজ। লোক ত সুবিধের নন, তা ত জানই। কি কর্ৰে ?

চলুন তবে, বলিয়া শ্রীপতি অগ্রসর হইয়া চলিল।

সদর বৈঠকখানায় কর্তাদের মজলিস বসিয়াছিল। কান্তিবাবু তাড়াতাড়ি ভিতরে ঢুকিয়া বলিল, এদের জালায় আমি ত আর পারিনে বাবু, হেঁটে হেঁটে পায়ের সূতো ছিঁড়ে গেল। পাওনা গুণা দেবার নাম নেই—

বৈঠকখানায় রসচর্চা হইতেছিল। রসভঙ্গ হওয়াতে বাবু চটিয়া উঠিয়া বলিলেন, কান ধরে বেটাকে আমার কাছে নিয়ে এলেনা কেন ?

এ অধীন তাই করেছে বাবু—

বাবু বাহিরে আসিলেন। বলিলেন, তোমার ব্যাপার কি ছিপতি, জমিদার বলেও কি সরম নেই ?

শ্রীপতি হেঁট হইয়া বলিল, আপনি মা বাপ অমন কথা বলবেন না। ও কথার কথা। ওসব ছেড়ে দাও। বলি আমার দশটা টাকা কি তোমার হাতের তলা দিয়ে গলতে দেবে না ! দু বারের ফসলের টাকাও বেমালুম গাপ করলে—

শ্রীপতি মনে মনে শিহরিয়া উঠিল, বলিল, একথা কে বললে বাবু ? আগুন কি চাপা থাকে ছিপতি, তা থাকে না, ও'ই কান্দিই ত দাঁড়িয়ে রয়েছে, ও ত আর আমায় মিথ্যে বলবে না ?

উত্তরে শ্রীপতি কান্দিবাবুর মুখের দিকে নিমেষমাত্র চাহিয়া মাথা নীচু করিয়া বলিল, এ খবর সত্যি নয় বাবু, ভগবান জানেন—

কান্দিবাবু হো হো করিয়া হাসিয়া উঠিলেন, বলিলেন, ভগবান ! এদেশে ভগবানের হাত নেই শ্রীপতি, এ তাঁর রাজহের বাইরে, বলিতে বলিতে আবার উষ্ণ হইয়া বলিলেন, তুমি কি কিছুই করনি ? আগের ফসল বেচে তুমি যে ঘরের চাল তুললে, ওলাইচণ্ডীর চাঁদা দিলে, ডোবা কাটালে এ সব কি মিথ্যে খবর ছিপতি ? আমায় বাবুর সামনে মিথ্যেবাদী বল তুমি—বাবু দেবতা—তিনি কারো কান-ভাঙ্গানী শোনেন না—

বাবু বলিলেন, ঘরের চাল তুলতে কত খরচ পড়েছিল ছিপতি ? না তা নয়, এখন বেচলে কত উঠতে পারে ?

শ্রীপতির বুকটা ছাঁৎ করিয়া উঠিল, তা কি করে জানব বাবু ? ওটুকু বেচবার কথা ত ভাবিনি, আমার ছেলেটি বড় হয়ে—

আদি ও অকৃত্রিম

কাস্তিবাবু ধমক দিয়া বলিল, বাবু ত তোমায় সে কথা জিজ্ঞেস করেন নি। বেচলে কত হতে পারে তাই বলচেন।

শ্রীপতি বলিল, খরচ পড়েছিল দুকুড়ি টাকা—

বাবু বললেন, তা হবে বৈ কি, মাগিয়ার বাজার। আমার ছোট মহল্লার নতুন ধাওড়া দেখেছ ছিপতি ?

আজ্ঞে ই—

ওইটে শেষ হলে তোমাদের থাকবার জায়গা করে দেবো। ফসলের জন্মেই ওটা হয়েছিল কিন্তু এখন বে মতলব আর নেই। তবে একটা কথা—

শ্রীপতি মুখ তুলিল।

কাস্তিবাবু বলিল, আমিহি বলচি, বাবুর আমার শরীরটা একটু অসুস্থ আছে। আপাততঃ তোমার ঘরখানা ছেড়ে দিতে হবে, কেন না সরকারে টাকা আমাদের এ মাসে জমা দিতেই হবে, যে উপায়েই হ'ক।

শ্রীপতি কথাটা বিশ্বাস করিতে পারিল না, বলিল, সে কি কথা বাবু, ছেলে বউ নিয়ে তবে দাঁড়াব কোথা ?

বাবু বললেন, তোমার মনটাই ভাল নয়, ছিপতি। কার সঙ্গে কেমন করে কথা বলতে হয়, তা শেখোনি। ওই কথা পাছে শুনতে হয় বলেই আমি গাঁটের পয়সা খরচ করে আগে থাকতে ধাওড়া করে দিচ্ছি।

কাস্তিবাবু বলিল, দুর্ভাগ্য, আপনার দুর্ভাগ্য ! নৈলে এমন প্রজাই বা আপনাকে চরাতে হবে কেন। তা বেশ ওই কথাই রইল ছিপতি। ঘরখানা তোমার খালি করে দিও। তারপর বাবুর চালা তৈরী হলেই সেখানে রাজার হালে থাকতে পারবে, বলিয়া একটু থামিয়া আবার বলিল, এ কষ্টটুকুও তোমায় কর্তে হত না, যদি তুমি দশটা টাকার মায়া

ছাড়তে—যাক্ তা যখন হবার নয়, আর আমাদের টাকার এত আবশ্যক তখন ওই কথাই রইল—আম্বন বাবু আপনার আবার ঠিক সময় মানাহার না হলে অম্বলের ব্যামো বাড়বে, বলিয়া সে সরিয়া গেল।

বাবু আর একবার ফিরিয়া আসিয়া বলিলেন, আর একটা কথা বলছিলুম ছিপতি—আমার নাতির অন্নপ্রাশন, তা শুনেছ বোধ হয় ?

—আজ্ঞে হ্যাঁ, কালকেই ত হবে—

—সেই কথাই বলছিলুম। এ গাঁয়ের সকলেই সাধ্যমত যা হক কিছু যৌতুক দিয়েছে। কেবল তুমিই দেখছি আমার মানহানি করবে—

শ্রীপতি বলিল, আপনাকে দেবার মতন আমার কি আছে বাবু ?

তাহার চোখে জল আসিতেছিল।

—দেবার ইচ্ছে থাকলেই দেওয়া যায় ছিপতি। সাত দেবতার দোর ধরে নাতিটি হল, তুমিই বা কোন মুখে ছেলের বাপ হয়ে চুপ করে আছ ?

অন্তরাল হইতে সরিয়া আসিয়া কান্তিবাবু বলিল, পয়সার অহঙ্কার বেশী দিন থাকে না, ছিপতি। আজ যে রাজা কাল সে ভিথিরী। জমিদার বংশের ছেলেটি হল আর তুমি সিদ্ধুক বন্ধ করে গ্যাট হয়ে বসে রইলে। আমাদের নেই, তাই বাবু মাপ কলেন—থাক্লে আমরাও চুপ করে রইতুম না।

শ্রীপতি মুখ তুলিল না।

বাবু বলিলেন, সকলের সঙ্গে তোমার যখন ডাক পড়বে, তখন লজ্জায় আমি মুখ তুলতেই পারব না, বাইরের শত্রুরা মুখ টিপে হাসবে—

কান্তিবাবু বলিল, তাই ত,—সকলেই বলবে একটা চাষার ছেলে

হয়ে ছিপতি বাবুকে অপমান কলে, তা হলে আপনিই কি আর বাইরে মুখ দেখাতে পারবেন বাবু ?

শ্রীপতি মুখ তুলিল। তারপর গলা ঝাড়িয়া বলিল, ছোটবাবু মন্দ বলেন নি—বেশ, আপনার অপমান যাতে হয় এমন কাজ কর্তে পারব না বাবু। এই ক্ষুদ্র কুঁড়োটুকু যা আমার ছিল দিয়ে গেলুম। আমার দাদাভায়ের গলায় পরিয়ে দেবেন—বলিয়া কাপড়ের ভিতর হইতে তাহারই ছেলের অন্নপ্রাশনের ছোট হারটি বাহির করিয়া বাবুর পায়ের কাছে রাখিল। পরে বলিল, আশ্চর্য্য হবেন না ছোটবাবু, আমরা ছোটলোক হলেও বাবুর মান অপমান বুঝি—আচ্ছা আজ তবে আসি বাবু, বলিয়া উভয়ের পায়ের কাছে গড় হইয়া প্রণাম করিয়া সে টলিতে টলিতে বাহির হইয়া গেল।

কান্তিবাবু হারটি তুলিয়া হাসিমুখে বলিল, দেখলেন ত বাবু—এক কথায় যে হারছড়া দিয়ে যেতে পারে, তার সিন্দুক ত কুবেরের ভাঁড়ার। তা সে যাই হোক বাবু, আপনার এবারকার দায় কিন্তু এদের পয়সাতেই উদ্ধার হয়ে যাবে, বাবু বলিলেন, তুমি ঠিক বুঝতে পালেনা, কিন্তু ছিপতি তোমায় অপমান করেই গেল—

কান্তিবাবু—হিহি করিয়া হাসিল, বলিল, বুঝতে কি আর পারিনি বাবু—সব বুঝেছি, কিন্তু আমি বলে রাখছি, দেখে নেবেন—কাল মাগ-ছেলে নিয়ে যখন রাস্তায় এসে দাঁড়াবে তখন ও বিষটুকুও আর থাকবে না। আজ তবে আসি বাবু, বলিয়া একটু একটু হাসিতে হাসিতে সে বাহির হইয়া গেল।

সারাদিন শ্রীপতি ঘরে ফিরিল না। কি করিবে কিছুই স্থির করিতে

না পারিয়া রাস্তায় রাস্তায় ঘুরিল। অন্ধকারে যখন রাস্তাও আর ঠাহর হইল না, তখন আন্তে আন্তে আগড় সরাইয়া উঠানে আসিয়া ডাকিল, নারাণী ?

ভিতর হইতে নারাণী বলিল, যাই—

আলোকে নারাণীর বিবর্ণ মুখের দিকে চাহিয়া শ্রীপতি বলিল, থোকা ত ভাত খেয়ে একটু ভালই আছে নারাণী ?

ভগ্নকণ্ঠে নারাণী বলিল, দেখবে চল।

শ্রীপতি বলিল, আর কি সাড়াও দিচ্ছে না ?

—না, ওষুধটা খাইয়ে দাও—

—ওষুধ, শ্রীপতির বুকটা ধড়াস করিয়া উঠিল, বলিল, ওষুধ ত নেই নারাণী ? সে হারটা বাবুর নান্দির ভাতে যৌতুক দিয়ে এলুম—

—কি বললে ?

শ্রীপতি বলিল, আমরা পেরুজা হয়ে বাবুর অপমান ত সইতে পারিনি—তাই দিয়ে এলুম।

নারাণী আন্তে আন্তে বলিল, ছেলে ত সকলেরই সমান—তাদের একটু মায়াও হল না ?

—জমিদারী কর্তে গেলে যে দয়ামায়া ত্যাগ কর্তে হয় নারাণী !

নারাণী বাহিরে আসিয়া ধপ্ করিয়া বসিয়া পড়িল, তারপর মুখে হাত চাপা দিয়া কাঁদিয়া বলিল, ভগবান, তুমি সব জানো। তোমার কাছে কেউ তফাৎ নয়—তুমি দেখো—

ভোরের আলো ফুটিবার পূর্বেই ছেলেটা মরিয়া গেল।

শ্রীপতি কুড়াল খানা লইয়া বাহিরে আসিল এবং যে গাছটার শুকনো গুঁড়িটার উপর ছেলেটা খেলা করিতে করিতে চড়িয়া বসিত,

আদি ও অকৃত্রিম

সেইটাই চেলা করিয়া কাটিয়া কাঠ জড়ো করিল। পরে ডোবাটার ওধারে একটি ছোট চিতা প্রস্তুত করিয়া শবদেহটাকে তাহাতে তুলিয়া দিল।

একটু পরে আগড় সরাইয়া কান্তিবাবু বলিল, কখন মারা গেল ছিপতি ?

—খানিক আগে ছোট বাবু—

—আহা ছেলেটি বড় ভাল ছিল। কেমন নেচে কুঁদে বেড়াত। ঐ গাছটিতে যখন তখন চড়ে বসে—ওকি গাছটি কি হল ছিপতি ?

—কেটেছি ছোটবাবু, তাইতে চুলো করিছি।

ভাল করেনি ছিপতি, বাস্তবৃক্ষ ! ওই ত লক্ষ্মী, ও গাছ কেটে জমিদারেরই বেশী অমঙ্গল কল্লে। এ পাপ ত অমনি যাবে না। এতে গাঁয়ের পতন নিশ্চয়—তোমার, আমার, জমিদারের, সকলের পতন—

শ্রীপতি নীরবে চোখ মুছিতে লাগিল।

আড়চোখে চাহিয়া কান্তিবাবু পুনরায় বলিল, কেঁদোনা—কঁাদলে ত আর ফিরে পাবার নয়, গাছের সব ফল কি থাকে বাপু, একটা নষ্ট হয়েও যায়।

ভগ্নস্বরে শ্রীপতি বলিল, আমার যে সব গেল ছোটবাবু !

—চূপ কর, চূপ কর—চোখের জল ফেলো না। আজ এ গাঁয়ের এত বড় একটি শুভ অন্নপ্রাশনের উৎসব; শহর থেকে ভাল ভাল বাইজি এসেছে, তাদের নাচ গান—এত বড় একটা ভোজ, এতে চোখের জল ফেলে বিঘ্ন ঘটায়োনা ছিপতি—বলিয়া একটু খামিয়া আবার বলিল, বাস্তবৃক্ষ নষ্ট করে যে পাপ কল্লে—এ তো খণ্ডাবার নয়—কি করবে ছিপতি ?

—অপরাধ হয়েছে ছোটবাবু—

—সে ত বটেই কিন্তু ও কথা বললে কি বাবু শুনবেন, না শাস্ত্রই তোমায় রেহাই দেবে ?

—আজ্ঞে করুন, কি কর্ব, আপনি ব্রাহ্মণ ।

—করবার ত কিছুই দেখতে পাইনি—কেবল একটি উপায় ঠাওরাতে পারি । কোনও প্রত্যক্ষদর্শী ব্রাহ্মণকে স্বর্ণ, বস্ত্র, নৈবেদ্য আর দক্ষিণা দিলে এ পাপের কিঞ্চিৎ লাঘব হতে পারে—সেজন্মে তোমায় একটি যাগ্ কর্তে হবে—

শ্রীপতি চুপ করিয়া রহিল ।

কাস্তিবাবু আবার বলিল, মুখ বুজে থাকলে হবে না ছিপতি—এ প্রাচিস্তির তোমায় কর্তেই হবে । জমিদারের অপমান যখন সহিতে পার না, তখন তাঁর অধঃপতনই বা কোন্ প্রাণে সহ করবে ? ওরে বাবা, বাস্তব বৃক্ষ ! হে ভগবান, তুমি এ পাতকীকে ক্ষমা ক'র—কি সর্বনাশ !

সে চলিয়া গেল ।

শীতের বেলা পড়িয়া আসিল । অদূরে শুভ উৎসবের বাজনা শুনাইতেছিল ।

শ্রীপতি ডাকিল, নারাগী ? সাড়া নাই । আবার ডাকিল । তারপর গভীর স্নেহে নারাগীর হাত দুইটি ধরিয়া বাহিরে আসিল । ভোবাতে স্নান করাইল,—নিজেও করিল । নারাগী ক্ষীণ কণ্ঠে বলিল, বসতে যে পাচ্ছি—ঘরে চল । বলিয়া সে সেইখানে শুইয়া পড়িল । ক্লান্তকণ্ঠে শ্রীপতি বলিল, ঘর ত আর নেই নারাগী—সব গেছে—তারপর নিঃশ্বাস ফেলিয়া বলিল, তা যাক্, এ পোড়া গাঁয়ে আর থাকব না—চল আজই

আদি ও অন্তিম

আমরা চলে যাই। শহরে গিয়ে খেটে খাব—বলিয়া সে নারাণীর
হাত ধরিয়া তুলিল।

চিঁতাটা তখনও অল্প অল্প জ্বলিতে ছিল।

নারাণী বলিল, ওটাতে জল দিয়ে যাও—

—না জলুক—সব জলে পুড়ে ছারখার হক—চল—

—সঙ্গে কিছু নেবে না?

শ্রীপতি বলিল, না সব থাক, ছোটবাবু প্রাচিতির করবে—ওসব
তার দক্ষিণে—চল—

*

*

*

অনেকদূর গিয়া নারাণী বলিল, পারিনা যে, আর কতদূর—রাত
যে অনেক হল?

শ্রীপতি বলিল, ময়নাবতীর মাঠ ছ'কোশ—তারপর ফাঁড়ি—সেখানে
জিজ্ঞেস কল্লের রাস্তা ঠিক পাব—চল লক্ষ্মীটি।

আলেক্সা

পড়ো জমিটার ধারে একতলা বাড়ীখানা—তারের জাল দিয়ে ঘেরা
কাক-কোকিল ঢুকিবার উপায় নাই। রাস্তার সমতা থেকে নীচু,
সুতরাং বৃষ্টি হইলে ভিতরে জল জমে। লোকগুলা মাছের মত ভাসিয়া
বেড়ায়।

লোকে বলে, বাড়ী নয় ত থাচা। আরও কত কি বলে।

দিন-রাত ভিতরে হরিনাম হয়। চীৎকারে কান ঝালাপালা করে।
কানাঘুসা হয়, অতিভক্তি চোরের লক্ষণ।

আলোয়া

পাশের বাড়ীতে যে মেয়েটার সেদিন বিবাহ হইয়াছে সে ইহার চেয়েও আরও কি একটা শক্ত কথা বলিয়া ফেলিয়াছিল।

বৈষ্ণবী সে কথার উত্তর দেয় নাই—কিই বা দিবে! কেবল বলিয়াছিল, রাগ কর কেন ভাই, বামুনেরা ত নাস্তিক নয়।

মেয়েটা ছাদের পাঁচিলে একটুখানি মুখ বাড়াইয়া বলে, তোমার সাধ আহ্লাদ কিছু নেই গা? কেবল ওই ‘ভজ নিতাই গৌর’? বলিয়া বৈষ্ণবীর বেশ-বিজ্ঞাস দেখিয়া মুখ টিপিয়া হাসে।

বৈষ্ণবী বলে, সাধ আহ্লাদ আর কি ভাই। উনি বলেন, নামের মধ্যে ওসব ডুবে যায়—বলিয়াই একটু হাসে। সাহস করিয়া আবার বলে, তুমিও অপ কর না ভাই, দিন-রাত কর—দেখবে মনটি কেমন ফুর ফুর করবে—

মেয়েটা ফিক করিয়া হাসিয়া ফেলে, বলে, দূর—লোকে বলবে কি? বলিয়া চলিয়া যায়।

আবার আসে। বলে, তোমার নাম ত বোষ্টুমী, আর নাম নেই বুঝি?

বৈষ্ণবী একটু ভাবে, তারপর হাসিয়া বলে, আছে, তবে সে নামে কেউ ডাকে না—বলিয়া সরিয়া আসিয়া চুপি চুপি বলে, শুনে হাসবে না? আমার নাম লীলা।

মেয়েটার মুখের হাসি মিলাইয়া যায়। চোখে চোখে চাহিয়া বলে, ওই দাড়ীওয়ালা বুড়োটা কে?

বৈষ্ণবী একটু চুপ করিয়া থাকে। তারপর বলে, উনিই ত—বলিয়া চঞ্চল পদে চলিয়া যায়, আর আসে না।

লোকের ভিড় লাগিয়া আছে। সদাসর্বদাই কীর্তন চলে। সৰু দালানটার উপর তাহারা ধুম্‌ধুম্‌ করিয়া নাচে।

বৈষ্ণবীও নাকি ঘরের ভিতর নাচে, কিন্তু কেউ দেখিতে পায় না।

দলের মধ্যে মতিরােমের সাধনা অভূত। নাচ গান করিতে করিতে সে প্রায়ই আছাড় খাইয়া পড়ে। কখনও হাসে কখনও কাঁদে—চোখ দিয়া ধারা গড়ায়। সকলে বলে, ওর ওপর 'ভর' হয়েছে, ঠাকুরের দয়া—আহা!

রাধানাথ একথা শুনিয়া আড়ালে গিয়া হাসে। লীলা জানালার ফাঁক দিয়া তাহার হাসি দেখিতে পায়।

রাধানাথের সহিত কথা কহিতে তার একটুও লজ্জা করে না। জানালাটা আর একটু ফাঁক করিয়া বলৈ, হাসচেন যে?

রাধানাথ মুখ ফিরাইয়া বলে, হাসি আসে তাই—এতদিন হরিনাম কচ্ছি কিন্তু আমাদের ওপর ঠাকুরের দয়া নেই—বলিয়া আবার হাসে।

চোখ পাকাইয়া লীলা বলে, দয়া হবে কোথেকে? অবিশ্বাসী মন নিয়ে কি নাম করা যায়? কথায় বলে, 'মনে মুখে এক হও।'

রাধানাথ মুখ ফিরায়। আবার বলে, তোমার বিশ্বাস আছে ত?

খুব আছে, তোমাদের চেয়ে—বলিয়া লীলা আড়ালে সরিয়া যায়।

আবার খানিকক্ষণ বাদে ফিরিয়া আসে। মাথার কাপড়টা তুলিয়া দিয়া বলে, নাচুনি আরম্ভ হয়েছে—এখানে দাঁড়িয়ে যে?

রাধানাথ একটা নিশ্বাস ফেলিয়া বলে, এমনি—বুড়ো বয়েসে আর নাচতে ভাল লাগে না।

লীলা হাসিয়া ফেলে কিন্তু নিজের হাসিতে লজ্জিত হইয়া ঘাড় ফিরায়। তারপর বলে, বিষ্টুবাবু আবার হাউ হাউ ক'রে কাঁদে—

আলোয়া

ঠোট উণ্টাইয়া রাধানাথ বলে, নামের মাহাত্ম্য ! আমার কই
চোখে জল আসে না—তোমার ?

রামো—ওসব আদিখ্যেতা—বলিয়া লীলা চলিয়া যায় ।

রাধানাথ উকি মারিয়া লীলার পথের দিকে চায় । কিন্তু লীলা
আসে না ।

সন্ধ্যার পর সকলে চলিয়া যায় । রাধানাথ যায় না । তাহার
উপর বাবাজির রূপাটা একটু বেশী ।

ধূচ্চিতে ধূনা দিয়াই তিনি বলেন, কোথায় গেলে গো ? রাধুর
বসবার আসনটা এগিয়ে দাও না—

থাক্ থাক্, আর আনতে হবে না—রাধানাথ বলে ।

কিন্তু লীলা আসন আনে । *বা হাতের আঙুল কয়টা দিয়া মুখের
হাসি টিপিয়া ধরিয়া বলে, এই যে পেতে দিচ্ছি—

রাধানাথও আড়চোখে চাহিয়া হাসে । বিনা কারণেই হাসি ।

লীলা আসন পাতিয়া দেয় । তারপর রাধানাথের স্মৃদ্ধ দিয়া
সঙ্কুচিত হইয়া বাহিরে যায়—যেন ছুঁইয়া না ফেলে ।

বাবাজি পিছন ফিরিয়া তখন মস্ত্র জপেন ।

দরজার আড়ালে গিয়া লীলা বসিয়া পড়ে । রাধানাথ দেখিতে
পায় । বাবাজি মুখ ফিরাইয়া বলেন, দোষ নেই বাবাজি—গুরুপত্নীর
সঙ্গে কথা চলতে পারে, আমাদের শাস্ত্রে বাধে না—

লীলা মুখে কাপড় চাপা দিয়া হাসে । রাধানাথ বিনয় করিয়া বলে,
আজ্ঞে হ্যা—কিন্তু তাই বলে কি সকলেই কথা বলতে পারে ?—

তা নয় । তবে আমি তোমাকে চিনি কি না—সেই ছোট বেলাটি
থেকে—বলিয়া গুরুদেব চুপ করেন । একটু পরে আবার বলেন, কিন্তু

আদি ও অন্তিম

মা বলতে হবে না বাবা—ওটা যেন জোর ক'রে সাধুগিরি দেখানো। আর উনি তোমার চেয়ে বয়েসেও বোধ হয় ছোট—ছুটি ভাই বোনের সামিল। তুমি দিদি বলেই ডেকো—

রাধানাথ ঘাড় হেঁট করিয়া থাকে। মুখ তোলে না পাছে লীলার সঙ্গে চোখচোখি হয়। কানাচের ধারে একটা বিড়াল ম্যাও ম্যাও করিয়া ডাকে। পাশের আস্তাবলে ঘোড়ার ক্ষুরের ঠকঠক শব্দ হয়। শ্রাকরাদেব ঘড়িতে টিং টিং করিয়া নয়টা বাজে।

রাধানাথ বলে, আমি উঠি এইবার—

উঠবে? আচ্ছা এসো—বাবাজি বলেন।

রাধানাথ আর কোনও দিকে না চাহিয়া বাহির হইয়া যায়। দরজার কাছে গিয়া বলে, কাল সকাল সকাল আসব গুরুদেব—

লীলা আপন মনে হাসে।

কদম ফুলের মত মাথাটি ছাঁটা—কাঁচায় পাকায় চুল। গায়ের রং কালো—দেহটিও নাহুস হুহুস। দাড়িটা ঠিক সজ্জার পিঠের মত—সাত জন্মে ক্ষুর পড়ে না। চোখ দুটি দেখিয়া ত লীলা ভয় পাইয়া গিয়াছিল। একদিন হাসিয়া বলিয়াছিল, নামাবলীখানা গায়ে না থাকলে লোকে ভাকাত বলত—

খুঁ-খুঁ করিয়া বাবাজি সেদিন হাসিতে হাসিতে লীলার চিবুক ধরিয়া বলিয়াছিলেন, রাধুর চেয়েও দেখতে ভাল ছিলুম—বুঝলে?

লীলা আর কিছু বলে নাই। কিন্তু বিশ্বাসও করে নাই।

পাশের বাড়ীর মেয়েটা প্রায় রোজই বিকাল বেলা ছাদে আসিয়া দাঁড়ায়। আজও দাঁড়াইয়াছিল। তাহাকে দেখিয়া বলিল, শুন্চ অ-দিদি।

আলোয়া

সরিয়া আসিয়া লীলা বলিল, কি ভাই ?

ডুমুর ফুল নাকি ?—দেখতে পাই নে কেন ?

অনেক কাজ কি না—

মেয়েটি ঠোট উন্টাইয়া বলিল, জানি গো জানি কত কাজ—তুমিটি আর আমিটি এই ত—সেই রাধু বাবুও থাকে বুঝি ?

দূর, সে থাকতে যাবে কেন ? তারপর—এত সাজ-গোছ যে ? লীলা বলিল ।

মেয়েটা একটু হাসিয়া বলিল, তুমিই বা কি কম যাও ঠাকরুণ—চুল আঁচড়েছ, সাবানও মেখেছ, অমন কালাপেড়ে সাড়ীখানি, পায়ে আলতা, ওকি গলার কণ্ঠি কি হল ?

অপ্রস্তুত হইয়া লীলা বলিল, ছিঁড়ে ফেলেচি ভাই, ভাল লাগে না—বিচ্ছিন্ন দেখায়, না ? বলিয়া মেয়েটি খিল্ খিল্ করিয়া হাসিল । তারপর বলিল, শশুর বাড়ী যাচ্ছি—

মুখ তুলিয়া লীলা বলিল, সত্যি, আবার কবে আসবে ?

মেয়েটা কি একটা তামাসার কথা বলিল । বলিয়া চলিয়া গেল ।

চোখের উপর আবার সন্ধ্যার অন্ধকার নামিয়া আসে । ঘরে আলো জ্বালা হয় না । না হ'ক—সংসারে অত দয়দ কিসের ? নিত্য এ সন্ধ্যা-জ্বালা, নিত্য ঠাকুরের সেবা—আরতি—সবই প্রাণহীন ! কেন এ সব !

বাবাজি ভাকেন, শুন্চ—ওগো—

লীলা কাছে গিয়া মুখ নীচু করিয়া দাঁড়ায় । বাবাজি ইষ্টমন্ত্র জপিতে জপিতে বলেন, কাল সকাল-সন্ধ্যা হরিনাম হবে—জান ত ?

—না, বলিয়া একটু খামিয়া লীলা পুনরায় বলিল, এখন কিছুদিন বন্ধ থাক—আমি বলি—

আদি ও অকৃত্রিম

বাবাজি ভুরু উচু করিয়া বলিলেন, কেন ?

তবে হ'ক—বলিয়া লীলা বাহির হইয়া গেল।

রাধানাথ আসিয়া হাজির। বাবাজি বলিলেন, শুনচ বাবু—তোমার দিদিটি কি বলে ?

চৌকাঠের উপর বসিয়া রাধানাথ বলিল, কি ?

বলে, হরিনাম বন্ধ থাক। চুপ ক'রে রইলে যে ? শিউরে ওঠবার কথা এ—

বাবাজির গোল গোল চোখ দুইটা বড় হইয়া ওঠে।

রাধানাথ কথার উত্তর খুঁজিয়া পায় না। 'পদাবলী'খানা লইয়া নাড়াচাড়া করে। তারপর বলে, না হয় বন্ধ করেই দিন—

বাবাজি বলিলেন, দিদির মন্তর কানে গেল বুঝি ? তোমার দিদিটি বেশ—বলিয়া হিহি করিয়া হাসেন। পুরু ঠোঁটের ভিতর হইতে দাঁত বাহির হইয়া পড়ে।

রাধানাথ কিন্তু হাসে না ? বরং তার মুখ কালো হইয়া উঠে। দরজার আড়ালে সাড়ীর আঁচলটুকুর দিকে মুখ তুলিতে ভয় করে।

বাবাজি আবার বলিলেন, বন্ধ হবে, কিন্তু বুঝলে রাধু—হরিনামে কি পেট ভরে ? কাল বেজায় পাওনার ছল্লোড় যে—দুফোঁটা চোখের জলেই কেলা ফতে—ব'স, আসছি—বলিয়া চলিয়া গেলেন।

স্বমুখের দরজাটি একটু ফাঁক হয়। লীলা উঁকি মারিয়া বলে, চলে গেছেন !

হঁ ! রাধানাথ বলে। বলিয়া এ-দিক ও-দিক চায়। আমি আপনার কানে মন্তর দিয়েছি, না ?

কে বললে ?

আলোয়া

লীলা বলিল, না তাই বলছি—বাড়ী যাবেন না ? রাত হয় নি বুঝি ?

হলেই বা জলে পড়ে নেই ত—রাধানাথ বলিল । মুখের হাসি লুকানো যায় না ।

লীলা এ-দিক ও-দিক চায় । তারপর বলে, উনি নাকি আগে সুন্দর ছিলেন ?

বিশ্বাস হয় না বুঝি ?

বিশ্বাস কল্লেই হয়—লীলা বলে । বলিয়াই বাহিরের দিকে চায় । কিন্তু কিছু দেখিতে পাওয়া যায় না । শীতের হাওয়ায় গা শির্ শির্ করিয়া ওঠে । রাধানাথ গা বাড়িয়া উঠিয়া দাঁড়াইয়া বলিল, চল্লম—

এরই মধ্যে ? রাত ত হয় মি—লীলা বলিল ।

কিন্তু রাধানাথ পা বাড়াইয়া বলে, যাই আস্তে আস্তে—

কাল কখন আসা হবে ? বলিয়া লীলা আলো হাতে করিয়া অগ্রসর হইয়া যায় ।

ছয়ারের কাছে গিয়া রাধানাথ হাসিয়া ফেলে, বলে, আমার সব খবরই কি তোমায় দিতে হবে ?

লীলা আবার পিছন ফিরিয়া চায় । তারপর বলে, দিলেই বা—পর ত নই—বলিয়া মুখ নীচু করে । নিঃশ্বাসটা চাপিয়া রাখে ।

রাধানাথ কি বলিতে যায়—পারে না । শুধু বলে, আচ্ছা । বলিয়া চলিয়া যায় !

সকালে সোরগোল শুরু হয় । নানা ঢঙের কীর্তনীয় আসিয়া নানা কসরৎ দেখায় ।

আদি ও অকৃত্রিম

রাধানাথের মন যায় না। আড়ে আড়ে ঘরের ভিতর চায়। আবার খঞ্জনী বাজায়।

লীলা জানালার আড়ালে দাঁড়াইয়া হাতছানি দিয়া থাকে। রাধানাথ খুখু ফেলিবার নাম করিয়া উঠিয়া কাছে আসে।

লীলা বলে, রোজ রোজ তোমার ভাল লাগে ?—আমার লাগে না।

বাবাজি রাগ করেন যে না এলে—রাধানাথ বলে।

লীলা বলে, তা বললে কি হয় ? মাহুষের মন ত—চোঁচানির, চোটে বাড়ী ছেড়ে পালাতে ইচ্ছে করে। ওই যে ওই আরম্ভ হল, বাবাবে—

রাধানাথ চলিয়া যাইতে চায়। কিন্তু লীলা বাধা দিয়া বলে, থাক—একটু পরেই হবে, না হয় বাড়ী চলে যাও—এখানে থেকে কাজ নেই। নয় ত এই ঘরে এসে ব'স—

না—না—উনি হয় ত দেখতে পাবেন। এবং আরও কি গোঁজ গোঁজ করিয়া বলে। মুখখানা লাল হইয়া ওঠে।

রাধানাথ বলে, দেখতে পেলেই বা, তাতে কি ? লজ্জা করে বুঝি ?

লীলা সে কথার উত্তর দেয় না। একটু পরে বলে, নাকের ওই তেলক মুছে ফেল—টিকিই বা রাখবার দরকার কি ? বুড়োর বেহদ্দ !

রাধানাথ আর হাসি চাপিতে পারে না, বলে, মানায় না বুঝি ?

জোরে ঘাড় নাড়িয়া লীলা বলে, না—বিচ্ছিরি দেখায়।

আবার হাসি আসে। রাধানাথ বলে, কি কল্পে তোমার পছন্দ হয় ?

দূর, আমার আবার পছন্দ—বলিয়াই লীলা কপাটের পাশে লুকায়।

লোহার গরাদে মুখ লাগাইয়া রাধানাথ বলে, বলতে লজ্জা হচ্ছে বুঝি, আমাকেও লজ্জা ?

আলোয়া

লীলা আর একটু সরিয়া যায়। বলে, যাও আমি জানি নি। এবং আরও একটা কথা বলে, তোমার বউকে জিজ্ঞেস করগে—

বাবাজির পরণে বেনারসী জোড়। হাতে সোনার বালা। চন্দন-চর্চিত ললাট। সময় সময় চোখে কাজলও লাগান। মাথায় জরির তাজ ত আছেই।

তার গানের সঙ্গে দোয়ারেরাও চীংকার করে। গলার শিরগুলা ফুলিয়া ওঠে।

আড়াল হইতে দেখিয়া লীলার সর্বাঙ্গ রি রি করে।

রাধানাথও হাসি চাপিতে পারে না। সময় সময় বাবাজির নজরে পড়িয়া যায়। হাতের দিকে চাহিয়া বলেন, তাল কেটে যাচ্ছে হে রাধু—

আড়ালে দাঁড়াইয়া ঠোঁটের উপর দাঁত চাপিয়া ফিস্ ফিস্ করিয়া লীলা বলে, যাবে না? সব তাল বেতালের দল যে—বলিয়া হুম হুম করিয়া চলিয়া যায়। রান্নাঘরে গিয়া বসিয়া পড়িয়া বলে, হরি-কথায় সকলের নাল গড়িয়ে পড়ে। অত করে হাত নেড়ে ডাকনুম, আসা হ'ল না—

বেলা গড়াইয়া আসে। সোরগোল থামিয়া যায়। সকলে ঘরে ফেরে। বাবাজি ভিতরে আসিলে লীলা বলে, না খাইয়ে অমনি ছেড়ে দিলে?

কাকে?

ওই ইয়েকে—লীলা বলে।

বাবাজি বুঝিতে পারেন। বলেন, কে—রাধু? ও ত চলেই গেল—বলিয়া রেজ্‌কিণ্ডলা গুণিয়া গুণিয়া টাকায় পরিণত করেন। লীলা

আদি ও অন্তিম

চোখ পাকাইয়া চাহিয়া চলিয়া যায়। যাইবার সময় বলে, কেন খেয়ে গেলেই হ'ত—এত করে রাঁধলুম—

বাবাজি হাসিয়া বলেন, পরের ওপর এত দরদ—বেশ দিদি বটে—
দরদ না ছাই, যা নয় তাই বলা—আপন মনে লীলা বলে।

বাবাজি বিষয়কর্মে বাহির হইয়াছিলেন। দু একজন তামাক খাইতে আসিয়াছিল কিন্তু কল্কে না পাইয়া ফিরিয়া গিয়াছে।

রাধানাথ তামাকও খায় না। তবু আসা চাই। ঠাকুর-ঘরে তাহার অবাধ প্রবেশ।

লীলা চোকাঠে দাঁড়াইয়া বলিল, উনি বেরিয়ে গেছেন—

তা ত জানি—তুমি তাড়িয়ে দেবে নাকি ?

আমার দায় পড়েছে ! একলাই থাকবে ? আমি রাঁধতে যাচ্ছি।
যাও, দোকলা আর পাব কোথায় ?

লীলা মুখ টিপিয়া হাসিয়া চলিয়া গেল।

আবার ঘুরিয়া আসিল। কথা বলা চাই। একটু থামিয়া বলিল,
তোমার বিয়ে হচ্ছে নাকি ?

কে বললে ?

শুনলুম—তাই জিজ্ঞেস করছি।

রাধানাথও হটিবার পাত্র নয়। বলিল, যাদের এত আপনার লোক
তার বিয়ে দরকার কি ?

লীলা বলিল, আমি আবার আপনার লোক কিসের ? এমন ত
কত আছে।

এমন একজনও নেই—সত্যি বলছি।

আমার ভাগ্যি ।

রাধানাথও হাসিয়া বলিল, আমারও ভাগ্যি, নৈলে এমন মিষ্টি কথা শোনায় কে !

—মিষ্টি কথায়ও আর পেট ভরে না—লীলা হাসিয়া বলিল ।

বাবাজি আসিয়া পড়িলেন। রাধুকে উদ্দেশ্য করিয়া বলিলেন, দিদির সঙ্গে আলাপ হচ্ছে বুঝি ? বেশ বেশ—

লজ্জায় রাগে লীলা চুপ করিয়া রহিল ।

বাবাজি পা ধুইয়া ঘরে আসিয়া বলিলেন, দিদির মতন একটি সোন্দর মেয়ে বিয়ে কর-না রাধু ?

রাধানাথ বলিল, কি যে বলেন আপনি—

ঠিক কথাই বলি হে । আমারও একদিন এমন ছিল । আজই না হয় অর্থ পেয়ে অনর্থ ঘটেছে । কামিনী বড় আরামের চীজ বাবাজি—বুড়ো বয়েসেও ধাক্কা দেয়—বলিয়া হি হি করিয়া হাসিলেন ।

সিঁড়ির কাছে আসিতেই রাধুর গায়ে একটা টিপ দিয়া লীলা বলিল, আমার মতন মেয়ে পেলে বিয়ে কর না কি ?

রাধানাথ থমকিয়া দাঁড়ায় । তারপর লীলা অতি নিকটে আসিলে চুপি চুপি বলে, তোমার মতন—তুমি ত আর নও ?

যাও—বলিয়া লীলা হাসিয়া চলিয়া যায় ।

ক'দিন আর কীৰ্ত্তন বসে না । রাধানাথেরও দেখা নাই । কেন আসে না, তা লীলা ভাবিয়াই পায় না । সে বলে তপিলের জোর আছে বুঝি ?

আদি ও অকৃত্রিম

বাবাজি হাসিয়া বলেন, আছেই ত—পয়সার রস না থাকলে শুধু হরি ভাল লাগে ?

লীলা বলে, লোকজন এলে গেলে মনটা ভাল থাকে—

বাবাজি আড়চোখে চাহিয়া বলেন, রাধুর জন্তে বুঝি মন খারাপ।
তা ত হবেই, ভায়েরও বাড়ি—

রাধু—রাধু—কেবল রাধুর নাম। খাইতে শুইতে কেবল রাধানাথ বাবু। কান ঝালাপালা হইয়া যায়।

বাবাজি নিঃশ্বাস ফেলিয়া বলেন, দরদ বড় বালাই—

লীলা অগ্নমনস্কভাবে বলে, ষাট ষাট, আমি কি তাকে বালাই বলছি ?

বাবাজি পুরু ঠোঁট বাঁকাইয়া বলেন, বাবা—এত দরদ ! মায়ের পেটের দিদিও এমন হয় না।

লীলা বিরক্ত হইয়া বলে, আঃ দিদি—দিদি—কেবলই দিদি !
তিনি আমার বয়েসে বড় তা জান ?

বাবাজি খতমত খাইয়া বলেন, না তাই বলছি—বুঝলে ?—ও একই কথা। তবে সে কি বলবে তাই ভাবচি—

বাবাজির রকম দেখিয়া লীলা হাসিয়া ফেলে। বলে, দিদি বলবার কি দরকার ? আপনি বল্লই ত হয়—

রাধু কিন্তু ‘আপনিও’ বলে না—দিদিও বলে না। বাবাজির সঙ্গে দেখা করিতেও আজকাল সময় হয় না। রাস্তা দিয়া যায়—একবার ফিরিয়া তাকায়।

...হয় ত কোনও দিন লীলা কাপড় মেলিয়া দিতে দিতে তার সঙ্গে চোখচোখি হইয়া যায়। লীলা বলে, বাবুর দেখা নেই কেন ?

আলোয়া

বাবু বলে, অনেক কাজ কি না, তাই।—ভাল ত ?

আমার আবার ভাল মন্দ। মাটির সঙ্গে মিশলেই হয়।

রাধানাথ একটু হাসিয়া চলিয়া যায়। লীলা চাহিয়া থাকে।

চটি জুতা জোড়াটি দেয়ালে ঠেকো দিয়া রাখিয়া বাবাজি বলিলেন,
রাধুর সঙ্গে দেখা হল, বুঝলে ?

লীলা মুখ ফিরাইয়া চাহিল। বলিল, আসছে নাকি ? ক'দিন আসে
নি কেন ?

বলে তার অনেক কাজ, সময় হয় না। একটি খবর দিতে পারি, বল
সন্দেশ খাওয়াবে ? তোমারই ভাই ত—

কি ?

তার যে বিয়ে। এই ক'টা দিন বাদে। তাই দেশে যাবার
যোগাড় কচ্ছে।

দেওয়ালের ধারে বসিয়া পড়িয়া টোক গিলিয়া লীলা বলিল, বিয়ে
কার সঙ্গে ?

তা কি জানি, তবে মেয়েটি নাকি সুন্দরী। বলিয়া বাবাজি ঘরে
চুকিলেন।

শুণ্য দৃষ্টিটা যেন গতিহীন—অর্থহীন ! সর্বস্ব হারাইলে লোকের
চোখ দিয়া জল পড়ে কি ?

শীতকালের বেলা ছোট, কাজ করিতে করিতে সন্ধ্যা হইয়া আসে।
উপায় কি।

বাবাজির আজ ভাঙ সেবা হইয়াছে। সুতরাং সন্ধ্যা হইতেই

তিনি কুস্কর্ষণ। কার জগুই বা রান্নাবাড়া, খাবেই বা কে। নিজেই নিজের পরিচর্যা ভাল লাগে না। জীবন না দাসত্ব—যুগ যুগ ধরিয়া কেবল বন্ধনের অত্যাচার। সদর দরজায় দাঁড়াইয়া লীলা ভাবিতেছিল।

শীতরাতের চাঁদের আলো অবশ, নিরুন্ম। পৃথিবীর বুকের উপর জীবনের স্পন্দন থামিয়া গেছে।

...পিছন হইতে রাধানাথ বলিল, এখানে ব'সে যে ?

লীলা চমকিয়া উঠিয়া বলিল, এমনি—

গুরুদেব কই ?

যুমুচ্ছেন। জাগালে তাঁর শরীর খারাপ হবে। কেন ?

দেশে যাচ্ছি, তাই একবার—

আচ্ছা কাল সকালে আমি বলব—লীলা বলিল।

এ মুখভঙ্গির সহিত রাধানাথের কোন দিনই পরিচয় ছিল না। তাই সে নিজের বক্তব্যও শেষ করিতে পারিল না। কিন্তু কথা কিছু কওয়া চাই। তাই সে বলিল, উঃ কি শীতই পড়েছে—বলিয়া অগ্রসর হইয়া গেল। কিন্তু একবার ফিরিয়া দাঁড়াইয়া বলিল, আমায় মাপ কর তুমি—কিছু মনে কর না—

লীলা বলিল, দোষ কল্লেই লোকে মাপ চায়—আপনি মাপ চাচ্ছেন কেন ?

তাহার সজল কর্ণধর শুনিয়া রাধানাথ সরিয়া আসিয়া বলিল, কাঁদচ ?—কেঁদো না দিদি—ছোট ভাই ব'লে মাপ কর।

লীলা সাড়া দিতে পারিল না—ভিতরে চলিয়া আসিল। আবার বাহিরে গিয়া দেখিল রাধানাথ চলিয়া গেছে। অনেক দূরে তার অস্পষ্ট ছায়াটা মিলাইয়া যাইতেছিল।

ছিন্নমুকুল

.. বিপুল জ্যোৎস্না মাটির বুকে ছড়াইয়া পড়ে। কিন্তু সে মৃত্যুর মত বিষাদময়ী—অচেতন। তুহিনের যবনিকা সেই মৃত পৃথিবীকে ঢাকিয়া দেয়। তাহার দিকে চাহিলে বুকের ভিতর কাঁপুনি ধরে। চক্ষু বুজিয়া আসে।

ছিন্নমুকুল

ভাড়াটে বাড়ী! মালিক একটি স্ত্রীলোক। বয়স অল্প, দেখিতে মন্দ নয় কিন্তু বিধবা। পাড়ার লোক বলে, উঃ কি অহঙ্কার—একে পরয়া, তায় রূপ। মাটিতে পা পড়ে না। হাজার হোক মেয়েমানুষ ত—

আমরাও মাঝে মাঝে তা টের পাই। নীচের তলায় থাকি। কলের জল লইয়া বচসা হয়। ছাদে কাপড় শুকানো লইয়া একদিন কলহও হইয়া গিয়াছে।

দিদি বলে, পুরোনো ভাড়াটে বলে তোমাদের জোর ত কিছুই নেই। উঠিয়েও দিতে পারি। নয় একদিন মনটা হু হু করবে—আর কি।

আমি বলি, বিশ্বর জন্তে কাঁদবে না দিদি?

বিশ্ব আমার দাদার ছেলে।

দিদি চলিয়া যাইতে যাইতে বলে, করলেই বা। সামলাতে কত-ক্ষণ। নিজের সন্তানই যখন নেই তখন এত কিসের মায়া?

হাসিয়া বলি, সত্যি?

দিদিও হাসিয়া বলে, সত্যি নয় কি মিছে? তবে যদি মানুষ কর্তে না পার ত বিশ্বকে না হয় দিয়েই যেও। তা মা বাপ হয়ে কি সে কাজ পারা যায়—বলিয়া দিদি বিশ্বকে কোলে লইয়া হুম হুম করিয়া চলিয়া যায়।

আদি ও অকৃত্রিম

বড় বউ রাগিয়া বলে, ঠাকুর-পো ?

কি—

এসব আমার ভাল লাগে না। দিন নেই রাত নেই—ছেলে কাঁধে কল্লেই হল ? ‘না বিইয়ে কানায়ের মা’ আর কি ! ‘বাজা’র কোলে ছেলে দেয়া পাঁজি পুঁথিতে নিষেধ আছে—তা জান ? ছেলের বয়েস চার বছর—তা তিন বছর ত ওর কোলেই মালুষ হল।

বলিলাম, বড় অগ্রায়।

বৌ-দি রাগিয়া আগুন হইয়া বলে, তোমাদের কেবল তামাসা। মিষ্টি মুখে বল্লেন অগ্রায় ! বলে, ‘যার ধন তার নয়’—আমার যেমন পোড়া কপাল।

দিদি উপর হইতে শুনিতে পায়। দেখি খানিক বাদে আমারই স্নমুখে বিস্মকে বসাইরা দেয়। সে জানে, আমি কিছু বলিবই—তাই এ কাজ। আমিও বলিলাম, সখ মিটল দিদি ?

দিদি একটু হাসিয়া বলে, কি করব ভাই—‘যার ধন তার ধন নয়’—আমি স্পষ্ট দেখি, দিদির মুখে মোটেই সেটুকু হাসি নয়।

দিদি আর কিছু বলে না। লুকাইয়া চলিয়া যায়। আবার ঘুরিয়া আসে। বলে, আচ্ছা, বিস্ম যে আমার ছেলে নয় তার প্রমাণ ? কিন্তু পরক্ষণেই জিব কাটে, মুখ লাল করিয়া থামিয়া যায়। একটু পরে সরিয়া আসিয়া বলে, উনি গেছেন আজ পাঁচ বছর হল ভাই, আমার বয়েস তখন ঠিক উনিশ বছর। সেই বছরেই ত তোমরা এ বাড়ী এলে।

সেদিন কি একটা কথা লইয়া বৌ-দি’র সঙ্গে দিদির খুব খানিকটা কলহ হইয়া গেল। কিন্তু সেদিন বিস্মিত হইয়া দেখিলাম, পরাজয়ের

ছিন্নমুকুল

ভারটা দিদি নিজের ঘাড়েই লইয়া চলিয়া গেল এবং সে যে কাঁদিয়াও ফেলিয়াছিল তাহাও পরে চুপি চুপি বৌ-দি আমায় বলিয়াছে !

সঙ্গে সঙ্গে বিশ্বর যাতায়াত বন্ধ হইয়া গেল ।

উপরে যাওয়া-আসার একটি মাত্র দরজা—সেটি বৌ-দি সেদিন তালা আঁটিয়া দিল । কেবল সদর দরজা খোলা—সেখানে দিদিও আসিবেন না, বিশ্বও যাইবার পক্ষে নিতান্ত ছেলেমানুষ ।

বৌ-দি বলে, এই শাস্তি দিলে ঠিক জন্ম হবে ।

আমি ইহার প্রতিবাদ করিয়া বলিলাম, গেলই বা বৌ-দি । কোলে নিলে ত আর বিশ্বর গায়ে ফোঁস্কা পড়চে না । ছেলেপুলে নেই বলেই ওঁর মায়া পড়েছে ।

বৌ-দি গম্ভীর ভাবে বলিল, এসব কথা তোমার কানে ওঠবার দরকার দেখি নে ঠাকুর-পো । বাড়ী ভাড়াই নিয়েছি, ছেলেকে ত ভাড়া নিই নি । তবে তোমার সঙ্গে যে দিদির খুব ভাব এটা খুবই বুঝতে পাচ্ছি, যার জন্তে ভাড়াও পর হয়ে যায়—বলিয়া একটু শ্লেষের হাসি হাসিয়া সে পুনরায় বলিল, ভাগ্যিস দিদিটি পেয়েছিলে, তাই ত তোমার দিন কাটছে ; এত আলাপ, তবু ভাল ।

চুপ করিয়া রহিলাম ।

বিশ্ব কাদে, পিসীমা'র কাছে যাব—

বৌ-দি বলে, ও কথা বলতে নেই, মার খাবি ।

হু'একদিন বিশ্ব দরজা ঠেলিয়া দেখিল, দরজা আর খোলে না । সদর দরজায় বাহির হইল না পাছে জুজু আসিয়া ধরে ।

আদি ও অকৃত্রিম

দুপুর বেলা ঘরেই ছিলাম। ও-ধারে বৌ-দি বোধ হয় দিবা নিদ্রায় মগ্ন। বিস্তু ছুটাছুটি করিতে করিতে থমকিয়া দাঁড়াইয়া বলিল, যাব না—জুজু আছে—মা বকবে—

আড়াল হইতে দেখিলাম, দিদি তাহাকে হাত বাড়াইয়া ডাকিতেছে। আজ কয়দিন বাদে তাঁহাকে দেখিলাম। মনে হইল তাঁহার সে পরিষ্কার মুখখানির উপর কে কালি লেপিয়া দিয়াছে, চুলগুলি আলুখালু, চোখ দুইটি লাল, স্পষ্ট দেখিলাম, চোখের জল গালের উপর গড়াইয়া আসিয়াছে। বুকটা ধক্ করিয়া উঠিল। ওই অশ্রুর সহিত যেন মনে মনে আমারও আত্মীয়তা আছে।

বাহিরে আসিয়া বলিলাম, দিদির অস্থখ বুঝি ?

দিদি দ্রুতপদে সরিয়া গেল। একটু পরে মাথায় কাপড় টানিয়া দিয়া সরিয়া আসিয়া বলিল, দোষ করলে কি মাপ নেই ভাই ?

বলিলাম, আমিও জানি—তুমিও জান দিদি—দোষ তোমার নেই, তবে মাপ চেয়ে কেন লজ্জা দাও ?

দিদি এ কথা বোধ হয় শুনিল না, বিস্তর দিকে অনিমেষ দৃষ্টিতে চাহিয়া রহিল।

আমি পুনরায় বলিলাম, তোমায় চেহারা কি হয়ে গেছে দিদি, আজ রান্না নেই ?

দিদি একটু হাসিল, তার পর বাঁ হাতের চেটোর উপর আঙুল দিয়া লিখিয়া দেখাইল—একাদশী।

আমি অপ্রস্তুত হইয়া বলিলাম,—যা না বিশেষ, তোর পিসি-মা ডাকচে যে—?

বিস্তু আমায় ভয় করিত। বলিল, কোথা দিয়ে যাব ?

বৌ-দি দ্রুতপদে বহির হইয়া বলিল, লোভ সকলকারই আছে, মুখ দিয়ে লাল পড়ে কেন ? চল বিশেষ, ঘুমুবি—বলিয়া সে বিশুকে টানিয়া লইয়া ঘরে চলিয়া গেল।

লজ্জায় ক্ষোভে মরিয়া গেলাম। দেখি, দিদি তার আগেই চলিয়া গিয়াছে।

বর্ষাটা সেদিন বড় জোরেই চাপিয়া আসিয়াছিল। মনে হইল, এ প্রাবনের বুঝি আর বিরাম নাই। সংসারের সমস্ত দুঃখের মলিনতা কি এর শ্রোতে ধুইয়া যায় না ?

শহরতলীর এক পাশ। স্নমুখের পড়ে মাঠের ধার দিয়া সঙ্কীর্ণ পথ। হাঁটু অবধি কাদা। লোকালয় কম—মাঝে মাঝে এক আধটা বস্তি। এ মাঠে নাকি আগে কোন্ বড় লোকের বাড়ী ছিল। তার চিহ্নস্বরূপ দু'একটা পাঁচিলের ভগ্নাংশ আজও কাৎ হইয়া আছে, তাহারই ধারে একটা জীর্ণ অশ্বখ গাছের শাখায় বাদলার বাতাস ব্যথার ভার লইয়া ঘুরিয়া বেড়াইতেছিল।

আপন মনে বাড়ী ঢুকিতেছিলাম। উপর দিকে নজর পড়িতেই দেখি ছোট জানালাটির ধারে দিদি বসিয়া আছে। হঠাৎ কি জানি পা চলিল না—ছাতাটি তুলিয়া উপর দিকে চাহিলাম। দিদি দেখিতে পায় নাই। লক্ষ্য করিলাম, কাঁদিতেছে। সহসা একটি বস্তু আজ কি জানি কেন হৃদয়ঙ্গম করিলাম। আজ সংসারে ইহার কি কেহ নাই ? জনহীন শূণ্য পুরীর পাথরখানা এই যে ইহার তরুণ ব্যর্থ বুকটার উপর কতদিন হইতে চাপিয়া আছে, ইহার কি প্রতীকার নাই ? রূপ ও ঐশ্বর্যের আবরণের তলায় শরাহতা কপোতীর মত ভুলুঙিত হইয়া এই

আদি ও অকৃত্রিম

যে নারীটী ছটফট করিতেছে, এর কারণ কি?—অথচ আমার এ অসংবদ্ধ অনভিজ্ঞ প্রশ্নের উত্তর আমি সেদিন কোনও মতেই পাই নাই।

চলিয়া আসিতেছিলাম। দিদি বলিল, হাসিয়াই বলিল, মাথা খারাপ হয়েছে বুঝি! জলে ভিজ্ছ কেন? ভেতরে এসো।

লজ্জিত হইয়া কি করিব ভাবিতেছি। দিদি আবার অনুযোগ করিয়া বলিল, দিদির ঘরে পায়ের ধুলো পড়তে নেই বুঝি? খুব বিত্তে হয়েছে যা হ'ক—

আজ আমার হাসিতে ইচ্ছা হইল না। বলিলাম, তোমারও ত খুব বিত্তে, ছোট ভায়ের পায়ের ধুলো চাও?

ভিতরে আসিয়া দিদির উপরের দালানে বসিলাম। ভয় করিতেছিল পাছে বৌ-দি জানিতে পারে, কিন্তু বাষ্টর রামরাম শব্দে কিছুই শুনিলার উপায় ছিল না।

বলিলাম, জানলার ধারে বসেছিলে যে?

একটি নিঃশ্বাস ফেলিয়া দিদি বলিল, যে বাদল, কিছু ভাল লাগে না।

চুপ করিয়া রহিলাম। এতদিন বাদে আজও সেই বর্ষার স্বপ্ন অন্ধকারে দিদির করুণ স্নন্দর মুখখানি মনে পড়ে। ভাবি সেদিনকার সে মুখে কোন্ ভাবের ছায়াপাত দেখিয়াছিলাম। তখন বাহিরের দৃষ্টিই খোলা ছিল, ভিতরে তলাইবার বয়স হয় নাই। কিন্তু আজ জ্ঞান হইয়াও ত সে মুখখানির নিকট আমি তেমনি অজ্ঞান। তা সে যাই হোক, দিদি একটু থামিয়া বলিল, তোমার বৌ-দি ত আজ আমায় যাচ্ছেতাই করলেন—

মনে মনে লজ্জিত হইয়া বলিলাম, ও কথা আর না-ই তুললে দিদি।

ছিন্নমুকুল

—তোমার শোনা দরকার ভাই, শোন। বলিয়া দিদি যাহা বলিল, তাহার মর্ম্ম এই, বিণ্ড তাঁহার কাছে আসিবার জন্ত কান্না জুড়িয়াছিল কিন্তু তাহার মা আসিতে দেয় নাই। অবশেষে বিণ্ড জুজুর ভয়কে তুচ্ছ করিয়া সদর দরজায় আসিতেই তিনি কোলে করিয়া উপরে আনিয়াছিলেন। কিন্তু এমনিই দুর্ভাগ্য, বিণ্ড তাঁহার তরকারীর বাঁটিতে হাতের আঙ্গুল কাটিয়া রক্তারক্তি করিয়াছে। শেষে দিদি সজল চোখে বলিল, আর শুনে কাজ নেই ভাই—বিধবাদের কানে সে কথা গেলে কানে আঙ্গুল দিতে হয়—

মুখ ফিরাইয়া রহিলাম। জানালার বাহিরে স্তূরের মাঠে বৃষ্টির অবিরাম ঝর ঝর শব্দ শুনা যাইতেছিল। সেও যেন বিধাতার মর্ম্ম-ভাঙ্গা অশ্রুজল।

দিদিকে সত্যই আমি ভাল বাসিয়াছিলাম এবং সেদিন হঠাৎ তাহার গলা জড়াইয়া হাত ধরিয়া যাহা বলিয়া ছিলাম তাহা আজও স্পষ্ট মনে করিতে পারি। পাগলের মত বলিলাম, দিদি কেঁদো না। তুমি মারো ধর' আমি সহ্য করব কিন্তু তুমি কেঁদো না—ও আমি দেখতে পারি না।—দিদির নিপীড়িত হৃদয় বুঝি আমার কাছে এইটুকুই প্রত্যাশা করিয়াছিল। বলিল, আমরা কেন এক মায়ের সন্তান হই নি, ভাই?

আমি আবেগের সহিত বলিলাম, সেইটিই ধরে নাও না দিদি?

আমারও চোখে জল আসিয়া পড়িয়াছিল।

দিদি চোখ মুছিয়া বলিল, ভাই, তোকে পেয়ে আমার একদিক যেমন ভরে উঠল, তেমনি আর এক দিক যে ভয়ানক ফাঁকা—সে ফাঁকার দিকে চাইতেও যেন ভয় করে ভাই!

চুপ করিয়া রহিলাম। দিদি আবার বলিল, গান জানিস রে?

আদি ও অকৃত্রিম

এমন অসময়ে গান নইলে কিছু ভাল লাগে না,—না থাক্ ।—বলিয়া দিদি উঠিয়া গেল এবং একটু পরেই নানারকমের খাবার আনিয়া হাসিমুখে বলিল, একটুখানি ভুল কচ্ছিলাম, গানের চেয়ে আমার এই ভাই-ফোঁটাই ভাল ।

কিন্তু পূৰ্বদিনের ঘটনার জের টানিয়া বোঁ-দি আবার যখন পরদিক কলহের সূত্রপাত করিল, তখন আর দিদি সহ করিল না । সেও ত মানুষ । বলিল, বড়বউ ভাই, কাল তোমার পায়ে ধরে মাপ চেয়েছি কিন্তু তাতেও যখন শুনলে না তখন আমি নিজেকে আর বেশী মস্তা করব না । আজ থেকে তিন দিনের সময় দিচ্ছি তোমরা বাড়ী থেকে উঠে যাও । সত্যি, টাকা দিয়ে তোমরা আমার অসহ্যবহারই বা সহ করবে কেন ?

বোঁ-দি বলিল, সে কথা না বললেও চলত । তত কাঁচা মেয়ে আমি নই । কালই আমি দাদাকে দিয়ে বাড়ী ঠিক করিয়েছি ।

আড়াল হইতে দেখিলাম, দিদির মুখখানা ফ্যাকাসে হইয়া গিয়াছে । সে আর কিছু না বলিয়া চলিয়া গেল ।

কিন্তু আমার এ কি হইল ! আমি সারাদিন কোথাও শান্তি পাইলাম না । একদিন চলিয়া যাইব জানিতাম কিন্তু সে কবে তাহার কোনও স্থিরতাই যে ছিল না । আজ যাওয়ার কথাটা এমন নির্দয় সত্য হইয়া দেখা দিবে তাহা বিশ্বাস করিতে পারিলাম না । দিদিই বা কি ! সকাল হইতে সন্ধ্যা অবধি ছল করিয়া তাহার দোরে আনাগোনা করিলাম, কতবার তাহার জানালার দিকে উকি মারিলাম, নানারূপ শব্দ করিয়া তাহার দৃষ্টি আকর্ষণ করিতে চেষ্টা করিলাম কিন্তু সে এমনি নিষ্ঠুর

যে, একবার দেখাটা পর্য্যন্ত দিল না। অথচ আমি কেমন করিয়া যেন জানিতেছিলাম, দিদি দেখিয়াও দেখিল না। সেদিনকার সে অভিমানটি আমি আজও ভুলিতে পারি নাই।

সকাল বেলা দাদা বলিল, তৈরী হয়ে নে—যেতে হবে আজ।

বুকটা ছাঁৎ করিয়া উঠিল, বলিলাম, আর দুদিন থাকলে হয় না?

—গাধা কোথাকার! দুদিন বাদেও ত যেতে হবে। বলিয়া চলিয়া যাইতে যাইতে দাদা বলিলেন, মেয়েমানুষ কর্তা সাজলে এমনি টানা হেঁচড়াই কর্তে হয়।

নুতন বাড়ীতে জিনিসপত্র চালান হইয়া গেল। দাদা আগেই চলিয়া গিয়াছেন।

বৌ-দি'র দাদা গাড়ী লইয়া হাজির। ছেলেকে লইয়া বৌ-দি গাড়ীতে উঠিল।

আমিও যাইতেছিলাম, শব্দ আসিল, শোনু।

ফিরিয়া দেখিয়া চমকিয়া উঠিলাম। সে দিদি আর নাই, চেনা দায়। একদিনেই বদলাইয়া গিয়াছে। আমায় ভাবিবার সময় না দিয়া দিদি কাঙালিনীর মত বলিয়া উঠিল, একবার বিশেষে দে-না ভাই, একবার—

অনেক অনুনয় করিয়া বৌ-দি'র নিকট হইতে বিশেষে আনিয়া দিলাম। বৌদি বলিল, যদি এত ভালবাসাবাসি, বিশেষ নামে বাড়ী-খানা লিখে দিক্ না—

এ নির্লজ্জ উক্তির পর আমার আর কথা বাহির হইল না।

কিন্তু তারপরের সে দৃশ্য আমি আর ইহজীবনে ভুলিতে পারি না।

বিশেকে কোলে পাইয়াও দিদির চোখে অশ্রু নাই—যেন শুষ্ক হইয়া গেছে। কিন্তু বিপুল! ওই অতটুকু বালক—ও এত চোখের জল পাইল কোথায়? কে এমন করিয়া উহাকে সন্ধ্যাপনে অশ্রুর বাঁধ বাঁধিতে শিখাইয়াছিল?

দিদি বলিল, আমি যেতে দেবো না—গাড়ী ফিরিয়ে দাও। না, কিছুতেই আমি যেতে দেবো না!

আমি চেষ্টা করিয়া হাসিলাম। দিদি পুনরায় বলিল, হয় না? খুব হয়—ইচ্ছে থাকছেই হয়। বলিয়া গাড়ীর কাছে গিয়া বলিল, বড়-বউ, ভাই, রাগ ক'র না—ফিরে এস!

বড়বউ বলিল, কেন দেরি করিয়ে দিচ্ছ ভাই? যাবার সময় আর কষ্ট দিও না।

দিদি রুদ্ধকণ্ঠে বলিল, ভাই, না হয় আজ থেকে লিখে পড়ে দিচ্ছি—তোমাদের কাছে আর ভাড়া নেবো না।

এইবার বড়বউ রাগিয়া বলিল, আমরা ত কাঙালী নই যে, অমনি থাকব? কিন্তু আর তোমার আদিখ্যেতা ভাল লাগচে না ভাই,—টের হয়েছে—ছেলেটাকে এখন ভালয় ভালয় ফিরিয়ে দাও।—

বলিয়া হাত বাড়াইয়া বিপুলকে টানিয়া লইল।

তারপর অনেকগুলি দিন দেখিতে দেখিতে পার হইয়া গিয়াছে। ঘুরিতে ঘুরিতে সেদিন দিদির বাড়ী গেলাম। আমায় দেখিয়া বলিল, চিঠি পেয়েছিলে?

ঘাড় নাড়িলাম।

দিদি পুনরায় বলিল, তোমায় দরকার আছে—আমার শেষের কাজটি করে দাও ভাই। নৈলে কে আর আছে?

‘মৃত্যুরে কে মনে রাখে ?

—কি বল না দিদি ?

দিদি বলিল, বৈঘ্যনাথে যাব । আমার জ্যোতি-মা সেখানে আছেন, তিনি মায়েও বাড়া । অনেক করে আসতে লিখেছিলেন, যাওয়া ঘটে নি, এইবার গিয়ে বাস করব । রেখে আসতে পারবে ?—বলিয়া আমার কাঁধে হাত রাখিল ।

হঠাৎ উৎফুল্ল হইয়া বলিলাম, খু—ব পারব, কিন্তু পরক্ষণেই নিজের কথাতে ভয় পাইয়া বলিলাম, দেশ ছেড়ে যাবে দিদি ? দেখা হবে না যে ।

দিদির চোখের জল গোপন করিয়া বলিল, দেখা না পেলোও যে বাঁচতে হয় ভাই ।

‘মৃত্যুরে কে মনে রাখে ?’

ধুলার দেশ ।—কৈচোর মাটি আর ব্যাঙের ছাতা শুধু কথার কথা ।

পশ্চিমের বড় শহর । কাছেই নদী—গঙ্গা ; গতযৌবনা ।

বাঙালী পাড়াটি ছোট,—কোণঠেসা । মাঝখানে মানস-সরোবর ।

ওর প্রথম ‘স’টি নেই—জলমগ্ন । এখন শুধু মানস-সরোবর । পামা-পচা খানিকটা জল আর স্থবির ছ’ একটা কচ্ছপ—এই মূলধন ।

বিশুদার আস্তানা পাশেই । একটা গলির বাঁকে । গঙ্গা হইতে মিনিট পাঁচেকের পথ ।

বিশুদার কাজ শুধু পাথর-খোদাই,—দিনরাত । লোকটি বড় শান্ত । সংসারের বালাই নেই । বছর আটেকের একটি রুগ্ণ ছেলে—এইটুকু যা উদ্বেগ । বউটি পটল তুলিয়াছে মাস কয়েক আগে । ও তখন আরজীবাদে ।

আদি ও অকৃত্রিম

• ইতর ভদ্র সকলেরই বিগুদা। শিল্পাগারের মেয়েরাও ওই বলিয়া ডাকে—আবার বাজারের ব্যাপারিদের কাছেও ওই নামে পরিচয়।

জল খাওয়ার নামে তাহারই বাড়ীতে ইস্কুলের মেয়েদের আড্ডা। বিগুদার দিদি ওরা সকলেই।

সার্কাস দেখিবার পথে সেদিন বিগুদার ঘরে তাড়াতাড়ি আসিয়া রেবা কহিল, দেখ ত বিগুদা, আমি কিন্তু এবার সত্যিই রাগ করবো তা বলে দিচ্ছি।

অভিমানের সুর!—বিগুদা কহিল, কি হল দিদি?

তোমার কাছে পাথর-খোদাই শিখবো শুনে সবিতা-দি ঝগড়া কর্তে এল।

এতে তার কি?

সেই জানে! অথচ তোমার সঙ্গে ত ওর একটুও বনে না। এসে ত কেবল তোমার জিনিসপত্তর ভেঙে চুরে ভাঙল করে' দিয়ে যায়। দাদা বলে' একবার ডাকতেও শুনলুম না কোনদিন। একগুঁয়ে মেয়ে কোথাকার! বলে—আমরা কেউ তোমার কাছে আসতে পাব না। বিধবা বলে' ওর সব আব্দার বুঝি আমাদের রক্ষে কর্তে হবে?

না না—তা নয়। কি জানো রেবা—?

জানতে চাইনে বিগুদা। তুমি কারো একার নও।

বিগুদা এবার হাসিল—আমি সকলের বুঝি?

নিশ্চয়। কারো 'পেটেন্ট' করাও নয়। আমার কথা শুনে—বুঝলে বিগুদা?—সবিতা-দি ত গর গর কর্তে কর্তে চলে গেল। অম্বা ত ওকে যাচ্ছেতাই বলে' দিয়েছে।

মৃত্যুরে কে মনে রাখে ?

বিশুদার হাতের কাজ পড়িয়া থাকে । মুখ তুলিয়া বলে, অম্মা
কিন্তু ভারি ছুটু ভাই । সবিতাকে ও যা-তা বলে ।

বলবে না ? নিশ্চয় বলবে । সেদিন পাথর-কাটা যন্তরটা ছুঁড়ে
সবিতা-দি তোমার হাতে রক্ত বার করে' দিলে, তুমি ত কিছুটি
বল্লে না ।

বিশুদা হাত ঘুরাইয়া দেখিল । কহিল, দাগটা আছে বটে এখনও ।
—কিন্তু কিছু বলা কি উচিত ভাই ? বিশেষত সবিতা—

বিধবা,—কেমন ? তা আমরাও কুমারী স্তবরাং বিশেষ তফাৎ
নেই বিশুদা ।—রেবা যেমন আসিয়াছিল, তেমনি চলিয়া গেল ।

ও যেমন আপনার মনে নদীর মত গান গান গাহিয়া চলে—বাধা
পাইলে তেমনি উত্তাল হইয়া ওঠে !

সবিতার কথা ওইখানেই শেষ হয় । বিশুদার খেয়াল থাকে না ।

ঘরে রুগ্ণ ছেলে । কিন্তু কাজের কামাই নাই । নূতন মন্দির
কোথাও হয়—অমনি বিশুদার ডাক পড়ে । চমৎকার হাত,—মাথাও ।
পাথর হইতে মূর্তি কুঁদিয়া বাহির করে । নূতন গড়ন, নূতন ধরন, নূতন
ভঙ্গি । কোনটা পুরুষ, কোনটা নারী,—কোনটা বা জানোয়ারের ।

কিন্তু নারী মূর্তি !—ওইটি হয় আরও চমৎকার !

কারণ আছে । বোঁ ছিল বিদ্যুৎলতা । নাম—করবী । কিন্তু
তার চোখ দুটি ?—নীলপদ্ম ! পাষাণে ফুটিয়া এখনও কথা বলে ।

বিশুদার এখন শুধু ম্লান হাসি,—বাঁচবে না কেউই । কি রাগী কি
কানি ।

আদি ও অকৃত্রিম

অম্বা রাগ করে,—কিন্তু তোমর এ তত্ত্ব-কথা সংসারে খাটে না, বিগুদা।

কেন দিদি ? ভাঙা হাটে দাঁড়িয়ে কেঁদে লাভ কি ?

ওদিকে রেবা তখন ছোঁক্ ছোঁক্ করিয়া ঘুরিয়া বেড়ায়। কোথায় কি হুটপাট শব্দ করে। গান গায়। হয় বা কবিতা আওড়ায়। কিশ্বা অন্তত ভাঙা-তক্তায় হাত চাপ্‌ড়াইয়া তব্‌লাও বাজায়।

রেবার জালায় কোথাও শান্তি নেই বিগুদা।

বেশ। ভূতের মুখে রাম নাম।—একটু নীরব থাকিয়া বিগুদা আবার কহিল, শান্তিটাকে আমি বড় ভয় করি, দিদি। চারিদিক নিশুতি হলে যেন বুক চেপে ধরে। সুরগরমে থাকাই জীবন—নৈলে ত মরেই আছি।

একমনে মূর্তির উপর আবার তাহার স্তম্ভ কারুকার্য চলিতে থাকে।

টট করিয়া অম্বা উঠিয়া গেল। কিন্তু রেবার কাছে নয়—অন্ত ঘরে। একটু পরে ওদিক হইতে রেবা বাহির হইল,—কোথা গেলি অম্বা ? চলে' গেল বুঝি ?

ঘরের ভিতর মুখ বাড়াইয়া দেখে, অম্বার কোলে রুগ্ণ ছেলে। জানালার দিকে সে চুপ করিয়া দাঁড়াইয়া।—যেন সমাহিত ভাব !

সমস্ত পাড়াটার মধ্যে অতবড় চঞ্চল মেয়ে নাই। মার ধোর, ছুঁচামি, ইস্কুল পালানো—কোন বিষয়েই পুরুষের চেয়ে খাটো নয়। মাছ ধরিতে, সাঁতার কাটিতে যে-কোনও যুবকের সমকক্ষ। হকি খেলায় ইস্কুলের সব মেয়েদের মধ্যে সে প্রথম। ছুঁট গরুর শিঙ্‌ ধরিয়া সে নাচিবার চেষ্টা করে।

মৃত্যুরে কে মনে রাখে ?

আজ সে শান্ত । যেন বালকটির সীমায় আসিয়া তাহার সমস্ত
চাঞ্চল্যের স্পন্দন একেবারে স্থির !

রেবা হাসিয়া ফেলিল,—ছেলে তোর কানে মন্তর দিলে নাকি ?

ঘুমন্ত ছেলেটাকে তাড়াতাড়ি অশ্বা বিছানার শোয়াইয়া দিল ।

যেন ধরা পড়িয়া গেছে—

বলিল, কঁাদছিল কিনা তাই একটুখানি—কিন্তু ছেলেটি বিশুদ্ধ
ভারি শান্ত, না রে ?

হুঁ—খুব ।

চল্ বাড়ী যাই ।

রেবার ছোট্ট নিঃশ্বাস পড়িল—তাই চল্ । তা ছাড়া যে আছাড়টি
আজ হয়েছে তোমার—রাতের বৈলায় বিছানায় শুয়ে নিজের গা নিজে
টিপো ।

অশ্বার খিল্ খিল্ করিয়া হাসি,—তা ছাড়া আবার কে টিপবে ?

দূর মুখগুড়ি আমি কি তাই বলছি ?

রেবা চলিয়া গেল । পিছনে পিছনে অশ্বা । সে আর একবার মুখ
ফিরাইল—ছেলেটি তখন কাৎ হইয়া বিছানায় শুইয়া আছে ।

নিজ্জীব, দুর্বল !—অক্ষম শিল্পীর রচনা !

খানিক পরে রেবার পুনঃপ্রবেশ । আসিতে আসিতেই চীৎকার
করিয়া অভিনয় ।

আপনার খেয়ালেই—

হঠাৎ আসিয়া বিশুদ্ধ হাত হইতে বাটালি, উকো কাড়িয়া লইল,
—আমি মরব চেষ্টায় আর তুমি কাজ করে' যাবে ? কক্ষণো না ।

মহা বিপদ ! বিশুদ্ধ হাত গুটাইল—কি করব তবে ?

আদি ও অকৃত্রিম

গান কৰ্ত্তে পার না ?

কি গান ভাই ?

এমনি যা তা। পুতুল গড় আর গান জান না ? ভাল একটি মূৰ্তি
ত গানেরই মতন।

কিন্তু লোকে কি বলবে ?

বা—। বলবে আবার কি ? গান ত চারিদিকেই ছড়ানো। নদী
পাখী ফুল মাটি ঐকাশ—সবাই ত গান করে ! মানুষ ত গানেতেই
পাগল !

আমার গান গাওয়া যে সত্যই পাগলামি ভাই। গান গাইতে
সকলেই পারে। পারে না পাথর, পারে না মক্ক। ছেলেটা কাঁদচে বুঝি—

বিশুদা তাড়াতাড়ি উঠিয়া ঘরে গেল।

ছেলের তখন অকাতরে ঘুম। •বিশুদা জানলা বন্ধ করিয়া দিল।—
ঠাণ্ডা লাগিবে। বালিশটা গোছ করিয়া দিল। ছেলের গায়ে একটি
কাপড় ঢাকা দিল। একবার একটুখানি আদর—। তারপর আবার
বাহির হইয়া আসিল।

শিশু দিতে দিতে রেবার তখন যাইবার পালা।

যেন উচ্ছল স্বরণা—।

মক্কপথে পথ-ভোলা জল-বালিকা যেন।

হঠাৎ সে থমকিয়া দাঁড়াইল—আরে, সবিতা-দি বসে' এখানে চুপটি
করে' ?

আছি এমনি।—মুখ তুলিল সবিতা।

তাহার কাছে বসিয়া রেবা কহিল, সবিতা-দি—মাপ করবে ভাই ?
তোমাকে যেন কি সব বলেছিলুম।

মৃত্যুরে কে মনে রাখে ?

কি ?

তা মনে নেই । কিন্তু মনের ভেতরেই দোষ করেছি ।

মাপ চাও তবে নিজেরই কাছে ।

ছ'জনেই হাসিল । আর মেঘ নাই—পরিষ্কার ।

বাড়ী যাই, ক্ষিধে পেয়ে গেছে ।—রেবা উঠিয়া আবার শিষ্ দিতে
দিতে চলিয়া গেল ।

ইদারার পাশটিতে সবিতা বসিয়া রহিল । পাশেই একটা বেলগাছ ।

তারই মাঝে সবিতা যেন গোপন রজনীগন্ধা !

বিশুদা মুখ বাড়াইল—চুপটি করে' বসেছিলে কেন এতক্ষণ ?

সবিতার প্রথর দৃষ্টি । কহিল, তাতে তোমার কি ?

বিশুদা তাকে সমীহ করিয়া' চলে । তবুও হাসিয়া কহিল, কিন্তু
বাড়ীটা যে আমার ।

কঠিন মুখে সবিতা উঠিয়া দাঁড়াইল ; নিঃশব্দে ।

আর কোন দিকে ভ্রক্ষেপ নয়—দাঁত দিয়া অধর চাপিয়া সটান
বাহির হইয়া গেল—একেবারে রাস্তায় ।

বিশুদা ভয়ানক ব্যস্ত হইয়া উঠিল, আমি তা বলি নি, শোন
সবিতা,—এ শুধু হাসির কথা—।

সেও বাহির হইয়া আসিল । কিন্তু সবিতা তখন নাগালেরও
বাহিরে ।

মুন্না বলে, এ আমি মান্তে পারি না ।

রেবা বলে, না মান বয়ে' গেল । বিশুদার কাছে আমরা যাবই ।
ওর কাছে জল না খেলে আমাদের তেষ্টা যায় না ।

ইংরেজিতে মুননা বলে, ভগামি—হুন্নীতি ! যে মেয়েরা নিজেদের ‘সংরক্ষিত’ না রাখে আমি তাদের—

অম্মা তাহার দিকে নিঃশব্দে তাকায় । ইচ্ছা করে ওর গালে দুইটা চড় বসাইয়া দেয় ।

মুননা উকীলের মেয়ে । অক্ক জানে ভালো । বলে—

কি ছাই মূর্ত্তি গড়ে ও লোকটা ? না মাথা—না মুণ্ড । ভাল ভাল ‘ক্রিটিকে’র পাল্লায় পড়লে নাস্তানাবুদ হতে হত । যেমন ছাঁদ তেমনি ছিরি ।—আমার মুখ একটু আল্গা—কি-না-কি বলে ফেল্‌বো, তাই ত যাই না ওই মিস্তিরিটার ঘরে ।

রেবা বলে, তোমার মতন শুকুনো কক্কু মেয়ে হলে ত ভাই সকলের চলে না, তাদের যেতেই হয় ।

যে যায় যাক্ না—আমার কি ! তবে যতক্ষণ ঠাট্টা তামাসা করব ততক্ষণ একটা আঁক কষ্‌লে বরং—বাবার এক মক্কেল বলেন—

গোল্লায় যাক্ তোমার মক্কেল !—অম্মা আর রেবা উঠিয়া চলিয়া গেল ।

বাবার মক্কেলের প্রতি এমন কটুক্তি !

তীব্র দৃষ্টিতে মুননা সেদিকে চাহিল । কহিল, পুরুষ মানুষকে আমি ঘৃণা করি ।

ঝাল্‌টা বিগুদার উপরেই—

পায়ে পায়ে সন্তর্পণে বিগুদার ঘরের কাছে সবিতা ।—ছেলের জন্ত বিগুদা দুধ গরম করিতেছিল ।

মৃত্যুরে কে মনে রাখে ?

মুখ ফিরাইয়া কহিল—সবিতা যে, এসো এসো। মনে হচ্ছিল
সেদিন রাগ করে' চলে গেলে। সত্যি ?

রাগই ত ! দাঁত দিয়া সবিতা অধর চাপিল।

বিশ্বদা হাসিল—তা হক্ । সকলে যেন আমার উপর রাগই করে ।
একটুখানি তামাসাও করিল—রাগের বাঁদিকে 'অল্প'টা যেন করো না
নাকো ।

“উঠিয়া গিয়া বিশ্বদা একখানি আসন আনিল।

বসো সবিতা, সত্যি কথা বলতে কি—তোমাকে একটু ভয় করি
ভাই ।

আসন পাতিয়া দিল ।

একটা পা দিয়া সবিতা আসনটাকে অগ্রদিকে ছুঁড়িয়া দিয়া কহিল,
দরকার নেই খাতিরে ।

বিশ্বদা মুখ তুলিয়া চাহিল ।—ভয়ে কাঠ !

সবিতার ভ্রক্ষেপ নাই। কহিল, কাজ কর্ম তোমার চলে কি করে' ?

বিশ্বদা নিঃশ্বাস ফেলিয়া কহিল, তা এমনি—এমন আর কি কাজ ।

শুধু ছেলেটা—তা যা হক্ করে'—

ছেলের একটা ঝি দরকার হয় না ?

ন-নাঃ ।

এদিক ওদিক তাকাইয়া সবিতা বলিল, আমার নামে রেবা যে এসে
তোমার কাছে বলে, তা শুনেছি । গায়ে গায়ে বাড়ী, চোখ কান সবই
থাকে এদিকে ।

ও—। বিশ্বদা আড়ষ্ট । বলিল, কিন্তু রেবা ত এমন বিশেষ কিছুই—

তা জানি । হঠাৎ হাসিয়া সবিতা কহিল, কিন্তু আমার হয়ে তুমি

আদি ও অন্তিম

ওদের কাছে ওকালতি কর কেন ? আমার নিন্দে বুঝি তোমার গায়ে লাগে ?

সবিতা হাসে কিন্তু জল জল করিয়া জলিতে থাকে তার দুটি চোখ ।
সন্ধ্যার অন্ধকারেও বিশুদা দেখিতে পায় ।

হঠাৎ ছেলেটা কাঁদিয়া বাঁচাইল ।

যাই রে যাই ।—বিশুদা তাড়াতাড়ি উঠিয়া পলাইল ।

পিছন হইতে সবিতার গুঞ্চ কঠিন কণ্ঠ,—ছেলের এতটুকু কান্নাও বুঝি সহ হয় না ?

উত্তর পাইল না ।

একটু পরে বিশুদা বাহির হইয়া আসিল ! ছেলে শান্ত হইয়াছে ।
দেখে—মেঝের উপর দুধের বাটি উল্টানো, জলের ঘটিটা গড়াগড়ি,
খাবার ছিল ঢাকা—এখানে ওখানে ছড়ানো ; জলে-দুধে-খাবারে
একাকার চারিদিক !

অভিভূতের মত সে কহিল, কে কল্পে ?

এক-পা এক-পা করিয়া সবিতা বাহিরে যাইতেছিল, বলিল—আমি ।

খানিকক্ষণ কাটিয়া গেল ।

সবিতা চলিয়া গেছে—

বিশুদা নিঃশ্বাস ফেলিয়া মুখ তুলিল । স্নমুখের অন্ধকার বেলগাছটা ।
কহিল, উপোস করবে আজ রুগ্ণ ছেলেটা ? আর ত কিছু নেই ।

সংসারে ওই ভূগটিই সম্বল তাহার ।

অম্বা আর ইস্কুলে যায় না । দেখা মেলা ভার । হঠাৎ সে দলছাড়া ।

মৃত্যুরে কে মনে রাখে ?

হৃপ্ত বেল। সেদিন সে রাস্তায় রাস্তায় ঘুরিল। পশ্চিমের এদেশে
মেয়েদের বাঁধাবাঁধি বিশেষ নাই।

রূপলোভী পুরুষেরই কি অভাব ? ওরা স্বর্গে গিয়াও উর্বশীকে দেখে।

দূর ছাই—। অম্বা আবার ফিরিয়া চলিল।

গলিঘুঁজি পার হইয়া বরাবর গঙ্গার ঘাটে।

শীতকাল—তবু রৌদ্রটা খুব তীক্ষ্ণ। ঘাটে আসিয়া অম্বা একবার
দাঁড়াইল।

গঙ্গার এপার ওপার অনেকখানি চওড়া। কিন্তু সবটা জল নয়—
ওপারের প্রায় অর্দ্ধেকটা বালির চড়া। সূর্য্যের আলোয় দূর হইতেও
চক্ চক্ করিতেছে। দূরে ছোট ছোট ছ-একখানি নৌকা।

ওপারে রাজার প্রাসাদ—রাঁমনগর।

ঘাটে লোকজন কেহ নাই। শুধু একটি হিন্দুস্থানী মেয়ে সাবান
দিয়া কাপড় কাচিতেছিল।

অম্বা ঘাটে নামিল। জামাকাপড় স্নান একেবারে গলা জলে।
অন্যদিন সিঁড়ি হইতে ঝাঁপাইয়া জলে পড়িত ; আজ নিয়ম-ভঙ্গ !

সাঁতার কাটিতেও অরুচি। ধীরে স্বস্থে স্নান সারিয়া সে উঠিয়া
আসিল।

কাপড়ের একধারে মাথা মুছিল। জল ঝরাইল। তারপর রাস্তায়
উঠিয়া আসিল।

মেয়ে যেন কত শান্ত !

বাঁ-হাতি কালি মন্দির। ভিতরে ঢুকিল। আঁচল হইতে পয়সা
খুলিয়া পুরোহিতের কাছে রাখিয়া বলিল, ফুল নৈবিদ্যের জন্তে দিলুম।
একটু পেসাদ দাও ত ঠাকুর !

আদি ও অন্তিম

প্রসাদ হাতে লইয়া অশ্বা এদিক ওদিক চাহিল—কেহ কোথাও নাই। চট্ করিয়া ঠাকুরের উদ্দেশ্যে একটি প্রণাম করিয়া প্রসাদ লইয়া বাহির হইয়া আসিল।

এবারও বাড়ীর পথে নয়—অন্তদিকে।

অপরান্ন বেলায় সটান্ বিগুদার ঘরে।

কাহারও সাড়া নাই। তাড়াতাড়ি সে ঘরের ভিতর ঢুকিল।

রুগ্ণ ছেলেটা যেন কেমন-কেমন! মুখখানা রক্তহীন, চোখ দুটা ঝাপসা, গলার মধ্যে ঘড় ঘড় শব্দ—যেন কি রকম! চিঁ চিঁ করিয়া অস্পষ্ট কথা বলে, হাত পা বিশেষ নাড়ে না—ভিতরে কোথায় যেন তলাইয়া থাকে।

অশ্বা তাহাকে কোলে তুলিয়া লইল। কাপড় চোপড় তখনও ভিজা। আবার তাহাকে বিছানায় শোয়াইল। পরে প্রসাদী ফুলগুলি তাহার মাথায় ঠেকাইয়া বিছানার উপরেই ছড়াইয়া দিল।

বাঁ-হাতে ছিল ডাক্তারী ঔষধ। শিশির ছিপি খুলিয়া সে একদাগ খাওয়াইল। বিছানা ভাল করিয়াই প্রস্তুত। সে আর একবার ঝাড়িয়া মুছিয়া দিল।

এমনি করিয়া যত্নের আর অন্ত নাই।

এ যত্ন যেন মায়েরও নয়—ভগ্নীরও নয়; এ যেন অন্তরূপ।

ছেলেটা চোখ চাহিয়াছিল, অশ্বা তাহার মুখের উপর ঝুঁকিয়া পড়িয়া কহিল, কে আমি বলতে পারো?

তুমি? কেউ না!

সময় কাটিতে থাকে।

মৃত্যুরে কে মনে রাখে ?

ঘরে ঢুকিল বিম্বদা । দেখে—ছেলের কাছে বসিয়া অম্বা । বিছানায়
ফুলের গন্ধ চারিদিকে ।

অম্বা-দিদির খবর কি গো ? ফুলশয্যে নাকি ?
ধড়মড় করিয়া অম্বা উঠিয়া পড়িল । বিম্বদার আসা টের পায় নাই ।
বলিল, ছেলেকে একলা রেখে তোমার এমন রোজগার নাই-বা
হ'ল বিম্বদা ?

একলা ? এমন দরদী আছে জানলে বাড়ীই আসতুম না আজকে ।

কি যে বল তুমি ।—লজ্জায় অম্বার মাথা হেঁট ।

বিম্বদার মৃদু হাসি,—ছেলে আছে কেমন ?

ভালই—সেরে যাবে ।—অম্বা বাহির হইয়া চলিয়া গেল ।

* তখন সন্ধ্যা হয় ।

ছাদের পাঁচিলের কাছে দাঁড়াইয়া সবিতা সবই দেখে ।—বিম্বদার
সংসার চলে ।

ছেলের জন্ম বিম্বদার চোখে জল আসে । সবিতা তাহাও অম্বুভব
করিতে পারে ।

ঠুংঠুং করিয়া সেদিন বিম্বদা কাজ করিতেছিল আপন মনেই,—
সবিতা ভিতরে আসিল ।

ইদারার কাছে গিয়া দাঁড়াইল— । অনেক নীচুতে জলের ভিতর
নিজের প্রতিবিম্ব দেখিতে লাগিল ।—দেখিয়া হাসি । বিম্বদার চোখ-
চোখি হইলে রাগ হয় ।

হয় ত অকারণে বাল্টিটার শব্দ করিতে থাকে । ঘটিবাটিগুলি পা

আদি ও অকৃত্রিম

দিয়া এধার ওধার ছুঁড়িয়া দেয়। ইদারার বাধুনির উপর হাত চাপুড়াইয়া আওয়াজ করে। বিগুদার মনোযোগ নষ্ট হইলে সে খুশী হয়!

দেখিয়া দেখিয়া বিগুদা হাসিয়া ফেলিল। কিন্তু কথা বলিতে সাহস নাই।

কিন্তু তাহার কাজও আর হয় না—ছেলের তদ্বির করিতে উঠিয়া যায়।

সবিতা গিয়া ঘরে উকি মারিল। দেখে—ব্যাকুলভাবে বিগুদা ছেলেকে আঁকুড়াইয়া ধরিয়া আছে।

সন্তানের বন্ধন আরও দৃঢ় হউক!

সবিতার কঠিন হাসি। সরিয়া আসিল। স্বমুখে অসমাপ্ত মূর্তিটা। হঠাৎ বসিয়া পড়িয়া দুই হাতের নখে করিয়া সেটা আঁচড়াইতে লাগিল।

পাথরে আঁচড় চলে না!

কাছেই খোদাই করিবার যন্ত্রগুলি।—তাহাই আঁচলের মধ্যে কুড়াইয়া লইয়া ওধারে চলিয়া গেল।

এক জায়গায় আসিয়া বসিল।—দাঁত দিয়া অধর চাপা।

বিগুদা যখন বাহিরে আসিল, দেখে—যন্ত্রপাতি উধাও। বুঝিতে পারিল; হাসিয়া বলিল, বা রে বা! গেল কোথায় এগুলো? একেবারে ভৌতিক!

সবিতার দিকে চাহিল—উত্তর নাই। বিধবা মেয়েটা এবার শুধু মুখের দিকে চাহিয়া থাকে।

থাক তবে,—এখন আর কাজকর্ম কিছু হবে না। মুখ হাত ধুয়ে এখুনি ছেলের ওষুধ আনতে যাবো।—চঞ্চল হইয়া বিগুদা আর এক দিকে পা বাড়াইল।

মৃত্যুরে কে মনে রাখে ?

সবিতার তৎক্ষণাৎ রাগ । যন্ত্রপাতিগুলি আঁচল হইতে ছুঁড়িয়া ফেলিল,—আমি ত আর নিই নি ।

বিশুদার কানে গেল না কথাগুলি । যখন মুখ হাত ধুইয়া ফিরিয়া আসিল—সবিতা তখন দরজার কাছে দাঁড়াইয়া ।

বেরিষে যাচ্ছে, ছেলে দেখবে কে ?

ছেলে ঘুমিয়েছে । বিশুদা বলিল ।

যখন জাগবে ?

ততক্ষণে আমি এসে পড়বো ।

সবিতা নিরুপায় । হঠাৎ বিশুদার বাহির হইবার জামাটি টানিয়া লইয়া চলিয়া গেল ।

শোন' সবিতা শোন'—আমায় বেরোতে হবে এখনি,—বিশুদা আগাইয়া আসিল ।

সবিতা গুলিল না । দূরে সরিয়া গেল ;—আড়ালে । কোলে জামাটি লুকানো । মুখে হাসি ।

বিশুদা অগত্যা যন্ত্রপাতির দিকে চাহিয়া বলিল,—থাক তবে, আবার কাজ কর্তেই লেগে যাই ।

কাজে-কাজেই কাজে বসিয়া গেল ।

হাসি মিলাইল সবিতার মুখে । জন্ম করিতে গিয়া নিজেই অপ্রস্তুত । দ্রুতপদে আসিয়া জামাটি ছুঁড়িয়া দিল । আর দাঁড়াইল না । দ্রুতপদেই বাহির হইয়া গেল ।

বুকের মধ্যে রুদ্ধ কান্নার প্রচণ্ড আবেগ । পথে পড়িয়া মুখে আঁচল চাপিয়া ধরিল ।—কান্নায় সর্বদা কঁাপে ।

*

*

*

আদি ও অকৃত্রিম

ঘরে দাদা আর বৌদি । পুরুষ মানুষ হইলে বৌদির পাকা-দাড়ির বয়স । ওদের সংসারে সবিতা খাটে-খুটে—আর থাকে । একবেলা রান্না । দীর্ঘ অবসর । সময় নাই, অসময় নাই,—বিশুদার ওখানে যাতায়াত ।

পা টিপিয়া টিপিয়া আসে, লুকাইয়া চারিদিকে তাকায়, আবার চলিয়া যায় । কিন্তু বিশুদার নজরে পড়িলে অগ্নরূপ । তখন আর বিড়ালের পা নয় ;—হস্তিনীর । বিশুদা ফিরিয়া তাকায় কিন্তু পরস্পর নির্ঝাক ।

কথা কয় না বলিয়া সবিতার রাগ হয় । অন্তপথে দৃঢ়পদে ঘরে গিয়া ঢোকে ! কিন্তু কিই-বা ! তখন হাতের কাছে যা পায় ! সেলাই করা কাপড়খানার সেলাই ছিঁড়িয়া রাখে, খাবার জল ফেলিয়া দিয়া খালি কলসি উপুড় করিয়া দেয়, লণ্ঠনটা মুচড়াইয়া দুমুড়াইয়া যা-তা করে, গায়ের জামাটা জলে ভিজাইয়া দেয় ।—এমনি সব মারাত্মক দৌরাণ্ড্য !

বিশুদা অত্নদিকে চাহিয়া বলে, উঃ—তুপুর বেলা একটু হাওয়া নেই ...গুমোট ।

সবিতা তীরবেগে গিয়া হাতপাখাটি কুটি কুটি করিয়া ছিঁড়িতে থাকে ।—তারপর একেবারে জানালার বাহিরে ।

কিন্তু বিশুদা না করে প্রশ্ন—না দেয় উত্তর !

সবিতা বদরাগী । ধূলা লইয়া বিশুদার খাবারে ছড়াইয়া দিয়া হন্ হন্ করিয়া চলিয়া যায় ।

ছেলের অবস্থা এখন একটু ভাল । ডাক্তারী ঔষধের গুণ ।

মৃত্যুরে কে মনে রাখে ?

বিশ্বদার আহ্লাদ ধরে না। আধমরা মনে রঙের ছোপ ধরিয়াছে।
দিনরাত কাজ করে, আপন মনে গানও গায়।

ছেলের কাছে গিয়া বলিল, ভাল হয়ে কি খাবি গোপাল ?

গোপাল বলিল, ঝোল খাবো—আর—

ঝোল ? পাঠার বুঝি ? আচ্ছা তাই তাই।

হাসিয়া আবার বলিল, তোমায় মায়ের নামটি কি ছিল গোপাল ?

মায়ের নাম গোপাল শিখে নাই !

করবী, বুঝি ?—করবী ! মরে গেছে তবু নাম এখনও কানের
মধ্যে সর্বদা—

দালানের কোণে করবীর একটি পাষাণমূর্তি দাঁড়াইয়া। তাহারই
হাতের তৈরী। যেন অবিকল ! শুধু প্রাণটুকু চুরি গেছে। সেই হাসি।
সেই চুল। সেই হরিণীর মত বড় বড় কালো ছুটি চোখ ;—নীলপদ্ম !

বিশ্বদা বিহ্বল। পাষাণীর কাঁধে হাত রাখিয়া বলিল, করবী !

অথচ আজ এতখানি উচ্ছ্বাসের কৈফিয়ৎই বা কি ?

চার পাঁচ দিনের মধ্যেই ছেলে উঠিয়া দাঁড়াইল।

বিশ্বদা গান গাহিতে গাহিতে তাহাকে আদর করে। দূরে সরিয়া
গিয়া বলে, এসো ত গোপালমণি হেঁটে হেঁটে ?

নড়্ বড়্ করিয়া গোপালমণি তাহার কাছে হাঁটিয়া যায়। রোগের
পর ন্তন পা।

সেদিন সন্ধ্যা আসিতেই বিশ্বদা একেবারে উচ্ছ্বসিত।

দেখ্ছ সন্ধ্যা দেখ্ছ—ছেলে আমার কেমন হাঁটতে পারে ?

দেখেছি—সন্ধ্যা বলিল। কিন্তু ফিরিয়াও তাকাইল না।

আদি ও অকৃত্রিম

বিশ্বদা আপনার আনন্দেই বিভোর। সবিতা বলিল, ছেলে বুঝি খুব আছরে ?

আদর আর কই কর্তে পারি। ওর মা মরবার পর—তখন আমি আসিনি এদেশে—সেই থেকেই ত ওর রোগ।

বৌ তোমার বুঝি খুব সুন্দরী ছিল ?

সত্যি—খুব। তোমার চাইতেও—না না তা নয়, তবে এই—
তোমারই মতন—

কোথায় সে ?

এবারে বিশ্বদার হাসি,—জানো তুমি, তবু জিজ্ঞেস করছ সবিতা।

সবিতা এদিক ওদিক তাকাইয়া কহিল, রান্না হবে না তোমার ?

দাঁড়াও, আগে যাবো কালী-মন্দিরে পূজা দিতে, তারপর ডাক্তার-
খানায়, সেখান থেকে এসে, তবে বাজার হাট—

ছেলের ওপর দরদর যে আর সীমা নেই ?—ফরফর করিয়া
সবিতার প্রস্থান।

ছেলেকে একদফা খাওয়াইয়া, বিছানার শোয়াইয়া, জুতা জামা
চড়াইয়া বিশ্বদাও বাহির হইল।

খানিক পরে সবিতা আবার আসিয়া হাজির। কেহ কোথাও
নাই। একবার সে চারিদিকে চাহিল। তারপর সমস্ত বাড়ীটাতে
ঘুরিয়া বেড়াইতে লাগিল। স্তম্ভে পাষণ প্রতিমা। একবার দাঁড়াইয়া
দেখিল,—ক্রুর দৃষ্টি ! আবার চলিয়া গেল।

ঘরে ঢুকিয়া দেখিল—ছেলেটা ঘুমাইতেছে। দুর্বল ছেলে !

বিছানার উপর বুঁকিয়া ছেলেকে নিরীক্ষণ করিতে লাগিল। টের

মৃত্যুরে কে মনে রাখে ?

না পায়। না ছেলে—না বাইরের লোক। চুরি করিয়া দেখা।—
নিজের কাছেই চুরি !

সরিয়া যাইবার চেষ্টা করিল—পারিল না। একটিবার ছেলের
গায়ে হাত রাখিল। নরম গা। তুল্ তুল্ করে—এমনি মোলায়েম।

হাত আর সরানো যায় না। যেন বাঁধা পড়িয়াছে।

ধীরে ধীরে তাহাকে সবিতা কোলে তুলিয়া লইল।

মাতৃহীন ! অন্ধকার দুর্গম এই চলাচলের পথে পরিত্যক্ত।—
অভাগা !

চোখ জ্বালা করিয়া সবিতার চোখে জল গড়াইয়া ছেলের গালে
পড়িল। তাহাকে নামাইয়া আবার সে বাহিরে আসিল।

কাজের ফেরত বিগুদা ফিরিল। দেখে—ছেলে ঘরে নাই ! এদিক
ওদিক দেখিয়া রান্না ঘরে আসিল—সে এক কাণ্ড। রান্না চড়িয়াছে,
কুটুনো বাটুনা,—সব প্রস্তুত। সবিতার কাছে বসিয়া গোপাল খাবার
খাইতেছে।

বা—। এমন ত জানতু না ? আসবার আগেই যে তুমি—

সবিতা कहিল, আমিই সব আনিয়েছি—আমিই—

আগে যদি জানতুম তুমি এমন করে’—

অনেক কিছুই জানো না তুমি।

তা বটে সবিতা, কিন্তু—এ যে—ঘাড় নাড়িতে নাড়িতে বিগুদা ঘরে
উঠিয়া আসিল।

প্রকাণ্ড একটা অভাব চোখের স্রুখে !

নদী ছিল, তরঙ্গ ছিল,—আজ কিছু নাই ; শুষ্ক। শীর্ণ রুক্ষ বালির

আদি ও অকৃত্রিম

চড়া—ধূ ধূ! তাহারই ভিতর হইতে আজ একটা ভয়ঙ্কর সরীসৃপ মাথা চাড়া দিয়া উঠিল। ক্ষুধা পাইয়াছে তাহার, তৃষ্ণায় জিব বাহির হইয়া পড়িয়াছে।

বিশুদার গলা বুজিয়া আসিল।

খানিক পরে গোপালের নাম করিয়া সে আবার রান্নাঘরের কাছে আসিল,—আয় রে আয় আমার কাছে।

গোপাল উঠিতেছিল—ঝপ্ করিয়া সবিতা তাহাকে কোলে টানিয়া লইল।—যেতে দেব না।

থাক থাক—তবে থাক। মায়ের মতন হয়েছে কিনা।—বিশুদা আবার পিছন ফিরিল।

কিন্তু সবিতা তৎক্ষণাৎ কোল হইতে ছেলেকে নামাইয়া দিল। হাতের সব কাজও পড়িয়া রহিল।

হঠাৎ ছুটিয়া গেল সে কুটনো কুটিবার বঁটিখানার কাছে। কি একটা কুটিতে গিয়া বাঁহাতের একটি আঙুল কাটিয়া ফেলিল। বিশুদার অলক্ষ্যেই।

ফিন্‌কি দিয়া রক্ত!

উঠিয়া আসিল। আঙুলটা দেখাইয়া বলিল, কেটে গেল বঁটিতে। যে ধার—

আহা হা, তাইত—ইস্, আমার জন্মেই ত এমন—বিশুদা চঞ্চল হইয়া উঠিল।

সবিতার মুখে মুহু মুহু হাসি। বলিল, ওমুখ নেই? দাও না, একটু দাও না বেঁধে আঙুলটা ভাল করে—

নিটোল স্বন্দর বাঁ-হাত। বিশুদার হাতের কাছেই হাতখানি সরিয়া

মৃত্যুরে কে মনে রাখে ?

আসিল। চট করিয়া বিগুদা সরিয়া গেল। কহিল—কাটার ওষুধ ? দেখি আছে বুঝি আমার কাছে। ছেনি হাতুড়ি নিয়ে কাজ কর্তে হয় কিনা—। অনেকটা কাটলো বুঝি ?

হঁ—অনেক।—সবিতা বলিল—ছুঁতে ঘেন্না করে নাকি আমাকে ? বিগুদা চলিয়া গেল।

কিন্তু ওষুধ আসিল না।

সবিতা অনেকক্ষণ অপেক্ষা করিল। তবুও বিগুদার দেখা নাই। তারপর নিজেই সে উঠিয়া আসিল।

বাহিরে আসিয়া দেখিল—চোরের মত বিগুদা বসিয়া আছে।

কই, ওষুধ দিলে না ?—সবিতার কঠিন মুখ আরও কঠিন !

বিগুদা মুখ তুলিল। কহিল—সবিতা, তুমি যাও।

যাবই ত। ওষুধটা দিই আগে।—ডান-হাতে ছিল খানিকটা মুন, তাহাই সবিতা ক্ষতস্থানে চাপিয়া ধরিল।

ব্যাকুল হইয়া বিগুদা একবার তাহার হাতটা ধরিতে গেল—কিন্তু ধরিল না, নিজেই আবার সরিয়া আসিল।

যন্ত্রণায় বিকৃত সবিতার মুখ ! হাসিয়া কহিল—এতেই সাবুবে।

রুদ্ধকণ্ঠে বিগুদা ছেলেকে দুই হাতে চাপিয়া ধরিয়া নিজের ঘরে চলিয়া গেল। চোখের স্তম্ভে তাহার সব ধোঁয়া।

খানিকক্ষণ নিঃশব্দ !

বিগুদা স্নান করিতে আসিল। দেখে,—মুখ গুঁজিয়া সবিতা রান্না-ঘরের দ্বারে বসিয়া আছে,—কোথাও যায় নাই !

কাছে আসিয়া কহিল—কি হ'ল আবার ?

উত্তর নাই।

আদি ও অকৃত্রিম

রান্নাঘরে বিস্তুদা উকি মারিল—কিছু বুঝিল না। পাশ কাটাইয়া ভিতরে ঢুকিল।

একেবারে অবাক। রুজ্ব নিঃশ্বাসে দেখিতে লাগিল,—ডাল, ভাত, তরকারি, দুধ, মিষ্টি চারিদিকে ছড়ানো। উনানে জল ঢালা,—ঘরময় ছাই উড়িয়া অন্ধকার। খালা, ঘটবাটি এখানে ওখানে গড়াগড়ি। চারিদিক একাকার—মৈ-মাড়ন্।

কিন্তু বিস্তুদা বাহির হইবার অবসর পাইল না। অকস্মাৎ সবিতা উঠিল; দুই হাতে দরজার দুইটা কবার্ট ধরিয়া পথ আড়াল করিয়া দাঁড়াইল।

তেমনি করিয়া অধর চাপিয়া মেয়েটার টিপি টিপি নির্ঝাক হাসি।

বিস্তুদা কহিল—বল না কি চাও? বল না?

সবিতা কথা কয় না—শুধু হাসে।

থাকো তবে দাঁড়িয়ে; আমিও বসে থাকি এইখানে।

তাই থাকো।—কপাট দুইটা টানিয়া শিকল বন্ধ করিয়া সবিতা প্রস্থান করিল।

বন্ধ দরজায় বিস্তুদা হাত চাপুড়াইতে লাগিল—খোল' সবিতা খোল, দরজা খুলে দাও—

খানিকক্ষণ পরে—

ঝন্ ঝন্ করিয়া শিকল খুলিয়া গেল।

কিন্তু সবিতা নয়—অস্বা! একেবারে মুখোমুখি।

অস্বা হাসি চাপিল—শেকল দিয়ে গেল কে তোমায় বিস্তুদা?

মৃত্যুরে কে মনে রাখে ?

কি জানি ভাই, বোধ হয় সবিতাই হবে। যেমন ছেলে-মানুষী
কাণ্ড তোমাদের !

তা বলে' একেবারে শেকল ? আমাকেও হার মানালে যে !—অম্বা
কিন্তু রামাঘরের ভিতর তাকাইল না।

তোমার সবিতা বন্ধুটি কোথায় গেল, অম্বা-দিদি ?

তা ত জানি নে।

বিশুদা নীরব। অম্বা কহিল, ছেলেটা কাঁদছিলো যে এতক্ষণ !

কাঁচুকে গে ভাই। দিনরাত ওর কথা আর ভাল লাগে না।—
বিশুদা ইদারার কাছে গিয়া বসিল।

অম্বারও যেন অল্প কাজ আছে। ঘরের ভিতর উঠিয়া আসিল।
ছেলে ততক্ষণে শান্ত !

তাহার কাছে আসিয়া বসিল। গায়ে হাত বুলাইয়া কহিল, ভাল
আছ ?

গোপাল ঘাড় নাড়িল।

আসবে আমার কোলে ?—অম্বা তাহাকে কোলে তুলিয়া লইল।
পরে ছেলের মুখের উপর নিজের মুখ রাখিল। তারপর গাল দুটি
ধরিয়া কহিল—বড় হয়ে আমায় কি বলে ডাকবে ?

ছেলে মুখের দিকে তাকায়। কিন্তু কথা বলে না।

নাম ধরে' ডেকো, কেমন ? ছেলেকে কোলের মধ্যে চাপিয়া ধরিয়া
আবার বলিল, এমনি করে' আমাকেও খুব আদর করো, বুঝলে ?

একবার ছেলেকে নামাইয়া দেয়—আবার কোলে তুলিয়া লয়।
এমনি বার বার !

আদি ও অকৃত্রিম

সমস্ত হৃদয়, সমস্ত অঙ্গ-প্রত্যঙ্গ দিয়া ছেলেটিকে জড়াইয়া ধরে ।
বুকের উপর যেন পিষিয়া মারে ।

বার বার সে শুধু মাত্র অল্পভব করিতে চার—সে নারী !

আর যাহাকে চাপিয়া ধরিয়া আছে—সে পুরুষ !

অথা একেবারে বিহ্বল ! ঘুরায় ফিরায় দোলায়—আর ছেলেকে
দেখে । আবার আদর করে । তারপর যত্ন করিয়া নামাইয়া দিল ।

যাইবার সময় দেখে—ইদারার পাড়ে বসিয়া বিশুদা । মুখোমুখি
হইল, কিন্তু কথা বলিবার মন কাহারও নয় ।

আহ্লাদীর বিয়ে—। রেবার নাম আহ্লাদী । যে শুনিল সেই
গেল । আহ্লাদী বড় আদরের !

ছেলে-কাঁধে বিশুদাও গেল ।—রেবাদিদির সশরীরে নিমন্ত্রণ !

গেল না মুননা । কোন্ পরিচ্ছদটি পরিয়া গেলে তাহাকে সুন্দর
দেখাইবে—তাহা সে অঙ্ক কষিয়া বাহির করিতে বসিয়া গেল । কিন্তু
কিছুতেই তাহার পছন্দ হইল না । তখন বলিল, একটা আঁক নিয়ে
বাস্তু আছি । তাছাড়া যারা হাংলার মত নেমন্তন্ন খেতে যায়, আমি
তাদের ঘৃণা করি । বাবার এক মক্কেল বলেন—

বাবার মক্কেলকে কেহ গ্রাহ্য করে না !

আর গেল না সবিতা । তাহার বাড়ীর সকলে গেল । সেও বাহির
হইল কিন্তু মাঝপথ হইতেই ফিরিল ।

নিমন্ত্রণ সারিয়া বিশুদা ফিরিল । কাঁধে গোপাল ।—অনেক রাত ।

ভিতরে ঢুকিয়া দেখিল—রাঙা আলো ! প্রদীপের নয়,—আগুনের
আভা ! চারিদিকে পোড়া গন্ধ !

মৃত্যুরে কে মনে রাখে ?

সে কি !—বিশুদা ঘরের কাছে আসিল। অকস্মাৎ তাহার মাথা ঘুরিয়া গেল। ধোঁয়ায় ধোঁয়ায় চারিদিক অন্ধকার। পট্ পট্ করিয়া শব্দ। ভিতরে আগুন। আর সেই আগুনের কাছে নিঃশব্দে দাঁড়াইয়া আগুনেরই শিখা,—সবিতা !

গোপালকে এক জায়গায় নামাইয়া বিশুদা ছুটিয়া আসিল।—সরো সরো, পথ ছাড়ো—ছারখার হয়ে গেল যে !

সবিতা পল্ল ছাড়িল না। দুই হাতে ঘরের পথ আড়াল করিয়া দাঁড়াইল। কহিল—যাক্।

পুড়ে যাবে অম্নি করে' ঘর দোর জিনিস পত্তর ?

ই্যা পুড়ুক্। বাইরের আগুনটাই কি এত বড় ?

বিশুদা ছট্ফট্ করিয়া ঘুরিয়া বেড়াইতে লাগিল কিন্তু সবিতা পথ দিল না। ততক্ষণে ঘরের যা কিছু সব পুড়িয়া গেছে।

হাওয়া পাইলে আগুন উড়িয়া বেড়ায়। একপাশে ছিল করবীর প্রতিমা। অতি যত্নে পাষাণ মূর্তিতে কাপড় চোপড় পরানো। তাহাতেও আগুন ধরিল। বিশুদা ঘুরিয়া যাইতেই সবিতা তীরবেগে গিয়া পথ আগ্লাইল।

পথ ছাড়ো সবিতা—পথ ছাড়ো, পায়ে ধরি তোমার—

সুন্দর সুডৌল ডান-পাখানি সবিতা বাড়াইল—ধরো পায়ে !

পায়ে আলতার দাগ। তাহাও আগুনের রঙ্। বিশুদা পিছাইয়া গেল। সবিতা হাসিয়া কহিল, এখনও ছোঁবে না ? ছুঁলে দোষ হয় বুঝি ?

করবীর মূর্তি ততক্ষণে পুড়িয়া পুড়িয়া কালো। বিশুদা কাঁপিতেছিল। বলিল, ই্যা।

আদি ও অকৃত্রিম

তবে ছেলে পাবে না—যাও। আমার ছেলে।—হঠাৎ ছুটিয়া গিয়া সবিতা গোপালকে আঁকড়াইয়া ধরিল।

বিশুদা আর পারিল না। ঝাঁপাইয়া পড়িয়া গোপালের একটা হাত ধরিল। বলিয়া উঠিল—ছেলে তোমার নয়, আমার।—হাত ধরিয়া সে গোপালকে টানিয়া লইল।

তোমার ?—বেশ !—সবিতা নিঃশব্দে চারিদিকে একবার তাকাইল তারপর অন্ধকারে বাহিরে আসিয়া পথে নামিল। দুই-চোখে তার দুই ফোঁটা আগুন।

ওদিকেও আগুনের ক্ষুধা মিটিতে চায় না। পাথরের ঘর—তবু জ্বলিতে থাকে।

গোপাল ঠক্ ঠক্ করিয়া কাঁপিতেছিল। বিশুদা তাহাকে বুকে লইয়া আকাশের তলায় আসিয়া দাঁড়াইল।

*

*

*

মন দিয়া বিশুদা আবার কাজ করে। কিন্তু মন থাকে না।

কোথায় অসমাপ্ত মন্দির। তাগিদের পর তাগিদ আসে সেখান হইতে। কিন্তু কাজ কর্ষে বড় গোলমাল হইতে লাগিল। ভিতরের শিল্পী যেন পথ ভুলিয়া অগ্রপথে গেছে।

তবু চেষ্টার অন্ত নাই।

যন্ত্রপাতি লইয়া বিশুদা আবার বসিল। আবার করবীর মূর্তি গড়িতে হইবে!

পাথর খোদাই চলিতে লাগিল।

করবী !—স্বপ্ন শুধু করবীকে লইয়াই। মানস সরোবরে প্রস্ফুটিত পদ্ম !

মৃত্যুরে কে মনে রাখে ?

দেহের সব গড়নগুলি ঠিক ঠিক হইল,—মুখখানি কেবল বাকি ।
যত গোলমাল এই খানেই ।

ছেনি দিয়া কুঁদিয়া কুঁদিয়া দাগ কাটিতে থাকে আর মানসসরো-
বরের দিকৈ তাকায় ।

চুলগুলি তেমনি হয়, কিন্তু কপালটি ? ভুরু দুটি ত হইল না !—
আবার কারিকুরি চলিতে থাকে ।

চোখ দুটি হয় । নাকটিও এক রকম করিয়া দাঁড়ায় । কিন্তু ঠোঁট
দুটি ? হাসিটি ?—বিষদার মন খুঁৎ খুঁৎ করিতে থাকে ।

কি যেন কোথায় হারাইয়া গেছে !—

ক্লান্ত মন ! ছাদে আসিয়া দাঁড়াইল । জ্যোৎস্নাময়ী রাত্রি—
হুনিবিড় । উপরে হ্যাতিপাণুর আকাশে ফটফটে তারা । কোটি
কোটি দীপ্ত চক্ষু শুধু তাহারই দিকে । বিবশ-বিহ্বল চাঁদের আলো
ব্যথায় আতুর । দূরে অম্পষ্ট শাদা বাড়ীগুলি মায়াপুরীর মত !—
বিষদার অর্দ্ধজাগ্রত দৃষ্টি কাঁপিতে থাকে ।……ভুখারী অন্তরাত্মা বন্দী-
শালার বন্ধ দ্বার আঁচড়ায় । পাথরে দাগ কাটে ।

তা হ'ক—। বিষদা আবার ফিরিয়া আসিল । আলো জ্বলিল ।
তারপর একমনে বসিয়া গেল ।

কাজ শেষ হইল ; মোরগও ডাকিল ।

নিখুঁৎ মুক্তি এইবার । চমৎকার ! ধ্যান আসিয়া আকারে ধরা দিল ।
গ্নান প্রদীপ গ্নানতর হইয়া নিবিয়া গেল ।

দিনের অম্পষ্ট আলো—

ক্লান্ত চক্ষুদুটি রগড়াইয়া বিষদা উঠিয়া দাঁড়াইল । এক মুখ হাসি !
সমস্ত ক্ষোভ মুছিয়া গেছে ।

আদি ও অকৃত্রিম

বাহিরে গেল। মুখে চোখে জল দিল। ছেলেটা তখনও অকাতরে ঘুমাইতেছে।

.....সুন্দর প্রভাত! দূরে উষসীর শুভ্র ললাটে ব্যাধের বাণ বিধিয়া রক্ত বারিতেছে। আরক্ত মুখখানিতে শুকতারার উজ্জ্বল অশ্রু-বিন্দুটি!—পাখী ডাকে না? সলজ্জ মধুর গন্ধটুকু কার? নিশিগন্ধার শেষ মিনতি বৃষ্টি?

বাকি কাজটুকু সারিতে সে আবার বসিল।

কিন্তু একি! অকস্মাৎ বিগুদা শিহরিয়া উঠিল।

সত্ত-সমাপ্ত মৃষ্টিটি,—এ ত' করবীর নয়! কে এ?

অথচ চেনা মুখ, চেনা ছুটি চোখ, চেনা হাসি,—সবই চেনা!—
কিন্তু করবী ত নয়!

সমস্ত হৃদয়, সমস্ত মন দিয়া যাহাকে সৃষ্টি করিল—সে যে সবিভা! সবিভাই ত বটে! বিগুদা উন্মাদের মত উঠিয়া বাহির হইয়া গেল। কপালের শিরাগুলি স্ফীত, ক্ষুরধার দৃষ্টি। নিজের কাছে নিজে অপরাধী নিজের ভিতরেই কি একটা ঘুমভাঙ্গা বস্তুর প্রতি সে তাকাইতে লাগিল।

এবার বিগুদার পথের জীবন। ঘর দোর আর ভাল লাগে না।—
প্রলোভনের পঙ্কিল বাতাসে বিষজর্জর।

ঘরে অক্ষম দুর্বল সন্তান। তাও যেন একঘেষে।

সে চায় দূর-দুর্গম পথ। নিজের হাত হইতে নিজেকে রক্ষা করি-
বার চেষ্টা।

কিন্তু ক্ষুধা আছে—তৃষ্ণা আছে। ছেলেটার তদ্বিরও দরকার।

মৃত্যুরে কে মনে রাখে ?

সারাদিন বাদে ঘরে ফিরিল। হঠাৎ থমকিয়া দাঁড়াইয়া শুনিল—
ভিতরে চীৎকার !

অম্বার গলা। বিস্মদা ছুটিয়া ঘরে আসিল। অম্বা ছুটাছুটি করি-
তেছে। বলিল, শিগ্গীর দেখ বিস্মদা, ছেলে কেমন কচ্ছে। আমি
এসে দেখি যে—

বিস্মদার পা অবশ। দেখে—ছেলেটা ছটফট করিতেছে, হাত পা
ঝাঁকিয়া গেছে, মুখ দিয়া শব্দ বাহির হয় না,—দুইটা চোখই কপালে
তুলিয়াছে।

ভাস্কর ! কিন্তু কেই-বা ভাস্কর ডাকে। ছেলেকে চাপিয়া ধরিয়া
বিস্মদা চীৎকার করিল—গোপাল ?

আর গোপাল ! ঘরময় শুধু তার বিদ্রূপাত্মক প্রতিধ্বনি। ছেলের
তখন শেষ অবস্থা। শব্দ শীর্ণ আঙুলগুলি দিয়া পিতাকে ঝাঁকড়াইতে
চাহিল, প্রাণপণে সাড়া দিবার চেষ্টা করিল—কিন্তু শক্তি কই ! বিছানার
উপর আবাব ঢলিয়া পড়িল। নিঃশব্দ—নিম্পন্দ।

বিস্মদা, ও বিস্মদা—ছেলে গেল যে ?

বিস্মদা পাথর। মরা ছেলেকে অম্বা জাপ্টাইয়া ধরিল। বলিল—
ও বিস্মদা, শুন্চ ?

শুন্চি—তা আমি কি করব অম্বা ? গেল মরে ! গেল ত গেল...
যাক্। আমি কি করব !

যার নাড়িতে নাড়িতে বিস্মদা চলিয়া গেল।

অম্বা ত কাঁদে না,—কাঁপে !

তারপর—। সে কথা কেহ ভাবে নাই। বিস্মদার বিদায়।

আদি ও অকৃত্রিম

অলক্ষ্যে বিস্মদা বাহির হইল। হাতে একটি পুঁচুলি।—সন্ধ্যাকাল।

বাঁ-হাতি রাস্তায় নামিয়া বরাবর গঙ্গার পথে। রাস্তায় তখনও আলো জ্বলে নাই।

অনেকদূর গিয়া ডান দিকে। রাস্তাটি একেবারে গঙ্গার কোলে গিয়া মিশিয়াছে।

ঘাটে নামিয়া চূপ করিয়া বিস্মদা দাঁড়াইল। নদীর ওপারে পূর্ণিমার চাঁদ। স্রুখে জল স্থির,—ভিতরে শুধু অবিরাম কল্কল শব্দ। সোনার মত চাঁদের আলো তাহারই উপর।

ঘাট জনহীন। শুধু দূরে একটা জলন্ত চিতা। তাহারই কাছে বসিয়া একটা হিন্দুস্থানী কানে হাত চাপিয়া দেহভয়ের গান করিতেছিল।

চিতা!—আর একটা উহারই পাশে। এইটিতে তাহার সংসারের একটি মাত্র বন্ধন জলিয়া পুড়িয়া গেছে!

পিছনে কে দাঁড়াইয়া!—এ কি, সবিতা!

আসছিলে বুঝি পেছনে পেছনে?

হঁ।

যেন উন্মাদিনী! উপর দিয়া ঝড় গেছে, ঝঞ্ঝা গেছে,—প্রলয় গেছে।

কি চাপ সবিতা?

অব্যক্তকণ্ঠে সবিতা কহিল—আমিই মেরেছি, আমিই—বিষ খাইয়ে—

বিস্মদা ফিরিয়া তাকাইল। অকস্মাৎ হো হো করিয়া হাসি—তাই নাকি? বিশ্বাস কর্ত্তে হবে এ কথা?

বিস্মদা সব পারে—এ কথাটি শুধু বিশ্বাস করিতে পারে না!

মৃত্যুরে কে মনে রাখে ?

ধূলা-বালির উপর সবিতা বসিয়া পড়িল। বিগুদা কহিল, শেষ বেলায় সে ত অস্বাক্ষে ডাকে নি—আমি জানি—তোমাকেই সে চেয়ে-ছিলো। সবিতা, তুমিই তার মা।

সবিতা পা ছুইবার চেষ্টা করিতেই বিগুদা সরিয়া দাঁড়াইল—
ছোবার সময় এখনও আসে নি, সবিতা।

অশ্রুটকণ্ঠে সবিতা কহিল—শান্তি দাও।

শান্তি। বিগুদা হাসিল,—তোমাকে ত জানি সবিতা, নিজেকেও
চিনেছি। দেবতা ত নই !

নিঃশব্দে উঠিয়া সবিতা আপনার পথে চলিয়া গেল।—অভিমানিনী !

কিন্তু এ জীবনে বাসনাই বা কি তাহার !

এই যে নৌকা ! কোথায় ছিল এতক্ষণ !—ওগো মাঝি, পার
করবে ? আর যে দাঁড়াতে পারি না।

দূর হইতে শব্দ আসিল, করব গো করব, ব্যস্ত কেন ? ওই ত কাজ
আমার।

ঘাটে আসিয়া নৌকা ভিড়িল। দুইজন নামিয়া আসিল। রেবা
আর নিখিল—রেবার বর।

এ কি—বিগুদা ? কোথায় ?

পারে যাবো ভাই,—ওই রামনগরে। কাজের চেষ্টায়—

নিখিল দাঁড়াইয়া রহিল। রেবা আসিয়া তাহার হাত ধরিল—আর
আসবে না বিগুদা ?

আসবো বৈকি দিদি,—যাওয়া আসাই ত সম্ভব !—ও মাঝি, রাত
হল যে।

আদি ও অকৃত্রিম

চল না বাছা, বসেই আছি ত তোমার জন্তে । তুমিই মায়া কাটাতে পাচ্ছ না ।

হেঁট হইয়া রেবা বিগুদার পায়ের ধূলা লইল । আনন্দ ছুঁইল বেদনার পা দুটি ! মৃত্যুর পায়ে জীবন মাথা ঠেকাইল !

কি কাজ সেখানে করবে বিগুদা ?

এই যা হক একটা—না না, পাথরের কাজ আর নয়, দিদি । ওটা কেমন গোলমাল হয়ে যায় । ওসব আর নয় ।

মাঝ নদী—। টাঁদের আলোয় আব্ছা দুই তীর । উপরে আকাশ ।

কত দেবে গো ?

দিয়েছি ত ভাই তোমার পাওনা ।

ওতে হবে না ।

হবে না ?—নাও তবে এই পুঁটলিটা ?

ওটা ত পুঁটলি ।—জঞ্জাল একটা ।

বিগুদার দৃষ্টি উপর দিকে । মুখ তুলিয়া রহিল—সবই ত দিলাম—
যা কিছু ছিল,—সব । আর ত কিছু নেই !

চল তবে,—কি আর করি । পার করতে হবে ত !

* * * *

আর এদিকে—।

পরিত্যক্তি অন্ধকার ঘর !—

বাণ-বিদ্ধা একজন মাটিতে লুটাইয়া দুই হাতে বুক মুচুড়াইয়া ছটফট করে । বুক মরুভূমি—কিন্ধা পাথর ! আঁচড়ায় শুধু, জল নাই !
চীৎকার করিতে যায়—কণ্ঠস্বর নাই !

ছি ছি

সবিতার প্রেতাত্মা !

আর একজন ঘরের চারিদিকে ঘুরিয়া ঘুরিয়া বেড়ায় ; নিশি-পাওয়ার
মত !—অম্বার ছায়া !

ওদের কে পার করে ?

ছি ছি

পাড়া গাঁ নয়—শুধু পাড়া ; শহরের কাছেই । ‘ডেলি প্যাসেঞ্জারের’
রুপায় টাটকা খবর রেল চড়িয়া আসে । আবহাওয়াটা এমনিই ।

ব্যাপারটা যে শোনে সেই ছি ছি করে । তা তলাইয়া কেহ বুঝুক
আর নাই বুঝুক ।

ঘটনাটা পাড়ার মধ্যেই । কে একটা ছোকরা নাকি একটি মেয়েকে
লইয়া কলাবাগানের সেই ভাঙ্গা বাড়ীটা আশ্রয় করিয়াছে । মেয়েটির
মাথায় সিঁদূর নাই কিন্তু নীলাম্বরী পরে ।

অনেকে কানাকানি করিয়া বলিল—দেখেছি হে, ছোড়াটাকে কল-
কাতার শহরে ঘুরতে দেখেছি—ওই আমাদের অফিস-পাড়ায় ।

একজন বলিল—আমিও যেন দেখলাম একদিন ; স্বদিশীস্বদিশী
ভাব,—লক্ষ্মীছাড়া চেহারা—কুস্কু !

একটা মানুষকে ঘিরিয়া এমনি আন্দোলন চলে ।

কিন্তু ওই পর্য্যন্তই ।

খবরটা মেজ বৌও শুনিল । তার মস্তব্য শুনিবার জন্য সকলে
উদ্‌গ্রীব হইয়া থাকে । লেখা-পড়া-জানা মেয়ে ।

আদি ও অকৃত্রিম

বলিল—এত বড় আশ্পর্ক! এই পাড়ায় সকলের মাঝখানে এসে একটা বিধবাকে নিয়ে—শাস্তির ভয় নেই? অপমানের ভয় নেই?

সে যেন সমাজ-রীতির জলন্ত শিখা!

ভাস্কর-পো থাকে পাশের ঘরে। নাম ভাষ্ক। আজ বিশ বছর কি একটা রোগে পঙ্গু হইয়া আছে। সেও বসিয়া বসিয়া বাহিরে আসিয়া বলিয়া গেল—রোগটা যদি আমার না হত, দেখে নিতাম বেটাকে।

সে মনে করে, ক্লম না হইলে সে পৃথিবী জয় করিতে পারিত।

আলো জালিয়া, সজ্জা দিয়া মেজ বোঁ তাড়াতাড়ি ঘরে আসিয়া বলিল—স্ববোধ জেগে আছি—স্ববোধ?

স্ববোধ বিছানায় শুইয়া ছিল। বলিল—কেন?

তুই কি কেবলই ঘুমুবি? ঘুম ভিন্ন কাজ নেই তোরা?

না। কি বলচিস—বল না?

বাহিরে তখনও গোলমাল মিটে নাই। সেই দিকে তাকাইয়া স্ববোধ বলিল—ব্যাপার কি রে চন্দ্রা?

চন্দ্রা তাহার প্রায় সমবয়সী বৈমান্ত্রেয় বড় বোন। কখনও নাম ধরে—কখনও বা দিদি বলে। মা-বাপ নাই। বোনের খসুরবাড়ী ভাই আসিয়াছিল কালীপূজা বাবদে—আর যায় নাই। কোথাও গেলে সে আর নড়িতে চায় না। যেখানে সেখানে গিয়া থাকিতে তাহার লজ্জা করে।

চন্দ্রা বলিল—ছাখ না বাইরে গিয়ে। ঘরের বাইরে এত বড় পৃথিবীতে কি তোরা কোনও কাজ নেই?

উঠিয়া আসিয়া স্ববোধ কহিল—কি, হল কি?

ছি ছি

চন্দ্রা তাহাকে সব খুলিয়া বলিল। স্ববোধকহিল—ভারি অশ্রায় ত।
চন্দ্রা কহিল—এত বড় সাহস কার? এই বামুন-পণ্ডিতের পাড়ায়,
—একবার দেখে আয় ত। সব ঠিক ঠিক বলবি কিন্তু।

স্ববোধ কহিল—সে যদি তার জ্বীই হয়?

জ্বী হলে ক্ষেতি নেই—কিন্তু বিধবা জ্বী হবে কোন্ সাহসে? যা
তুই একবার।

জামা কাপড় পরাইয়া ঠেলিয়া ঠুলিয়া চন্দ্রা স্ববোধকে বাহিরে
পাঠাইল।

ঘটাখানেক বাদে স্ববোধ ফিরিয়া দরজার পাশে আসিয়া দাঁড়াইল।
চন্দ্রা তাহারই অপেক্ষায় আলো জ্বালিয়া বসিয়া ছিল। গলা বাড়াইয়া
বলিল—আড়ালে কেন? স্বমুখে আয়।

অপরোধীর মত স্ববোধ সরিয়া আসিল।

কি হল,—যা শুনলাম—সত্যি

হল না।

হল না কি? যাস্ নি বুঝি? এমন ভীতু—এমন লাজুক তুই?—
এতক্ষণের রাগটা স্ববোধের উপরেই পড়িল,—মামুষের সামনে গিয়ে
কি কোন দিন দাঁড়াতে শিখরি নে? ঘরই চিনেচিস শুধু, মেয়েদের
মতন?

স্ববোধ কহিল—গেলাম ত।

কদরু? গিয়ে আবার ফিরুলি কেন?

বিছানার মধ্যে মুখ গুঁজিয়া স্ববোধ বলিয়া উঠিল—কি বলতে হবে
শিখিয়ে দিয়েছিলি তুই যাবার সময়?

ও হরি। এই তোমার ইংরিজি লেখা-পড়া শেখা?

আদি ও অন্তিম

কথায় কথায় শিক্ষা-দীক্ষা এবং পুরুষের পৌরুষকে খাটো করা চন্দ্রার একটা কাজ ছিল।

স্ববোধ বেচারী ফাঁপরে পড়িয়া গেল। না পারে কথা কহিতে—
না পারে ঘরের বাহির হইতে। দুনিয়ার যে দিকটায় কোলাহল, ও
যেন তার আড়ালে থাকিতে চায়।

শুধু তাই নয়। মানুষের যে-কোনও একটা অঙ্গায় দেখিলেই তাহার
লজ্জা করে। ও-পাড়ায় কে বিধবাকে লইয়া ঘর করিতেছে,—তাহার
লজ্জার একশেষ! সেদিন শহর হইতে ডাকাতির সংবাদ আসিয়াছিল,
—লজ্জায় স্ববোধ দুই দিন মুখ দেখায় নাই।

চন্দ্রা এক সময় ডাকিয়া বলিল—সারাদিনই যে তোর কুম্ভোর মাচা
নিয়ে কেটে গেল রে? বাড়ী ঢুকবি নে?

ঘরের পাশেই ছোট্ট বাগান। সেখান হইতে মুখ তুলিয়া স্ববোধ
কহিল—কেন রে?

নন্দর বৌ তোকে ডাকছিলো একবার।

আমাকে?

হ্যাঁ। ওই যে তার একখানা চিঠিতে ঠিকানাটা লিখে দেবার
জন্তে। ছাখ্ না—হয়ত বাইরে এখনও বসে আছে।

স্ববোধ লুকাইয়া ভিতরে আসিয়া ঢুকিল। বলিল, না—না, তুই বল্গে
যা ভাই, বল্ আমি ঘুমুছি। ও-সব আমি পারি না—লজ্জা করে।

তার নিজের ঘরটিই পৃথিবী; আর সব অন্ধকার!

চন্দ্রা চূপ করিয়া রহিল। স্ববোধ ক্ষণকাল তাহার মুখের দিকে
চাহিয়া হঠাৎ সেদিনকার কথাটা পাড়িল। বলিল—আমিও ভাবচি,

ছি ছি

এত বড় অত্যাচারটা কি চেপে যাওয়া উচিত ? ও-সব লোককে আত্মারা দেওয়া—তুই-ই বল না দিদি ?

চন্দ্রা কহিল—তোমার এ সব কথায় থাকবার দরকার নেই ।

না, তাই বলচি, তুই সেদিন বলছিলি কি না ; আর আমিও ভেবে দেখলাম, উঃ কি অত্যাচার ! ইচ্ছে করে ওর মাথাটা গুঁড়িয়ে দিই ।—
বলিয়া সে বিছানায় গিয়া ঢুকিল ।

চন্দ্রা বলিল—কার মাথা ?

ওই হতভাগা,—ওই যার বৌ বিধবা ?

কেন ? কিই-বা দোষ করেছে সে ? দুজনের স্বখ-শান্তির অশ্রু
বিয়ে যদি তাদের হয়েই থাকে,—অত্যাচারটা কি ?

অত্যাচার নয় ? খুব অত্যাচার, একশো বার—হঠাৎ দিদির মুখের দিকে
চাহিয়া স্তবোধ বলিয়া উঠিল—আচ্ছা, না হয় ধরে নেওয়া গেল—

কিন্তু কথা বাড়াইতে আর তাহার সাহস হইল না । ফস্ক করিয়া
বিছানা ছাড়িয়া সে ঝড়ের মত বাহির হইয়া গেল ।

শহরের রাস্তাটা সটান্ সিধা গিয়াছে । তাহারই এক পাশ দিয়া
স্তবোধ এমনি খানিকটা চলিতেছিল । সে এমন যায় প্রায় রোজই ।
বেশি দূর যায় না—খানিকটা ঘুরিয়া ঘরে আসিয়া ঢোকে । লোকের
ভিড় দেখিলে তাহার মাথা গোলমাল হইয়া যায় ।

ফিরিবার মুখে নজরে পড়িল, একটি লোক ছোট একটি মুদির
দোকানের স্তম্ভে দাঁড়াইয়া জামার পকেট হাতড়াইতেছে ।

পুরুষ মানুষের এমন অপরূপ স্নন্দর চেহারা স্তবোধ আর কখনও
দেখে নাই । সৌন্দর্যের পুঞ্জ পুঞ্জ ঐশ্বর্য—এ যেন বিধাতার দান নয়,—

তাহার সৌন্দর্যের ভাঙারে এ যেন ডাকাতি ।

হাতের ইসারা করিয়া লোকটা হঠাৎ স্ববোধকে ডাকিল । সে ডাক উপেক্ষা করিবার নয় ।

কাছে গিয়া স্ববোধ কহিল—কি বলচেন ?

আনা চারেক পয়সা দিতে পারো ?

চার আনা ! আনা দুই আছে—নেবেন ?

দোকানি অবাক হইয়া চাহিয়া ছিল । লোকটা বলিল—চাল কি না ; কিন্তু—কম পয়সায়, আচ্ছা দাও, দু আনাই দাও,—সিগারেট কেনা আর হবে না দেখছি ।

স্ববোধ পয়সা বাহির করিয়া দিল । সবচেয়ে মূল্যবান যদি কোনও বস্তু তাহার নিকট থাকিত, তৎক্ষণাৎ সৈ বাহির করিয়া দিত ।

লোকটা হাসিতে হাসিতে পান সিগারেট কিনিতে লাগিল । স্ববোধ পিছনে দাঁড়াইয়া তাহাকে দেখিতেছিল ।

পরণে এই শীতের দিনে একটি ছেঁড়া খদ্দেরের পাঞ্জাবি, ময়লা একখানি বিলাতী কাপড় । কক্ষু মাথায় একমাথা ঝাঁকড়া-ঝাঁকড়া চুল । খোঁচা-খোঁচা গৌফ-দাড়ি । গায়ে এক পরদা ময়লা । ছেঁড়া জুতার ফাঁক দিয়া পায়েয় আঙুল বাহিরে আসিয়া পড়িয়াছে । তবুও তাহার সেই জ্যোতিষ্মান দেহে কোথাও রূপের কার্পণ্য নাই ।

সিগারেট ধরাইয়া সে বলিল—দেবো আর একদিন তোমার পয়সা দু আনা । এ রাস্তায় আবার দেখতে পাবো ত ?—আসি ।

উত্তরের অপেক্ষা না করিয়াই সে হেলিয়া ছলিয়া চলিতে শুরু করিল ।

স্ববোধেরও ওই পথ—।

ছি ছি

অনেকদূর পর্য্যন্ত লোকটি নিজের মনেই চলিতে লাগিল, একবার পিছন ফিরিয়াও চাহিল না।

স্ববোধের মনে হইতে লাগিল, লোকটির চলনের ভঙ্গিটিতেও যেন একটা চুষক আছে।

ক্রমে রাস্তা জনশূন্য হইয়া আসিল। সঙ্কীর্ণ রাস্তার দুইধারে গাছের ছায়ায় ক্রমে সন্ধ্যা হইয়া আসিল। দুজনেরই পায়ের শব্দ হয়।

লোকটি হঠাৎ পিছন ফিরিল। স্ববোধকে ভাল করিয়া দেখিয়া বলিল—তুমিই না ছু আনা পয়সা দিলে একটু আগে ?

স্ববোধের কথা বাহির হইল না। মুখ তুলিয়া বোকার মত চাহিল।

তুমি বটে!—লোকটি হাসিয়া আবার বলিল—পুলিশের গোয়েন্দা হলে এ সময় অন্ততঃ বেশ কায়দা করে একটা জবাব দিত। তাদের ঠেঙে এমন অনেক পয়সা নিয়েছি কি না। আর তাছাড়া ভুলে যাওয়াই বা আশ্চর্য্য কি! এমনি হয়। সেই মুদির দোকানের স্মৃখে যদি কোন দিন তোমাকে দেখতাম তবেই মনে পড়ত; সেইখানেই তুমি একান্ত; আর নৈলে মাহুষের স্রোতে মিশে গেলে,—তখন তোমার কোনও পরিচয় নেই।

স্ববোধ সঙ্গে সঙ্গে চলিতে লাগিল। লোকটি যেন এক মুহূর্ত্তে তাহাকে চিনিয়া ফেলিয়া আপনার মনে বলিতে লাগিল—আজ তুমি যে আমার একটুখানি উপকার করলে, এর জন্তে কোন দিন গর্ব্ব করো ভাই। এ তোমার গৌরব! আজ তুমি ধন্য হয়ে গেলে!

স্ববোধ যেন তাহার কথাগুলি গিলিতে লাগিল। মুখে কহিল—কোন দিকে যাবেন ?

মুখ বিকৃত করিয়া লোকটা সহসা বলিল—ছি ছি, এই তোমার

কথা ? কোন্ দিকে যাবো, আমরা কে, কি নাম আমাদের, কি করি—
এ সব প্রশ্ন কেন মনে আসে ? আমরা আছি—শুধু এইটুকু জেনে
রেখো । চললাম ।

গলির একটা বাঁকে মোড় ফিরিয়া সে চলিতে লাগিল ।

স্ববোধ কয়েক মুহূর্ত স্তম্ভিত হইয়া দাঁড়াইয়া রহিল । তার পর গলা
বাড়াইয়া বলিল—কাল আবার দেখা হবে কি ?

অন্ধকারে লোকটা গলার শব্দ করিয়া হাসিল । কহিল—হবে
বৈ কি ! পয়সা দু আনা দিয়ে তুমি যে আমায় কিনে রাখলে !

স্ববোধের মুখে কে যেন কালি ঢালিয়া দিল ।

খানিকদূর গিয়াছে—পিছন হইতে লোকটি আবার আসিয়া তাহার
একটা হাত ধরিল । স্ববোধ বিমূঢ়ের মত বলিল—এ কি...আবার
আপনি...?

লোকটি কহিল—মামুষকে আঘাত দিতে ভাল লাগে ; কিন্তু
চোখেও আবার জল আসে—দেখবে ?

অন্ধকারে দাঁড়াইয়া কয়েক মুহূর্তের মধ্যেই লোকটা তাহার বড় বড়
দুইটা চোখে স্পষ্ট হু হু করিয়া জল আনিয়া ফেলিল । তার পর বলিল
—তোমার যখন ইচ্ছে এস. ওই কলাবাগানে—

কলাবাগানে ! কোন্ বাড়ী ?

সে হাসিয়া বলিল—ওই ত একটিই বাড়ী ভাই কলাবাগানে...কখন
হুড়মুড় করে পড়ে । ওদিকে শেয়াল-কুকুরের বাস, আর এক দিকে—
তোমার চম্কাবার কারণ আমি জানি ।—বলিতে বলিতে লোকটা
আবার গলির মধ্যে অদৃশ্য হইয়া গেল ।

ছি ছি .

ব্যাপারটা কিন্তু হজম করা শক্ত । বিশেষতঃ চন্দ্রার পক্ষে ।
কিন্তু এ যুগে প্রতিপক্ষে দাঁড়াইবার মত কেই বা আছে । তবু এর
গুরুত্বটা চন্দ্রাই যেন বেশি করিয়া নিজের ঘাড়ে লইল ।

দেবর ও ভাস্করের চার পাঁচটি ছেলে-পুলে । কেহ স্কুলে, কেহ-বা
কলেজে পড়ে । যে ছেলেটি এবার বি-এ পরীক্ষা দিবে, সে कहिल—
ননুসেন্স ! ব্যক্তিগত স্বাধীনতার যুগে এসব তোমার কি রকম কথা,
মেজখুড়ি ?

চন্দ্রা রাগে ফুলিতে লাগিল ; কিন্তু ছেলেরা তাহার সমবয়সী,—
কিই-বা বলা যায় ।

বন্ধ ঘরের জানালায় মুখ বাড়াইয়া ভান্সু সবই দেখিতেছিল ; এবার
হাতের উপর ভর দিয়া কোনও রকমে বাহিরে আসিয়া বলিল—খুড়িমা,
আপনি আমার মায়ের মতন—মার চেয়েও বেশি—আমি যদি ভাল
ধাকতাম তাহলে দেখতেন—দেখতেন তাহলে ওর ওই সাহসের কত
বড় শাস্তি—শাস্তি দিতাম । কি বলব—কি বলব খুড়িমা, আপনার
ওই সোনার মুখখানিতে আমি—আমি হাসি ফুটিয়ে দিতাম । কিন্তু—

সেই অকস্মাৎ, পঙ্গু, পরিত্যক্ত, ত্রিশ বছরের জোয়ান ছেলেটি
ঝর ঝর করিয়া কাঁদিয়া ফেলিল ।

চন্দ্রার চোখেও হয় ত তখন জল দেখা দিয়াছে । কাছে আসিয়া
মাথায় কাপড় টানিয়া মুতুকণ্ঠে कहिल—দীর্ঘজীবী হও বাবা, তুমিই
আমার মান রাখলে ।

সেই কদাকার, শীর্ণ, অশ্রুসিক্ত মুখখানা তুলিয়া হঠাৎ ভান্সু বলিল—
কি বললে ?

চন্দ্রা চুপ ।

আদি ও অকৃত্রিম

হাতের উপর ভর দিয়া কোনওরূপে ভাঙু আবার ঘরের ভিতর গেল। ভিতর হইতে দরজাটা বন্ধ করিয়া দিল। তারপর দেখিতে দেখিতে অকস্মাৎ হাত পা ছুঁড়িয়া, চীৎকার করিয়া, কাঁদিয়া, মাথার চুল ছিঁড়িয়া বলিয়া উঠিল—তুমি আমার দীর্ঘজীবী হতে বল? আমার কেন মারলে না, কেন খুন—খুন করলে না; ও কথা—ও কথা কেন বললে তুমি?

তার সে কি ভীষণ চীৎকার আর কান্না! দেহের শৃঙ্খল ছিঁড়িয়া তাহার বন্দী নিপীড়িত আত্মা যেন বাহিরে আসিয়া মাথা কুটিতে চায়।

কিসে কি হইল। এক মুহূর্তে বাড়ীর মধ্যে যেন কি কাণ্ড ঘটিয়া গেল।

স্ববোধের সব কিছু একেবারে বিলুপ্ত! এ যেন কোথাকার একটা ঝড়ো হাওয়া আসিয়া তাহার সব ওলোট পালট করিয়া দিল।

দৈনন্দিন জীবনের খুঁটিনাটি—সব যেন নিতান্ত একঘেয়ে। চন্‌চন্‌ করিয়া শুধু শুধু এদিক ওদিক ঘুরিয়া বেড়ায়। সেদিন সন্ধ্যাবেলা ধরা পড়িয়া গেল।

গলার আওয়াজে পিছন ফিরিয়া দেখিল, লোকটি তাহার দিকে চাহিয়া হাসিতেছে। কাছে আসিয়া বলিল—চলে যাচ্ছ যে? লজ্জা কেন অত?

না, লজ্জা আর কি!

সে কহিল—তোমার বৌদি ডাকচেন তোমাকে।

বৌদি! আমার বৌদি ত নেই!

আছে বৈ কি! এত বড় পৃথিবীতে খুঁজে পেতে দেখলে এক-

আধটা বোদিও কি মেলে না ?—বলিয়া স্ত্রবোধের হাত ধরিয়া বলিল—
একটা দাদীও মিলে যেতে পারে—এস।

কাঁধের উপর হাত রাখিয়া স্ত্রবোধকে সে লইয়া গেল।

লোকটাকে ভালও লাগে—আবার ভয়ও করে।

কলাবাগানের সেই বাড়ী। বাহিরের অন্ধকার নোংরা কুঠুরিগুলো
পার হইয়া সে কহিল—এই সিঁড়ি, দেখতে পেয়েছ ? খুব সাবধানে
ভাই, ডান দিকে দেয়াল ঘেঁষে—ইয়া।

কোনও রকমে দুইজনে উপরে উঠিল। স্ত্রবোধের গা ছম্ছম্
করিতেছিল। অপরিচিত কোনও লোকের বাড়ী তাহার এই প্রথম
প্রবেশ।

আসনের বালাই নেই ভাই, মাটিতেই যা'হ'ক করে। দেখো, জল
প্যাচ প্যাচ কচ্ছে, জামাটা যেন তোমার,—হাসিয়া আবার বলিল—
মানুষকে সাবধান করবার মত মূঢ়াদোষ আমার নেই। তবে পরিচয়টা
প্রথম কি না, তাই একটুখানি—

যা'হ'ক করিয়া স্ত্রবোধ সেইখানেই বসিল। এলোমেলো কতকগুলো
বই, খবরের কাগজ সেখানে ছড়ানো। অনেকগুলি বইএর ইংরাজি
হরপা; কিন্তু ভাষা তাদের ইংরাজি নয়।

স্ত্রবোধ চাহিয়া চাহিয়া বলিল—এসব পড়েছেন আপনি।

শুধু পড়েছি, পড়ে জেল খেটেছি।

জেল খেটেছেন ? কেন ?

লোকটা শুধু হাসে। হেসে বলে—ইংরাজ রাজত্বে কি আর
'কেন'র উত্তর পাওয়া যায় ?

আগাগোড়া অত্যন্ত বিসদৃশ মনে হইতেই স্ত্রবোধ :উস্খুস্ করিতে

আদি ও অকৃত্রিম

লাগিল। এ অঙ্ককারে পলাইবার কোনও উপায় নাই। পথ দেখাইয়া না দিলে সমস্ত রাত্রির চেষ্টাতেও হয় ত সে এগুন হইতে বাহির হইতে পারিবে না। চৌৎকার করিলেও কেলেঙ্কারী!

মুখে বলিল—খুব ত আপনি ?

লোকটা আবার হাসিতে থাকে। তাহার এই নিরর্থক হাসি, এই অঙ্ককার, ওই মিটমিটে আলো, চারিদিকের অবরুদ্ধ নোংরা গন্ধ,—সমস্ত মিলিয়া স্ববোধকে একেবারে অভিভূত করিয়া ফেলিল।

হঠাৎ সে কহিল—যাই এবার। দিদি আবার এর পর—

তবে এসেছিলে কেন ? বৌদির প্রতি লোভটা খুব প্রবল হয়েছিল বুঝি ?

উক্তিটা একেবারে লজ্জাহীন। স্ববোধের কান দুইটা ঝাঁঝ করিয়া উঠিল। কিন্তু সে মুহূর্তে কহিল—ঘর থেকে বেরোনো আমার অভ্যাস নেই কি না, তাই। তাছাড়া দিদি আমাকে কোন দিন—

দিদি-ময় যে ! বলি, পুরুষ মানুষ ত ? না কি বিধাতা ভুল করেছিলেন, শোধরাবার সময় পান নি—বল না হে ?

এই অপমানকর প্রশ্নের আর কিই-বা উত্তর দেওয়া যায়।

বেশ একটা রোমান্সের আঁচ পেয়েছিলে—না ? ছুনিয়ার আড়ালে থাকি, ভবঘুরে লোক, বিধবাকে নিয়ে ঘর করি,—বেশ লাগছিল তোমার—নয় ? কিন্তু তোমার দিদিই যে সব মাটি করে দিচ্ছেন ; এমন রাজজোটক অবস্থাটার প্রতি তাঁকে একটু কৃপা-দৃষ্টি দিতে ব'লো—বুঝলে ?

স্ববোধ কহিল—আপনি জানলেন কি করে যে দিদি আপনার বিরুদ্ধে—?

ছি ছি

সে হাসিয়া বলিল—মাহুষ চেনার কাজেই এই তিরিশটা বছর কাটিয়ে দিলাম। তোমার চেয়ে তোমার দিদিকেই যে বেশি চিনি হে। ভেতর ভেতর তাঁর ক্রিয়া কলাপ—

আপনি কি তাঁকে দেখেছেন ?

দেখলে কি আর চিনতাম ? ওদের যে না দেখেই স্পষ্ট চেনা যায়। অমন অনেক দিদির কবল থেকে যে মুক্ত হয়ে এসেছি,—বলিতে বলিতে হঠাৎ ভিতরের দিকে চাহিয়া সে পুনরায় বলিল—কি বল মলিনা, আমার চেয়ে তোমার হাড়ে তাদের পরিচয়টা একটু বেশিই ঠোকাঠুকি হয়েছিল—না ?

মলিনা !

কিন্তু যাহার উদ্দেশ্যে প্রসন্ন—সে সম্পূর্ণ নিরুত্তর।

আড় হইয়া সে শুইয়া পড়িল।

বইগুলি স্তম্বে পড়িয়া রহিল ; আলো জ্বলিতে লাগিল।

চোখ বুজিয়া সে ডাকিল—স্ববোধ ?

‘স্ববোধ কহিল—আপনি আমার নাম জানলেন কি করে ?

এ-কথার উত্তর সে দিল না। চোখ বুজিয়াই হাসিয়া সে কহিল—
তোমার দাঁদ আমাদের দেখতে পারে না—না ?

স্ববোধ চুপ করিয়া রহিল। কিছুক্ষণ পূর্বে চন্দ্রার প্রতি সেই প্লেষটা তখনও তাহার কানে বাজিতেছিল।

জড়িত কণ্ঠে লোকটি আবার কহিল—আচ্ছা স্ববোধ, এমনও ত হতে পারে, এতক্ষণ তোমায় যা বলেছি সে সব আমার ভেতরের কথা নয় !

স্ববোধ মনে মনে পথ হারাইয়া গেল। বিভ্রান্তের মত এদিক-ওদিক চাহিয়া বলিল—এবার আমি যাই—কেমন ?

যাবে ? তা যাও।—সে যেন ভিতর হইতে বলিয়া উঠিল—ঝড়ের রাতে আমার আকাশে তোমরা এমনি করে এক একবার জ্বলে উঠেছ, আবার ঠিক এমনি করেই মিলিয়ে গেছ ! এ জীবন শুধু দু’হাতে অঙ্ককারই ঠেলে চলবার !

স্ববোধ ততক্ষণে উঠিয়া সিঁড়ির কাছে আসিয়াছে। লোকটি অকস্মাৎ উঠিয়া বসিয়া কহিল—দিদিকে তোমার ব’ল, তাঁর ওপর আমার ভক্তি দিন দিন,—এমনি একটা কিছু ব’লো—বুঝলে ?

আবার সে আড় হইয়া গুইল।

নেশাখোর !

সেই বীভৎস অঙ্ককারে হামাগুড়ি দিয়া স্ববোধ নামিয়া আসিল। ইতিমধ্যে দুইবার মাথা ঠুকিয়া গেছে। কোন্ দিকে যাইবে তাহার ঠিক পাইতেছিল না। সহসা দেখিতে পাইল, উপরের পাঁচিলের পাশ দিয়া তাহার পথের প্রতি কে আলো বাড়াইয়া ধরিয়াছে।

স্ববোধ কিন্তু চোখ আর নামাইতে পারিল না।

স্বগোল স্তম্ভের একখানি নারীর হাত ! চিক্চিকে একগাছি চুড়ি ঝাঁটা। কিন্তু সেই অপরূপ হাতখানির অধিকারিণী আড়ালেই রহিয়া গেল। স্ববোধ দুতিনবার ঢোক গিলিয়া ফেলিল।

তার পরই কথন চোখে ধাঁধা লাগাইয়া আলোটি সরিয়া গেল।

অঙ্ককার.....

অতি কষ্টে স্ববোধ পথ দেখিয়া রাস্তায় নামিয়া আসিল।

ছি ছি

পলাইয়া আসিয়াও স্বস্তি নাই । চকিত দৃষ্টি আর সাগ্রহ মন ওই-
দিকে উন্মুখ হইয়া থাকে,—কম্পাসের কাঁটার মত ।

খানিকক্ষণ রাস্তায় ঘোরাঘুরি করিল । কেহ আর দেখিতে পায় না ।
শেষে সাহস করিয়া বাড়ীর ভিতর ঢুকিয়া ডাকিল—দাদা আছেন ?
ভিতরে কোথায় কিসের শব্দ হইতেছিল । তবুও তাহার মুখ কণ্ঠ-
স্বর শুনিয়া দাদা ডাকিল—এস স্ববোধ !

তাড়াতাড়ি উপরে উঠিয়া দাদার সেই ঘরের কাছে আসিয়াই চট্-
করিয়া স্ববোধ থমকিয়া সরিয়া দাঁড়াইল ।

মেয়েটি পলাইবার চেষ্টা করিতেছে, কিন্তু দাদা তাহাকে যাইতে
দিবে না ।

এস হে, ভেতরে এস । লজ্জা কি ! একটি বৌদি মিলিয়ে দেবার
কথা ছিল যে তোমার সঙ্গে ।

লজ্জায় মাথা হেঁট করিয়া স্ববোধ ভিতরে গিয়া বসিল । দাদা
কহিল—তোমারই নাম কচ্ছিলাম এতক্ষণ ! কদিন আর দেখা নেই
কেন ? আমার সঙ্গে এত অল্প পরিচয় হয়েই কেউ যে আমার নেশা
কাটিয়ে উঠতে পারে, এমন লোক ত আর আমার চোখে পড়ল না ।
যাই হোক—সেদিন, আর আসবে না বলে মনে মনে প্রতিজ্ঞা করে
গিয়েছিলে,—আজ কি শত্রুপক্ষের উপবাসী ছুখানি শুকুনো মুখ দেখতে
এলে নাকি ?—তা দেখবে ত দেখ !—বলিয়া সে পাশের সেই মেয়েটির
মাথার ঘোমটাটা হট্ করিয়া খুলিয়া দিল, পরে তাহার লজ্জানত সুন্দর
মুখখানি তুলিয়া ধরিল ।

স্ববোধ মুখ তুলিতেই দেখিতে পাইল, মেয়েটির মুদ্রিত চক্ষু দুটির
কোলে তখনও জল শুকায় নাই,—আর একদিকে দাদা তাহার আঁচল

চাপিয়া আছে। কিন্তু সে তখনকার মত কথা খুঁজিয়া না পাইয়া বলিল—আপনাদের কি এখনও খাওয়া-দাওয়া—?

আরে সেই জন্তেই ত বাগড়া হে! বলছিলাম, দুজনের প্রেমালাপের ফাঁকে ফাঁকে খাওয়া দাওয়ার কথাটা আর নাই বা তুললে, শুয়ে বসে ত দিন কেটে যাচ্ছে?—বলি, ওমলিনা বিবি,—তোমার কদিনকার উপবাসের তালিকাটি দেবরের কাছে একরার মেলে ধর না গো।

কিন্তু মলিনা বিবি আর নড়ে চড়ে না। মাথার ঘোমটাটিও আর মাথায় তুলিয়া দেয় নাই। স্ববোধ অলক্ষ্যে একবার চাহিয়া দেখিল, তাহার সেই নতমুখখানি বাহিয়া ঠোঁটের কাছে দুই ফোঁটা জল গড়াইয়া আসিয়াছে।

হয়ত অপমানে—হয়ত-বা লজ্জায়! হয়ত-বা নিঃফল ঘূণায়!

দাদা নিঃশব্দে উঠিয়া চলিয়া গেল। স্ববোধ ক্ষুদ্র একটি নিঃশ্বাস ফেলিয়া হঠাৎ মুছকঠে কহিল—ছি!

মেয়েটি এবার চোখ মুছিয়া মাথায় কাপড় দিয়া উঠিয়া দাঁড়াইল। তারপর টানিয়া একটুখানি হাসিবার চেষ্টা করিয়া বাহির হইয়া গেল। স্ববোধ পিছন হইতে দেখিল, সেদিন হাতে দুগাছি চুড়ি ছিল, আজ তার বদলে কাপড়ের ফালি বাঁধা!

খানিকক্ষণ পরে স্ববোধ উঠিয়া নীচে নামিয়া আসিল। হঠাৎ শব্দ শুনিয়া ফিরিয়া দেখিল—ভানদিককার ঘরটায় পিঞ্জরাবদ্ধ বগ্ন জন্তুর মত দাদা পায়চারি করিতেছে।

আপনি, ওখানে—কি?

আগুনের ডেলার মত চোখ ফিরাইয়া দাদা চাহিল। মনে হইল তাহার ভিতরের কোথায় পুঞ্জীকৃত বিষের জ্বালা মাথায় চড়িয়াছে।

ছি ছি

বলিল—মেয়েদের চোখের জল মানুষকে কেমন করে নষ্ট করে, জানো? বিয়ে করেছিলাম ওকে তিন-আইনে। সেদিন অসহায় বিধবার চোখের জল অস্বীকার কর্তে পারলাম না। বদমাইস বাপটার অত্যাচার থেকে মেয়েটাকে উদ্ধার করে আনলাম! কিন্তু মহত্ব কি দেখালোই হল? সেদিনকার সেই ভুলের শাস্তি আজও—

খামখেয়ালীর গল্পের মত দাদা সেখানে দাঁড়াইয়া আপনার কাহিনী শুরু করিল।

একবার একটা ডাকাতির দল পুলিশের ভয়ে পথে ছত্রভঙ্গ হয়।

দাদা লুকাইয়া বাঙলার ঝুহিরে কোথায় এক পার্বত্য প্রদেশে যান। অনেকদিনের কথা। গাঁয়ে এক গৃহস্থের খোঁজ পায়। ভাব-আলাপের পর নিমন্ত্রণ খাওয়া এবং বক্তৃতা দেওয়া চলে। একদিন গৃহিণী মারা পড়িলেন। বড় আদরের বিধবা মেয়েটি তখন এক। বাপটা মাতাল। দূরে কোথায় সাঁওতালি পাড়ায় গিয়া রাত কাটায়। মাঝে মাঝে মদ খাইয়া আসিয়া মেয়েটাকে প্রহার করে। বেশ উপযুক্ত অবসর!

দাদা হাসিয়া বলিল—আমার প্রতি মেয়েটির গোপন প্রেম না কি প্রথম দর্শনের পর থেকেই ফল্গুধারার মত,—তারপর একদিন দূরে জঙ্গলের মধ্যে পাহাড়ি বরণার পাশে বসে উনি খামকা কাঁদতে শুরু করলেন! অর্থাৎ নাটুকে কায়দায় প্রেম-নিবেদন আর কি! কি করি—বললাম, চোখের জল ফেলো না, তোমায় আমি বাঁচাতে পারি কিন্তু। ও বললে, বাঁচাও, তোমার পায়ে পড়ি। বাস্—কুড়ি টাকায় দুটি বোতল ওর বাপকে কিনে দিয়ে ওকে ছাড়িয়ে আনলাম!

তার পর?

আদি ও অকৃত্রিম

তার পর বোষ্টমী বললে,তোমার দুটি শ্রীচরণ ছেড়ে কোথাও যাব না। তার পর থেকে যেখানেই ভেসে যাই, উনি আমার গাধাবোট!

এ ছাড়া আপনাদের মধ্যে আর কিছু—?

দাদা কহিল—বললাম, বোষ্টমি, এ জন্মটা তুমি বিধবা হয়েই থাক, মা হয়ে আর দরকার নেই।

সে কি?

অর্থাৎ একটি স্বসন্তান হয়েছিল; কিন্তু দিলাম সেটাকে কুড়ি টাকায় ঝেড়ে, ডাক্তার বাবুদের সেই কোচোয়ানটার কাছে।

স্ববোধের মুখখানা দেখিতে দেখিতে সাদা হইয়া গেল। আর কিছু না বলিয়া ধীরে ধীরে সে বাহির হইয়া গেল।

নিয়মের ব্যতিক্রম বৈ কি!

যেখানে ছিল অন্ধকার গুহা, সেখানে ফাটল দেখা দিল; নীল আকাশের আলো আসিয়া পড়িল। ষড়ঋতুর যেখানে যাতায়াত নিষিদ্ধ ছিল, এখান সেখানে বাতাস চলাচল করে। জড়ের মধ্যে গতির বেগ দেখা দেয়।

চট্ করিয়া স্ববোধ বাহির হইয়া যায়, আর শীঘ্র ফেরে না। রাস্তায় রাস্তায় খানিকক্ষণ ঘুরিয়া আসে। হয়ত-বা কোনদিন পায়ে হাঁটিয়াই শহরে যায়।

সেদিন দাদার নজরে পড়িয়া গেল। বলিল—কি হে অভিমানী রালক! আর যে ওদিক মাড়াও না?

স্ববোধ কহিল—কোথায় চলেছেন?

চল না—যাবে? ও কি মাথায় তোমার তালি মেরে দিলে কে?

ছি ছি

চুল কেটেছি।—স্ববোধ কহিল।

এ—কাঁচির দাগ হয়ে গেছে যে! দিদি কেটে দিলে বুঝি?

আপনি জানলেন কি করে?

জানতে পারি বৈ কি! পুরুষের চুল সম্বন্ধে মেয়েদের ভয়ানক
হিংসে! রাগ করে কেটে দিলে না কি?—কেন?

আমি না কি লোকের দেখে দেখে চুল রাখছিলাম।

দাদা হাসিয়া বলিল—আমিই বুঝি সেই লোক?

এমনি করিয়া পথ চলিতে চলিতে গল্প হয়। সে কেবল এক পক্ষের
ব্যক্তিগত গল্প।

স্ববোধ ভাবিল, এ পথ যেন আর ফুরায় না।

ক্রমে বেলা গেল, গাছের মাথা হইতে আলো ফুটাইল। শহরের
দোকান পসারিতে আলো জলিয়া উঠিল।

শেষে দাদা দূর পথের দিকে চাহিয়া আপনাকেই যেন আপনি
শুনাইতে লাগিল—কিন্তু যা দেখছ ভাই, এসব মিথ্যে। মানুষকে কোন-
দিন যেন বিশ্বাস কর না; ভগবানকে মানার চেয়ে একটা আদি
বৈজ্ঞানিক শক্তিকে স্বীকার করো; পুণ্যকে এড়িয়ে চলো কারণ তার
রং শুধু সাদা, কিন্তু পাপকে ভালবেসো,—তার মধ্যে রঙের খেলা
পাবে, বৈচিত্র্যের সম্মান মিলবে। যদি প্রেমে পড় তাহলে আনন্দ পাবে;
কিন্তু প্রেমের ব্যর্থতা না ঘটলে পরিপূর্ণ রসের অস্বাদ পাবে না।
আমার বন্ধন কোনদিন স্বীকার কর না—কারণ তাই তোমার মৃত্যু।

স্ববোধ শুদ্ধ হইয়া তাহার কথা শোনে।

দাদা তাহার কাঁধে হাত রাখিয়া হঠাৎ বলে—আচ্ছা, মলিনাকে
দেখতে কি খুব ভাল নয়? কিন্তু আমি যে ওর স্বামী—এ ত আমি

আদি ও অন্তিম

সইতে পারিনে । ওকে আলতা পরতে দিই না, পান খেতে দিই না, তেল মাখতে দিই না,—আমার ভয়, পাছে ও ভাল দেখতে হয় । সিঁদুর পরাই না ভাই,—ওকে জ্বর মত ভাবতে আমার গা কাঁপে ! কিন্তু তবু ত ভাই, মলিনা ভাল ! আমার দিকে যখন আনমনে চায়, ভাবি—আমি যদি কাব্য লিখতে পারতাম !

তাহার মুখের প্রতি স্বেবোধ খানিকক্ষণ তাকাইয়া রহিল,—তাহার রুদ্ধ কণ্ঠ হইতে কোনও কথা বাহির হইল না ।

দাদা আবার বলিল—একখানির বেশি কাপড়ও ভাই আমি তাকে দিই না, পাছে তার রূপের বৈচিত্র্য ঘটে, পাছে আর ভালও দেখতে হয় । সেই নীলাম্বরীখানি মাত্র সম্বল ; তার যে কত জায়গায় ছেঁড়া,—ছেলেমানুষ তুমি, কি আর বলব । কিন্তু এর জন্তে এতটুকু অল্পযোগ কোনদিন করে না !

কিছুই বলেন না ?

বলে ভাই, চার পাঁচদিন উপবাসের পর আর থাকতে পারে না । ছেলেমানুষ ত হাজার হক, তখন দরজার আড়ালে দাঁড়িয়ে কাঁদে—এই যেমন সেদিন—

ক্রমে মলিনার সঙ্গে পরিচয় হয় । আগে দেখিলে পলাইত ; এখন আর পলায় না । যে ঘরে স্বেবোধ বসে সে-ঘরে যাতায়াত করে । দাদা বলে—লজ্জা বটে ! একেবারে গুণ চটের আবরণ,—ছিঁড়তে চায় না ।

তারপর একদিন আগল খুলিয়া গেল ।

সিঁড়ি দিয়া স্বেবোধ নামিয়া যাইতেছিল । মলিনা এদিক-ওদিক

‘ছি ছি

তাকাইয়া চুপি চুপি বলিল—দেখুন আপনি...আপনি গুর সঙ্গে আর বেড়াবেন না। ভারি বিপদে পড়বেন একদিন।

ঘরে ফিরিয়া স্ববোধের সেদিন চোখে জল আসিয়াছিল। অকারণে চোখে জল !

বার-বাড়ীর যে দিকটা প্রায় খালিই পড়িয়া থাকে, সেখানে সেদিন স্ববোধ চুপ করিয়া বসিয়া ছিল।

তখন সন্ধ্যা।

হাঁপাইতে হাঁপাইতে চন্দ্রা আসিয়া বলিল—বসে আছিঁসু এখানে ? বড় বিপদ যে !

তাহার ভয়-ব্যাকুল আলুথালু অবস্থার দিকে চাহিয়া স্ববোধ বলিল—কি রে ?

ভান্সু কেমন কচ্ছে, হয়ত বাঁচবে না। খাস আরস্ত হয়েছে।

অমন হয়েছিল ত দু’তিনবার ! আবার ত—

না, না—সেদিন আমার সঙ্গে ঝগড়ার পর থেকে কেমন যেন—

বাড়ীতে পুরুষ মানুষ কেহই নাই। ইস্কুল কলেজের ছুটি ফুরাইতে ছেলেরা শহরের বাসায় চলিয়া গেছে। বড় কৰ্ত্তা গেছেন শিগ্ৰুবাড়ী। মেজ গেছেন মামলার তদ্বির করিতে কলিকাতায় ; ফিরিতে আরও দু’একদিন। ওদিককার বড়-বোঁ আর ছোট-বোঁ ছেলেমেয়ে লইয়া ভাইয়ের সঙ্গে গেছেন তীর্থ করিতে।

স্ববোধ দরজার কাছে আসিয়া দাঁড়াইল। চন্দ্রা শুধু মুমূর্ষু ভান্সুর প্রতি নিঃশব্দে চাহিয়া কাঠের মত দাঁড়াইয়া রহিল।

কাছে গিয়া চন্দ্রা দেখিল—মুখ গুঁজিয়া মরিয়া আছে।

আদি ও অকৃত্রিম

চন্দ্রা শুধু বলিল—এখন উপায় ?

তাই ত !

নিয়ে যাবার লোক ত কোথাও—। খবরই বা কাকে দিই ?

স্ববোধ কি ভাবিয়া বলিল—যদি রাজি হস্ ত বলি ।

কি ?

দাদাকে খবর দেবো ? ওই কলাবাগানের—

সে কি রে ? এ বাড়ীর মড়া সে ছোঁবে ? এঁরা এসে বলবেন কি ;
যদি জ্ঞাতে ঠেলে আমাদের ?—তাছাড়া যে শত্রুতা করা হয়েছে তাদের
সঙ্গে, আমাদের সাহায্যে সে আসবে কেন ?

সে রকম লোক সে নয় !

খানিক ভাবিয়া চন্দ্রা বলিল—তবে দেখ ভাই । যদি সে আসে
দয়া করে' ।

স্ববোধ বাহির হইয়া গেল ।—মড়া আগলাইয়া চন্দ্রা সেইখানে
বসিয়া রহিল ।

খানিকক্ষণ পরে মানুষের সাড়া পাইয়া চন্দ্রা নড়িয়া উঠিল । মাথায়
ঘোমটা টানিয়া সে একপাশে উঠিয়া হেঁট হইয়া দাঁড়াইল ।

দাদা হেলিতে হুলিতে ঘরের ভিতর আসিয়া ঢুকিল । তারপর
অনুমাণে চন্দ্রার দিকে ফিরিয়া হাসিয়া বলিল—ভায়া গেলেন ডোম
পাড়ায় পালঙ্কের সন্ধানে । শুনলাম সবই—এই জড়পিণ্ডটিকে জয়যাত্রায়
নিয়ে যেতে হবে ! বেশ বেশ—এটা আমার চিরদিনের অভ্যেস ।

মাথা হেঁট করিয়া চন্দ্রা সবিনয়ে বলিল—আপনার প্রতি অত্যন্ত
অবিচার করা হয়েছে ; কিন্তু যে উপকার আজ পেলাম—

মুখের একটা শব্দ করিয়া দাদা বলিল—মানুষ আর কি অগ্নায়

ছি ছি

কৰ্কে আমাৰ উপৰ, কতটুকু তাৰ শক্তি ! আৰ উপকাৰ ? ওটা আমি খুব পাৰি ।

তামাসা কৰিবাৰ উপযুক্ত সময় বটে !

হঠাৎ গা ঝাড়া দিয়া দাদা কহিল—নিম, মাথার দিকটা ধকন—
আমি ধরছি পায়ের দিকটা—চ্যাং-দোলা করে বাইরে নিয়ে যাওয়া যাক
ততক্ষণ !

চন্দ্ৰা সৱিয়া আসিয়া শবদেহটিৰ মাথার দিকটা তুলিয়া ধৰিতেই—
আলো পড়িয়াছিল দুইজনেরই মুখে ।

অকস্মাৎ চন্দ্ৰাৰ দৃষ্টি পড়িল তাহাৰ মুখৰ উপৰ ।

চলুন—নিয়ে যাই ; দেৱি ক'ছেন কেন ? এৰ পৰ আবার,—

চোখ নামাইয়া কাঁপিতে কাঁপিতে চন্দ্ৰা মূত্ৰেৰ মাথার দিকটা
পুনৰায় ধৰিতেই দাদা খানিক হাসিল ।

হাসিয়া কহিল—পূৰ্ব স্বতিৰ আলোড়ন—না চন্দ্ৰা ?

চন্দ্ৰা চমকিয়া উঠিল । বলিল—কাকে কি বলছেন ?

*

*

*

খানিক বাহিৰে ঘূৰিয়া আসিয়া দাদা বলিল—তোমাকে হঠাৎ
তখন ছুঁয়ে ফেললাম—না ? না ছুঁলেই ভাল হত চন্দ্ৰা, এ জীৱনে
অনেক পাপ কৰেছি ।

অবন্ধ কণ্ঠে চন্দ্ৰা শুধু বলিল—আপনি কবে যাবেন এ পাড়া
থেকে ? কাল সকালেই না হয়—

শবদাহ শেষ কৰিয়া স্বপ্নাবিষ্টেৰ মত দুইজনে শেষৱাত্ৰে ফিৰিতে
ছিল ।

আদি ও অকৃত্রিম

দাদা ডাকিল—স্ববোধ ?

স্ববোধ মুখ তুলিল ।

আজ আমার জীবনের রহস্যটি তোমায় শোনাবার দিন ছিল, কিন্তু
কথা বলতে পাচ্ছি নে, ভাই ।

তাহলে কাল শুনবো । বলবেন ত ?

দাদা চুপ করিয়া পথ চলিতে লাগিল ।

তার পরদিন । বেলা তখন অনেক । কলাবাগানে সেই বাড়ীর
উপর তলাকার নির্জন ঘরে স্ববোধ চুপ করিয়া বসিয়া ছিল ।

মলিনাকে লইয়া দাদা কখন চলিয়া গিয়াছে । যাইবার সময়
তাহাকে একবার বলিয়াও যায় নাই ।

পায়ের শব্দ পাইয়া মুখ তুলিতেই স্ববোধ দেখিতে পাইল—চন্দ্রা !

চন্দ্রা থমকিয়া দাঁড়াইল । বলিল—তুই এখানে ? খুঁজছিলাম যে !
খবর পেলাম । এরা চলে গেছে বুঝি ? এমন ভাঙা বাড়ীতে ছিল
কি করে ?

কোনও মতে সে আপনার মুখভাবকে গোপন করিতে চেষ্টা
করিল ।

ওকি—যাস্ কোথা ?

খুঁজতে ?

কাকে খুঁজতে ?

দাদাকে । তার শেষ কথাটা শুনতেই হবে । যেখানেই সে থাকুক
—আমি তাকে,—

চন্দ্রা কহিল—যদি না পাস্ ?

না পাই, আর ফিরবো না ।

দরদী

তাড়াতাড়ি সে পথে নামিয়া আসিল ।

রৌদ্রদগ্ধ দীর্ঘ পথ । বৈরাগীর মত উদাসীন । কিন্তু তাহার সেই
বিস্তৃত বাহুর আড়ালে এই ছেলেটি হয়ত চিরদিনের মত আপনাকে
হারাইয়া ফেলিল ।

*

*

*

দিনকয়েক বাদে কাহারো দাদাকে খুঁজিতে আসিয়াছিল । অনেকে
বলে পুলিশের লোক । কেউ কেউ বলে, গোয়েন্দা ! একটা জালিয়াতি
আসামী না কি এই ষাড়ায় কোথায় আসিয়া লুকাইয়া ছিল । কেউ
বলে—এ তারই কাজ ।

বার বার মাথা নাড়িয়া চন্দ্রা বলিল—না, না—কিছুতেই না ; আমি
জানি সে—

বাসুর পিসি বলে—না বোমা, এ সেই ঝাঁকড়া-চুলোরই কাজ ।

চন্দ্রা আমতা আমতা করিয়া বলে—সত্যি ? তা হলে কিন্তু—এ যে
ভারি, ছি ছি—

দরদী

মুখুজ্যে গলির সাত নম্বর বাড়ীটায় সব শুদ্ধ পাঁচ ঘর ভাড়াটে
থাকে । গলির শেষের দিকে এক কোণে সে বাড়ীখানা, সাধারণের
যাতায়াত সে গলিতে হয় না,—একদিক বন্ধ । বাড়ীখানা অতি জীর্ণ ;
ছেঁড়া কাঁথায় তালি মারার মত মাঝে মাঝে বালির কাজ করা ।
চুণকাম কবে যে কোথায় করা হইয়াছিল তার ঠিক নাই, স্ততরাং
অতগুলি তালির মধ্য দিয়া বাড়ীখানির কি বর্ণ তা বোঝা শক্ত । বাড়ী-

খানার স্নমুখেই দুইটা আস্তাবল, তাহার ওপাশে একখানা বড় লোকের বাড়ী। এ বাড়ীখানা ছাড়া সবগুলিরই সদর দরজা রাস্তার উপর, স্তূত্রাং তাহাদের পিছনে এই বাড়ীটার স্নমুখে যত আবর্জনা দিন-রাত জমা থাকে। মাঝে মাঝে এমনও দেখা গিয়াছে পাশের বাড়ীর ঝি-চাকরেরা জঞ্জাল ছুঁড়িয়া ফেলিয়া ইহার নীচের ঘরের বিবর্ণ জান্না কপাটগুলো নোংরা করিয়া রাখিয়াছে। কখনও কেহ কিছু আপত্তি করিলে তাহারা নাক সিটকাইয়া বলে, নরকে পোকায় তেজ দেহ—

নীচের দুপাশের ঘরগুলো রাস্তা হইতে দুহাত নীচে এবং আলো হাওয়া না পাইয়া যেমন অন্ধকার তেমনি শ্রুত-সেঁতে। আস্তাবলের আবর্জনা আর স্নমুখের আস্তাকুড়ের, দুর্গন্ধে সদা সর্বদা মাছি ভন্ ভন্ করে, রাস্তার ঘেঘো কুকুর খাবার খুঁজিতে ভিতরে চলিয়া আসে, আস্তাবলের মুরগীগুলো পাঁচিলে উড়িয়া বসে। বড় বড় ইঁহুরের দৌরায়ে টেঁকা যায় না।

ডান দিকের অন্ধকার থুপুটিয়ায় একটা লোক থঞ্জনি বাজাইয়া দিন-রাত কীর্তন করে, বউটাকে অকারণ গালাগালি দেয়, গ্রহার করে।

বাঁ দিকের ঘরটায় পাক্কীর বেহারা জগবন্ধু ও তার ভাই থাকে। তারা রাত্রিতে বাড়ী আসে, সকাল না হইতেই চলিয়া যায়। ঘরে তালা বন্ধ থাকে আর মাটির উল্লনটা কালিকুলি মাখিয়া বাহিরে পড়িয়া থাকে।

দোতলার পিছন দিকে অবিনাশবাবুরা থাকেন। তিনি আপিসের কেরানী, দশটা ছয়টায় কাজ। কষ্টে সংসার চলে। বউ ভামিনী বাপের বাড়ী হইতে ম্যালেরিয়া আনিয়াছে, আজকাল কালাজরে দাঁড়াইয়াছে। সংসার দেখিবার মত লোক ঐ এক ছোট বোন স্নলক্ষণা। ছোট বলিয়া সে ছোট নয়, বিবাহ হইয়া গিয়াছে। স্বামী রমণী

অপদার্থ, চাকরী বাকরির ঠিক নেই, রোজগার কখনও করে, কখনও করে না। কোথায় একটা বাসায় থাকে, মাঝে মাঝে আসে। হুলক্ষণকে লইয়া যাইবার নামও করে না, থাকিবায় খরচা একটি আধলাও দেয় না। অত্যন্ত আর্থিক কষ্ট বশত: যদি হুলক্ষণ কখনও কিছু চায় সে বলে, মাস কাবারে দোবো। বলিয়া চলিয়া যায়, আর সহজে আসে না।

অবিনাশবাবুর উপরের ছোট্ট দালানের মাঝামাঝি একটা কক্ষির বেড়া। মাঝে ক্ষুদ্র একটি দরজা। ওধারে ধনুবাবু ও তাঁর ভাই অতুল থাকে। ধনুবাবু হোমিওপ্যাথ ডাক্তার, অর্থাৎ এক বাত্ম ঔষধ ও এক-খানি বই তাঁহার নিজস্ব আছে। সময়েঅসময়ে তিনি লোককে ঔষধ বিতরণ করেন। তাঁর ঔষধে রোগ ভাল না হইলে তিনি বলেন শিবের অসাধ্য। ভাল হইলে বলেন, আমি জানি আমার এক ফোঁটা ঔষধ কারো পেটে পড়লে যমও ফিরে যায়—হঁঃ!

ধনুবাবু দিনের বেলায় স্কুলের মাষ্টারী করেন, বিকালে বাড়ী ফেরেন। তিনি বিয়ে করেন নি। তাঁর ছোট ভাই অতুলের বয়স অল্প, একটা পাশ করিয়াছে। এখন খবরের কাগজ পড়ে, গান গায়, আর জান্নার ধারে বসিয়া কবিতা লেখে, অর্থাৎ বেকার। ধনুবাবু রোজই বলেন, পনের কুড়ি টাকার একটা যা ভা চাকরী জোটাতে পাল্লিনে?

উত্তরে অতুল কিছু বলে না, শুধু চুপ করিয়া হাসে। একদিন সে কবিতা লিখিতে লিখিতে মুখ তুলিয়া দাদাকে বলিল, কই আর পাচ্ছি দাদা!

—কিস্ত

—কিস্ত কি? তুমি বুঝি খেতে দিতে পাচ্ছ না?

আদি ও অকৃত্রিম

ধলুবাবু ঠাসু করিয়া তার গালে এক চড় মারিয়া বলিলেন, তার জন্তে কি বলচি হতভাগা ? চাকরী হ'লে তোর একটি বিয়ে দিয়ে যে চলে যাই—

অতুল হো হো করিয়া হাসিয়া বলিল, ওঃ, তাই জন্তে, কিন্তু তুমি কোথায় যাবে ?

ধলুবাবু মাথা চুলকাইয়া চলিয়া যাইতে যাইতে বলিলেন, তাই ত যাবই বা কোথায়, কিন্তু—

এমনি ভাবে তাহাদের দিন যায় ।

দোতলার স্তম্ভ দিকে বাড়ীওয়ালা ও তাঁর দ্বিতীয় পক্ষের স্ত্রী হরিপ্রিয়া থাকেন । দ্বিতীয়পক্ষ-স্বলভ সব গুণগুলিই হরিপ্রিয়াতে বর্তমান । তাঁহার সন্তানাদিও কিছু হয় নাই । নীচে যে বোষ্টমটি থাকে তার নাম প্রেমানন্দ ! তার গলায় কণ্ঠি, নাকে তিলক, মাথায় টিকি এবং চক্ষে মাদকতা প্রভৃতি সব লক্ষণগুলিই আছে । খোঁচা-খোঁচা দাড়ী এবং মাথায় কয়েক গাছা চুল পাকিয়া গিয়াছে । ছু'মাসের ভাড়া তাহার নিকট পাওয়া যায় নাই । তাই সেদিন সকাল বেলা হরিপ্রিয়া বোষ্টমটিকে গালাগালি দিয়া সমস্ত বাড়ীখানা মাথায় করিয়া তুলিতেছিল ।

বিনয়বাবু তখন বিছানা হইতে উঠিয়া বাসিমুখেই চা খাইতেছিলেন, সহসা স্ত্রীর কাঁসার ত্রায় কণ্ঠস্বর শুনিয়া বাহিরে আসিলেন ।

তাহার চীৎকারে ওধারে অতুল বাহিরে আসিয়া মুখ বাড়াইয়া ইঙ্গিতে বলিল, কি হ'ল বিনয়বাবু ?

বিনয়বাবু চায়ের বাটী শেষ করিয়া দক্ষিণ হস্তের তর্জ্জী ও বৃদ্ধাঙ্গুষ্ঠ পীড়ন করিয়া বলিলেন “ভাড়া,—ভাড়া দেয় না ওই বোষ্টমটা তাই

উঠিয়ে দিতে হবে। তোমার দাদার কাছেও এ মাসের ভাড়া—দাঁড়াও আসচি”,—বলিতে বলিতে চায়ের বাটীটা রাখিয়া তাড়াতাড়ি কি কাজে চলিয়া গেলেন।

অতুল দাঁড়াইয়া রহিল। নীচের দিকে একবার চাহিয়া দেখিল, সকাল বেলাতেও সূর্য্যের আলোক সেখানে প্রবেশ করিতে পায় নাই। উঠানে সমস্ত বাড়ীটার আবর্জনা জমা হইয়া রহিয়াছে, কেহ পরিষ্কার করিবার নামও করে না, ফিরিয়াও তাকায় না। নীচে যে ঘরটায় বোষ্টমটা থাকে সেটার দুয়ার খোলা এবং তাহারই নিকট হইতে য়ুহু য়ুহু কড়া মাজার শব্দ আসিতেছে। অতুল এ দিকে বড় একটা তাকায় না, সে উপরে আপন ঘরটাতেই সদা সর্বদা বসিয়া থাকে এবং বাহিরে যাইবার সময়ও কোনও দিকে খেয়াল না করিয়া চলিয়া যায়। আজ দেখিল সেখানে পাশাপাশি আরও দুই তিনটা ঘর খালি পড়িয়া রহিয়াছে এবং বাড়ীর বাহিরে ‘ঘড় ভাড়া’ লেখা সত্ত্বেও কেন যে সে ঘর কয়খানার ভাড়া অত্যাঁপি হয় নাই তাহা আজ এই ঘরগুলার অবস্থা দেখিয়া স্পষ্ট বুঝিতে পারিল,—এমান অন্ধকার এবং অব্যবহার্য্য। দেখিয়া তাহার নিজেরই দম বন্ধ হইবার উপক্রম হইল।

এতক্ষণ যেখানে কড়া মাজার শব্দ হইতেছিল সেখান হইতে একটি মেয়ে কোমরে কাপড় জড়াইয়া একটা ভাঙ্গা চেঙ্গারি ও একখানা টিনের টুকরা লইয়া বাহির হইয়া আসিল। সে অতুলকে দেখিতে পায় নাই স্বতরাং আপন মনে টিনের পাতাখানা দিয়া উঠানের সমস্ত জঞ্জাল জড়ো করিতে লাগিল। অতুল আর স্থির থাকিতে পারিল না, বলিল, ওকি ছি ছি আপনি ওতে হাত দেবেন না, ও মেথরে পরিষ্কার করবে।

“মেয়েটি তাহাকে দেখিয়াই দ্রুতপদে অন্তরালে চলিয়া গেল। একটু

আদি ও অকৃত্রিম

পরে পুনরায় সে বাহিরে আসিয়া মুখ তুলিয়া বলিল, আপনি দাঁড়িয়ে আছেন, আর কেউ নয়—বলিয়া সে আবার জগ্গাল তুলিবার উপক্রম করিল।

অতুল বলিল, না না আপনি হাত দেবেন না, হাত নোংরা হয়ে যাবে—

করণ হাসি হাসিয়া মেয়েটি বলিল, আপনারা ওপরে থাকেন কিন্তু দুর্গন্ধ ত আমায় সহিতে হয়!

তা বলে মেথরের কাজ কি আপনার করা উচিত?

কি করি বলুন, মেথরের মতন আছি যখন, তখন—বলিয়া সে আবার একটু হাসিয়া কাজে মন দিল।

অতুল একটু চুপ করিয়া থাকিয়া বলিল, আপনার স্বামী কোথায়? দুদিন আসেন নি, তাই বিনয়বাবু, না—না, তাঁর স্বী রাগ কচ্ছিলেন। তিনি কোথায়?

মেয়েটি স্নানমুখ তুলিয়া বলিল, তা ত জানি না, আমায় ত বলে যান না।

অতুল কি উত্তর দিতেছিল, পিছনে বেড়ার পাশ হইতে অবিনাশ-বাবু বলিলেন, ওহে অতুল!

—আজ্ঞে, বলিয়া অতুল মুখ ফিরাইল।

—নীচে ওদের সঙ্গে অত কথা কয় না ভাই, লোকে নিন্দে করবে।

অতুল অপ্রস্তুত হইয়া বলিল, আমি কিছু বলি নি ত?

সে আমি জানি তুমি কিছু বলনি কিন্তু কথাবার্তা বেশী কয় না ভাই, ওর স্বামী লোকটি স্বেধের নয়। আমরা যেমন আছি থাকি, ওরা যেমন আছে থাক—ফুরিয়ে গেল। সংসারে কে কার অত খোঁজ

নেয় ? বলিয়া অবিনাশবাবু বাজারের ছোট থলেটি লইয়া রান্না ঘরের দিকে চলিয়া গেলেন ।

ভামিনীর ঘরে তখনও বাসি পাট হয় নাই । একা স্বলক্ষণা সব-দিক সামলাইতে পারে না । দেশলাইয়ের পোড়া কাঠি, কাগজের ছাই, আকড়ার টুকরা, সাবুর ফোঁটা ইত্যাদিতে ঘরের মেঝেটা পরিপূর্ণ । পা বাড়াইবার জো নাই । জানলাগুলা কাল রাত হইতে বন্ধ থাকায় এবং জরো রোগীর নিশ্বাসে ঘরখানা যেমন দুর্গন্ধময় তেমনি অন্ধকার । অবিনাশ তাড়াতাড়ি জানলাগুলা খুলিয়া দিলেন ও নরক-সদৃশ মেঝের আবর্জনাগুলা তুলিয়া সেই জানালা দিয়া ফেলিয়া দিয়া হাত ধুইয়া আসিলেন । ভামিনী তখন কাঁথা মুড়ি দিয়া অচৈতন্য অবস্থায় পড়িয়া-ছিল । অবিনাশ ডাকিলেন সাঁড়া পাইলেন না । আবার ডাকিলেন, তখন ভামিনী মুখের কাপড়টা একটু সরাইয়া চোখ খুলিল । জরে জরে তাহার মুখখানা কুৎসিত হইয়া উঠিয়াছে, মাথায় চুল নাই, যে কগাছি আছে তাহাও কালাজরে কঁোকড়াইয়া বিশ্রী হইয়া উঠিয়াছে । চোখ দুইটা কোলের ভিতর বসিয়া গিয়াছে, মুখখানা রোগা হইয়া গালের উপরকার দুইটা হাড় বাহির হইয়া পড়িয়াছে ।

কাঁথাখানা সে গায়ের উপর হইতে সরাইয়া দিয়া একটা তপ্ত নিশ্বাস ফেলিয়া বলিল উঃ, বাবারে কি গরম, একটু জল দাও ত ?

অবিনাশ জল আনিয়া তাহার মুখে দিলেন । ছুঁটোক খাইয়া সে বলিল, আপিস যাবে না ?

যাব, তুমি কেমন আছ ?

ভামিনী কি বলিতে যাইতেছিল কিন্তু কথা আটকাইয়া গেল এবং তৎক্ষণাৎ সেই জীর্ণ রক্তহীন দৃষ্টি হইতে জল বাহির হইয়া আসিল ।

আদি ও অকৃত্রিম

চোখ মুছিবার শক্তি নাই, তাই বালিশের ভিতর মুখ গুঁজিয়া সে বলিল, যাও আপিস যাও, পরের চাকরী।

অবিনাশ তাহার এ অভিমান বুঝিলেন, কিন্তু সান্ত্বনা দিবার মত কোনও কথাই তাহার মুখ দিয়া বাহির হইল না, তাই বলিলেন, অস্থখ আর কার না হয় ভামিনী ! কিন্তু ওষুধ কিন্তে হলেও ত পয়সার দরকার ? সেই পয়সার জন্তেই আমায় বেরোতে হবে ত। বলিয়া স্ত্রীর মাথায় একবার হাতটা দিয়া দেখিলেন, জ্বরে গা পুড়িয়া যাইতেছে। আজ ক’দিন হইল এই জ্বর সামান রহিয়াছে। ডাক্তারকে বলা হইয়াছিল, তিনি ঔষধের ফর্দ দিয়াছেন কিন্তু পয়সা নাই। তাই আপাততঃ ধনুবাবুর চিকিৎসাই চলিতেছিল।

(২)

সেই দিন অপরাহ্নে প্রেমানন্দ ফিরিল, ঘরের দুয়ারের কাছে আসিয়া বলিল, আলো জালিস নি কেন ? অন্ধকারে কিছু দেখা যায় না যে।

সত্যি, কিছুই দেখা যায় না, তার উপর প্রেমানন্দের একটি চক্ষু আবার গেল বছর নষ্ট হইয়া গিয়াছে। সে অনেক কথা। তখন সে নবদ্বীপে থাকে। তারপর থেকে অনেক দুষ্ট ছেলে আজও তাহাকে দেখিলেই বলে, ওগো কানা গৌসাই, তোমার রাধা কই,—। উত্তর না পাইয়া আবার সে ডাকিল, স্মৃতি কোথা গেলি ?

রান্নাঘরের পিছনে সেই নোংরা জায়গাটায় বসিয়া এতক্ষণ স্মৃতি ঘুঁটে এবং কয়লার অভাবে কাঠ কাটিতেছিল। কিন্তু অত্যন্ত অন্ধকার হওয়ায় হাতের দা’য়ের একটা কোপ কাঠে না পড়িয়া তাহার একটা আঙ্গুলের উপর লাগিয়া গিয়াছিল ও সঙ্গে সঙ্গে এমনি ফিন্‌কি দিয়া রক্ত

পড়িতেছিল যে প্রথম ডাকে অসহ যন্ত্রণায় সে সাড়া দিতে পারে নাই, কান্নায় গলা বুজিয়া গিয়াছিল। এইবার আশ্বে আশ্বে বলিল, যাই।

একটা কুৎসিত মুখভঙ্গী করিয়া প্রেমানন্দ বলিল, গলায় মধু মাখিয়ে বলেন যাই, আলোটা জ্বালে কে হতভাগা মাগী? আচ্ছা এক নচ্ছার ছুঁড়ী জোটানো হয়েছে—দেখ্ মার না দিলে দোরস্ত থাকে না—বলিতে বলিতে সে ঘরের ভিতর ঢুকিয়া অবেলায় ভাঙ্গা হাটের কতকগুলো আনাজ তরকারী নামাইয়া রাখিল।

স্বমতি স্বমুখে আসিয়া দাঁড়াইতেই সে বলিল, আজ ভাড়ার কথা কিছু বলেছিল?

ই্যা ওঁরা বকছিলেন।

তাত জানি, তুই আমার ঘাড়ে না চাপলে কি আজ আমার এ দুর্দশা হত? রান্না হয়েছিল?

না, চাল ছিল না তাই—

আবার তেমনি মুখভঙ্গি করিয়া প্রেমানন্দ বলিল, চাল ছিল না—থাকে না কেন? আমি ত দু'দিন বাড়ী নেই। বাইরে চাল বেচে আসিস্ কিনা সত্যি বল, তোর ওপর আমার আরও একদিন সন্দ' হয়েছিল। বাইরে কারো সঙ্গে, কি ওপরকার ওই অত্নোটার সঙ্গে বুঝি তোর—

কথা শেষ হইল না। স্বমতি যেমন আসিয়াছিল তেমনি ভাবেই চলিয়া গেল, যাইবার সময় দালানের ঘুলুঘুলি হইতে দেশলাইটা ঠক করিয়া ফেলিয়া দিয়া গেল।

শীতের দিন। অল্প বেলাটুকুর মধ্যে সকলেই কুয়া হইতে জল তুলিয়া আপন আপন কাজ সারিয়া খাবার জল লইয়া উপরে চলিয়া যায়।

আদি ও অকৃত্রিম

স্বতরাং সন্ধ্যার সময়েই স্মৃতি হাত পা নাড়িতে পায়। তখন ঘর ধোয়া, বাসন মাজা, কাপড় কাচা ইত্যাদি করে। আর সেই এক ভোর বেলা, তখন কাকও ডাকে না; বিছানা হইতে উঠিয়া শীতে হি হি করিতে করিতে গায়ে সেই অনেকদিনকার ছেঁড়া কাপড়টুকু জড়াইয়া তাহাকে কাজ সারিয়া লইতে হয়। কোনও দিন ইহার ব্যতিক্রম হইলেই প্রেমানন্দের মোটা কঞ্চিটি অন্ততঃ বার দশেক তার পিঠে পড়ে। আজও ইহার ব্যতিক্রম হইল না। সন্ধ্যা হইয়া গেল, সঙ্গে সঙ্গে এই অপরিসর পোড়ো বাড়ীর তলাটিতে যমপুরীর মত অন্ধকার যেন জমাট বাঁধিতে লাগিল। তা হউক, যাহারা নরকে বাস করে তাদের আর আলোর প্রয়োজন কি! স্মৃতি তাড়াতাড়ি বাসন কয়খানা মাজিতে বসিয়া গেল। নোংরা জায়গার বড় বড় মশাগুলি গায়ে পিঠে বসিয়া কামড়াইতে লাগিল, তাহাতে হুঁস রহিল না, কেবল বাঁ হাতের আঙ্গুলটার অসহ্য যন্ত্রণায় অথবা আরও কোনও কারণে চোখের কোণ দিয়া অবাধ্য তপ্ত অশ্রু গাল বহিয়া কেবল ঝরিয়া পড়িতে লাগিল।

পরদিন সকালেই হরিপ্রিয়া কতকগুলি বাসন লইয়া নামিতে নামিতে বলিল, ওগো, ও গৌসাই?

প্রেমানন্দ তখন উচ্চ বিকট স্বরে কীৰ্ত্তন ধরিয়াছিল, “মরিলে তুলিয়ে রেখো তমালেরি ডালে”—সহসা পরিচিত স্বর শুনিয়া বলিল, আজ্ঞে করুন—বলিয়া বাহিরে আসিল।

হরিপ্রিয়া মাটিতে বাসন নামাইয়া বলিল, গান কচ্ছ ত খুব, সকাল থেকেই শুনচি, কিন্তু ভাড়াটা না দিলে চলে কি করে?

প্রেমানন্দ তাহার প্রেমাশ্রু মুছিয়া গদগদ কণ্ঠে বলিল, মা আমি তব দাস—ভাড়ার কথা বললে আপনার অপমান হয়, বলুন প্রণামি।

আচ্ছা তাই না হয় হল' কিন্তু—

আপনার পদে এই মিনতি মা, আর তিনটি দিন আমায় ভিক্ষে দেওয়া হ'ক, আমার সংসারে বড় দুঃবস্থা, খেতে পাইনি মা,—আর তিনটি দিন সবুর করুন, এই আপনার শ্রীপদে পড়ে বলচি—বলিয়া সে অগ্রসর হইয়া আসিল।

হরিপ্রিয়া হাঁ হাঁ করিয়া বলিল,—থাক থাক, ও কথা বলতে নেই আপনি বোষ্টম, পেগাম হই, কি জানেন, বাবু ও সব ভাল বাসেন না, তাই বলা। হরিপ্রিয়া এই সামান্য কথাটিতেই জল হইয়া গিয়াছিল।

প্রেমানন্দ মরিয়া হইয়া উঠিয়াছিল, বলিল, বাবু ত আপনিই দেবী, আপনার শ্রীঅঙ্গে বাবু যে মিশে আছেন, শ্রীরাধা যে শ্রীকৃষ্ণময়, বলিতে বলিতে সে গান ধরিয়া দিল, “লাখ লাখ যুগ হিয়ে হিয়ে রাখলু”—

আচ্ছা থাক, আমি বলব বাবুকে—

উপরে অতুল এই অভিনয় দেখিয়া হাসিয়া লুটাইয়া পড়িতেছিল।

তাই বল মা আমার, আমরা তোমার দাসদাসী। বলিয়া প্রেমানন্দ ঘরে ঢুকিয়া আবার গান ধরিল, “মরিলে তুলিয়ে রেখো—”।

বারান্দার ধার হইতে মরিয়া গিয়া বেড়ার দরজা ঠেলিয়া এধারে আসিয়া অতুল বলিল, দিদি মজা দেখলে ?

স্বলক্ষণা বলিল, কি ভাই ? অতুল স্বলক্ষণাকে দিদি বলিত।

ওই গৌসাই কেমন গিন্নী বউকে ভুলিয়ে দিলে।

হ্যাঁ শুনেছি, লোকটা বড় পাজী। বলিয়া আরও কিছু বলিতে গিয়া সহসা চুপ করিয়া সে অতুলের মুখের দিকে চাহিল।

অতুল কিছু বুঝিল না, বলিল, কেমন, বেশ মজা করলে ত ?

—হঁ।

আদি ও অকৃত্রিম

• ওর বউটি কিন্তু খুব শাস্ত দিদি, খুব ভাল।

তুমি কি করে জানলে ?

আমার সঙ্গে আলাপ হয়েছে যে।

মুখ তুলিয়া স্থলক্ষণা বলিল, তোমার সঙ্গে ? তুমি ওর সঙ্গে কথা
কও ?

অতুল হাসিয়া বলিল, কেন ও কি মানুষ নয় ?

আমি কিন্তু কথা কই না ভাই।

অতুল মুখ ফিরাইল। নীচের কাঠের ধোঁয়ায় তখন এ দিকটা
আঁধার হইয়া গিয়াছে। কি একটা কথা বলিবার সে চেষ্টা করিতেছিল।

স্থলক্ষণা বলিল, ও লোকটা ওর স্বামী নয়, ওদের বিষেও হয়নি'
ছু'জনে দেশ ছেড়ে এখানে চলে এসেছে।

অতুল মনে মনে চমকিয়া উঠিল এবং নিমেষে সমস্ত ব্যাপারটা
তলাইয়া বুঝিয়া এই লজ্জাকর প্রসঙ্গটা দিদির কাছে চাপা দিবার জন্ত
বলিল, বড়দা এখনও কাজে বেরোন নি ?

না, তিনি বাজারে গেছেন।

ওঃ, বলিয়া অতুল আর দাঁড়াইল না, এখারে চলিয়া আসিল।

ধনু বাবু তখন একটা হোমিওপ্যাথির বই লইয়া পাতা উন্টাইতে
ছিলেন, ভাইকে দেখিয়া বলিলেন, কাল সে চাকরীটার সম্বন্ধে গিছিল ?
হ্যাঁ।

কি হল ?

নেবেনা বললে। বলিয়া অতুল লম্বা হইয়া দাদার পিঠের কাছে
সুইয়া পড়িল।

ধনু বাবু খানিকক্ষণ পরে বলিলেন, ব্যবসা করবি ?

দরদী

করব।

কিন্তু কিসের ব্যবসা করা যায় ?

কেন গুঁটকী মাছের ? আজকাল বাজারে খুব চলন দাদা—বলিয়া হো হো করিয়া অতুল হাসিয়া উঠিল। ধনুবাবু ভাইয়ের ছুষ্ঠামীর জ্বালায় আর সেখানে বসিলেন না, রান্নাঘরে চলিয়া গেলেন। তিনি নিজেই রান্নাধেন। অতুল বিমর্ষভাবে শুইয়া শুইয়া স্মৃতির কথা ভাবিতে লাগিল।

(৩)

শনিবার। সকাল সকাল আফিস হইতে ফিরিয়াই অবিনাশ বলিলেন, তোর বৌদি কেমন আছে রে ?

স্বলক্ষণা বলিল, ভাল নেই।

সে কি কাল্কে ত—

আজ আর কোনও কথা কইতে পাচ্ছে না, চোখ দিয়ে জল পড়চে আর অঘোরে শুয়ে আছে।

তাই ত, পয়সাও নেই যে ডাক্তার আনি, দেখি। বলিয়া তিনি আস্তে আস্তে উঠিয়া আসিলেন। ঘরে আসিয়া ভামিনীকে পরীক্ষা করিয়া বুঝিতে পারিলেন যে, ডাক্তার না দেখাইলে সারা জীবনের মত একটা দুঃখ থাকিয়া যাইবে, অথচ উপস্থিত যে কি করা উচিত তাহাও তিনি বুঝিতে পারিলেন না। অশ্রুটকণ্ঠে ডাকিলেন, স্থলি ?

স্বলক্ষণা আসিয়া মাটিতে বসিয়া পড়িতেই তিনি বলিলেন, রমণী কিছু দিতে পারবে না ?

তীক্ষ্ণকণ্ঠে স্বলক্ষণা বলিল, তা আমি কি করে জানব।

কিসে কি হইল ! অবিনাশ বুঝিলেন, ভগিনী বুঝি তাঁহারই উপর

আদি ও অকৃত্রিম

বিরক্ত হইল। চট্ করিয়া তাঁহার মাথায় ভূত চাপিয়া গেল, চীৎকার করিয়া তিনি বলিলেন, না জান্লে চলে কি করে! একটা পয়সা ত কখনও দেয় না, এত দিন রইচিস্ তার খরচও দেয় না, আমার কাছে ক'টা টাকা ধার নিয়েছিল তাও ত উপুড়-হস্ত করে না। কোন্ সাহসে তুই তার হ'য়ে ওকালতি করিস্? লজ্জা করে না?

স্বলক্ষণাও জলিয়া উঠিয়া বলিল, তোমারও লজ্জা করে না তার কাছে আমার খরচ চাইতে? আমি যেমন খাচ্ছি পরছি তেমনি তোমার সংসারে খেটেও দিচ্ছি, একটা বি রাখলেও ত তার খরচ—।

অবিনাশ তেমনি ভাবেই বলিয়া ফেলিলেন, এ অবস্থায় আমার বি রাখবার কথা নয়।

স্বলক্ষণার চোখে জল আসিয়াছিল, কিন্তু শেষের কথাটা শুনিয়াই সে উঠিয়া দাঁড়াইয়া বলিল, আমায় তাড়িয়ে দিচ্ছ? বলিয়া দ্রুতপদে নিজের ঘরে চলিয়া গেল এবং কি করিবে কিছুই বুঝিতে না পারিয়া মুখে হাত চাপা দিয়া কাঁদিতে লাগিল।

অতুল ঘরের মধ্যে বসিয়া ইহাদের দু' একটা কথা শুনিতে পাইয়াছিল, তাই আশ্বে আশ্বে বেড়ার দরজার কাছে দাঁড়াইয়া যখন দেখিল স্বলক্ষণা কাঁদিতেছে, তখন সে আর স্থির থাকিতে পারিল না, কাছে আসিয়া বলিল, কি হ'ল দিদি?

দিদি উত্তর দিল না। অতুল দেওয়ালের দিকে ফিরাইল। ঘরের ভিতর কিছু কোথাও নাই। শুধু একধারে একখানা ছেঁড়া মাদুর ও একটা পুরাতন বালিস। দু'ধারে দু' তিনটা মেটে হাড়ি—মুখ খোলা পড়িয়া আছে, তাহাতেও কিছু নাই,—শূন্য। সেই দিকে চাহিয়া অতুল বলিল, কেঁদো না দিদি?

স্বলক্ষণা আপন কোলের ভিতর মুখ লুকাইয়া বসিল, আমার কেউ নেই ভাই—

নিঃশব্দ ভগ্নপুরী খাঁ-খাঁ করিতেছে। বারান্দার পাঁচিলটার উপর বসিয়া একটা কাক অল্পনাসিক স্বরে থাকিয়া থাকিয়া ডাকিতেছিল। ওধারে বিনয়বাবুর দিকটা একেবারে নীরব, বোধ হয় তাহারা ঘুমাইতেছিল। নীচেও তাই, প্রেমানন্দ বাড়ী নাই, থাকিলে গান গাহিত। অতুল একবার ভাবিল, মনের মধ্যে তার সংসারের সুখদুঃখের রেখাটি পর্য্যন্ত পড়ে নাই, তাই সে চট করিয়া বলিয়া উঠিল, আমি ত আছি দিদি, আমিও ত তোমার ভাই ?

স্বলক্ষণা ত্রস্তে মুখ তুলিল এবং আজ নূতন করিয়া যেন সে অতুলকে দেখিল। ওই স্মিত সুন্দর মুখখানির সঙ্গে আজ যেন তাহারও অজ্ঞাতে একটা নিগূঢ় পরিচয় হইয়া গেল, কিন্তু পরক্ষণেই একটা প্রকাণ্ড হতাশায় সে বলিয়া উঠিল, তুমি কি উপায় করবে অতুল ?

তা জানিনে, আমি শুধু জানি তুমি আমার দিদি, আমি তোমার ভাই ! কেঁদো না তুমি, রমণীবাবুর ঠিকানা কি বল ?

তা ত আমায় বলে নি।

আচ্ছা আমি খোঁজ কচ্ছি, বলিয়া অতুল বাহির হইয়া গেল।

বিকাল বেলায় অচেনা অনেক রাস্তায় ঘুরিয়া অতুল শ্রান্ত হইয়া পড়িল, রমণীর বাসা খুঁজিয়া পাইল না। তখন ভাবিল, একপভাবে আসা উচিত হয় নাই, অন্ততঃ অবিনাশবাবুর নিকট হইতে ঠিকানাটি লইয়া আসা উচিত ছিল, তাই সাত পাঁচ ভাবিয়া সে পুনরায় বাড়ী ফিরিয়া আসিল।

তখন সন্ধ্যা হইয়া আসিয়াছে। দুয়ারে ঢুকিয়া এই অন্ধপুরীতে

আদি ও অকৃত্রিম

হাতড়াইয়া হাতড়াইয়া পা বাড়াইতে হয়। নীচে ওধারে পাকীর বেহারা জগবন্ধুর ঘরের দরজায় ফাঁক দিয়া অল্প একটুখানি আলো দেখা যাইতেছিল কিন্তু পথ চিনিয়া লইবার পক্ষে তাহা যথেষ্ট নয়। যাহা হউক এমনি ভাবে আসিয়া আন্দাজে একটা সিঁড়ির উপর পা দিবে এমন সময় পিছনে কে বলিল, শুন্ন—

অতুল থমকিয়া ফিরিয়া দেখিতেই স্মৃতি মিটমিটে কেরোসিনের ডিবেটা হাতে করিয়া দরজায় দাঁড়াইয়া বলিল, আসুন না, আজ উনি বাড়ী নেই—

অতুল থমকিয়া দাঁড়াইল। তখন সেদিকে কেহ ছিল না, মানুষের সাড়া শব্দটি নাই। নোংরা ইট বারকরা উঠানটার ফাঁকে ফাঁকে অবিশ্রান্ত ঝিঁ ঝিঁ ডাকিতেছিল এবং জগবন্ধু নিজের ঘরের ভিতর তাহার হাবা ভাইটাকে অকথ্য এবং অবোধ্য ভাষায় তিরস্কার করিতেছিল, তাহাই শুধু অস্পষ্ট শুনা যাইতেছিল। উপরে সকলেই নীরব; শীতকালের সন্ধ্যা বলিয়া সকলেই আপন আপন ঘরে আশ্রয় লইয়াছে। অতুল নিকটে সরিয়া আসিয়া বলিল, কি বলুন। বলিয়া নিঃশ্বাস বন্ধ করিয়া মনে মনে তলাইয়া বিবেচনা করিল, রূপেরও সীমা আছে কিন্তু ঐ মেয়েটি বোধ হয় সে সীমা অতিক্রম করিয়া গিয়াছে, এ রূপের তুলনা নাই।

স্মৃতি বলিল, আমার সঙ্গে ত আপনার আলাপ হয়েছে সেদিন !

হঁ।- আপনার স্বামী কোথায় ?

তিনি নেই। বলিয়া অত্যন্ত বিবর্ণ মুখে এবং অকপটে স্মৃতি পুনরায় বলিল, তিনি ত আমার স্বামী নন, আমার তিনি—

ও: হ্যাঁ, এইবার আপনি ঘরে যান, আমি যাই—

দরদী

একটুও দাঁড়াবেন না, আমি এতই অপরাধী ? বলিয়া সে মুখ তুলিতেই অতুল দেখিল, জলে তাহার বড় বড় চোখ দুটি পুরিয়া আলোয় চক্ চক্ করিতেছে, এইবার ঝরিয়া পড়িবে। অতুল মুখ ফিরাইল। মৃদু আলোকের রশ্মিটা এই জমাট অন্ধকার অলমাত্র ভেদ করিতে পারিয়াছে। উপরে নীচে সম্মুখে দূরে কিছুই দেখা যায় না। পাশের আস্তাবল হইতে ঘোড়ার ক্ষুরের শব্দ ও কোরাণের আবোধ্য বাক্যগুলি কেবল শুনা যাইতেছিল। চোখের ওই ছ'ফোঁটা জল যেন অতুলকে কিছুক্ষণের জ্ঞান অবশ করিয়া ফেলিল। সে মুখ ফিরাইতে স্মৃতি ম্লান দৃষ্টিতে চাহিয়া পুনরায় বলিল, আমি কি এতই অপরাধী অতুলবাবু ?

তাহার পরিষ্কার মুখখানিতে ধীরে ধীরে যে লাল আভাটুকু পড়িতেছিল তাহা অতুল বুঝিতে পারিল না, বলিল, আপনার বিয়ে হয় নি ?

না।

ওর সঙ্গে বুঝি আপনার ভাব ছিল ?

না, আমাদের বাড়ীতে ও লোকটা ভিক্ষে করতে আসত। তারপর একদিন নবদ্বীপের বড় কের্ত্তন শোনাবে বলে নিয়ে একেবারে চলে আসে—

অতুল আর দাঁড়াইতে পারিল না, তাড়াতাড়ি বলিল, আচ্ছা কাল আবার আপনার সঙ্গে কথা কইব। বলিয়া পা বাড়াইতেই বিনয়বাবু উপরের বারান্দা হইতে বলিলেন, বেড়ে জমেছিল ভায়া, আর একটু চলুক না ?

কথাটা এমনি বিস্তীর্ণভাবে পরদিন প্রকাশ হইয়া পড়িল যে অতুলের মুখ দেখানো ভার হইয়া উঠিল। বিশেষতঃ হরিপ্রিয়া, বিনয়বাবু ও

আদি ও অকৃত্রিম

অবিনাশের মনে অতুলের বিরুদ্ধে একটা লজ্জাকর মন্তব্য দৃঢ়রূপে ভিত্তি স্থাপন করিল। ধনুবাবু শুনিয়া বলিলেন, পাগল কোথাকার !

অতুল উত্তর দিতে পারিল না, বিশ্বাস না করিবারও হেতু নাই এবং প্রেমানন্দ বাড়ী ফিরিলে যে একটা হৈ চৈ ব্যাপার বাধিয়া যাইবে তাহাও সে মনে মনে বুঝিয়া অধিকতর শঙ্কিত হইয়া উঠিল।

(৪)

ইহার একদিন পরে কাপড় চোপড় গুছাই লইয়া স্থলক্ষণা অবিনাশের পায়ের ধূলা লইয়া বলিল, দাদা আসি তবে—

অবিনাশ আশ্চর্য হইয়া প্রশ্ন করিলেন, কোথায় যাচ্ছিস তুই !

স্থলক্ষণা বলিল, ঝাঁর হাতে আমায় দিয়েছ তাঁর সঙ্গেই যাচ্ছি।

রমণী কোথায় ?

বাইরে, বলিয়া পরস্পর একটু চুপ করিয়া থাকিবার পর স্থলক্ষণা বলিল, আসি তবে দাদা ?

আয় ভাই।

স্থলক্ষণা দুয়ারের বাহির হইতেই অবিনাশ মুখে হাত চাপা দিয়া বলিয়া উঠিলেন, কিছু মনে করিসনে দিদি, অসময়ের দিনে তোকে অনেক কথাই বলেছি, বলিয়া তিনি বসিয়াই রহিলেন। মুখ ঢাকিয়া স্থলক্ষণা বাহির হইয়া গেল।

গাড়ীর কাছে অতুল দাঁড়াইয়া ছিল। স্থলক্ষণা তাড়াতাড়ি আপনার পুঁটলিটি খুলিয়া একখানি ফুলকাটা রঙ্গীন তোয়ালে বাহির করিয়া বলিল, ভাই সংসারে আমার আর কিছু নেই যে তোমায় দি' ; এইখানি নাও ভাই, এই দেখে তোমার দিদিকে মনে ক'র।

এতক্ষণে অতুলের চোখের জল ঝরিয়া পড়িল। অল্প সময় হইলে

সে মুছিয়া ফেলিত, কিন্তু আজ মুছিল না, মুখ দিয়া তাহার কথাও বাহির হইল না। শুধু হাত পাতিয়া সেখানি লইল এবং সমবয়সী হইলেও হেঁট হইয়া সে স্থলক্ষণার পায়ে হাত দিয়া প্রণাম করিল। তারপর দীনহীনের মত যখন স্থলক্ষণা গিয়া গাড়ীতে উঠিল ও সঙ্গে সঙ্গে রমণীও উঠিল, তখন আর অতুল আপনাকে সামলাইতে না পারিয়া বিদীর্ণ কণ্ঠে বলিয়া উঠিল,—আমার পয়সা থাকলে তোমায় রাজরাণী ক’রে রাখতুম দিদি, তোমায় কখনো—আর বলিতে পারিল না। স্থলক্ষণা হাসিতে গেল, কিন্তু কাঁদিয়া ফেলিয়া মুখ ফিরাইয়া লইল। গাড়ী ছাড়িয়া দিল।

বিনয়বাবু ঢুকিতেছিলেন, অতুলকে দেখিয়া বেশ মুৰ্ছাবিঘ্না করিয়া বলিলেন, তোয়ালেখানি দিদি দিখে গেল বুঝি? তা ভাল, ওখানি বোষ্টম গিন্নীকে দিও, বেশ হবে। বলিয়া হি হি করিয়া হাসিতে লাগিলেন।

ইহার দিন আষ্টেক পরেও প্রেমানন্দ বাড়ী ফিরিল না, বোধ করি আবার কোনও লক্ষ্যে ঘুরিতেছিল। হরিপ্রিয়া ক্রমে অস্থির হইয়া এইবার ভাড়ার টাকার জন্ত স্মৃতিকে শুনাইয়া গালাগালি পাড়িতে লাগিল। স্মৃতি কিন্তু এসব গোলমালের উত্তর ত দিলই না, পরন্তু তাহার আকারে প্রকারেও কোনও ভাবের বৈলক্ষণ্য কিছু দেখা গেল না।

সেদিন দুপুর বেলা অতুল বাহির হইতেছিল, বোধ করি চাকরীর সন্ধানেই যাইতেছিল। সে এ বাড়ীর কাহারও সহিত আর বিশেষ কথা কয় না এবং সকলে তার বিপক্ষে যে মতামত পোষণ করিয়া রাখিয়াছে বোধ করি তাহাও খণ্ডাইবার মত সাহস তাহার ছিল না। বয়স অল্প, স্বতরাং তাহার গাভীর্ঘ্য নাই, কেহ কিছু বলিলে চোরের মতই সে আপনার ঘরটিতে বসিয়া থাকে।

আদি ও অকৃত্রিম

দরজার নিকট আসিতেই স্মৃতি মুখ বাড়াইয়া বলিল, আপনিও আমায় ঘেমা করেন ?

অতুল মুখ ফিরাইয়া দেখিল, সে দৃষ্টি কি করণ, কি ব্যথায় ভরা।
জ্ঞান হাসিটুকু যা ওই স্মন্দর মুখখানিতে লাগিয়া আছে তাহা যেন
কান্নার চেয়েও নিদারুণ ! অতুল একবার চাহিয়াই মুখ ফিরাইয়া বলিল,
না তার জন্তে নয়, বিনয় বাবুরা কি সব মনে করেন তাই—

স্মৃতি বলিল, বিনয়বাবু এখন বেরিয়ে গেছেন, তা ছাড়া মিথ্যে
বদনাম সহীবার ক্ষমতা কি আপনার নেই ?

অতুল আবার মুখ তুলিয়া সেই দৃঢ় কোমল মুখখানির প্রতি চাহিল।
এই কলঙ্কিত নারীটি সেদিন এমন একটা ভীষণ বদনাম নিজের নামে
শুনিতে পাইয়াও একটু মাত্র টলে নাই, আজ আবার সেই ভঙ্গিতেই
কি যেন একটা কথা বলিতে গিয়া আপনাকে সংযত করিয়াছিল। অতুল
বলিল, বদনামের কাজ ত কিছুই হয়নি আমাদের। বলিতে বলিতেই
সে সবিস্ময়ে লক্ষ্য করিল স্মৃতির কোমল চক্ষু দুটি জলে ভরিয়া
আসিয়াছে। আজ দিনের বেলাতেও সে দেখিল, ইহার পরণে সেই
একখানি শতছিন্ন ময়লা কাপড় কোনও রূপে দেহটাকে আবৃত করিয়া
রাখিয়াছে মাত্র। শীতকালে গায়ে তেল না পড়িয়া হাত পা মুখ ও মাথার
চুলগুলি একেবারে রুক্ষ হইয়া উঠিয়াছে। তাই নীচের অন্ধকার
পুরীতে হাওয়া রৌদ্র হইতে সম্পূর্ণ পৃথক থাকিয়া এই মেয়েটি যেন
দিন দিন আপনার দেহ ও মনের উপর একটা বার্ককোর আবরণ টানিয়া
দিতেছে। অতুল বেদনাহত কণ্ঠে পুনরায় বলিল, আপনার কি আর
কেউ নেই ?

স্মৃতি অলক্ষ্যে চক্ষের জলটা মুছিয়া ফেলিয়া বলিল, মা বাবা

সব আছেন কিন্তু তাঁরা আমায় নেবেন কেন ? আর আমাকে উদ্ধার করবার কি জগতে কেউ আছে, অতুলবাবু ?

অতুল চুপ করিয়া রহিল এবং একটু পরে, আচ্ছা চললুম, বলিয়া বাহির হইয়া গেল ।

ছ তিন দিনের মধ্যে বিনয়বাবু ভাড়া না পাইয়া অবিনাশকে উঠাইয়া দিলেন । অবিনাশ চক্ষের জল ফেলিয়া রুগ্না পত্নীকে লইয়া পিসীর বাড়ী গিয়া উঠিলেন ।

অতুল ইহা দেখিয়া বলিল, আমারও আর এখানে থাকতে ইচ্ছা নেই দাদা ।

ধনুবাবু বলিলেন, কোথায় যাবি ? অল্প ভাড়ায় এমন স্থবিধে আর কোথায় পাবি ?

অতুল আপন মনে বলিল, তা বটে, ভাড়াটে বাড়ী এর চেয়ে আর ভাল হয় না । আচ্ছা দাদা, সে বোষ্টমটা গেল কোথায় ?

কোথায় গেল তা আমি কি জানি, ওর বউকে জিজ্ঞেস ক'রে আয় না ?

অতুল একবার তাঁহার মুখের দিকে চাহিয়া বাহির হইয়া গেল ।

সেদিন সন্ধ্যাবেলা বিনয়বাবু বাড়ী ছিলেন না । হরিপ্রিয়া চুপ করিয়া নিজের ঘরে বসিয়া ছিল । ধনুবাবু এদিকে আপনার ঘরে বসিয়া বই পড়িতেছিলেন । অতুল এই অবসরে একবার নীচে নামিয়া গেল । আস্তে আস্তে ঘরের সেই একমাত্র জানালাটি দিয়া দেখিল সেই কেরোসিনের ডিবেটি স্তম্ভে রাখিয়া কাঁথার উপর বসিয়া স্তম্ভিত পরণের কাপড় খানারই স্তম্ভের আঁচলটা সেলাই করিতেছে । সে দৃশ্য সহসা

আদি ও অকৃত্রিম

দেখিয়া অপাঙ্গ শিহরণে অতুল মুহূর্তের জগ্ন অবশ হইয়া পড়িল।
পরক্ষণেই আশ্বে আশ্বে বলিল, শুনুন ?

স্মৃতি ধড়মড় করিয়া উঠিয়া কাপড় সংযত করিয়া লইল, তারপর
অত্যন্ত লজ্জিত হইয়া বাহিরে আসিয়া বলিল, আজ আমার কি ভাগি,
আপনি যে আমায় ভোলেন নি ?

না, ভুলব কেন। এবং আরও কিছু বলিতে গিয়া হঠাৎ স্মৃতির বা
হাতের দিকে নজর পড়িতেই সে শিহরিয়া বলিল, অত বড় যা আপনার
হাতে ?

যদিও অজ্ঞাতে হাতটা কাপড়ের ভিতর হইতে বাহির হইয়া পড়িয়া-
ছিল কিন্তু আজ স্মৃতি তাহা আর লুকাইল না, বরং একথা শুনিয়া
হেঁট হইয়া পায়ের কাপড়টা একটু তুলিয়া বলিল, এই পায়েতেও অমনি,
তা ছাড়া পিঠে গায়ে আরও—

কে এমন কল্লে ?

মুহূ হাসিয়া স্মৃতি বলিল, কে জানেন না ? কোনও দিন হয় ত
সময়ে আলো জ্বালা হয়নি, অমনি সেদিন আমার গায়ে একটা কালশিরে
পড়া চাই। কোনদিন চাল নেই, কোনদিন বা কাজ কর্তে একটু
বেলা গেছে, সেদিন অমনি শিক্ পুড়িয়ে ছেঁকা দেওয়া চাই, বলিয়া সে
একটু একটু হাসিতে লাগিল।

অতুল বলিল, আপনি তবে আর এখানে আছেন কেন ?

কোথায় যাব তবে অতুলবাবু ?

যেখানে হয় চলে যান্, শেষকালে কি মারা যাবেন ?

স্মৃতি হাসিয়া বলিল, মারা যাবার জগ্গেই ত আরও আছি।

দরদী

অতুল সে কথা না শুনিয়া বলিল, আমার সঙ্গে যেতে চান ? আমি আপনাকে আপনার দেশে গিয়ে রেখে আসতে পারি ।

তঁারা যদি আমায় না নেন ?

অতুলের চোখ দুইটা জলিয়া উঠিল, জোর গলায় বলিল, বেশ মা-বাপ হয়ে যদি তঁারা না নেন, তখন আমি ত আছি ? আমার দাদা দেবতা, আমি বললে তিনি অমত করবেন না,—বলিতে বলিতে স্মৃতির চক্ষে জলের ফোঁটা দেখিয়া রুদ্ধ নিঃশ্বাসে সে বাহিরের হাওয়ায় চলিয়া গেল । গেল বটে, কিন্তু একটা কথা কেবলই বাহিরে গিয়া ভাবিতে লাগিল, এই নির্জ্জন অন্ধকারে সে স্মৃতির দরজায় গিয়া ‘শুভ্ন’ বলিয়া ডাকিয়াছিল কি জন্ম !

সকাল বেলায় এক সময় অতুল বলিল, আচ্ছা দাদা বোষ্টমটা কি রকমের লোক ?

তাইত সেটা আমিও ঠিক ভেবে পাইনে ।

লোকটা তেমন ইয়ে নয়, না ?

বোধ হয় তেমন ইয়ে নয়, নইলে বউটাকে মারে কেন, খেতেই বা দেয় না কেন ? কাল রাতের কাণ্ড শুনেচিস্ ?

কি ?

তুই তখন ঘুমিয়েছিলি ! গভীর রাত, কোথেকে গৌঁ গৌঁ শব্দ শুনে বাইরে গিয়ে তাকিয়ে দেখি মেয়েটাকে মুখ বেঁধে ঠেঙ্গাচ্ছে—

অতুল দাঁড়াইয়া উঠিয়া বলিল, কেন ?

কেন সে অনেক কথা, তুই নাকি ওর সঙ্গে কথা কয়েছিলি—

কে বললে ?

তা কি জানি, বোধ হয় বিনয়বাবুই বলেছে—

আদি ও অকৃত্রিম

অতুল বিবৰ্ণ মুখে জানালার ধারে গিয়া আবার বসিয়া পড়িল এবং বসিয়া বসিয়া প্রতিজ্ঞা করিয়া ফেলিল, যা হক একটা চাকরী বাবু জুটাইয়া স্মৃতিকে সে নিজের কাছে রাখিয়া দিবে, তাহাতে যত কলঙ্কই হ'ক সে সহ্য করিবে। হঠাৎ দুপুরবেলা একগাছা ছড়ি হাতে করিয়া সে রাস্তার এক পাশে বসিয়া প্রেমানন্দের অপেক্ষা করিয়া রহিল, কিন্তু আবার কোন্ এক সময় তাহার প্রহারের প্রবৃত্তি চলিয়া গেল। বাড়ীতে আসিয়া জামা জুতা পরিয়া সে তাড়াতাড়ি চাকরীর সন্ধানে বাহির হইয়া গেল।

দিন চারেক পরে একদিন ভোর বেলায় অতুল বাহির হইল, সারাদিন বাড়ী ফিরিল না। সন্ধ্যার পূর্ব যখন ফিরিল তখন ধলুবাৰু আপনার ঘরে বসিয়া বিনয়বাৰুর পেটের পীড়ার জন্ত ঔষধ বাছিতে ছিলেন, তাহাকে দেখিয়া বলিলেন, কি রে তোর এত দেরি? সারাদিন নাওয়া-খাওয়া নেই?

অতুল সে কথায় কান না দিয়া বলিল, একটা চাকরী জোগাড় করিছি, মাইনে খুব অল্পই, তা হ'ক—

যোগাড় করিছিস—কোথায়?

সে একটা আফিসে। শোন, একটা বাড়ীও ঠিক করে এসেছি, কালই আমরা সেখানে উঠে যাব, যেন অমত ক'রনা। আর একটা কথা—

ধলুবাৰু বলিলেন, অমত করব না, আগারও আর এখানে থাকতে ইচ্ছে নেই। একে একে সকলেই চলে গেল।

অতুল জামা ছাড়িতেছিল, বলিল, অবিনাশবাৰু গেছেন, আর কে?

বোষ্টমটাও তার বৌকে নিয়ে চলে গেল।

কে? বলিয়া অতুল টলিতে টলিতে নিজেকে সামলাইয়া লইল।

ধনুবাবু বলিলেন, ওই যে আমাদের বোষ্টমটা ; হতভাগা যাবার সময় কি রকম হিঁচড়ে বউটাকে টেনে নিয়ে গেল ! আর বউটার কি কান্না ! বলে' আজকের রাতটা আমায় রাখ' তোমার পায়ে পড়ি' । তার কান্না দেখলে পাষাণও গলে যায় ।

থর থর করিয়া অতুলের দেহটা কাঁপিয়া উঠিল । জীবনের একটা মস্ত বড় ঐশ্বর্য্য কে যেন তার বুক খালি করিয়া সবলে ছিনাইয়া লইয়া গেল ! তেমনি ভাবেই দেয়ালের ধারে বসিয়া পড়িয়া ঢোক গিলিয়া শুষ্ককণ্ঠে বলিল, চলে গেল ? আমি যে তাকে কথা দিয়েছিলুম !

কি কথা ?

কিছু না । বলিয়া সে উঠিয়া বাহিরে আসিয়া অন্ধকারে নীচে নামিয়া গেল । দেখিল, কোথাও কেহ নাই । শূন্য যমপুরীর মত অন্ধকার ঘরগুলার অসহ্য রিক্ততায় বাহির কেবলই থা থা করিতেছে । তাহার অজ্ঞাতে স্মৃতি যে কতখানি তাহার ভিতরটা অধিকার করিয়া লইয়াছিল তাহাই আজ এই নির্জ্জন আঁধারের বৃকের উপর দাঁড়াইয়া ভাবিতে ভাবিতে অতুলের চক্ষে জলের স্রোত বহিয়া গেল ।

*

*

*

অনেকদিন চলিয়া গিয়াছে বোধ হয় চার বছর হইবে । শীতকাল, তাহার উপর আকাশ ডাকিয়া ক্রমাগত বৃষ্টি হইতেছিল, এক একটা জলো হাওয়া ঠিক যেন বরফের কণা বহিয়া লইয়া যাইতেছিল ।

সন্ধ্যাবেলা ছাতিটি মাথায় দিয়া অতুল আফিস হইতে ফিরিতেছিল । কাপড় চোপড় বৃষ্টিতে ভিজিয়া গিয়াছে । পায়ের জুতাটাও ভরি হইয়া উঠিয়াছে । রাস্তায় জনমানব নাই । বউবাজারের একটা সরু গলির ভিতর দিয়া সে আসিতেছিল । কিন্তু বৃষ্টিটা জোরে আসিয়া

পড়াতে জীর্ণ ছাতাটি তাহাকে রক্ষা করিতে পারিল না। সে একটা বাড়ীর দরজায় উঠিয়া দাঁড়াইল।

পানিকক্ষণ বাদে হঠাৎ পিছন হইতে তাহার পিঠে একটা আঙ্গুলের টিপ দিয়া কে বলিল, চিন্তে পারেন ?

অতুল চমকিয়া মুখ ফিরাইল এবং দেখিয়াই চিনিল, স্মৃতি !

স্মৃতি পুনরায় হাসিয়া তাহার অঙ্গের বহুমূল্য আবরণ দোলাইয়া বলিল, গায়ে হাত দিলুম, কিছু মনে করবেন না,—

অতুল বিবর্ণ মুখে বলিল, আপনি এখানে ?

কি করি বলুন, পেটের দায়ে—সে বোষ্টমটা ত ফেলে পালাল, আপনিও ত তথৈবচ,—

অতুল আর কিছু বলিল না, চূপ করিয়া মুহূর্তের জন্ত আপনার মনের ভিতরটায় একবার তলাইয়া সেই চার বছর পূর্ব্বকার কয়টা দিনের কথা ভাবিয়া লইয়া তারপর কি একটা কথা বলিবার জন্ত মুখ তুলিতেই দেখিল এই কুহকিনী নারীটির চোখের সেই বহুপুরাতন অশ্রু কয় ফোঁটা ওই কানের দুল দুইটার মতই চক্ চক্ করিতেছে। সেই অশ্রু ! যা' একদিন তার সমস্ত সংস্কারের বেড়া ভাঙ্গিয়া দিয়া তাহাকে উন্মাদ করিয়া তুলিয়াছিল ! কিন্তু আজ ইহাতে আর সে মাদকতা নাই। কেন ?—কেন তা' সে জানে না !

তাই সে বলিল, পারেন ত আমায় মাপ করবেন। বলিয়া রাস্তায় নামিয়া গেল। যাইতেই স্মৃতি চক্ষের দুইটি ধারা ত্রস্তে মুছিয়া মুখ বাড়াইয়া বলিয়া উঠিল, একটা পান খেয়েও গেলেন না ? বলিয়া থিল্ থিল্ করিয়া হাসিয়া উঠিল।

স্মৃতির বাড়ীর দরজা হইতে একটা স্ত্রীলোক বলিল, ও কে রে ?

কোনো একরাত্রে

হুমতি হাসিয়া বলিল, উনিও এক কালে আমার দরদী ছিলেন।

অতুল কথাটি শুনিল কি শুনিল না, তাড়াতাড়ি ছাতাটি খুলিয়া বাড়ীর পথে চলিয়া গেল।

কোনো একরাত্রে

ঘরের জান্নায়া গরাদ নেই ; কোন্ অতীতকালে গৃহস্থের অত্যাচারে গরাদগুলি আত্মরক্ষা করতে পারেনি, তারা ধ্বংস হয়েছে। পল্লী-গ্রামের এই অন্ধকার রাত্রে যদি কোন বস্তু জন্তু গুটি গুটি এসে জান্না দিয়ে ঢোকে তবে তাকে বাধা দেওয়া যাবেনা। দরজাগুলির পাল্লা নেই, সম্ভবতঃ জনহীনপুরী' দেখে গ্রামের লোকেই সেগুলি খুলে নিয়ে গেছে। বাতাসের শব্দে মনে হচ্ছে, বিগত দিনের মত নরনারীর শেষ নিশ্বাস এখনো বুঝি মিলিয়ে যায়নি ; আজো তারা জীবনের কিছু প্রত্যাশা নিয়ে অশরীরী হয়ে রয়েছে। নির্জ্ঞান অন্ধকারে আমি একবার মুখ ফিরিয়ে দেখলাম। দেখলাম না কিছুই, কিন্তু চামচিকার পাখার শব্দটা এখনো শুনতে পাচ্ছি,—শুনতে পাচ্ছি ঘরের কড়িকাঠে পোকা এখনো ঘুরে ঘুরে খাচ্ছে ; ভিতরের দেয়ালে যে ছোট বটগাছটা শিকড় বিস্তার করে মেঝের দিকে নেমে এসেছে, তার একটি শাখা গলা বাড়িয়ে আকাশের দিকে অগ্রসর হবার চেষ্টা করছে,—তারই তলায় কোথায় ডাকছে 'ঝি'ঝি', কোথায় শুনছি নানা পোকার সশব্দ জটলা,—অন্ধকারকে তারা যেন গভীর ভাষায় ভরে তুলছে, যেন নিশীথ রাত্রির আত্মার বাণী।

একান্তে একটি বিছানা পেতেছি, ভাবছি মশারি টাঙ্গানো নিতাস্তই

দরকার। এখানে বাস করবার আয়োজন নেই, থাকবার কথাও নয় ; আজ বিকাল বেলায়ও এই অকল্পিত নির্বাসনের স্বদূর সম্ভাবনাও জানা যায়নি। মোমবাতি একটু খানি ছিল, সেটুকু জলে জলে শেষ হয়ে গেছে। দেশলাইটা বার বার জ্বালতে ভয় হচ্ছে—অন্ধকারের মধ্যে বসে নিজেকে প্রকাশ করতে বৃকের মধ্যে ঢিপ ঢিপ করে। হাঁ, আমি নার্ভাস। আত্মপ্রকাশ করতে আমার ভয় লাগছে।

ভয় জীর্ণ জনহীন প্রাসাদের একখানি কঙ্কাল—স্বমুখে খানিকটা খোলা মাঠ, তারই উপর কয়েকটা নিখল নারিকেল গাছ ভূতের মতো দাঁড়িয়ে রয়েছে। তাদেরই অদূরে একটা বাঁশের বন। এতক্ষণে পথের ধারে একটি আলোকের রেখা দেখা গেল ; সে আলো নিকটতর হয়ে আসছে। একটু আশ্বস্ত হলাম।

আলোটা এসে ঢুকলো অন্দরে, সোজা উঠান পার হয়ে চৌকাঠ ডিঙ্গিয়ে এসে দাঁড়ালো আমার কাছে। এতক্ষণ যেন অভিভূত হয়ে-ছিলাম, এবার বললাম, মশারি এনেছ ?

চন্দ্রনাথ একটু হাসলো। বললে, এরা কাছাকাছি থাকে কিন্তু কামড়ায় না। তোমার এত প্রাণের ভয় ?

—প্রাণের ভয় নয়, সাপের ভয় !

হঠাৎ উত্তেজিত হয়ে পুনরায় বললাম, তোমার জন্তে, এবার বুঝেছি তোমার জন্তে গাড়ী ফেল হয়ে গেল। আমি চলে যেতে পারতাম, পৌছতে পারতাম এতক্ষণে নিজের দেশে, শহরে—এ শান্তি হলো কেবল তোমার জন্তে।

চন্দ্রনাথ বললে, সবই নিয়তির কাণ্ড, বুঝলে হে ?

—চূপ, তুমি চূপ কর চন্দ্রনাথ ; তুমি যা বলো শুন্বো, শুন্বো না

তোমার নিয়তি, তোমার দর্শন, তোমার প্রলাপ ; তুমি চূপ করো
চন্দ্রনাথ ।

চন্দ্রনাথ বললে, মশারি এনেছি আলোটাও নিয়ে এলাম তোমার
জন্তে । তোমার যেন কষ্ট না হয় ; কারণ তুমি অতিথি ।

—বেশ, আর কিছু দরকার নেই, এবার তুমি যাও । না না, গল্প
করতে আমি ভালবাসিনে ও আমার রুচি নয় । এবার তুমি যাও ।

—যাবো কোথায়, আমি যে থাকতে এলাম—

—থাকতে এলে ? মানে ? থাকতে চাও তুমি আমার কাছে ?—
বলতে বলতে সোজা হয়ে বসলাম,—তোমাকে আমি সহ্য করতে
পারিনে চন্দ্রনাথ, তোমার দিকে তাকালে ভয়ে আমার গলা বুজে আসে,
হতাশায় আমার চোখ কাঁপে,—তুমি চলে যাও, তুমি থাকলে এই
অন্ধকার আরো ভয়ঙ্কর হয়ে উঠবে ; তুমি আমাকে ছেড়ে চলে যাও ।

ভিজা তবলার উপর হাত চাপড়ালে যেমন তার শব্দ হয় তেমনি
আমাদের দুজনের গলার আওয়াজ এই ভগ্ন কক্ষের কোণে-কোণে ঢব্-
ঢব্ করতে লাগলো । চন্দ্রনাথ বললে, হ্যাঁ, মতলব আমার একটু ছিল ;
ইচ্ছে ছিল ট্রেনটা যেন তোমার ফস্কে যায়, অনেক দিন তোমার সঙ্গে
গল্প করিনি ।

—গল্প করবো তোমার সঙ্গে ? কেমন গল্প সে ?

—কিন্তু আগে ত তুমি বেশ গল্প করতে আমার সঙ্গে ?

—আগে করতাম, এখন নয় । আগে মানুষের উপর তোমার প্রীতি
ছিল, তুমি মূল্য বুঝতে স্নেহ-মমতার—থাক চন্দ্রনাথ, সে তোমার গত
জন্ম, তুমি সেদিন মানুষের মধ্যে মানুষ ছিলে । কিন্তু আজ তুমি যাও,
তুমি কাছে থাকলে আমার সব আশা, সব স্বপ্ন চুরমার হয়ে যায় ।

—স্বপ্ন ?—চন্দ্রনাথ ঠোট উল্টে আবার হাসল। আমি চিনি তার হাসি, তার হাসির বাহু চেহারাটা নির্মল ও মধুর কিন্তু সে হাসির প্রাণ বিষে ভরা, বিদ্রূপে জর্জরিত অপরিসীম তাম্বিলের সঙ্গে মেশানো অপরিমিত অবিশ্বাস। বললে, এখনো স্বপ্ন দেখছে নাকি ?

—হ্যাঁ, দেখছি, লজ্জা কিছু নেই। স্বপ্ন দেখছি ; বিংশ শতাব্দীতে এখনো স্বপ্ন দেখি, প্রাচীন বলে তাকে ঠাট্টা করবে, এইত ? করো। আমার হৃদয়ে আছে সখল, তাকে আমি মরতে দেবো না চন্দ্রনাথ।

চন্দ্রনাথ বললে, আমার কথা তাহলে তুমি কিছু শুনবে না, কেমন ?

—না—আমি বললাম, শোনবার মতো কথা তোমার কিছু নেই। জানি তুমি যা বলবে ; তোমার মনের চেহারা আমি জানি, এই রাত্রির চেয়েও তুমি ভয়ঙ্কর। তোমার কাছে এলে আমার সব বিশ্বাস নষ্ট হয়ে যায়। নির্মূল হয়ে যায় আমার যা কিছু—

—কিন্তু তুমি এত ভয় পাচ্ছ কেন ?

—ভয় পাই, বড় এলে যেমন ভয় পায় গাছপালা, আগুন জ্বলে উঠলে যেমন ভয় পায় বাতাস ; চন্দ্রনাথ, তোমাকে দেখলে মনে হয়, জীবনের কোনো অর্থ নেই ; বন্ধুত্ব, বাৎসল্য, দয়া, প্রেম সব নিরর্থক।

চন্দ্রনাথ আড় হয়ে বিছানায় শুয়ে পড়লো। তারপর একটু হেসে বললে, তুমি বড় দুর্বল হে, বড় ভঙ্গুর।

—হ্যাঁ, বড় দুর্বল, বড় ভঙ্গুর। এই ভালো, বেশ আছি। আমি বুঝতে চাইনে তোমার সহজ কথাটা শাদা চোখে। আমি বুঝতে চাইনে তোমার ইউটিলিটির কথা। আমার চোখে থাকুক কাজল, মনে থাকুক রঙ, আমার ভাল লাগে মেঘের মায়া, গাঁছের ছায়া। তুমি আমাকে বারে বারে মরুভূমির পথ দেখিয়ে দিয়ে না চন্দ্রনাথ।

চন্দ্রনাথ বললে, তোমার মন দেখছি বুদ্ধির আলোয় উজ্জল নয়।

—না হোক—আমি বললাম,—বুদ্ধির সঙ্গে বুদ্ধির উদ্ধত ভাল-
ঠোকাঠুকি। সেখানে কোথাও প্রাণের ঐশ্বর্য নেই, সেখানে কেবল
বস্তুর ভার, লগেজের উপরে লগেজ, আঘাতে আর সংঘাতে উৎপীড়িত।

—কিন্তু তোমার ভাল লাগে কি, শুনি ?

—তোমাকে সে সব কথা বলতে প্রবৃত্তি হয় না, চন্দ্রনাথ তুমি তার
অধিকারী নও। এমন কথা যে বলে প্রেমের ফুল ফোটে দেহ-লালসার
জীব থেকে, যে কোনো মহাআর জন্ম বৃত্তান্ত অতি কলঙ্কময়—তার
সঙ্গে আমার তর্ক নেই। আমি একথা জানতে চাইনে স্বর্ধাকিরণ
মানে বিশ্বপ্রকৃতির প্রাণধারণের রস, মেঘ মানে শস্যক্ষেত্রের ইউটিলিট,
নদী মানে লোকের তৃষ্ণার জল ! *

—আর প্রেম ? বিদ্রূপ করে হেসে বললে চন্দ্রনাথ।—শুন্বে আমি
একটা বেশ জুতসই প্রেমের গল্প বলবো ?

—না, না চন্দ্রনাথ, না সব সইবে, কিন্তু সইবে না তোমার প্রেমের
গল্প। তুমি আমাকে বোঝাতে চেয়ে না, প্রেম মানে বিধাতার জীব-
যষ্টির চক্রান্ত। বোঝাতে চেয়ে না পরস্পরের স্নায়ুতান্ত্রিক উত্তেজনা,
ইমোশন মানে শিরার সঙ্গে শিরার কলহ-কোলাহল।

চন্দ্রনাথ বললে, কিন্তু হৃদয় বলে নাকি একটা পদার্থ আছে
তোমাদের ?

রাত্রি হয়ত বা শেষ হয়ে এসেছিল। বহু চেষ্টা করলাম চন্দ্রনাথকে
বিভাড়িত করার জন্ত। সে গেল না, অপমান করলেও সে মানে না।
আলোটা জ্বলতে লাগলো, মশারী টাঙ্গানো হলো না, সেও বসে রইলো
চুপ করে। তার মতো চরিত্রবান মানুষ আমি দেখিনি, কিন্তু চরিত্রই

তার উন্নতির পক্ষে বাধা, সৌজন্তের জন্যই সংসার থেকে সে বরখাস্ত হয়েছে।

—এই যারা বড় হয়েছে তাদের সত্যিকার ইতিহাস তুমি জানো? যাদের নাম ছাপালে খবরের কাগজ বিক্রী হয়, যারা হয় বড়-বড় সভার সভাপতি, রাষ্ট্রনেতা বলে যারা নিজেদের নাম জাহির করেছে, সমাজ সংস্কারক যারা—বলে যারা পরিচিত। তাদের কথা বলব তোমার কাছে?
—চন্দ্রনাথ বলতে লাগলো, নাম শুন্লেই তুমি চিনবে তাদের? প্রতিদিনের জীবনে কি দৈন্য আর ক্ষুদ্রতা, তুমি শুন্লে অবাক হয়ে যাবে।

বললাম, এর দ্বারা তুমি কি বলতে চাও?

—বলতে কিছুই চাইনে; দেখি, তাই বলে যাই। ইচ্ছে যায় তোমাদের সমালোচনা করতে। 'বড় হলেই বড় হওয়া যায় না। বড় মানুষ তুমি দেখেছ? জানো বড় মানুষ কাকে বলে?

—যাক চন্দ্রনাথ, উত্তেজনায় তুমি হয়ত সীমা ছাড়িয়ে যাবে, তুমি সীমা ছাড়ালেই আমি যাবো ভেসে। এখন বলে তোমার প্রেমের গল্প।

—কাহিনীই আছে কিন্তু প্রেম নয়—চন্দ্রনাথ বললে, সেই কিস্তি আর সেই কিস্তিমাংস, সেই চিরপুরাতন, কেবল চালের তফাৎ, কেবল তফাৎ ঘটনার—

—তবুও সবাই শুন্তে চায় চন্দ্রনাথ!

—শুন্তে চায়, তার কারণ, মানুষ যে কখনো পুরোনো হয় না মানুষের কাছে, আনন্দ বেদনার নানা চেহারা, নানান ষ্টাইল, সে ত তুমি জানো!

এমনিই চন্দ্রনাথ জীবনে দেখেছে অনেক, তাই তাকে ভয় করে। তার অনেক অভিজ্ঞতা, অনেক ইতিহাস, অনেক সহ করেছে সে,

সাধারণ মানুষ তাই তাকে সহ করতে পারে না, ভয় পায়। মানুষের কোনো ক্রটি তার চোখ এড়ায় না, মনে হয় সে যেন সমস্তই জানে, সমস্তই বোঝে।

তুমি কি পেয়েছ এতকাল?—চন্দ্রনাথ বলতে লাগলো, অনেক ত ভালোবেসেছ, অনেক দোলায় ছুঁলেছ, কী পেয়েছ বলো ত?

বললাম, পাবার জগুই বা এত লালায়িত কেন? না পেলোও ত চলে যায় মানুষের।

—চলে না। ব'লে চন্দ্রনাথ কিয়ৎক্ষণ চূপ করে রইলো। তারপর এক সময় বললে, চলে না হে, চলে না; কিন্তু দোষ কার জানো?
—তোমার! মরুভূমির উপর দিয়ে ত মেঘ চলে যায় কিন্তু দোষ মেঘের নয়, তোমার। তুমি কেবল ফাঁকি দিলে, কেবল আত্মপ্রবঞ্চনা, কেবল রইলে জ্ঞানের অভিযান নিয়ে, বুদ্ধির দণ্ড নিয়ে। তোমার উপর বর্ষণ হবে কেমন করে? কী আছে তোমার সম্বল?

নীরবে বসে রইলাম। হঠাৎ পুনরায় উত্তেজিত হয়ে চন্দ্রনাথ বললে, তোমারি কি কম গলদ? কেবল ভঙ্গি, কেবল কসরৎ, এক ছটাকও পুঁজি তোমার নেই। ওপরে তোমার যত পালিশ ভেতরে তত দৈন্ত্য: কাঁচের মতো তুমি সৌখীন, পার্শী মেয়ের মতো তোমার সাজসজ্জার চটক, কেবল বিজ্ঞাপন, শুধু আড়ম্বর—সত্যকার জীবনের সঙ্গে তোমাদের কোনো পরিচয় নেই। পুঁথিগত বিদ্যে তোমাদের, তোমরা জীবনের ব্যাখ্যা করো চায়ের দোকানে বসে মিথ্যা নিয়ে পরের মুখের বুকনি নিয়ে তোমাদের ফলাও কাজ কারবার।

এবার সে চূপ করলো, আমিও বাঁচলাম। মানুষ নেশার মুখেও

আদি ও অকৃত্রিম

এর চেয়ে যুক্তিযুক্ত কথা বলে। চন্দ্রনাথের মাথার একটা জুঁ আলগা রেখে বিধাতা তার সঙ্গে একটু বিদ্রূপ করেছেন।

ভোর হয়ে এল বোধ হয়, বাঁশের বন একটু-একটু স্বচ্ছ হয়ে আসছে। বল্লাম, প্রথম ট্রেনেই আমি যাবো কিন্তু সাড়ে ছ'টায় গাড়ী নয় ?

চন্দ্রনাথ বললে, হ্যাঁ, একটু ঘুমোও, আমি ঠিক সময় জাগিয়ে দেবো। মশারীটা এবার ফেলে দিই, কেমন ? বলে সে বেমকার মতো চোখ বুজে পাশ ফিরে ঘুমলো।

মুক্তি

নাট্যমন্দিরের নাচ শুরু হয়েছে। গায়িকা উঠে দাঁড়িয়ে সকলের দিকে চেয়ে একটু হেসে নমস্কার করলে। জরির কাজ করা তার গায়ে পাতলা আবরণ ! উজ্জ্বল আলোয় তার ওপর ঝলকে ঝলকে বিদ্যুৎ ঠিকরে পড়ে !

নিমন্তক নির্ঝাক দর্শকমণ্ডলী ঘাড় নেড়ে তাকে উৎসাহ দিলে।

স্বমুখে কণ্ঠ পাথরের ক্লষ্ণমূর্তি ! গায়িকা মুহূর্তমাত্র তার দিকে মুদিত দৃষ্টিতে চেয়ে আপনার গায়ের আবরণ খানি মাটিতে নিক্ষেপ করলে। আজারুকণ্ঠ স্তম্ভ নাচের পোশাক তার গায়ে গায়ে জুড়ে আছে।

প্রথমে ভূমিকা ; তারপর নাচ। সমস্ত দেহখানি হিল্লোলিত ক'রে নৃত্যশীলা গায়িকা দেখতে দেখতে রাত্রির চেতনাহীন মোহকে উজ্জ্বলিত করে তুললে। দর্শকগণ তার স্তম্ভটি প্রত্যেক অঙ্গটির দিকে স্রাব-বিহ্বল ব্যাকুল দৃষ্টিতে চেয়ে রইলো।

বাহিরে তামসী রাত্রির নিবিড় নিস্তরঙ্গতা! অদূরে পূর্ণতোয়া কলস্বনার উচ্ছল শ্রোত বয়ে চলেছে! কলস্বনার তীরে প্রতিদিন এমন সময় বাঁশী বাজে। গায়িকা নাচে আর কান পেতে সেইদিকে শোনে। তার সেই নৃত্যের মধ্যে সে কি কারুণ্যের রস! তালে ভঙ্গিতে, লীলায়,—যেন পৃথিবীর সমস্ত কান্না ফেনিয়ে ওঠে। অথচ বাঁশী না বাজলে গায়িকা নাচ শুরু কর্তে পারে না। তার স্রের মধ্যে অন্তরলোকের যে চির মোন আর্তনাদ ঘুরে ঘুরে বেড়ায়,—গায়িকা সেই ভাবাহীন রহস্যময় শব্দটিকে রূপায়িত করে তোলে।

কিন্তু এ বাঁশী যে বাজায় তাকে গায়িকা কোনদিন দেখেনি।

বাহিরে সেই বাঁশীর আওয়াজ—ভিতরে এই পরিপূর্ণ যৌবনের নৃত্য—দর্শকেরা নিশ্চল হয়ে চেয়ে থাকে। জল স্থল আকাশ পরিব্যাপ্ত করে যে স্র প্রকৃতির এক প্রান্ত হতে আর একপ্রান্ত পর্যন্ত বাষ্পাকুল করে তোলে, তারই সঙ্গে সমস্রের গায়িকার প্রতি অঙ্গ যেন আকুল হয়ে ওঠে।

ক্রমে রাত্রি ঘন হয়ে আসে। মন্দিরের আলো ক্ষীণ হতে ক্ষীণতর হয়। বন্ধ অশ্রুর চাপে চারিদিক জমাট হয়ে ওঠে। রাত্রির মুহূর্তগুলি যেন নিশ্চল, কলস্বনার শ্রোত যেন থেমে গেছে, বনে-বনান্তরে গম্বীর-ধ্বনি বুঝি আর জাগে না; জীবজগৎ গাছপালা, আকাশ পাতাল,—সমস্ত বিশ্বলোক এই স্থন্দরী নৃত্যশীলার সূক্ষ্মতম আবরণের মধ্যে সমস্ত নগ্ন দেহখানির লীলায়িত ভঙ্গির দিকে বিপুল দৃষ্টিতে চেয়ে থাকে। নাচের ভূমিকায় যে দর্শকমণ্ডলী লালসাতুর পশুর মত গায়িকার অবয়বের দিকে তাকিয়ে হাঁস ফাঁস করে, এবার তারা মাঝবের মধ্যে ফিরে আসে। রুদ্ধ নিশ্বাসে গায়িকার দিকে তারা সজল চোখে চেয়ে থাকে।

আদি ও অকৃত্রিম

তারপর কলস্বনার উপকূলে বাঁশী আর বাজে না। গায়িকার নাচও সেই সঙ্গে থেমে যায়।

দর্শকেরা তখন জেগে ওঠে। নায়িকা সেই নিষ্কিণ্ণ আবরণ খানি তুলে আবার নিজের গায়ে ঢাকা দিয়ে আড়ালে চলে যায়।

মুক দর্শকবৃন্দ সাক্ষ্যনেত্রে ঘরে ফেরে।

এমনি প্রতিদিনই!

কিন্তু প্রতিদিনের নাচের সঙ্গে প্রতিদিনের মিল নেই। এইটুকুই বিষয়। প্রতিদিন নব নবতর রূপে, রসে, প্রকাশে, বেদনায়, কারুণ্যে গায়িকার নির্ঝাঁক নৃত্য সকলকে অভিভূত করে তোলে।

আর সে কী তার যৌবনশ্রী! মনে হয়, মাটির কানায় কানায়, কলস্বনার উন্মিরেখায়, আকাশের কিনারায়, বাতাসের ইসারায় তার যৌবনের আবেগ রোমাঞ্চ হয়ে ওঠে।

গায়িকা মধুর হাসি হেসে বলে—আমার নিজের শক্তি ত কিছু নেই, বাঁশী বাজে বলেই আমি—

শিল্পীর স্বাভাবিক বিনীত উদারতা ভেবে সবাই চুপ করে থাকে।

কিন্তু কে এবং কোথায় এই বংশীবাদক!

তারপর আবার বাঁশীর করুণ সুর রাত্রির অন্ধকারে শেষ নিশ্বাস ফেলে মিলিয়ে যায়, দেখতে দেখতে গায়িকার লীলায়িত তত্ত্বলতাটির নৃত্যভঙ্গিও থেমে আসে।

দিনের ওপর দিনের লুপ্তন চলে এমনি করেই।

সেদিন দর্শকেরা চলে যাবার পর মন্দির জনশূন্য হলে গায়িকা ধীরে

মুক্তি

ধীরে বাইরে বেরিয়ে এল। দূরের বাঁশীর আওয়াজ একটু আগেই থেমেছে। সেইদিকে লক্ষ্য করে বরাবর সে নদীর ধারে এল।

টাদিনী রাজি। পাড়ের কাছে নদীর জল চক্‌চক্‌ করছে। গায়িকা চারিদিকে একবার ভাল করে চেয়ে দেখলে কোথাও কেউ নেই। নদীর স্রোত যেদিক হতে এসেছে আর যেদিকে মিলিয়ে গেছে— দুইদিকে শুধু অস্পষ্ট সাদা আকাশ। এক আকাশ তারা চন্দ্রালোকে স্নান হয়ে গেছে।

গায়িকা সেদিনের মত ফিরে গেল। হাসতে হাসতে আপন মনেই বললে—এ বাঁশী কেউ বাজায়, না আমার নিজের মধ্যেই বাজে!

কিন্তু রহস্য আর রহস্য থাকতে চায় না।

সেদিন উন্মুখ ব্যাকুল দর্শকবৃন্দকে ফাঁকি দিয়ে গায়িকা মন্দিরের পিছনের দ্বার পথে বাইরে বেরিয়ে এল।

বংশীধ্বনিতে আজ আর রহস্য নেই—স্পষ্ট, সহজ, সঙ্গীত।

নদীর পথে গায়িকা চলতে লাগলো। এ এক অচেতন পথ চলা! এ পথের কোথায় স্তব্ধ আর কোথায় শেষ,—সে যেন নিজেই জানে না। মনে হল সে ছাড়া, এই বিশ্বব্যাপিনী প্রকৃতি শরাহতা কপোতীর মত ভাষাহীন বেদনার রক্তে ডুবে থর থর করে কাঁপচে। বাঁশীর প্রত্যেক গমকে যেন পৃথিবী নব নব রঙ্গে রঙিন হয়ে উঠছে, নব নব জাগরণে জেগে উঠছে।

মাটির তলায় এ বিশ্বের নির্বাসিত নিদ্রিত আত্মা বিদীর্ণ ধরিজীর মাঝ থেকে উঠে এসে যেন বলতে চায়, থামাও—বাঁশী তোমার থামাও। মুক্তিকার প্রাণরহস্যকে জাগিও না। মাল্লষকে কাঙাল কর না!

আদি ও অকৃত্রিম

ক্রমে কাছে গিয়ে গায়িকা বংশীবাদককে দেখতে পেল। যুবক হৃন্দর স্পৃহা! মাথায় শিকড়ের মত জটা জটা চুল। পিছন দিকে গিয়ে নিঃশব্দে সে দাঁড়ালো।

এই নির্জন নদীতীর, হৃৎক্ষেপে অপরিচিত পুরুষ, সে যে হৃন্দরী যুবতী,—এ সব আর তার খেয়াল নেই।

অনেকক্ষণ সেখানে দাঁড়িয়ে রইলো। পা ছুটি ভারি বোধ হচ্ছে। শরীর কেমন যেন অবসন্ন হয়ে আসছে। মনে হল, তার মূল্যবান গাত্রাভরণ গুলিও আজ নিতান্ত গুরুভার বোধ হচ্ছে

এমনি ভাবে দাঁড়িয়ে দাঁড়িয়ে গায়িকা আবার নিজের পথে চলে গেল।

পরদিন ঠিক সময় আবার সে ঠিক সেই জায়গাটিতে এসে নিশ্চল হয়ে দাঁড়ালো। আজ কিন্তু আর একটু কাছে।

বাঁশী তেমনি একমনে বেজে চলেছে—কোনদিকে ভ্রক্ষেপ নেই। কি ছাই নাচ!—গায়িকা ভাবে।

অত্যন্ত সন্তর্পণে সে অদূরে বালুচরের ওপর চূপ করে বসলো। সে যেন নিতান্ত দীন—নিতান্ত দরিদ্র!

আর একটু কাছে সরে গেল।

এতক্ষণে বাঁশী থামলো। গায়িকা চমকে উঠতেই তার চোখ দিয়ে জল ঝরে পড়ল।

যুবক একবার মাত্র তার দিকে ফিরে তাকালে, তারপর আপন মনেই উঠে ধীরে ধীরে চলে গেল।

সে যে একটা জীবন্ত মানুষ, যুবতী নারী সে, সে যে জন্তু জানোয়ার অথবা জড় পদার্থ নয়,—যুবকের মুখে এসব কোন লক্ষণই প্রকাশ পেল না। তাঁদের আলোয় ছায়ায় মত মিলিয়ে গেল।

মুক্তি

গায়িকাও নিতান্ত ভারাক্রান্ত মনে আপনার পথ ধরলে।

রাত্রির অবশুণ্ঠনে আবার দিবালোকের মুখ ঢাকা পড়তে থাকে।

হুদিন আর গায়িকা সে পথে গেল না।—অভিমান!

মুখের দিকে একবার ফিরেও তাকায় না! অহঙ্কার কি তার এতই বড়!

কিন্তু তৃতীয় দিনেই আবার গায়িকা গিয়ে হাজির। এবারে আর পিছন দিকে নয়, পাশে গিয়ে দাঁড়ালো।

বাদকের কিন্তু হুঁস নেই। সে তখন বাঁশীতে বিভোর। অবশ দেহে গায়িকা কান পেতে শুনতে লাগলো। এমন কতক্ষণ কে জানে! তারপর কখন নিজের অজ্ঞাতে সে এক-পা এক-পা করে একেবারে স্তম্ভে গিয়ে দাঁড়ালো।

এ বাঁশীর উচ্ছ্বাসের কোন ভাষা নেই। মনে হচ্ছিল, সমস্ত বিশ্ব-সংসার অটল শান্তিতে স্তব্ধ হয়ে স্তব্ধ শুনচে। ঘূর্ণীর গতি যেন থেমে গেছে।

গায়িকা নিঃশব্দে সেখানে বসে পড়ল। বংশীধারীর চমক ভাঙলো এতক্ষণে। বাঁশী ধামিয়ে মুখ তুলে বললে—কি চাও?

গায়িকার মুখে কথা নেই। আকাশের পরিষ্কার চাঁদের আলো তার গায়ের আভরণে ঝক্ ঝক্ কচ্ছে। ঘাড় বাঁকিয়ে হেঁট হয়ে বালির ওপর জাঁক কাটতে লাগলো। যুবক স্থির দৃষ্টিতে তার দিকে চেয়ে রইলো।

গায়িকা বড় অস্বস্তি বোধ করছিলো। এমন করে কেউ যে তার দিকে চেয়ে থাকতে পারে, এ সে জানতো না।

মুখ তুলে বললে—তাকাও কেন অমন করে?

আদি ও অন্তিম

যুবক একবার আকাশের চাঁদের দিকে চাইলে ; তারপর হঠাৎ বললে—এত রূপ তোমার ?—বলে সে হাতের কাছে পান-পাত্র তুলে নিয়ে কি একটা তরল বস্তু পান করতে লাগলো ।

গায়িকা উঠে দাঁড়ালো, ঘৃণায় নাসাকুঞ্জন করে বললে—ছি ছি ।—আর দাঁড়ালো না, দ্রুতপদে আপনার ঘরের পথে চললো ।

কিন্তু পরদিন আবার যখন বাঁশী বাজতে শুরু করেছে, তখন দেখা গেল গায়িকা আবার সেই পথে আসচে । তেমনি শিথিল গতি, তেমনি অবশ তনু-মন । মগ্ন চেতনার মধ্যে তার তখন স্বরের আগুন ধরে গেছে ।

যুবকের কোনদিকেই খেয়াল নেই । গায়িকা ধীরে ধীরে এসে স্নমুখে কাছেই বসলো ।

যুবকের চোখে জল । বাঁশীর সঙ্গে তার চোখের জলের ভাষা মিলে গেছে । গায়িকা চুপ করে তার মুখের দিকে চেয়ে রইলো ।

এ এক দৃষ্টি ! অভিভূত—অচেতন,—ঘুমন্ত !

তারপর আরও কাছে সরে এল । ধীরে ধীরে যুবকের গায়ে হাত রাখলে । মুখে হাত দিলে । গায়ে, মাথায়,—বুকে ।

গায়িকার সর্বাঙ্গ তখন থর থর করে কাঁপচে । জড়িত কণ্ঠে বললে—তুমি—তুমি কে ?

বাঁশীর স্বরে যুবক বললে—আমি পুরুষ ! তুমি কি জীবনে পুরুষ দেখ নি ?

দেখেছি । কিন্তু তোমাকে কখনও—

পুরুষের স্পর্শও পাওনি কোনদিন ?

গায়িকা নির্বাক ।

মুক্তি

বাঁশী থেকে মুখ সরিয়ে যুবক গায়িকার একটি হাত ধরে বললে—
তোমার যৌবনশ্রীর কি অর্থ জানো ?

বোধহয় সে একটুখানি হেসেছিল—গায়িকা হাত ছাড়িয়ে তাড়াতাড়ি,
উঠে দাঁড়ালো। বললে—কি ?

যারা ভোগী তারা তোমার দেহকে নিষ্পেষণ কর্তে চায়।

তুমি ?

যুবক হেসে বললে—আমি ! আমিও ত মানুষ ! কিন্তু আমি
সেই শক্তির অধিকারী, যে তোমার ওই রক্ত মাংস বাঁশীর ফুংকারের
মধ্যে উড়িয়ে দেবে।

গায়িকা মুগ্ধ তুলে চাইলে।

যুবক দূর নদীরেখার 'দিকে' চেয়ে আবার বললে—শুধু থাকবে
তোমার ওই সৌন্দর্যের আত্মা ! যার ছোঁয়াচই আমার শক্তিদান
করবে।—বুঝলে ?

গায়িকা ভয়ে ভয়ে উঠে তাড়াতাড়ি চলে গেল।

বাঁশী আবার বাজে। সে বাঁশী গায়িকাকে সংসারের প্রতি উদাসীন
করে তুললে।

অলঙ্কার—আভরণ যা কিছু, সে খুলে ফেললে। প্রসাধন সম্বন্ধে
সম্পূর্ণ কৃচ্ছ্রসাধন করে গৈরিক বসনে দেহ আবৃত করলো।

আজকের এই বাঁশীর আওয়াজে তার কান্না আর থামতে চায় না।
মাঠের বাঁশী যেন নিঃশব্দের প্রলাপ গান।

ফুঁপিয়ে ফুঁপিয়ে কঁাদতে কঁাদতে গায়িকা যুবকের কাছে গিয়ে বললে

আদি ও অকৃত্রিম

—এ তোমার কি প্রলোভন, আমি ছাড়তে পারি না যে! আমার মুক্তি দাও, তোমার পায়ে পড়ি।

যুবকের পায়ে সে লুটিয়ে পড়ল। যুবক বললে—দেহের মুক্তি ত নেই গায়িকা!

তবে?

যার মুক্তি নেই, সে তোমার নয়। যে তাকে চায়—তারই।—
যুবক তার হাত চেপে ধরলে।

গায়িকা ফুলে ফুলে কাঁদছিলো। বললে—তোমার ওই বাঁশীর কাছেই আমি নিজেকে বিলিয়ে দিতে চাই।

কিন্তু তোমার দেহ যে বাধা।

আবার সেই হেঁয়ালী! গায়িকা শুধু বললে—তবে?

দেহের ভেলায় চড়ে তার কাছে যেতে হয়। লাফিয়ে ত ওপারে যাওয়া চলে না, গায়িকা! বাঁশী যে বাজায় সেই তোমার কর্ণধার।

উত্তরে যুবক কুৎসিত হাসি হাসলে। গায়িকা আর কোনও কথা বলে না।

যুবক আবার বাঁশী তুলে বাজাতে শুরু করলে। একহাতে বাঁশী বাজায়, আর একহাতে গায়িকার গায়ে হাত বুলায়।

গায়িকা বললে—তোমার স্পর্শ এমন ভীষণ রোমাঞ্চকর কেন?

—আমি যে পুরুষ!

অভিভূতের মত গায়িকা বললে—তুমি কি চাও?

—রক্ত চাই, মাংস চাই, তোমার এই দেহের আগুনে ডুব দিতে চাই।

—যে এমন বাঁশী বাজায়, সে এত কুৎসিত কেন?

মাটির ঢেলা

উত্তরে যুবক গর্ষিত কণ্ঠে বললে—যে বাঁশী বাজায়, সে অত্ৰ একজন।
তোমার মত লক্ষ স্তম্ভরীকে সে চায় না—আমি তোমাকে চাই। আমি
সন্তোষ ভালবাসি।

—সন্তোষের মধ্যে আত্মা কি ক্লেশাক্ত হয় না?

—না। যদি আগুন থাকে।

ওকি, কঁাদো কেন অমন ফুঁপিয়ে ফুঁপিয়ে?

নিজেকে মুক্ত করে নিয়ে গায়িকার সে কী কান্না! নিজের হাত
কামড়ে, চুল ছিঁড়ে, মাথা ঠুঁকে,—রোক্তমান গায়িকা যেন নিজেরই
টুঁটি কামড়াতে চায়।

জীবনে সে পাপ করেনি। আজ আত্মহত্যা করে বসলো! লজ্জায়,
ধিকারে, অপমানে, বেদনায় ম্লানিতে,—সে এক মর্যাস্তিক কান্না!

হয়ত তার ক্লেশাক্ত আত্মার আর্তনাদ!

কিষ্ণা হয়ত তার ভিতরে কোথাও কোনদিন আগুন জ্বলেনি।

পরদিন ভোর রাত্রে সকলে সবিস্ময়ে দেখলে, মন্দিরের কৃষ্ণমূর্তির
স্বমুখে নাটমন্দিরে গায়িকার রক্তাক্ত অচেতন দেহ পড়ে আছে।

গলা কাটা। হাতের কাছে একখানা ধারালো অস্ত্র।

সেদিন থেকে বাঁশী আর বাজে না।

মাটির ঢেলা

পথ দিয়া গেলে লোকে ইঁা করিয়া চাহিয়া থাকে; শূন্য একটা পিপে
ঘুরিয়া ঘুরিয়া চলিলে যেমন দেখায়,—ঠিক তেমনি। দোষিতে দেখিতে
লোকের পেটের ভিতর হাসি ফেনাইয়া ওঠে।

আদি ও অকৃত্রিম

ছ'বেলা বাসন মাজে, বাড়ীখানা ধুইয়া দেয়, আর এটা-ওটা। এই-ত কাজ! বাজার করিতেও হয় না। পয়সা হাতে পড়িলে সে নাকি আর ছাড়িতে চায় না—সেই কারণে!

দোকানীরা বলে, এসো না বাপু তুমি, দোকানের এখনও বউনি হয়নি—যাও, উই ছাতুখোর বেটার দোকান থেকে মুড়ি কেনো গে যাও!

ফ্যাল ফ্যাল করিয়া সকলের দিকে চায়; তারপর ওই একটুখানি হাসিয়া তেমনি করিয়া থপ্ থপ্ করিতে করিতে ছাতুখোরের দোকানের দিকে চলে।

দোকানী বিড়-বিড় করিয়া বলে, হতচ্ছাড়া মাগির ঠামে-ঠামে চলা দেখ!

ছেট্টুলাল বাংলায় বলে, ছাতু লেবি এই—মাগী, আবার এসিয়েছে—বলিয়া কাঠের হাতলটা দিয়া তাহার গালে একটা ঠোনা দেয়।

আঁচল হইতে পয়সা বাহির করিয়া একটু হাসিয়া সে বলে, মুড়ি দাও! একটা লক্ষাও দিও,—আর দুটি ছোলাসেদ্ধ ফাউ! দাও এই হাতে। বলিয়া বাঁ হাতটা পাতিয়া দাঁড়াইয়া থাকে।

ছেট্টু হাসিতে হাসিতে দুটি ছোলাসিদ্ধ তাহার হাতে দেয়, তারপর মাটি-পোরা একটি কুন্কের তিন কুন্কে মুড়ি তাহার আঁচলে ঢালিয়া দিয়া বলে, যা ঘর যা, পালা—। মুড়ি ফাউ আর সে দেয় না।

সে বলে, দাঁড়া ভাই, যাচ্ছি! তাড়াস কেন? বলিয়া ছেট্টুলালের দিকে হি হি করিয়া হাসিয়া চলিয়া যায়। খানিকদূর গিয়া আপন মনে বলে, ছেট্টুলালটা ভারী বজ্জাত! কি সব বলে……হাসতে হাসতে পেটে আমার খিল ধরে। বলিয়া ঠোঙা হইতে এক আঁজলা মুড়ি গালে পুরিয়া চিবাইতে থাকে।

মাটির ঢেলা

লোকে পাশ কাটাইয়া চলিয়া যায়।

খেঁদা বলে, সব লো সব ; অমন রাস্তা লেপ্টে দাঁড়িয়ে থাকিসনে।
বলিয়া একটা ঠেলা দেয়।

বয়সও নেহাৎ অল্প নয়,—পঁচিশ পার হইয়া গেছে, কিন্তু হাসিটুকু
এখনও যায় নাই। সাদা থান কাপড়খানি পরিয়া কাজকর্ম করে, কিন্তু
বিকাল বেলা লালপেড়ে সাড়ীখানি পরা চাই-ই চাই। কপালে একটা
টিপ লাগায়, আবার মাথায় সিঁথিতেও সিঁছর দেওয়া হয়, কিন্তু নিজের
খেয়ালে আবার কখন সেটুকু মুছিয়া ফেলে।

বদির মা তাহা দেখিয়া বলে, অ-তরুবালা শুন্‌চিস্ ?

সে মুখ ফিরায়।

কথায় কথায় তোর বর মরে বাঁচে নাকি ?

তরুবালা বলে, বাঁচেই ত ! জান বদির মা, সে ছিল.....। এমনি
এমনি। আমার চেয়ে মাথায় বড়—ঐ অতখানি ! চোখ মুখ টানা
টানা...বলিয়া হাত দিয়া শাড়ী কাপড়খানির ধূলা ঝাড়িয়া লইয়া ভবা
হইয়া বসে।

বদির মা মুখ টিপিয়া হাসে। পুনরায় বলে, কোথায় গেল সে ?

তরুবালা বেশ গম্ভীর হইয়া বলে, আছে, আসবে 'খন দেখবে।
বলিয়া গলির মোড়ে রাস্তার দিকে চায়। দ্রুত ব্যাকুল দৃষ্টি কাহাকে
খোঁজে।

কিন্তু কেউ আসে না। ঘর ঘর করিয়া গাড়ী ঘোড়া তাহার চোখের
উপর দিয়া তীর বেগে দ্বধারে ছুটিয়া চলে। রাস্তায় একে একে আলো
জলিয়া ওঠে। খেঁদা ছাতি বগলে করিয়া ঘরে ফিরিয়া আসে।

তরুবালা ঘরে উঠিয়া যায়। শাড়ীখানি ছাড়িয়া সযত্নে তুলিয়া

আদি ও অকৃত্রিম

রাখে। তাপর হঠাৎ কুলুঙ্গির দিকে নজর করিয়া বলে, ওই যা!
পানটা ত খাওয়া হয়নি!—বলিয়া পানটা নাড়িয়া-চাড়িয়া রাখিয়া দিয়া
বলে, কাল বিকেলে খাব, আজ থাক।

খগেনের আফিংয়ের দোকান। নিজেই কেনা-বেচা করে। পাঁচুকে
আজকাল আর দোকানে পাঠায় না। কাঁচা পয়সা চুরি করিয়া উচ্ছন্ন
দেয়।

খগেন মুখ খিঁচাইয়া বলে, শালার বেটা শালার বয়েস কুড়ি
পেরিয়ে গেল, জ্ঞান হ'ল না। বাইরের পয়সা ত কই ঘরে আনতে
পাল্লিনে? যত মধু ওই বাপের ইয়েতে—কেমন?

পাঁচু চুপ করিয়া থাকে, মিট মিট করিয়া চায়,—দেখে বাপ তাহার
চলিয়া গেল কিনা!

খগেন আরও রাগিয়া বলে, গয়লা-বোয়ের কাছে সেদিন প্যাঁদানি
হয়েছিল—বেশ হয়েছিল। বেটা এমন চুরি কল্লি যে ধরা পড়ে' গেল।
বাপ-পিতেমোর নাম ডুবল' যে হতভাগা! বলিয়া উড়ানীথানা কাঁধে
ফেলিয়া গর-গর করিয়া চলিয়া যায়।

পথ আগলাইয়া তরুবালা বলে, আজ নোলকটা আনবে গা?

খগেনবাবু কটমট করিয়া চায়। কিন্তু তরুবালা তাহা দেখিয়া হি হি
করিয়া হাসে।

খগেনবাবু বলে, নোলক আনব, না ইয়ে আনব—আবাগি কোথা-
কার! সব তাড়াব একে একে দাঁড়াও! বড মাথায় উঠে গেছ।
নে সর—

মাটির ঢেলা

তরুবালা সরে না। বলে, তবে একখানা চিরুণী? বলিয়া আবার হাসে।

আচ্ছা, তাই হবে। বলিয়া খগেন চলিয়া যায়। খানিক দূর গিয়া আপন মনেই বলে, মাগি এমনিতর গ্রাপান্পানা করে আমার সঙ্গে,—লোকে কি সব মনে করে বল দিকি?

তরুবালা ততক্ষণে বদির মার সঙ্গে গল্প জুড়িয়া দেয়। হঠাৎ বলে, আজ আমাদের বিয়ে হবে গো—

বদির মা বলে, আ মরু? কার সঙ্গে বিয়ে?

খিল্ খিল্ করিয়া তরুবালা হাসিয়া আড়ালে চলিয়া যায়। তারপর একটুখানি মুখ বাহির করিয়া বলে, ওই ত খগেনবাবু, চলে গেল!—

পাঁচু তাহাকে পিছন হইতে ঠেলিয়া দিয়া বলে, যাও আমার ঘর থেকে! এ-ঘরে মেয়েমানুষ আসা পছন্দ করি না।

তরুবালার মুখের হাসি শুকাইয়া যায়। শঙ্কিত দৃষ্টিতে চাহিয়া বলে, আর আসব না।

বড় বড় চোখে পাঁচুর ঘরের দিকে তাকায় বলে,—কি ক'রে চায় আমার দিকে, দেখলে ভয় করে!

আবার তখনই সে কথা ভুলিয়া যায়। আপন মনে আবার হাসে।

পাঁচু সেই অন্ধকার ঘরে ভাঙা তক্তাটার উপর বসিয়া পড়িয়া বলে, ওকে রাখা কেন? কি দরকার? ওর থেকে লাভ কি? বলিয়া আফিংয়ের গুলিটা মুখে পুরিয়া এক ঢোক জল খায়। তারপর বলে, বাপ বলে' কি আমার চেয়েও চালাক? কিছু বুঝি? বলিয়া উঠিয়া যায়। বাপের ছঁকাটা লইয়া এক ছিলিম তামাক সাজিতে বসে।

আদি ও অকৃত্রিম

অত বেলায় পাঁচ পাত কুড়াইয়া জড়ো করিল—ডালে তরকারিতে ভাতগুলা মাখামাখি। তাহাই একখানি খালায় তুলিয়া দরজাটির কাছে বলিল। তারপর হঠাৎ একবার ছুটিয়া নিজের কোটরে গিয়া ছোট্ট আরসিখানি হাতে করিয়া বলিল, এইবার—এমনি—এমনি হবে। বলিয়া আয়নায় প্রতিফলিত দু'টি ঠোটে বার-তিনেক হাত ঠেকাইয়া একটু একটু হাসিতে লাগিল।

পিছন হইতে পাঁচু বলিল, কি হচ্ছে ?

তরুবারা হাতি ম্লান হইয়া আসিল। আরসিখানি দেখাইয়া বলিল, এই যে—দেখছি।

পাঁচু আজকাল প্রায়ই তাহাকে ঠাট্টা করে। বলিল, মুখ দেখা হচ্ছে বুঝি ?

মুখ দেখছি—হুঁ—ভাত খাব যে—! দেখবে? বলিয়া পাঁচুর হাতের কাছে ভয়ে ভয়ে সে আরসিখানি বাড়াইয়া ধরিল।

হাতের বিড়িটা ফেলিয়া দিয়া পাঁচু একটু হাসিল। তারপর একবার দরজার দিকে চাহিয়া বলিল, কি সব ভাত তরকারি জড়ো করেচিস? বলিয়া তাহার পিঠে একটা খোঁচা দিয়া বলিল, যাও, বেশ মুখ দেখা হয়েছে—এইবার থাওগে! মুখ দিয়ে ত রস গড়াচ্ছে—

তরুবারা বাহির হইয়া গেল। পাঁচু আবার একটা বিড়ি ধরাইয়া বলিল, আর একটু রোগা হলে তরুটাকে বেশ দেখতে হ'ত। বলিয়া বিড়িতে আর একটা টান দিয়া পুনরায় বলিল, ছাই হতো!

শাড়ী কাপড়খানিকে চোখের আড়াল, করিতে পারে না। দিনান্তে

মাটির ঢেলা

শতবার ধূলা বাড়িয়া গোছ করিয়া রাখে। ছাদে শুকাইতে দিয়া
হুমুখে বসিয়া থাকে ও সেইদিকে চাহিয়া গুণ গুণ করিয়া গান গায়।

ওই কাপড়খানির জুতাই যেন সংসারে সে বাঁচিয়া আছে।

খাইতে বলিলে খায়, শুইতে বলিলে শোয়। বাঁচিবার গরজ তাহার
নিজের যেন কিছুই নাই।

পাঁচু তাহাকে দেখিলেই বলে, শাড়ী কই তোর? নতুন শাড়ী?
বলিয়া হাসিতে হাসিতে শিষ্ দিয়া চলিয়া যায়।

রহস্য-পুরীর পাষণ শিলায় অহুভূতির তরঙ্গ আছড়াইয়া পড়ে—
যেন ভাঙ্গিয়া ফেলিতে চায়।

পাঁচুর সে চাহনি দেখিলে তাহার ভিতরে ভিতরে কাঁপুনি ধরে।
জাল দেখিলে হরিণীর যেমন আতঙ্ক হয়।

তবু মুখ ফুটে না; মনে হয় নিজেরই ভুল। বিশ্বাস করিবেই বা কে!

আবার সব ঘুলাইয়া যায়। শাড়ী কাপড়ের আঁচলটা চোখের
সামনে পতপত করিয়া ওড়ে! চুল কুলাইতে কুলাইতে বলে, ওই যা!
আজ যে পান সেজে রাখা হয় নি! বলিয়া কাপড়খানা বগল-দাবা
করিয়া তাড়াতাড়ি নীচে নামিয়া গিয়া পান সাজিতে বসে।

সন্ধ্যার পর গাড়ুটা দেয়ালের কাছে রাখিয়া খগেনবাবু বলে, তামাক
দে রে—

তামাক লইয়া তরুবালা আড়ালে দাঁড়াইয়া থাকে—ভাক শুনিবার
অপেক্ষায়। তাড়াতাড়ি ভিতরে গিয়া খগেনবাবুর হাতে হুকাকাটা দিয়া
সেইখানেই হাসিতে হাসিতে বসিয়া পড়ে।

আপন মনে বাবুর পা দুইটা কোলের ভিতর টানিয়া লইয়া টিপিতে
থাকে।

আদি ও অকৃত্রিম

খগেনবাবু তামাকে টান দিয়া বলে, তোকে ত আমি ঝির মতন দেখিনি, নিজেদের মতন করেই রাখি। তুই বেটি ওই মাঝে মাঝে বেয়াড়ামো করিস, ওইতে রাগ হয়—

তরু আবার হাসে। মাথার চারটি চুল খগেনের পায়ের উপর ছড়াইয়া পড়ে।

নেপথ্যে গিন্নির গলা শোনা যায়।

খগেনবাবু একটু কাসিয়া বলে, পাঁচু কই গা ?

ভীতিব্যাকুল দৃষ্টিতে তরুবালা এদিক-ওদিক চায়। খগেনবাবু সরিয়া বসে।

তরু বলে, বাড়ী নেই, বাড়ী নেই আমি জানি— আরও কি বলিতে যায়—পারে না। বলিবার ভাষা কুলায় না।

ছোট আরসিখানি স্মুখে রাখিয়া খোঁপা বাধিতেছিল। পাঁচু আড়াল হইতে সরিয়া আসিয়া বলিল, খোঁপা বেঁধে কি হবে, দেখবে কে ?

তাহার কণ্ঠস্বর শুনিলে হাত-পা চলে না। তবু একটু হাসিয়া তরুবালা বলিল, খোঁপা বাঁধছি—অমনি—

পাঁচু এদিক-ওদিক চাহিয়া বলিল, তোমার বিয়ে হয়েছিল তরুবালা ?

তরুবারা সে কথা মনে নাই। বলিল, কবে ?

হি হি করিয়া পাঁচু হাসিল, বলিল, কবে তা আমি কি জানি !

তবে হয়নি—বলিয়া তরুবালা একটা নিঃশ্বাস ফেলিল। তারপর বলিল, একদিন হবে, ওই বদির-মা বলছিল—ও বড্ড হাসে—

পাঁচুর সে কথা শুনিবার প্রয়োজন ছিল না। একবার উঁকি মারিয়া

মাটির ঢেলা

বাহিরের দিকে চাহিল। তারপর সরিয়া আসিয়া বলিল, একটা কথা বলব শুনবে ?

‘ঊ’ বলিয়া তরুবালা উদাসদৃষ্টিতে তাহার মুখের পানে তাকাইল।

—হঁ। আচ্ছা থাক্গে। বলিয়া পাঁচু একবার বাহিরে চলিয়া গেল। আবার তখনই ফিরিয়া আসিয়া বলিল, তোমায় কিন্তু দেখতে বেশ তরু—

তরু চূপ করিয়া তখনও হাসিতেছিল। হঠাৎ বলিল, আরও—আরও ভাল দেখতে ছিলুম—বুঝলে ? আরও ভাল। খু—ব……

তা দেখতেই পাচ্ছি। বলিয়া তাহার চিবুকটা নাড়িয়া দিয়া পাঁচু হন্ হন্ করিয়া বাহিরে চলিয়া গেল।

.

থাইতে বসিয়া খগেন বলে, মুখের দিকে অমন ড্যাভ্ ড্যাভ্ করে চেয়ে আছি কেন রা ? খাওয়া দেখছি বুঝি ?

তরুবালা খিল্ খিল্ করিয়া হাসিয়া বলে, দেখছি ত—অত ক’টি ভাত খাও তুমি ? আমি এত……বলিয়া নিজের আহারের পরিমাণটা দেখাইয়া দেয়।

গিন্নী বলেন, পথ ছেড়ে বস্ বাপু, তোর ও আদিখ্যেতা ভাল লাগে না। আবার একটু খামিয়া বলেন, উঠে যা ওখান থেকে—মাহুষকে খেতে দে। অত মাখামাখি কেন ?

খগেন বাবু বলে, থাক নাগা ! চূপ করে বসে রয়েছে, থাকুক না কেন !

গিন্নী গব্ গব্ করিয়া বলে, থাকবে থাকুক,—আমিই চলে যাচ্ছি। বলিয়া হঠাৎ স্বামীর পিঠে একটা আঙ্গুলের টিপ দিয়া গিন্নী বলে, ওই দেখ, ওই মুখ দিয়ে দরানি গড়াচ্ছে—খেতে খেতে চেয়ে দেখলে ঘেন্না

আদি ও অকৃত্রিম

করে না? বলিয়া কাছে গিয়া গিন্নী চোখ পাকাইয়া বলে, যা উঠে যা—আবাগি! পাগল ছাগলের একগুণ বেশী!

তরুবালা হাসিতে হাসিতে উঠিয়া যায়। ঘরের ভিতর গিয়া জানালার ধারে বসিয়া গান ধরে,—‘ভালবাসি চাঁপাফুল—’

পাশের ঘরে পাঁচু বসিয়া তাহার গান শুনিতে শুনিতে এদিক ওদিক তাকায়।

খানিক বাদে উঠিয়া খগেন বাবুর চটি জুতা জোড়াটি আঁচল দিয়া মুছিয়া রাখে।

খগেনবাবু তাহা পায়ে দিয়া দোরের কাছে আসিতেই সে তাহার হাত দুইটি ধরিয়া বলে, আজ চিরুণী আনবে?

তাহার মাথার চুলগুলি নাড়িয়া দিয়া খগেনবাবু একটু হাসিয়া বলে, চুল কই যে চিরুণী দেবে মুখপুড়ী?

তরু আবার বলে, আনবে বল?

সব্ সর্ব, বেলা গেছে, দশটার সময় দোকান খোলবার কথা—

কিন্তু তরু ছাড়ে না। ঠোঁট দুইটির কাছে অবজ্ঞাত অন্তরাআর সমস্ত ইতিহাসটি গুঞ্জন করিয়া ওঠে। সারা জীবনটিতে যে কথা অব্যক্ত রহিয়া গেছে তাহাই বলিবার চেষ্টায় মুখ তুলিয়া ধরে, কিন্তু তবুও বলিতে পারে না। নিমেষে সমস্ত হারাইয়া যায়। আন্তে আন্তে বলে, আনবে বল?

আন্ব, আন্ব। বলিয়া তাহার পিঠ চাপড়াইয়া খগেনবাবু বাহির হইয়া যায়।

তরুবালা একদৃষ্টে পথের দিকে চাহিয়া থাকে। চোখে জলও আসে।

মাটির ঢেলা

কথার প্যাঁচে নিজেকে হারাইয়া ফেলে। পাঁচুর মনের কথা বুঝিতে পারে না। যখন তখন পাঁচুকে দেখিয়া বলে, আরও ভাল দেখতে ছিলুম—বুঝলে ?

পাঁচু তামাক টানিতে টানিতে হাসে, বলে, তোমার চুল আরও কালো ছিল, না তরু ?

তরু চুলের রাশ লইয়া দেখে। মুখের উপর চুলগুলি ঝাঁপাইয়া পড়ে। বলে, ছিলই ত, আরও অনেক বড় বড়—বদির-মা বলে—। বলিয়া হাসে।

আগেকার সে আতঙ্ক মন হইতে মুছিয়া গেছে। নির্জনে হাসিয়া হাসিয়া কথা কহিতেও তাহার বাধে না। পাঁচু চিবুক ধরিয়া নাড়িয়া দিলেও চুপ করিয়া থাকে। শুধু ফ্যাল ফ্যাল করিয়া চায়, আবার কখনও ফিক্ করিয়া হাসিয়া ফেলে।

ছাদের পাচিলের কাছে বসিয়া রৌদ্রে চুল শুকাইতেছিল। সেদিকে একবার উকি মারিয়া পাঁচু ছোট বোনটাকে বলিল, মা কোথায় রে ?

গঙ্গা নাইতে—সে বলিল।

পাঁচু ছাদের কাছে সরিয়া গেল। নিকটে গিয়া বলিল, নিজের তত্বির করতেই ত মারাদিন গেল—

তরুবালা তাহার দিকে চাহিয়া হাসিল। সেই পুরাতন গানটার একটা কলিও আস্তে আস্তে গাহিল, ‘ভালবাসি চাঁপাফুল—’। তারপর হঠাৎ আকাশের দিকে চাহিয়া বলিল, আচ্ছা মানুষ মরে যায়, আবার ফিরে জন্মে ? কই, বল দেখি। বদির-মা বলে, ভূত হয়।

আদি ও অকৃত্রিম

পাঁচু পিছন ফিরিয়া ছোট বোনটাকে বলিল, তুই এখানে দাঁড়িয়ে কেন ?

সে চলিয়া যাইতেই পাঁচু সরিয়া আসিয়া বলিল, ওসব কথা ভেবে কি হবে তরু ?

ভাবব না ?—আচ্ছা ।

তোমার বুঝি কিছু ভাল লাগে না ?

তরু মুখ ফিরাইয়া নিরর্থক হাসি হাসিল । তারপর বলিল, খুব লাগে । বদির-মা বলছিল—

পাঁচু সরিয়া আসিয়া তাহার আঁচলের খুঁটটা লইয়া হাতের মধ্যে পাকাইতে পাকাইতে বলিল, তরুবালা ।

তরুবালা মুখ তুলিল ।

ক্রুর সর্পের মত চাহিয়া পাঁচু একটু হাসিয়া বলিল, একটা কথা বলব—রাখবে ?

কি কথা তরু তাহা বুঝিল না । বলিল, খুব রাখব । যা বলবে তাই শুনব ।

পাঁচু তাহার একটা হাত থপ্ করিয়া ধরিয়া বলিল, সত্যি তোমায় আহার খুব ভাল লাগে । শুনবে ?

হাঁ শুনব—খুব শুনব । বলিয়া তরু হেলিয়া ছলিয়া চলিয়া গেল ।

ছোট মেয়েটা হাত পা নাড়িয়া মাকে কি সব বলিয়া দিয়াছে ।

তাই হঠাৎ গেল কাল রাতেই পাঁচু বাড়ী ছাড়িয়া কোথায় পলাইয়া গেছে ।

আশেপাশে কানাকানি চলিতেছিল ।

মাটির ঢেলা

বদির-মা জানলায় মুখ বাড়াইয়া কি সব বলিয়া গেল...আগুন আর ঘি...

মার খাইয়া গায়ে পিঠে দড়া দাগ বসিয়া গেছে। মেয়েটা যন্ত্রণায় সারা সকাল ছটফট করিয়াছে।

পাঁচুকে খোঁজাখুঁজি করা হইয়াছে, কিন্তু পাওয়া যায় নাই। গিন্নি কাঁদিতেছেন। রাগটা তরুবারের উপর।

খগেনবাবুর রাগ তখনও যায় নাই। কুঠুরী হইতে চুলের ঝুটি ধরিয়া তাহাকে স্তম্বে আনিয়া মার। হারামজাদী!—আবার পিঠে এক চাপড়!

গিন্নী অগ্নিমুখী হইয়া কাঁচি আনিয়া তাহার চুল কাটিয়া দিল।

মার খাইয়া পলাইতেও জানে না। ঠোঁটের উপর দাঁত চাপিয়া বসিয়া থাকে, ছোট মেয়ের মতন।

কি দোষ যে করিয়াছে তাহা মনেই পড়ে না। কালকার কথা আজ তাহার মনে থাকেই বা কেমন করিয়া? পাঁচু বাড়ী নাই এই কথাই জানে। কিন্তু তাহার জন্ত সে মার থায় কেন?

চুলগুলাও কাটিয়া লইল! কি আর হইবে? খানিকক্ষণ বাদে গা ঝাড়া দিয়া উঠিয়া বাহিরে চলিয়া গেল।

শাড়ী কাপড়খানি তখন পুলায় লুটাইতেছে।

সেখানিকে তুলিয়া লইয়া শশব্যস্তে কাঁপিতে লাগিল। আজ সকাল হইতে সে ইহার খোঁজ লয় নাই।

চোখ দিয়া তখন টম্ টম্ করিয়া জল গড়াইয়া পড়িতেছিল। কাপড়খানি বুকে করিয়া খানিকক্ষণ চুপ করিয়া দাঁড়াইয়া রহিল।

গিন্নি বলেন,—তাড়াও ওকে।

আদি ও অকৃত্রিম

খগেনবাবু বলিল,—হ্যাঁ, তাড়াও—

মুখে বললে হবে না,—ওই দেখ দাঁড়িয়ে...

খগেনবাবু জুতা লইয়া তাড়া করিলেন।

গিন্নি বলিলেন, মারো, মারো—শ্রীকাকা সাজছ কেন ?

সে অপমান সওয়া যায় !

হাতের জুতা তরুবার পিঠের উপর ছিঁড়িয়া গেল !

বেদনায় তরুবারা কঁচোর মত পিঠমোড়া খায়, চোখ দিয়া দরদর করিয়া জল পড়ে, আর ফ্যাল ফ্যাল করিয়া তাহার দিকে তাকায়।

সে চাহনির যেন অর্থ আছে !

গিন্নির লাথি খাইয়া সে রাস্তায় গিয়া পড়ে। উঠিয়া আবার চলিতে থাকে।

গিন্নি বলে, শাড়ী দিয়ে যা মাগী, শাড়ী দিয়ে যা।

ফিরিয়া আসিয়া শাড়ীটি দরজার কাছে নামাইয়া দেয়।

বেরো এবার !

মেয়েটা এদিক-ওদিক তাকায়। খগেনবাবুকে আর দেখিতে পায় না। তখন সে ওঠে। উঠিয়া চলিতে থাকে।

চলে আবার ফিরিয়া চায়। আবার চলে।

কতদিন চলিয়া গেছে। পাঁচু ঘরে ফিরিয়াছে। কিন্তু তরু আর আসে না।

রাস্তায় খগেনবাবুকে দেখিয়া একদিন সে পায়ের ধূলো লইয়াছিল।

গায়ে কাপড়ও নাই। লোকে ঘৃণায় মুখ ফিরায়। রাস্তায় রাস্তায়

ট্রেনের প্রতীক্ষায়

ঘোরে। যা' তা' বকে। লোকের বাড়ী ভোজকাজে এঁটো পাতের কাছে গিয়া শকুনীর মত জায়গা জুড়িয়া বসে।

স্রীলোককে চলিতে দেখিলেই বলে, আমার কাপড়খানা পরেছ ? আবার বলে, ওদের বাড়ী কাজ কর নাকি ?

কখনও গান ধরিয়া দেয়, 'ভালবাসি টাপাফুল'—

ট্রেনের প্রতীক্ষায়

একদা তিনটি বন্ধু বেড়াইতে বাহির হইয়াছিল। পদব্রজে নয়, ট্রেনে করিয়া তাহারা পশ্চিমের অনেকগুলি স্বাস্থ্যকর জায়গায় ঘুরিয়া ফিরিয়া বেড়াইয়াছে। এইবার তাহাদের ফিরিবার মুখ, তাহার কারণ ট্রেনের টিকিটের নির্দ্ধারিত সময় উত্তীর্ণ হইতে আর বড় বেশী দেরি নাই। তাহা ছাড়া সস্তায় ইহার চেয়ে আর বেশী ভ্রমণ করাও চলে না।

বিহার প্রদেশের একটি ছোট স্টেশনে গাড়ী বদল করিতে হয়। কিন্তু বদল করিতে গিয়া শোনা গেল, কয়েকটি স্টেশন আগে গাড়ী লেট হইয়াছে, আসিতে বিলম্ব হইবে। নিরুপায় হইয়া তিনটি বন্ধু কি করিবে তাহাই স্থির করিতে লাগিল।

অতঃপর স্থির হইল তিনজনে তিনটি গল্প বলিবে। কয়েক প্যাকেট সিগারেট কিনিয়া তাহারা গল্প করিতে বসিয়া গেল।

হেমন্তের জ্যেৎমারাত। রাত অনেক। স্টেশনের সাড়াশব্দ ইতিমধ্যে ধীরে ধীরে কমিয়া আসিয়াছে। দূরে কোথায় একখানা শাণ্টিং ইঞ্জিনের সোঁ সোঁ করিয়া শব্দ শোনা যাইতেছিল। ওপারের

আদি ও অকৃত্রিম

প্লাটফরমে দু' একটা ফেরিওয়ালা বসিয়া বসিয়া ঝিমাইতেছে। একটা খোঁড়া কুকুর লাইন্ পার হইয়া এইমাত্র একদিকে ছুটিয়া গেল। চারিদিক ঠিক নির্জন নহে, কিন্তু নিস্তব্ধ।

মাথার পরে নক্ষত্রখচিত নির্মেষ আকাশ, টাদের আলোয় প্রাবিত হইয়া গিয়াছিল। সেইদিকে চাহিয়া একটা সিগারেট ধরাইয়া প্রথম বন্ধু গল্প স্বল্প করিল।

“এই তোমার সাঁওতাল পরগণার কাছেই, অনেকগুলি স্বাস্থ্যকর স্থান আছে জানো ত’? সে জায়গাটার নাম রাছ গ্রাম। পাহাড়ী জায়গা, প্রায় চারিদিকে প্রকাণ্ড মাঠ, মাঠ আর ধানের ক্ষেত। মাঝে মাঝে ছুটিতে পর্বে কোনো কোনো বাঙালী ওদিকে বেড়াতে আসেন, থাকেন, আবার চলে যান। কাছেই ছোট একটি সাঁওতালি গ্রাম।

‘কিছুকাল আগে একটি অবস্থাপন্ন পরিবার রাছগ্রামে বেড়াতে আসেন। কর্তার একটি মাত্র মেয়ে, মেয়েটি অত্যন্ত রুগ্ন, তখনো অবশ্য বিবাহ হয়নি। মা নেই, পিসিমা ছিলেন সঙ্গে। জাতিতে বোধ হয় যেন তাঁরা ব্রাহ্ম।

‘জল হাওয়ায় এবং জায়গার গুণে মেয়েটি একটু একটু করে’ সেরে উঠল। চলে’ ফিরে’ বেড়ায়, বই কাগজ পড়ে, গান গায়। কখনও দেখা যায় ফটকের ধারে ফুলগাছগুলিতে সে জল দিচ্ছে! একহারা ছিপ্‌ছিপে গড়ন, মেয়েটি যেমন শান্ত, তেমনি কোমল। নাম তার স্মৃতি। স্মৃতির বয়স কুড়ির বেশী নয়। সূস্থ হবার পর ধীরে ধীরে সে স্নন্দরী হয়ে উঠেছিল।

‘হাঁটতে যখন তার আর কোনো কষ্ট হয় না, তখন সে এখানে ওখানে প্রতিদিন খানিকটা পথ হেঁটে ঘুরে ফিরে বাড়ীতে এসে ঢুকতো। তার

সঙ্গী বিশেষ কেউ ছিল না। একদিন স্মৃতির ইচ্ছা হলো সে ধান-ক্ষেত সমস্তটা হেঁটে আসবে। হেঁটেই এল, হাঁটতে তার সত্যিই ভাল লাগে, বাড়ী ফিরল সে ক্লান্ত হয়ে।—এমনি করে' নিজের খেয়ালে ভ্রমণ করে' বেড়ানোটা তার অব্যাহত হয়ে উঠল। শালবনের পথে এঁকে বেঁকে সে যখন নিজের মনে চলে যেত, মনে হতো সে এই অঞ্চলের বনদেবী। কচিৎ কোনো কোনো পসারী ও পসারিণী থম্কে দাঁড়িয়ে এই রূপসম্রাজ্ঞীটির পানে অনিমেঘ নয়নে দেখে যেত।

সেদিন অপরাহ্নের দিকে পশ্চিম আকাশে একখণ্ড মেঘ মাথা চাড়া দিয়ে উঠেছিল। স্মৃতি একবার সেদিকে তাকিয়ে তাড়াতাড়ি বাড়ী ফেরবার চেষ্টা করল। পথ অনেক দূর। চলতে চলতে সেদিন হঠাৎ স্মৃতির মনে হলো, তার পিছনে কিছুদূরে কে একজন আসছে। মুখ ফিরিয়ে সে একবার তাকালো। এই লোকটাকে ক'দিন থেকে সে লক্ষ্য করছে, ঠিক এমনি সময়—অপরাহ্নে ও সন্ধ্যায়—দূর থেকে স্মৃতির অনুসরণ করাই তার কাজ। সেদিন কাছাকাছি থাকায় স্মৃতি তাকে ভাল করে' দেখল। কালো কষ্টিপাথরের মত লোকটার দেহ, বিস্তৃত। মাথায় বড়ো করে' চুল বাঁধা, গলায় প্রবালের মালা, মাথায় ও কাঁধে প্রবালের অলঙ্কার। চোখ দুটো প্রখর, উজ্জ্বল,—কিন্তু সে চোখ দীর্ঘায়ত। স্মৃতির দিকে অপলক দৃষ্টিতে সে তাকিয়েছিল।

স্মৃতি ভীর্ণ নয়, থম্কে দাঁড়িয়ে লোকটার উদ্দেশ্য সে জানবার চেষ্টা করল। পা টিপে টিপে শিকারী এসে যেমন করে পাখী ধরে লোকটা তেমনি অপলক দৃষ্টিতে কাছে সরে এল। কোন কথা বলল না, শুধু একটু হাসল। সে যে হাসল তার প্রমাণ শাদা ছ' পাটি ধবধবে দাঁত সে স্পষ্ট করে' দেখালো।

আদি ও অকৃত্রিম

স্মৃতি জিজ্ঞেস করল, কি চাও ?

লোকটা হাবাও নয়, বোবাও নয়, তবু শুধু একটি কথাই জানালো, তার নাম ভীর। চোখে তখন তার উগ্র আনন্দ, অপরিমিত উল্লাস, স্মৃতির কাছে দাঁড়াতে পেয়ে বীরতল্ল যেন তার রোমাঞ্চিত হয়ে উঠেছে। তার সেই কঠিন বলিষ্ঠ দেহ যেন ফেটে পড়তে চাইছে, আত্মপ্রকাশ করতে পারছে না বলে। হাতে ছিল তার একটি ছোট গাছের শাখা। শাখায় কয়েকটি তাজা সবুজ পাতা। সেটি সে স্মৃতিকে উপহার দিল। দিয়ে সে দাঁড়িয়েই রইল। শাখাটি নিয়ে স্মৃতি নিজের পথে চলতে লাগল, কিন্তু ভীর তার পিছু ছাড়ল না। এই হলো আমার গল্পের প্রথম পরিচ্ছেদ। এর পর থেকে কিন্তু এই সামান্য ব্যাপারটি ঘোরাল হয়ে উঠল। ভীরের আনাগোনা চলল প্রত্যহ। স্মৃতির আশে পাশে, কাছে দূরে, আড়ালে অন্তরীক্ষে ভীর দিনের পর দিন ঘুরে বেড়াতে লাগল। লোকটার যে কোন মন্দ অভিসন্ধি ছিল মনে হয় না, কিন্তু এমনিই। তার বাড়ী ঘর নেই, পরিজন নেই, তার দিন নেই, রাত নেই, শীত নেই, গ্রীষ্ম নেই—স্মৃতিকে চোখে চোখে রাখাই হলো তার কাজ। স্মৃতির বাবা সব শুনলে কিন্তু লোকটাকে তিনি আজো দেখতে পাননি। তিনি সতর্ক হইলেন, কিন্তু এ সতর্কতা যে কার জন্য তা তিনি বুঝতেই পারলেন না।

বাংলোর পাশে একটা জঙ্গল, সেই জঙ্গলের মধ্যে একটা গাছ হেলান দিয়ে ভীর বসে থাকত। বসে থাকত স্মৃতির ঘরের দিকে একান্ত দৃষ্টিতে তাকিয়ে। অন্ধকার রাতে সে বাংলোর চারিদিকে পায়চারি করে বেড়াত। স্মৃতির জীবন দুর্বল হয়ে উঠল। তার এড়াবার উপায় ছিল না, পালাবার পথ ছিল না। কোনো কোনো

দেগের প্রতীক্ষায়

সকালে উঠে সে দেখতে পেত' তার জানলার ধারে হয়ত একরাশি ফুল, কিম্বা কোন অজ্ঞাত গাছের শাখা, নয়ত একটি ফুল। এ যে উপহার তা সে বুঝত। জানলার বাইরে তাকালেই সে দেখত ভীরের ছায়া, রাত্রে আলো জ্বলে বসে' থাকতে থাকতে তার মনে হতো ভীর এসে তার স্বমুখে দাঁড়িয়েছে, করাল কৃষ্ণ ছায়া, ভয়ঙ্কর,—সর্বশরীর তার ভয়ে কণ্টকিত হয়ে উঠত'। ঘুমিয়ে ঘুমিয়ে সে ভীরকে স্বপ্ন দেখত, ডরিয়ে উঠত', ভয়ে তার চোখে জল আসত।

‘এ গল্পকথা নয়, সত্য ঘটনা। বছরদিন এমনি করে পার হয়ে গেল। এ দুঃস্বপ্নের বোঝা স্বমতি বহিতে পারত না, আবার সে শুকিয়ে উঠতে লাগল। এবার রোগ নয়, দুশ্চিন্তা। এ দুশ্চিন্তা ও বন্দীজীবন সইতে না পেরে—স্বমতি এক একবার আতর্জনাদ করে' উঠত! রাহু যেন তাকে একটু একটু করে' গ্রাস করছে!

‘অবশেষে একদিন পিতা ও পিসিমাকে নিয়ে এদেশ তাকে ত্যাগ করতে হলো। কয়েকটি স্টেশন পরে তার এক দূরসম্পর্কীয় ভাই থাকতেন। তিনি স্টেশন মাস্টার। স্টেশনের পাশেই তাঁর একটি বাংকার বাংলো। সেই বাংলোয় সবাই এসে উঠলেন।

‘স্বমতির মুখে আবার হাসি ফুটলো। যদিও সে মাঝে মাঝে মনোহীন হয়ে থাকে, তবুও তার শরীর ভাল হতে লাগল। এমন একটা ছেলের সঙ্গে স্বমতির হলো প্রেম। ছেলেটির নাম রঞ্জলাল। রঞ্জলাল স্বমতিকে সত্যি ভালবেসেছিল। এই দেশেই সনতুন ডাক্তারী করতে এসেছে।

‘কয়েক মাসের মধ্যেই রঞ্জলালের সঙ্গে স্বমতির বিয়ে হলো। স্বমতি এল শ্বশুর বাড়ী। শ্বশুর বাড়ীর সে একমাত্র বউ

‘দিন চলছিল। স্বামী আর স্ত্রী। স্বামী বাইরে গিয়েছিল।
স্ত্রী তখন একা। বুঝা শাশুড়ীর একটু আধটু সেবা স্বামীর
হয়। স্বামী ফিরে এলে আবার একটু সোরগোল চলে। রক্তমাংস
প্রেমিক স্বামী।

তবু কোনো কোনো নিভৃত রাত্রে স্বামতির চোখের ঘুম ছুটে যায়।
উঠে বসে দেখে, স্বামী তার অকাতরে নিদ্রিত। মনে হয়, তার
কোথায় কে যেন গান ধরেছে। সে গানের সুরে জঙ্গলের
করণ-রাত্রির বিলাপধ্বনি! তারপর মনে হয় সে গানের আ-
দুরে নয়, খুব কাছেই—এমন কি তার জানালার নীচে সরকা-
রাস্তাটার ধারেই। গান শুন্তে শুন্তে স্বামতির সর্বদা যেন অব-
হয়ে আসে, তার যেন পক্ষাঘাত হতে আর দেরি নেই! একদিন কিন্তু
হঠাৎ এ রহস্য উদ্ঘাটিত হলো। কিন্তু সে একটা অদ্ভুত গল্প—যে গল্পের
শেষ নেই।

